

xiii. F 7

BIBL. NAZ.

Vitt. Emanuele III

166

C

20

NAPOLI





111


9

19

2

DE LA  
PVISSANCE  
DV PAPE:  
ET  
*Des Libertés de l'Eglise  
Gallicane:*

Par MARC DE VVLSON, Conseiller du Roy  
en la Cour de Parlement de  
Dauphiné.



A GENEVE,  
Par JEAN de TOURNES, & JAQUES de la PIERRE.  

---

M. DC. XXXV.





## AV LECTEUR.



L y a cinquante ans passés , que ie fus receu Aduocat en la Cour de Parlement de Paris. Pendant ce temps là i'ay souuent ouy parler des Libertés de l'Eglise Gallicane, & ay tasché de m'esclaircir , & d'apprendre au vray en quoy elles consistent. Je t'offre donc, ami Lecteur, ce que i'ay trouué & remarqué sur ce subject, apres vne exacte recherche : dont le sommaire est, que ces Libertez ne sônt en effect autre chose, que ce peu qui reste aux Eglises de France du droit naturel & primitif à elles , & à toutes autres ottroyé par Iesus Christ , & par ses Apostres, & confirmé par les anciens Conciles , & qui n'a point esté vsurpé sur elles par le Pape. Tellement que par ce peu de mots elles sont distinguées des Eglises des autres Royaumes & pays , qui sont entierement sujets & asseruis au Pape , & que pour adoucir l'horreur du mot de *seruitude*, on appelle *pays d'obedience*. Et pour sçauoir en quoy le Pape a attenté contre les Eglises de France, & enjambé sur leur liberté, il

m'a falu monter plus haut, & rechercher iufques où s'estend la puiffancè legitime de l'Euefque de Rome, foit de droièt Diuin ou humain. Mais parce que en vain prendroit-on la peine d'examiner, fi tel & tel droièt leur appartient, fi tant eftoit qu'ils ne fe l'attribuaffent pas : i'ay eſtimé qu'il faloit en premier lieu ſçauoir au vray, quelle eſt l'opinion que le Pape a de ſoy meſme, & de ſon pouuoir & authorité, & ce qu'il veut & ordonne, que les autres en croyent. Et c'eſt ce qui eſt fidelement repreſenté au premier liure, par les propres paroles des Papes & de leurs adherans. Et afin qu'on ne ſ'eſtonne point, qu'en ceſt endroit les Eglifeſ de France ont autre ſentiment que le Pape, & pour monſtrer qu'elles ne ſont pas ſeules en ceſte creance, ie produis au ſecond liure, pluſieurs Eueſques de Rome, & multitude d'autres Eueſques, Docteurs & grands perſonnages adherans à la communion de l'Egliſe Romaine, qui tous ſont contraires à l'opinion du Pape touchant la puiffance qu'il attribue à Saint Pierre, & en conſequence à ſoy meſme. Au troiſieſme liure ie ſay voir en ſuite, quelles ſont les libertez des Eglifeſ des Gaules, & par quels moyens & artifices elles en ont perdu la plus grande partie : Et qu'en ce peu qui leur en reſte, elles ſont auſſi contraires à l'opinion des Papes modernes. Voyant donc tant d'Eglifeſ, & tant de grands & ſçauans perſonnages adherans à la communion  
du Pa-

du Pape, estre neantmoins de contraire opinion en ce poinct : & que d'ailleurs toutes les autres Eglises Chrestiennes esparées par tout le monde, sont principalement pour ce sujet, séparées de sa communion, & ont vne creance du tout contraire, à la sienne en ce poinct : r'ay creu estre necessaire d'examiner, si l'opinion du Pape est conforme à la Parole de Dieu, à la doctrine des Saints Peres, & à la decision des Saints Conciles : & estime d'auoir verifié clairement au quatriesme liure, qu'elle est contraire à l'Escripture Sainte. Au cinquesme, que les anciens Peres Grecs & Latins, sont aussi de contraire aduis. Et finalement au sixiesme, qu'aucun des Anciens & Saints Conciles n'est conforme à icelle. Tout ce que dessus ay-je fait en rapportant fidelement, & de mot à mot, les sentences & dire des Papes, Euesques, Docteurs, Peres & Conciles, sans m'estendre en discours. Et de là chaqu'un peut conclurre aisément, que c'est à tort qu'on accuse d'heresie ou de schisme, soit les Eglises de France, ou autres, qui tiennent que l'Euesque de Rome n'a aucun pouuoir sur les choses temporelles des Roys, & Princes, & quant aux choses spirituelles, ou Ecclesiastiques, que son pouuoir est limité, & qu'il est inferieur aux Conciles. Et au contraire, qu'elles peuuent & doiuent conseruer ce peu de liberté qui leur reste, & tascher de recouurer par la faueur & autorité du Roy, ce qui

en a esté vſurpé & enuahî contre tout droit Diuin & humain. Et qui plus eſt, puisque le Pape erre en ce poinct ſi important, & duquel pluſieurs autres dependent, il ſ'enſuit infailliblement qu'il peut errer és autres. S'enſuit auſſi que les Eglîſes, qui dè- nient à l'Eueſque de Rome tout pouuoir ſur les autres Eglîſes, voire meſmes toute primauté, & le ré- dent egal aux autres Eueſques, ſont fondées ſur la parole de Dieu. Et celles qui luy accordent la primauté ſeulement, ont ſuiui la deciſion & determination des Conciles, qui en cela ſe ſont conformés à l'ordre politique lors eſtabli. Tu en feras, à mon aduis, ce iugement, ami Lecteur, ſi tu prends la peine de lire ~~ceſt oeuvre ſans paſſion~~, & avec deſir d'embrâſſer la verité, lors que tu en auras la con- noiſſance. Je prie Dieu de tout mon cœur de t'en faire la grace, & que ce mien labeur puiſſe ſeruir à l'eſclairciſſement de la verité, & à l'auancement de la gloire de Dieu, qui eſt le ſeul & vnique but que ie me ſuis propoſé.





# SOMMAIRE

DES SIX LIVRES  
SVIVANS.

*Liure Premier,*

CONTENANT L'OPINION ET  
doctrine du Pape & des siens touchant  
sa puissance souueraine.

*Sommaire du premier Liure.*

Bref aduertissement au Lecteur.

CHAP. I. **Q**ue Dieu seul a donné immédiatement au Pape  
seul, souueraine puissance.

II. Qu'il est luge de tous, & ne peut estre jugé que de Dieu  
seul.

III. Que ses Constitutions & Decretales doiuent estre inuola-  
blement obseruées par tous.

IV. Que celuy qui messprise ou enfreint ses mandemens, ou di-  
minue ses priuileges & son autorité, ou n'est d'accord avec luy,  
commet crime d'heresie & d'infidelité, blaspheme contre le Sainct  
Esprit, est anatheme & damné.

V. Il s'appelle Dieu, l'espons de l'Eglise, & appelle ses Consti-  
tutions oracles, & s'attribue ce qui n'appartient qu'à Dieu seul.

VI. Qu'il est saint, doit estre adoré, qu'il ne peut errer.

VII. Que luy seul decide les questions de la foy, fait les liures  
Canoniques, establit nouueaux articles de foy, canonize les saints,  
ordonne les festes, absout des vœux faits à Dieu.

VIII. Que luy seul doit cognoistre & juger de ses priuileges, &

## S O M M A I R E

qu'il faut demeurer & croire à son seul dire & asserion.

IX. Qu'à luy seul appartient de conuoyer les Conciles, de les transferer, diffondre, approuuer ou infirmer.

X. Que luy seul institue les Patriarches, Primats & Archeuesques, leur octroye priuilege, leur confere le pallium ou manseau, & reçoit d'eux serment de fidelité.

XI. Que luy seul erige les Eueschez, les vnit, les diuise, luy seul transfere les Euesques, les condamne, les depose, les reconcilie, & reçoit d'eux serment de fidelité.

XII. Que luy seul peut exempter les Euesques de la jurisdiction de leurs Metropolitains, conférer aux Abbez le droit des Euesques, & aux Moines le droit des Prestres.

XIII. Que luy seul peut oster aux Conciles, Patriarches, Archeuesques, Euesques, Chappitres & Prestres, la cognoissance des choses importantes & autres qu'il luy plaist, & se les reseruer.

XIV. Que luy seul peut approuuer les nouvelles religions, dispenser contre le droit, octroyer plenières Indulgences & remissions, suspendre & reuocquer les Indulgences ja octroyees, absoudre les morts.

XV. Que luy seul peut disposer des biens & benefices Ecclesiastiques, imposer Annates sur iceux, les alier.

XVI. Qu'il a en sa puissance les deux glaiues, le spirituel & le temporel: que les Emperours luy doiuent prester serment de fidelité: qu'il peut les approuuer ou rejeter, voire depose, & aussi les Rois, que c'est luy qui succede à l'Empire, lors qu'il est vacquant.

XVII. Qu'à luy appartient d'exempter les Clercs & les Moines, de toute jurisdiction ciuile, & leur peut octroyer tel priuilege que bon luy semble.

XVIII. Qu'il peut condamner les laics, les declarer infames & incestables, les suspendre de leurs offices, les releuer d'infamie, les mettre hors de la puissance paternelle, les legitimer, abroger leurs coustumes, leur faire des loix touchant les substitutions, les quarses, &c. leur

## DES CHAPITRES.

*Et c. Leur interdire la lecture & audience du Droit civil de Iustinian : Leur ottroyer des privileges de ne pouuoir estre conuenus en certains lieux : Qu'il peut cognoistre entre les Princes de l'infraction des conuentions faites entr'eux, & du serment violé: Qu'il peut prohiber à l'Empereur & aux Rois & Princes l'investiture aux Euesques & Prelats.*

---

### LIVRE DEUXIESME, CONTENANT L'OPINION DE plusieurs Euesques de Rome, & autres Docteurs adherans à la communion de l'Eglise Romaine, contraire à celle du Pape.

Premiere partie concernant le pouuoir donné à S. Pierre.

CHAP. I. *Que les autres Apostres ont esté egaux en puissance & authorité à S. Pierre, & que l'Apostolat est la supreme & souueraine dignité de l'Eglise, & comprend en soy toutes les autres.*

II. *Du passage de S. Mathieu 16. v. 18. Tu es Pierre, & sur ceste Pierre j'edifieray mon Eglise, & si Pierre est seul le fondement de l'Eglise & non les autres Apostres.*

III. *Du passage de S. Mathieu ch. 16. v. 19. Je te donneray les clefs du Royaume des cieux: Et si les clefs ont esté données à Pierre seul, non aux autres Apostres.*

IV. *Du passage de S. Iean, chap. dernier, vers. 15: Pay mes brebis, & de la triple repetition.*

V. *Du passage de S. Mathieu, ch. 17. v. dernier, Baille le statere pour moy & pour toy,*

## SOMMAIRE

VI. *Du passage Marc dernier, v. 7. Dites à ses disciples & à Pierre.*

VII. *Des passages Matthieu 10. v. 2. Le premier nommé Simeon & André son frere. & Galat. 2. vers. 9. & Jaques, Cephas & Iean.*

VIII. *Du passage Luc 22. v. 31. & 32. J'ay prié pour toy, que ta foy ne defaille point : toy donc, quand quelquefois tu seras conuerti, confirme tes freres.*

IX. *Du passage Actes 8. v. 14. Les Apostres enuoyèrent à ceux de Samarie Pierre & Iean : Et si les Apostres ensemblement n'auoyent pas plus de pouuoir que Pierre seul.*

X. *Du passage de S. Paul, Galat. 2. v. 6. Et n'ay aucune chose differente de ceux qui semblent estre quelque chose : & de l'egalité entre Pierre & Paul.*

XI. *Si Pierre receut de Christ quelque pouuoir sur les choses temporelles : & s'il a esté exempt de la juridiction : civile.*

XII. *Si Pierre seul a esté fait Euesque par Christ, & les autres Apostres par Pierre : Et si les Euesques ont immediatement leur juridiction de Christ ou de Pierre, presupposant que les Apostres ayent esté faits separément Euesques & Prestres, ce qui n'est point.*

XIII. *Que Pierre ne presida pas au Synode tenu en Ierusalem par les Apostres & Anciens, Act. 15.*

XIV. *Que Pierre mesme a disputé avec les autres Apostres, lequel d'entr'eux estoit le plus grand.*

Seconde

## DES CHAPITRES.

---

Seconde partie concernant la puissance & autorité du Pape & de l'Eglise Romaine.

CHAP. I. *Que les Euesques de Rome, & encor plusieurs des autres, n'ont point esté de l'opinion des papes modernes touchant la puissance qu'ils s'attribuent.*

II. *Que plusieurs Euesques, Docteurs & autres grands personnages, faisant profession d'adhérer à la communion de l'Eglise Romaine, n'ont pas esté de l'advis des papes modernes touchant le pouvoir qu'ils s'attribuent.*

---

## LIVRE TROISIESME.

Des libertez de l'Eglise Gallicane, pour mon-  
strer que les Eglises des Gaules n'ont  
jamais esté de l'opinion  
du Pape.

CHAP. I. *Que durant les trois premiers siècles, les Eglises des Gaules ont jouy entierement de leur liberté Ecclesiastique.*

II. *Que les epistres Decretales attribuées aux premiers Euesques de Rome, sont fausses & supposées.*

III. *Du grand Concile conuoqué par Constantin en la ville d'Arles, pour juger l'appel interjeté par les Donatistes de la sentence de Miltiades Euesque de Rome.*

## SOMMAIRE

IV. Du Code des canons de l'Eglise vniuerselle, & du Code ancien des canons de l'Eglise Romaine.

V. Du retranchement fait audit Code Romain de partie du dernier canon du Concile de Laodicée.

VI. Du retranchement fait audit Code Romain des trois derniers canons du Concile de Constantinople.

VII. Du retranchement fait audit Code Romain des canons du Concile d'Ephese.

VIII. Du retranchement fait audit Code Romain des deux derniers canons du Concile de Chalcedoine.

IX. Des canons attribuez aux Apostres, & pourquoy les cinquante premiers ont esté adjoustez au Code Romain, & non les trente cinq derniers.

X. Du Concile de Sardigne adjousté au Code Romain.

XI. Des canons des Conciles d'Afrique adjoustez au Code Romain.

XII. Des epistres decretales des Papes adjoustées aux canons de l'Eglise Romaine.

XIII. Du Concile ou Conciles de Rome sous Sylvestre Pape.

XIV. De la donation faite par Constantin le Grand à l'Eglise & à l'Euesque de Rome.

XV. Des capitulaires de Charlemagne, & Louys le Pieux Rois de France & Empereurs.

XVI. Que durant les neufvième, dixième, onzième, douzième, siècles, les Eglises des Gaules perdirent beaucoup de leur liberté, & par quels moyens.

XVII. Du Decret de Gratian & du corps du Droit canon.

XVIII. Des attentats faits par les Papes contre l'autorité de nos Rois & libertez de nos Eglises au treizième siècle, sous pretexte de l'extirpation des Albigeois.

XIX. Du grand prejudice fait à la liberté des Eglises des Gaules

## DES CHAPITRES.

Gaules par l'approbation des Moines, Dominicains & Franciscains, & par les grands priuileges à eux octroyez par le Pape.

XX. Des oppositions & resistances faites aux entreprises & attentats des Papes es derniers siecles par nos Rois, par les Eglises, Vniuersitez & Parlements de France.

XXI. Sommaire des Maximes de l'Eglise Gallicane du tout contraires à la doctrine des Papes touchant le pouuoir & authorité qu'ils s'attribuent.

---

## LIVRE QVATRIEME.

Que l'opinion du Pape touchant la puissance qu'il attribue à S. Pierre, est contraire à la Parole de Dieu.

CHAP. I. Que Iesus Christ n'a pas donné à S. Pierre plus de pouuoir & authorité qu'à ses autres Apostres.

II. Que les autres Apostres n'ont point creu que Iesus Christ, soit deuant ou apres sa resurrection eust establi ou promis d'establi S. Pierre chef de l'Eglise & leur souuerain, & ne l'ont point reconnu pour tel.

III. Que S. Pierre n'a pas creu que nostre Seigneur l'eust constitué, ou promis de le constituer chef des autres Apostres & de toute l'Eglise, & qu'il n'a exercé aucun tel pouuoir de jurisdiction, soit en qualité d'Apostre, ou de pretendu Euesque de Rome, ou autrement.

IV. Que les passages de la sainte Escriure employez pour le Pape pour l'establissement de sa puissance souueraine, sont alleguez mal à propos, & ne luy peuuent seruir.



# SOMMAIRE

## LIVRE CINQVIEME.

Que les Peres sont contraires à l'opinion du Pape  
touchant la puissance qu'il attribue à S.  
Pierre & à soy mesme.

**C**HAP. I. *Que S. Pierre n'a pas eu plus de pouuoir & authorité que les autres Apostres, & que l'Apostolat est la supreme dignité de l'Eglise, & comprend toutes les autres.*

II. *Du passage de S. Matihieu 16. v. 18. & 19. Tu es Pierre, & sur ceste Pierre, &c. Et, le te donneray les clefs du Royaume des cieux.*

III. *Du passage de S. Iean dernier, v. 15. & de la triple repetition m'aimes-tu: Pay mes brebis.*

IV. *Du passage de S. Luc 22. v. 31. & 32. J'ay prié pour toy que ta foy ne defaille point: toy donc quand quelquefois tu seras conuerti, conferme tes freres.*

V. *Que les Peres en particulier n'ont point reconnu la souveraineté de l'Euesque de Rome, mesmes es choses ecclesiastiques ou spirituelles.*

VI. *Si la primauté a esté ostroyée ou accordée à l'Euesque ou Eglise de Rome par Iesus Christ, ou par les Conciles, c'est à dire, si elle est de droit divin, ou positif & humain: & si c'a esté cause de la primauté de S. Pierre, ou à cause de la primauté de la ville de Rome.*



# DES CHAPITRES.

## LIVRE SIXIEME.

Que les Conciles ne sont point de l'opinion du  
Pape touchant la puissance qu'il  
l'attribue.

**C**HAP. I. *Du Concile tenu par les Apostres en Ierusalem,*  
Actes 15.

II. *Des canons attribuez aux Apostres.*

III. *Des Conciles tenus au 2. siecle apres la Nativité de no-  
stre Seigneur Iesus Christ, touchant le different du jour de la Pas-  
que.*

IV. *Des Conciles nationaux d'Afrique, tenus au troisieme  
siecle, sur le different concernant ceux qui auoyent bronché durant  
la persecution : & touchant le baptesme des heretiques.*

V. *Du grand Concile conuoqué par l'Empereur Constantin  
en la ville d'Arles.*

VI. *Du Concile de Nicée premier œcumenique.*

VII. *Des Conciles d'Antioche.*

VIII. *Du Concile de Sardique.*

IX. *Du premier Concile de Constantinople, qui est le 2. uni-  
uersel.*

X. *Du Concile de Turin : Et du premier Concile de To-  
lede : & du troisieme Concile de Carthage.*

XI. *Du Concile Mileuitain en Numidie d'Afrique.*

XII. *Du troisieme Concile de Carthage, commençant Cæ-  
sario & Attico.*

XIII. *Du quatrieme Concile de Carthage commençant Au-  
gusto Honorio quarto, & Eutychiano Consulibus. Et du  
cinquieme qui commence, post Consulatum.*

## SOMMAIRE DES CHAPITRES.

XIV. *Du septiesme concile d'Afrique, auquel tous les precedents furent reueus.*

XV. *Du premier Concile d'Ephese, qui est le troisieme vniuersel.*

XVI. *Du concile d'Antioche.*

XVII. *Du concile de Chalcedoine quatriesme vniuersel.*

XVIII. *Du concile de Constantinople, qui est le cinquieme œcumenique.*


XIX. *Des conciles de Constantinople sixiesme & septiesme œcumeniques.*

XX. *Des conciles tenus à Constantinople au commencement du huitiesme siecle sur le fait des images : & du 2. concile de Nicée, & du concile de Francfort.*

XXI. *Du concile de Pise.*

XXII. *Du concile de Constance.*

XXIII. *Du concile de Basle, & du concile & assemblée de Bourges.*



# LIVRE PREMIER

*Contenant*

## L'OPINION ET DOCTRINE

### DV PAPE ET DES SIENS

touchant sa Puissance.

*Aduertissement aux Lecteurs.*



Es Dogmes & Axiomes des Papes & de leurs Docteurs & sectateurs, touchant la puissance qu'ils s'attribuent, que nous auons fidellement recueillis de leurs liures & escripts, & tournez en François de mot à mot, sont tellement connexes, qu'à peine peut on parler de l'un s'as toucher aux autres. Voila pourquoy, bien que nous les ayons distinguez par Chapitres, pour plus de facilité; toutesfois nous auons esté contrains de mettre quelque fois le dire d'un Pape, ou Docteur, sous vn Chapitre qui pourra sembler appartenir à l'autre: d'autant mesmes que nous auons voulu mettre leurs sentéces ou periodes toutes entieres. Vous serez aussi aduertis, que les Papes & les leurs disent & presupposent pour tout assuré, que tout ce qui a esté dit & ottroyé à S. Pierre par nostre Seigneur, a esté dit & ottroyé à l'Euesque de Rome, au Siege Romain, à l'Eglise Romaine, au successeur de S. Pierre, au souuerain Pontife, au Siege Apostolique, au Pape: prenant tous ces mots pour vn: comme si c'estoit vne mesme chose, & comme si l'Euesque de Rome estoit seul Successeur de S. Pierre, seul Souuerain Pontife, & l'Eglise de Rome seule le Siege Apostolique. Mais le contraire sera monstré és liures sui-uans.

Que Dieu seul a donné immédiatement au Pape  
seul souveraine Puissance.

PAPES.

I. **N**ICOLAS II. au premier Canon de la Dist. 22.  
celuy seul fonda l'Eglise Romaine, & l'erigea  
sur la pierre de la foy incontînēt naissante, qui  
commit au bienheureux porte-clefs de la vie  
eternelle S. Pierre les droicts de l'Empire ter-  
rien & celeste.

II. Gregoire VII. en ses Dictats liu. 2. apres l'Epistre 55. Que  
l'Eglise Romaine est fondee par le seul Seigneur: Que le seul Pon-  
tife Romain à bon droit est appelé *uniuersel*.

Voy liu. 2. part. 2. chap. 1. n°. 22. & 23. où Pelage II. & Gregoire I.  
disent le contraire.

III. Gelase au c. *quamuis*, 3. dist. 21. La sainte Eglise Romaine,  
Catholique & Apostolique, n'a point esté preseruee aux autres E-  
glises par aucunes constitutions Synodales: mais par la voix Evan-  
gelique du Seigneur & nostre Sauueur, elle a obtenu la primauté,  
disant, Tu es pierre, &c. auquel fut associé le bienheureux Paul  
vaisseau d'election. Le premier siege donc de Pierre l'Apostre,  
c'est l'Eglise Romaine, n'ayant aucune macule, ni ride, ni chose  
semblable.

Ains parce que Antioche, qui estoit la premiere, lui a cedé, inf.  
num. 8.

IV. Anacler dist. 22. can. 2. La sacrosainte Eglise Romaine &  
Apostolique a obtenu, non des Apostres, † mais de nostre Sei-  
gneur Sauueur la primauté & l'eminence de puissance sur toutes  
les Eglises, & sur tout le troupeau du peuple Chrestien, ainsi que  
lui mesme dit au bien-heureux Pierre Apostre, *Tu es pierre, & sur*  
*cette pierre* &c. Et tout ainsi que la porte est regie par le gon: ainsi  
suiuant la disposition du Seigneur, toutes les Eglises sont regies  
par l'autorité de ce saint Siege.

† S. Pierre n'estoit pas donc Apostre, par le fait duquel Rome  
a eu la primauté inf. hic, n°. 21. & chap. 11. n°. 1. & liu. 2. part. 2. cha.  
1. n°. 3. 4. & 19.

v. Calixte au can. *non decet*, dist. 12. Nul ne doute que l'Eglise Apostolique ne soit la mere de toutes les Eglises, des regles de laquelle il n'est aucunement permis de se destourner.

vi. Gregoire I. v. au can. *præceptis*, dist. 12. Nul ne doute, qu'il ne faille rapporter au siege Apostolique, comme au chef des Eglises, non seulement la causation Pontificale, mais aussi la relation de toute sainte Religion, & prendre la regle de là, d'où il a prins commencement, afin de ne sembler obmettre le chef de l'institution.

vii. Gregoire vii. au can. *quis*, 9. dist. 96. Qui doute, que les Prestres de Christ ne soyent tenus peres & precepteurs des Rois & Princes, & de tous fideles? N'est-ce pas vne miserable folie, si le fils s'efforce de subjuguier son pere, & le disciple son maistre, & par des obligations iniques reduire sous sa puissance celuy duquel il croit pouvoir estre lié ou deslié, non seulement en la Terre, mais aussi és Cieux?

viii. Marcel au c. *rogatus* 24. q. 1. Si l'Eglise d'Antioche, qui estoit la premiere, a cédé à la Romaine, il n'y en a aucune qui ne soit sujette à sa jurisdiction.

Mais la Romaine a tousiours esté la premiere sup. n. 3. 4.

ix. Innocent ii. au chap. *solita* 6. de *majorit. & obed.* Dieu a fait deux grands luminaires, c'est à dire, a institué deux grandes dignitez, qui sont l'autorité Pontificale, & la puissance Royale. Mais celle-là qui preside aux jours, c'est à dire, aux choses spirituelles, est la plus grande: & celle qui preside aux choses charnelles, est la moindre. Tellement qu'il y a autant de difference entre les Pontifes & les Rois, qu'il y a entre le Soleil & la Lune. Et tout ainsi que la Lune tire sa lumiere du Soleil, & veritablement est moindre que luy, en quantité, qualité, & situation, & effect: Aussi la puissance Royale tire la splendeur de sa dignité de l'autorité Pontificale, & tant plus elle en approche, tant moins paroist sa lumiere, & tant plus elle s'esloigne de sa veüe, tant plus augmente sa splendeur.

x. Luy mesme au chap. *per venerabilem* 13. qui *filij sunt leg.* Celuy est juge sur eux, auquel le Seigneur a dit en Pierre, Tout ce que tu lieras sur la terre, sera lié és Cieux: son Vicaire, qui est Sacrificateur eternellement selon l'ordre de Melchisedec, est constitué de Dieu juge des vivans & des morts.

x i. Nicolas iiii. au ch. *fundamenta* 17. de *elect.* in 6. Le Seigneur ayant prins Pierre en compagnie d'induidue vnité, voulut qu'il fust appellé ce que luy mesme estoit, disant, Tu es pierre, & sur ceste pierre j'edifieray mon Eglise. Ceste ville ( Rome ) fut rendue chef de tout le monde, par \* le sacré siege de S. Pierre. Mais afin que la mere Eglise ne fust destituee des aides temporelles, l'Empereur Constantin, pour la fortifier aucunemēt, conceda à Syluestre la disposition de la ville de Rome, & ottroya aux Pontifes Romains la Monarchie de l'vne & l'autre puissance en ladite ville.

\* Mais par Christ sup. n°. 1. & inf. n°. 13. & 14. Voyle ch. 14. du liure 3.

x ii. Boniface viii. au chap. *si Papa* 10. de *privil.* in 6. De droit & commun toutes les Eglises espandues par le monde appartiennent à l'Eglise Romaine.

x iii. Innocent iv. au chap. *salicis* 5. per *hoc*, de *panis* in 6. l'Eglise Romaine par la disposition du Seigneur, est le chef & la maistresse de toutes les Eglises.

x iv. Jean x xii. en l'extrauagante *si fratrum*, ne *sede* *vac.* Dieu mesme a commis au Souuerain Pontife en la personne de l'heureux Pierre les droits de l'Empire terrien & celeste.

x v. Le mesme Jean x xii. *es extrauag. communes*, chap. *unic. de consuetudine*. Le Pontife Romain est constitué de Dieu sur les gens, & sur les Royaumes, &c. Qu'il a receu cet office & puissance non d'aucun homme, mais de Dieu &c. Nous ordonnons que toutes personnes de quelque preeminence, condition & estat qu'elles soyent, reçoient nos Legats que nous enuoyerons en diuerses parties du monde, pour de nostre part corriger les erreurs, applanir les choses raboteuses, & ministrer les commencemens de salut aux peuples à eux commis : Et qu'ils ne puissent estre empeschés par aucun d'entrer librement és Royaumes, prouinces & terres quelconques, où ils seront par nous destinez, & exercer en icelles la charge à eux cōmise, les empeschans encourrōt de faict sentence d'excommunication, nonobstant quelconques indulgences ou priuileges concedez aux Empereurs & Rois.

x vi. Martin v. *es Actes du Concile de Sienne*, & *es Memoires* & Instructions qu'il donna à ses Legats enuoyés à l'Empereur de Constantinople, se qualifie soy-mesme tres-sainct & beatissime, qui a l'arbitrage celeste, qui est Seigneur en terre, Successeur de Pierre, le Christ du Seigneur, le Seigneur de l'vniuers, le Pere des Rois,

Rois, la Lumiere du monde, le Souuerain Pontife.

xvii. Nicolaus I. à l'Empereur Michel *Epist.* 8. Ni le Synode de Nicee, ni aucun autre n'a cōferé aucun priuilege à l'Eglise Romaine, qui scauoit qu'en Pierre elle auoit pleinement marié & acquis tous les droicts de puissance, & receu le gouuernement de toutes les oütilles de Christ.

## DOCTEURS.

xviii. Bellarmin au premier liure du Pontife Romain chap. 9. §. *At Papa solum*, La charge de tout le monde Chrestien a esté baillée au Pontife Romain : & il a ceste totale & pleniere puissance que Christ a laissée en terre pour l'utilité de l'Eglise.

xix. Luy mesme en la Preface du liure de *Rom. Pont.* Le Siege Romain est ceste pierre angulaire, fondée au fondement.

Et toutesfois Thom. d'Aquin en son Commentaire sur le 1. ch. de la premiere Epistre de S. Pierre : & Peterius sur Daniel. li. 1. parant de ce passage d'Esaye disent, Ceste pierre est Christ seul.

xx. Le mesme Bellarmin li. 1. chap. 12. §. 28. de *Rom. Pont.* Le Pape mourant, les clefs ne perissent point : & toutesfois elles ne demeurent point formellement en l'Eglise, sinon entant qu'elles ont esté communiquées aux Ministres inferieurs : mais demeurent es mains de Christ. Et quand vn nouveau Pōtife est esleu, ni lui n'apporte point les clefs, ni aussi elles ne luy sont pas données par l'Eglise, mais par Christ, non par nouuelle tradition, mais par l'ancienne institution. Car lors qu'il les donna à Pierre, il les donna aussi à tous ses Successeurs. De mesme que si quelque Roy en donnant vn Viceroy à vne Prouince, declaroit sa volonté estre, que apres sa mort ils en esleussent & nommassent vn autre, auquel dès maintenant il donnoit le mesme pouuoir qu'il auoit concedé au premier.

1. Bon, si cela auoit esté dit par Christ : car qui esliu ne donne rien.
2. Et si l'Eglise vniuerselle, à laquelle seule on pose cela auoir esté dit, esliuist le Pape, & non des particuliers creéz par le Pape mesme ; ausquels Christ n'en a donné pouuoir : comme si non les Estats d'une Prouince, mais quelques vns seulement choisis par ce Viceroy eslisoyent ce Successeur.
3. Et qui plus est, Bellarmin mesme au §. suivant dir, que le fait de Pierre, non l'institution de Christ, est cause que l'Euesque de



Rome est Successeur de S. Pierre. Il faisoit donc poser le cas que ce Roy pouruoiant vne Prouince d'un Lieutenant ou Viceroy, luy ait aussi donné le pouuoir de se choisir vn Successeur, & non à ceux de la Prouince ou aux Estats d'icelle: mais de cela rien du tout.

4. Et luy mesme encor au §. 33. dit, Que par l'institution de Christ la dignité Pontificale estoit personnelle à Pierre. D'où s'ensuit que Christ n'aubit point donné ce pouuoir & à Pierre & à ses Successeurs: car ainsi il n'eust pas esté personnel.

xxi. Bellarmin encor au liu. 4. chap. 6. §. *Locus secundus*. Lier signifie imposer Loy. Le Seigneur donc promettre à Pierre que tout ce qu'il lieroit, c'est à dire, quelle obligation qu'il imposeroit aux fidelles en leur commandant, seroit lié & au Ciel, c'est à dire, qu'il l'approuuera. Donc le commandement de Pierre est le commandement de Christ.

xxii. Pierre Bertrand en son Addition à la glose de l'Extravagante *vnam sanctam*, de *majoris. & obed.* Christ met en sa place le Souuerain Pontife, comme est dit Matth. 16. & 24. q. 1. c. *quodcumque*. Or à Christ auoit esté donnée toute puissance au ciel & en la terre, Matth. 18. Donc le Souuerain Pontife, qui est son Vicaire, a ceste mesme puissance, cap. *quanto extra de Translat. Episc.* Car nostre Seigneur ne sembleroit pas auoir esté discret ( afin que je parle avec reuerence ) sinon qu'il eust laissé apres soy vn seul qui peust toutes ces choses.

xxiii. La glose sur ledit chap. *quanto*, en ces mots: *Veri Dei vicem*: De là procede qu'il est dit auoir la puissance celeste, & partant il change la nature des choses, en appliquant les choses substantielles d'une chose à l'autre, & de rien il peut faire quelque chose, & fait valable la sentence qui est nulle: d'autant, que en tout ce qu'il veut, sa volonté luy est pour raison, & n'y a aucun qui luy puisse dire, Pourquoi fais-tu cela? car il peut dispenser par dessus le droit. Luy mesme peut en corrigeant & changeant les droits, faire de l'injustice, iustice: & il obtient plenitude de puissance.

xxiv. Alexandre Pefantius au liu. de *immunit. Eccl. & pot. Rom. Pontif.* Le souuerain Pontife a de droit diuin plenissime puissance sur tout le rond de la terre, & aux choses Ecclesiastiques & aux Politiques. Et en marge est escrit: Le Pape est directement de droit diuin Seigneur de tout le monde.

xxv. Baronius, *anno 216. mm. 12.* l'Euesque du premier Siege n'est



n'est pas seulement le souverain Prestre de la ville, mais aussi de tout le monde: & de plus, a esté constitué de Dieu l'arbitre des choses diuines & humaines, reluit par dessus tous en puissance judiciaire, & fort à propos a esté appellé Souuerain Pontife & Euesque des Euesques.

Pelagius 1. & Gregoire 1. ne sont pas de cet aduis inf. liu. 2. part. 2. chap. 1. n°. 22. & 23.

xxvi. Luy mesme en l'an 1124. L'homme Apostolique Otton scauoit tresbien, que d'enuoyer vn Apostolat aux Gentils, cela appartenoit seulement à l'authorité du premier Siege Apostolique, du Successeur de Pierre & Vicaire de Christ.

xxvii. Le dernier Concile de Latran en la dixiesme Session dit, que le Pape a toute puissance au ciel & en la terre.

xxviii. Mendoza *in quest. Schol.* Le Pape est plus grand que les Saints qui sont au Ciel, voire que les Anges, voire que toute l'Eglise ensemble.


xxix. Dionysius à Richel au liure de l'*auth. des Papes* art. 10. C'est au Seigneur Pape à gouverner toute l'Eglise militante, la juger, purger, illuminer, parfaire, luy commander & imposer loy, comme souverain & vniuersel Pasteur, Prince, Pontife, Chef, Epoux, & Pere illuminateur & perfecteur.

xxx. Antonin Archev. Flor. 3. *part. summ. tit. 22. c. 5.* La puissance du Pape est plus grande que toute autre puissance créée apres la puissance de Christ (côme si la puissance de Christ estoit créée) s'estendant en quelque façon aux choses celestes, terrestres & infernales. Tellement que de luy peut estre verifié ce qui est dit de Christ au Psea. 8. Tu as assujetti toutes choses sous les pieds d'iceluy: les brebis & les bœufs, les bestes des champs, les oiseaux du ciel, & les poissons de lamer, & fort à propos; car il est Vicaire de Christ: quant aux terrestres, il dit, brebis & bœufs des champs; quant aux celestes, il dit, les oiseaux: quant aux infernales, les poissons.

## CHAPITRE II.

Que le Pape ne peut estre jugé que de Dieu seul : mais  
qu'il est luge de tous hommes.

PAPES.

I.  YMMACHVS au can. *aliorum* 9. q. 3. Dieu a voulu que les causes des autres hōmes soyent terminees par les hommes ; mais il a reserué à son jugement les prelatz de ce siege ( Romain : ) Il a voulu que les Successeurs du bienheureux Pierre l'Apostre ne soyent tenus de rendre compte de leur innocence sinon au ciel, & de faire apparoir de l'integrité de leur conscience à la recherche du tres-subtil scrutateur &c. A ce siege sont soumis les fideles, entant qu'il est designé chef de tout le corps.

II. Anterus au can. *facta* 9. q. 3. les faicts des subjects sont jugez par nous, mais Dieu juge les nostres.

III. Nicolas I. au c. *Satis*, dist. 96. De tout ce que dessus bien colligé, est monsté euidemment, que la puissance seculiere ne peut aucunement dessier ou lier le Pontife, lequel il conste auoir esté appellé Dieu par le pieux Constantin, veu qu'il est manifeste, que Dieu ne peut estre jugé par les hommes.

Constantin parloit à tous les Euesques assemblez à Nicee en general, & non en particulier à l'Euesque de Rome, qui mesme n'y estoit pas.

IV. Le mesme au can. *Nemini* 17. q. 4. Nul ne peut juger du jugement du siege Apostolique, & n'est permis à aucun de retracter sa sentence, à cause de la primauté de l'Eglise Romaine, concedée diuinement par le benefice de Christ en la personne du Beat Pierre Apostre.

V. Innocent II. au c. *Nemo* 9. q. 3. Nul ne jugera le premier siege : car le luge ne sera point jugé ni par l'Empereur, ni par tout le Clergé, ni par les Rois, ni par le peuple.

VI. Nicolas au can. *Nunc* 7. dist. 21. Le premier siege ne sera jugé par aucun.

VII. Luy mesme au c. *pates* 9. q. 3. Il est euident, que le jugement du siege Apostolique ne peut estre retracté par aucun : & personne

personne ne peut juger de son jugement.

VIII. Boniface VIII. en l'Extravag. *unam sanctam*, de major. & obed. in commun. Si la puissance terrienne se devoie, elle sera jugée par la puissance spirituelle : mais si la spirituelle vient à errer, la moindre sera redressée par la supérieure : mais la supreme sera jugée, non par les hommes, mais par Dieu seul, suivant le témoignage de l'Apostre, L'homme spirituel juge toutes choses, mais il n'est jugé de personne.

1. Cor. chap. 2. v. 15. comme si le Pape seul estoit appelé par S. Paul, homme spirituel, & tous les autres, mesmes les Apostres & les Saints, homme animal.

IX. Gregoire VII. en ses Dictats liu. 2. apres l'Epistre 55. Que la sentence du Pontife Romain ne doit estre retractée par aucun. Et que luy seul peut reuoquer les sentences de tous: qu'il ne peut estre jugé de personne.

X. Paul II. au rapport de Platine en sa vie, Ainsi nous renuoyes-tu aux Juges, comme si tu ne sçauois pas que nous auons tous les droicts au cabinet de nostre poitrine? Je suis Pontife, & il m'est licite de reuoquer, ou approuuer, ainsi qu'il me plaist, les fautes d'autrui.

#### DOCTEURS.

XI. Boniface Legat du Pape au can. *si Papa*, dist. 40. Si le Pape est trouué negligent de son salut, inutile, taisant le bien, en quoy il se prejudicie d'auantage, & à tous, & neantmoins il emmeine avec soy par bandes, innombrables peuples, pour estre battus eternellement de plusieurs playes avec luy en enfer : Que toutesfois icy aucun homme mortel n'entreprenne de redarguer les fautes, parce que luy qui doit juger tous les hommes, ne peut estre jugé par aucun, sinon † qu'il soit trouué se destourner de la foy.

† Et qui fera ceste enqueste ?

XII. La glose sur le can. *Nemo* 9. q. 3. Le Concile ne peut pas juger le Pape. Tellement que si en quelque jugement tout le monde estoit de contraire opinion à celle du Pape, il semble qu'il faudroit se tenir à la sentence du Pape.

XIII. Jean Hieronymus Albanus au liure 1. de potest. Concilij. Il ne se peut trouuer aucun cas, auquel veritablement on puisse

dire que la puissance du Concile est plus grande que celle du Pape.

x i v. Carranza en la 4. *Controuerse*, Il n'y a aucun crime pour lequel le Pasteur de l'Eglise vniuerselle puisse estre jugé ou depose par aucun Concile d'Euesques. Et l'autorité de tous les Conciles est soubsmise à l'autorité du siege Apostolique, & des Pontifes Romains, & depend necessairement d'icelle.

x v. Bellarmin au liure 2. de *Rom. Pont.* chap. 26. §. 2. Le Pontife Romain, à raison seulement de son Pontificat, bien qu'il n'auoit aucune Seigneurie temporelle, ne pourroit, en façon que ce soit, estre jugé en terre, par aucun Prince Chrestien, Seculier ou Ecclesiastique, ni par tous ceux qui seroyent assembles en Concile. Et au 2. liure des *Conciles* chap. 19. Le Pape le doit dire à l'Eglise, c'est à dire à soy mesme.

x v i. Hugo de S. Victor De *Sacram.* part. 2. La puissance spirituelle juge la terrienne, mais elle ayant esté premierement instituée de Dieu, venant à faillir, ne peut estre jugée que de Dieu seul.

x v i i. Iean Capistran au liure de *Pape & Concil.* *au thor.* Le Pape regit toutes choses, les dispose, & les juge, comme il luy plaist, parce qu'il n'y a aucun qui luy puisse dire, Pourquoi fais-tu cela? Enuers Dieu, & le Pape, suffit la volonté pour raison. Le Pape est par dessus tous, comme celuy qui est venu du ciel, car celuy qui est venu du ciel, est par dessus tous, comme est dit *Iean* 3. Donc il ne peut estre jugé d'aucun sinon de Dieu.

x v i i i. Hostiensis in c. *proposuit de concess. prob.* & Decius au *Conseil* 151. de la premiere partie num. 1 disent que cesté seconde partie de la regle de Christ, qui porte, Et si l'en n'escoute, dis-le à l'Eglise, n'a point de lieu au Souuerain Pontife de l'Eglise triomphante & celeste.

Et comme poutray-je scauoir, qu'il n'aura point escouté l'Eglise, pour le tenir comme Ethnique ou peager?


x i x. La glose sur le canon *Ness.* 2. q. 7. Le Pape ne peut pas estre depose par les autres, mais il peut se depoler soy mesme.

x x. Gratian au canon *Petrus* 2. q. 7. Quand S. Pierre fut accusé, il n'estoit point tenu de se justifier, parce qu'il auoit receu de Iesus Christ vne puissance royale, ains qu'il auoit respondu à l'accusation par humilité.

## CHAP. III.

*Que ses Constitutions & Decretales doiuent estre inuiolablement obseruées par tous.*

## PAPES.

- I.  STIENNE au canon *Enimvero* dist. 19. Tout ce que decrete l'Eglise Romaine, & tout ce qu'elle ordonne, doit perpetuellement & inuiolablement estre obserué par tous.
- II. Agatho au can. 2. dist. 19. Il faut ainsi recevoir les sanctions du siege Apostolique comme si elles estoient cōfirmées par la voix mesme du diuin Pierre.
- III. Gregoire I v. au can. *Nylli*, dist. 19. Il n'est loisible à aucun, de vouloir, ou pouuoir transgresser les preceptes du siege Apostolique. Soit donc accablé de la douleur de sa ruine, quiconque voudra contreuenir aux Decrets Apostoliques.
- IV. Nicolas premier au c. *Consequens*, dist. 11. Ce qui est ordonné de pleine autorité par les Recteurs de ce siege (Romain) ne soit changé pour cause de quelque coustume que ce soit, mais gardé entierement & inuiolablement.
- V. Gregoire I x. au chap. *quoniam* 13. de *constit.* La constitution du siege Apostolique oblige toutes personnes.
- VI. Nicolas au c. 1. dist. 19. Les Decretales des Pontifes, bien que non contenues au corps des Canons, doiuent estre receuës & gardées: Et si quelqu'un les transgresse, qu'il sçache qu'à l'aduenir tout pardon luy sera desnié.
- VII. Clement v. *és Extrauag. communes, quia nonnulli, de sentent. excom.* Ceux-là sont excommuniez qui debattent les lettres concedées par le Pape, mesmes auant sa coronation.
- VIII. Gregoire VII. en ses *Dictais*, liure 2. apres l'Epistre 55. Que le nom du Pape seul soit recité *és Eglises*: que le nom du Pape est vnique au monde.

## DOCTEURS.

- IX. Bellarmin liu. 4. chap. 15. *De Rom. Pont.* Le Souuerain Pontife a jurisdiction vrayement coactiue, tellement qu'il peut faire

loix qui obligent en conscience, & juger & punir les transgresseurs. Il peut contraindre les fideles, de faire ou croire ce qu'il jugera. Et au 5. dernier, Les Euesques en leurs Dioceses, & le Romain Pontife en toute l'Eglise, sont vraiment Princes Ecclesiastiques, qui peuuent de leur autorité mesmes sans le consentement des peuples, ou le conseil des Prestres, faire des loix qui obligent en conscience, juger es causes Ecclesiastiques, à la façon des autres juges; & en fin punir.

## CHAP. IV.

*Que celuy qui mesprise ou enfrein ses mandemens, ou diminue ses priuileges & son autorité, ou n'est d'accord avec luy, commet crime d'heresie & d'infidelité, blaspheme contre le S. Esprit, est anatheme & damné.*

## PAPES.



**N**ICOLAUS II. au CAN. 1. dist. 22. Celuy qui s'esforce d'oster le priuilege à l'Eglise Romaine qui luy a esté concedé par le souverain chef de toutes les Eglises, tombe infailliblement en heresie, & doit estre appellé heretique.

II. Gregoire VI. au c. si qui 15. dist. 8. Quiconque se dit Chrestien, & mesprise d'obeïr au siege Apostolique, commet le crime de Paganisme.

III. Luy mesme en ses Dictats liure 2. apres l'Epistre 55. Que celuy ne soit point tenu pour Catholique qui n'est point concordant avec l'Eglise Romaine.

IV. Hilaire au c. Nulli 25. q. 1. Il n'est loisible à aucun sans pericliter de son salut, d'enfreindre les loix diuines, ou les Decrets du siege Apostolique.

V. Damase au c. violatores 25. q. 1. Ceux là semblent, non sans subiect, blasphemer contre le S. Esprit, qui non contrains par necessité, mais volontairement, font quelque chose malicieusement, ou presument parler contre les saincts Canons, ou consentent à ceux qui le veulent faire.

VI. Hadrian au c. Generali 25. q. 1. Nous ordonnons par Decret

crer general, que tout Roy, Euesque ou Potentat qui d'ores en a-  
uant entreprendra, ou permettra de violer, en façon que ce soit,  
la censure des Pontifes Romains, soit anatheme execrable & com-  
me preuaricateur de la foy Catholique, soit tousiours coupable  
deuant Dieu.

VII. Le susdit Damase au c. *omnia* 25. q. 1. Nous commandos  
que toutes les Decretales constitutions de tous nos predeces-  
seurs promulguées des ordres Ecclesiastiques, & des disciplines  
des Canons, soyent tellement obseruées, que ceux qui les trans-  
gresseront, sçachent qu'à l'aduenir tout pardon leur sera denié.

VIII. Nicolas au c. *siquis* 25. q. 2. Quiconque mesprisera les  
Dogmes, Mandemens, Interdits, Sanctions ou Decrets promul-  
gués par le Prelat du siege Apostolique, soit Anatheme.

IX. Iean XXII. en l'Extrauagante *super gentes de consuet. in com-  
munib.* Ceux qui empeschent les Legats du Pape d'exccuter leurs  
commissions, encourent par le seul fait sentence d'excommuni-  
cation, nonobstant quelconque Indulgence ou priuilege.

## CHAP. V.

*Il s'appelle Dieu, l'Espoux de l'Eglise : & ses Constitutions ora-  
cles : & s'attribue ce qui n'appartient qu'à Dieu seul.*

## PAPES.

**N**ICOLAS I. au can. *Satis, dist. 96.* Le Pontife ne  
peut estre lié ou deslié par la puissance seculie-  
re, veu que c'est chose manifeste, que Dieu ne  
peut estre jugé par les hommes.

II. Urbain au can. *Iuratos* 15. q. 6. Il ne faut point  
seruir à ceux qui sont excommuniés par le Pape, d'autant qu'il  
faut plustost seruir à Dieu qu'aux hommes.

III. Innocent III. au chap. *liet* 4. de *Translat. Episc.* Tout ainsi  
que l'homme ne peut pas dissoudre le lien de mariage legitime  
qui est entre l'homme & la femme, nostre Seigneur disant en l'E-  
uangile, Ceux que Dieu a conjoincts, l'homme ne les separe point.  
Ainsi l'alliance spirituelle du mariage, qui est entre l'Euesque &  
l'Eglise, ne peut estre dissoute sans l'autorité d'iceluy qui est suc-



cesseur de S. Pierre & vicaire de Iesus Christ. Et au chap. 2. Car ce n'est pas l'homme, mais Dieu qui separe ceux que le Pontife Romain dissoud, non par puissance humaine, mais diuine.

iv. Luy mesme au Sermon 3. *en la consecration*. Celuy donc qui a l'espouse, est l'espoux : Ne suis-je pas l'espoux, & chacun de vous l'ami de l'espoux ? Espoux voirement, parce que j'ay la noble, la riche, la sublime, la belle, la chaste, la gracieuse, la tres-sainte Eglise Romaine, laquelle par la disposition du Seigneur est la mere & la maistresse de tous les fidelles : Avec icelle j'ay conjunction sacramentale, avec icelle j'ay commerce nuptial.

v. Leon x. *en la bulle des concordats avec François I.* Aux fins que l'Eglise nostre Espouse fust conseruee en sainte union.

vi. Iean xxii. *en l'Extrauagante, si fratrum, Ne sede vac.* Nous desirant pouruoir à nos droicts & honneurs, & de l'Eglise nostre Espouse.

vii. Innocent iii. au chap. *tua* 19. §. *penult. de homicid. volunt.* Tu requiers d'estre instruit par nostre oracle : De mesmes au chap. *per tuas* 7. *de majorit. & obed.* Au chap. *cum illorum* 32. *de sent. excomm.* Au chap. *perpetuo* 7. *de elect. in 6.* Au chap. *vnique de Bignini in 6.* Au chap. *vn. De voto & voti redempt.* Au chap. *dernier de verbor. sign. in 6.* En la Clementine Romaine *de iurejur.* En l'Extrauag. *vices.* De Treuga, en l'Extrauag. *Ad Romani* 14. *de prabend.* En l'Extrauag. *Exhibita de priuileg.* & ailleurs.

#### DOCTEURS.

viii. Lelius Zecchius *de Rep. Eccles.* chap. *de status. Papa.* artic. 28. Il est, & est appellé vicaire de Christ, & quasi Dieu en terre : & ce qu'il fait, semble estre fait, non par quelque Prince humain, mais par Dieu mesme.

ix. La glose sur le chap. *quanto, de transf. Epist.* Le Pape est dit auoir l'arbitrage celeste, & partant aussi il change la nature des choses, appliquant les choses substantielles d'une chose à une autre : & de rien il peut faire quelque chose. Et la sentence qui est nulle, il la peut rendre valable : Et cela, d'autant qu'en ce qu'il veut sa volonté luy est pour raison, & n'y a aucun qui luy puisse dire, Pourquoi fais-tu cela ? car il peut dispenser par dessus le droict, & de l'injustice, il peut faire justice, en corrigeant & changeant les droicts : Et obtient plenitude de puissance.



x. Stapleton en son Epistre dedicatoire, de principijs saluant Gregoire XIII. l'appelle entierement supreme Diuinité (numen) en terre.

x i. Froissard, tome 4. chap. 10. Si comme il n'est qu'un seul Dieu és cieux, il ne peut ni ne doit estre de droict, qu'un seul Dieu en terre.

x i i. August. Triumphus de pot. Eccles. art. 1. q. 19. Le Pape est le seul Espoux de l'Eglise, & hors de luy, aucun Euesque n'est participant de cet honneur.

contra i. h. n.º. 14.

x i i i. Troilus Maluissius au traité de Canonis. Sanctorum. Le Pape ressent la nature de Dieu, & par consequent eomme Dieu, duquel est la terre & la plenitude d'icelle.

x i v. Anton. Archev. Flor. in sum. 3. part. tit. 22. chap. 6. §. 3. De là vient que Christ, Pape, Euesque, Prestre, ne sont comptés sinon pour un Espoux de l'Eglise.

Contra sup. h. n.º. 12.

x v. Gaspard de Perusio tit. de reseruatur. benefic. Comme il y a un Dieu au ciel qui gouuerne toutes choses, & comme la sainte trinité est reduite à vne simple vnité : Aussi faut-il qu'en terre il y aye un seul Pape, qui soit le Dieu terrestre, & qui par sa tiare represente vne diuinité terrienne.

x v i. La glose sur l'Extrauag. cum inter. Seroit estimé heresie, de croire le Seigneur Dieu nostre Pape conditeur de ladite Decretale, & de ceste ci, n'auoir peu ainsi ordonner, comme il a ordonné.

x v i i. Au Concile dernier de Latran en la neuuiesme Session, le Pape Leon x. est appellé la Majesté Diuine.

x v i i i. Au liu. 2. des Ceremonies, Sect. 7. ch. 6. Le Siege de Dieu, c'est à dire le Siege Apostolique.

x i x. Bellarmin au 6. chap. contre Barclay. La puissance du Pape est semblable à la puissance de Dieu. Et au liure 1. de Rom. Pontif. Le Pape est le Chef del'Eglise à l'exclusion de Christ, etiam Christi secluso.

x x. La glose sur le poëme des Clementines, sur le mot Papa. Le Pape est veritablement admirable, parce qu'il tient la place de Dieu en terre, & de là dit cet Anglois en sa nouuelle poësie, Pape la terreur du monde, tu n'es ni Dieu ni homme, & es neutre en-

tre tous les deux.

xxi. Cristofle Marcel au Concile de Latran sous Leon x. *seß. 4.* dit, parlant au Pape, Tu es vn autre Dieu en terre.

xxii. Gaspar Cardillus en la *defenſe du Concile de Trente*, appelle ſouuent le Pape Dieu terrien.


xxiii. Antonin *partie 3. tit. 22. chap. 5.* appelle le Pape Seigneur des choses celestes & terrestres.

xxiv. Thomas Stapleton au commencement de sa *preface de la foy Chrestienne* à Gregoire xiiii. l'appelle la tresbonne, tresgrande & ſupreme diuinité en terre.

## CHAP. VI.

*Qu'il est Sainct, doit estre adoré, qu'il ne peut errer.*

### PAPES.

I.  YMMACHVS *can. 1. dist. 40.* Qui doute que celuy ne soit sainct, lequel le ſommet d'une ſi grande dignité eſleue? auquel ſi defaillent les biens acquis par merite, ſuffiſent ceux qui luy ſont fournis par le predeceſſeur du lieu. Car ou il eſleue à ceſte hautesſe des homes illuſtres,

ou il illuſtre ceux qui y ſont eſleués.

ii. Boniface viii. au chap. i. de *conſtitut.* Le Pontife Romain eſt tenu auoir tous les droits au coffre de ſa poitrine.

iii. Luce au can. *Areta*, 24. q. i. Ceſte ſaincte & Apoſtolique Eglise, mere de toutes les Eglises de Chriſt par la grace de Dieu tout puisſant, n'a iamais erré du ſentier de la tradition Apoſtolique.

iv. Sixtus v. au rapport de Pierre Galeſius ſon protonotaire, en canonizant Diego Compoſtela, affirma, que le Pape en la canonization des ſaincts ne peut pas errer, ni eſtre trompé. Et que tous le doiuent ainſi croire, non ſeulement pieuſement, mais auſſi de certaine foy & neceſſairement.

v. Gregoire viii. en ſes *Diſtats* liure 2. apres l'Epitre 55. Que l'Eglise Romaine n'a jamais erré, & n'errera jamais ſuiuant le teſmoignage de la ſaincte Eſcriture. Que le Pontife Romain, ſ'il eſt ordonné canoniquement, eſt indubitablement rendu Sainct.

VI. Iulle II. en la Session 2. du Concile de Lateran est appellé Sacrificateur & Roy qui doit estre adoré par tous peuples.

## DOCTEURS.

VII. Albert Pighius au liure 4. chap. 8. de la hierarch. Eccles. Le Pape ne peut estre heretique, & partant en aucun cas ne peut estre depose.

Mais au contraire.

VIII. Boniface pretendu martyr au can. si Papa, dist. 40. Le Pape ne peut estre jugé par aucun, sinon qu'il soit trouué se destourner de la foy.

Il peut donc errer, & estre jugé.

IX. Bellarmin au liu. 4. de Pont. Rom. chap. 2. 3. & 4. Quand le Souuerain Pontife enseigne toute l'Eglise, & definit quelque question de foy, il ne peut jamais errer.

X. Ioannes de Parisiis au liure de potest. Regis & papali. Tout fait du tressainct Pere, doit estre interpreté en bien. Et si c'est larcin, ou quelqu'autre chose mauuaise de foy, nous deuons interpreter qu'il le fait par inspiration diuine. Et juger le Pape, c'est toucher à la montagne, & mettre la bouche au ciel.

XI. Roccha au chap. 38. de Canonis sanct. Ceste canonization est fondée sur les tesmoignages humains & fautifs, qui peuuent tromper. C'est pourquoy il y a diuerses opinions de plusieurs, re-nans toutesfois ceste conclusion: Que le Pontife Romain ne peut aucunement faillir en la canonization des Saints.

XII. Augustinus Triumphus q. 14. art. 4. Le Pape ayant pour tesmoin l'Euidence des ceures ne peut errer, d'autant qu'il juge selon ce qui a esté allegué & prouué. Et bien qu'il n'approuue pas choses vrayes, en approuuant vn Sainct, toutesfois en approuuant fidelement & veritablement selon l'information du fait, il n'erre point.

Il ordonne qu'on inuoque celuy qui n'est pas en paradis, & toutesfois il n'erre point.

XIII. Valentinus Iesuite Analys. lib. 7. c. 12. Le siege Romain ne peut defaillir de la foy.

XIV. Bellarmin audis liure 4. chap. 4. Non seulement le Pontife Romain ne peut pas errer en la foy, mais non pas mesmes la particuliere Eglise de Rome: Et là mesme au 5. dernier: Si le Pa-

pe croit commandant les vices, ou prohibant les vertus, l'Eglise seroit tenue de croire que les vices sont bons, & les vertus mauvaises, si elle ne vouloit point pecher contre sa conscience.

xv. Antonin. *Summ. part. 3. tit. 22. chap. 5. §. 4.* Il n'est pas deu moindre honneur au Pape qu'aux Anges. De là vient que le Pape reçoit les adorations des fidelles, les prosternations & les baisemens des pieds, ce que l'Ange ne permet point estre fait à soy par Iean l'Euangeliste, *Apocalyps. 19. v. 10. & 22. v. 8.*

Il se porte donc pour Dieu : car l'adoration defendue à Iean, n'est deuë qu'à Dieu seul, au tesmoignage de l'Ange.

xvi. Suarez au liu. 3. *defens. fid. Cathol.* chap. 24. nu. 17. La prophetie d'Esaye, Les Rois seront tes nourrisiers, ils t'adoreront la veüe en terre, *chap. 49. vers. 23.* est accomplie à la lettre, es Empe-reurs & Rois, baissant les pieds du Pape prosternés à terre.

xvii. Fortun. *Gratia de Pactu* liure 1. Au commencement toutes creatures sont soubmises au Pape, & toutes loix diuines & humaines, & tous droicts luy sont assujettis, & encostrés en sa poitrine, & n'y a personne qui luy puisse donner loy, d'autant qu'il ne peut errer en ce qui touche la foy, comme estant la fontaine de justice.

1. Il est donc Seigneur des Anges, des Saints, & de la sainte Vierge.
2. La Loy de Dieu luy est subiette.
3. Il est donc Dieu, puis qu'il est la vraye source de justice.

xviii. Alexander Carerius *de potest. Rom. Pontif.* liu. 1. ch. 23. num. 6. Non seulement le souuerain Pontife ne peut pas errer es Decrets de la foy : mais non pas mesmes es preceptes des mœurs, qui sont prescrits à toute l'Eglise, & qui appartiennent aux choses necessaires à salut, ou qui sont bonnes ou mauvaises de foy-mesmes. Le Souuerain Pontife non seulement comme souuerain Pontife, mais aussi comme particuliere personne ne pouuoit estre heretique, en croyant pertinacement quelque chose contre la foy : est probable & peut estre creu.

xix. Panigerole *en ses leçons*, Soyez attentifs, je vous diray donc grande chose, mais tres-veritable : Que si les Euesques d'un Concile auoyent tous failli & establi vne fausseté, le Pape ne la pourra jamais confirmer : Et s'il se couchoit le soir en intention de la confirmer le lendemain, ou il mourroit ceste nuit là, ou il se changeroit, car autrement Dieu ne seroit pas Dieu, parce qu'il ne seroit


feroit pas veritable.

xx. La glose au can. 1. dist. 40. Disputer du fait du Pape, est autant que sacrilege. Et en marge : Qui doute du fait du Pape, peche mortellement.

## CHAP. VII.

*Que luy seul decide les questions de la foy : fait les liures Canoniques : establir nouveaux Articles de foy : Canonize les saints : ordonne les festes : absout des vœux faits à Dieu.*

## PAPES.

- I.  NNOCENT au can. *Quoribus* 4. q. 1. Toutes fois & quantes qu'on est en dispute de la foy, tous nos freres & Euesques ne doivent recourir sinon à † Pierre, c'est à dire, à l'auteur de leur nom & honneur, afin que cela puisse profiter par tout le monde à toutes les Eglises.

† c'est à dire au Pape.

II. Gregoire VII. en ses *Dictais* liure 2. apres l'Epistre 55. Que nul chapitre, & nul liure soit tenu pour canonique sans l'autorité du Pape.

III. Leon X. en sa *Bulle contre Luther*, qui commence *Exurge* & est au bout du Concile de Lateran, condamne comme heretique ceste proposition & sentence de Luther : Il est certain qu'il n'est pas au pouuoir de l'Eglise Romaine ou du Pontife, de faire des articles de foy : D'où l'ensuit que l'opinion contraire est Catholique, assavoir, que le Pape peut faire des nouveaux articles de foy.

IV. Alexandre III. au chap. 1. de *reliq. & vener. sanct.* Bien que des miracles soyent faits par quelqu'un, toutesfois il n'est pas licite de le venerer pour Saint, sans l'autorité de l'Eglise Romaine.

V. Innocent III. au chap. 2. de *reliq. & venerat. sanct.* Qu'aucun ne soit si osé de venerer publiquement les reliques trouuées de nouveau, sinon qu'elles soyent premierement approuuées par l'autorité du souverain Pontife.

VI. Luy mesme au chap. *non potest. De voto.* On ne peut dire

que celuy aye transgressé son vœu, qui par l'autorité du siege Apostolique ne l'accomplit point.

## DOCTEURS.

VII. Bellarmin au liure 1. de *sanct. beat.* chap. 8. Il appartient au souverain Pontife de canonizer generalement, de sorte qu'en toute l'Eglise quelqu'un soit tenu pour saint, & qu'il ne soit loisible à aucun de douter de sa sainteté: car il appartient à celuy qui preside à toute l'Eglise, de proposer à toute l'Eglise ce qu'il faut croire & faire.

VIII. La glose sur le chap. 1. de *translat. Episc.* La question de la Religion & de la foy doit estre rapportée seulement à Pierre:

C'est à dire au Pape.

IX. Bellarmin au susdit liure 1. de *sanct. beat.* chap. 7. Ceux qui sont canonizés par le Pape, 1<sup>o</sup>. Ils sont inscrits au Catalogue des Saints, c'est à dire. Il est ordonné & enjoint qu'ils soyent publiquement dits & tenus par tous saints. 2<sup>o</sup>. Qu'ils soyent inuocquez es prieres publiques de l'Eglise. 3<sup>o</sup>. Qu'en leur memoire soyent ded es Temples & Autels à Dieu. 4<sup>o</sup>. Qu'en leur honneur soyent offerts publiquement à Dieu sacrifices tant d'Eucharistie, que de loüanges & prieres, qu'on appelle communement offices ou heures canoniques. 5<sup>o</sup>. Qu'en leur memoire soyent celebrés jours & festes. 6<sup>o</sup>. Que leurs images soyent peintes, y adjoustant certaine lumiere, en signe de la gloire qu'ils ont au ciel. 7<sup>o</sup>. Leurs reliques soyent enfermées en des precieux estuys & publiquement honorées. Et chap. 9. Il n'est pas licite de prier pour ceux qui ont esté canonizés.

X. Gregorius Nuius au chap. 11. du liure de *opt. Reip. statn.* Reuoquer en doute la canonization faite par le Pape, est vne impiété qui ressent l'heresie.

XI. Dominicus Banius sur Thomas 2. 2. q. 1. art. 1. 6. *dub. 7.* Il faut tenir celuy pour insensé & heretique qui doute si vn saint canonizé, est au ciel.

Encor qu'il ne soit pas saint, sup. chap. 6. n<sup>o</sup>. 12.

XII. Melchior Canus au liure 5. chap. 5. conclus. 3. Reuoquer en doute la canonization faite par le souverain Pontife, est vne temerité impudente, irreligieuse & digne de peine: car autrement la canonization de tous les saints pourroit estre reuocquée en dou-

en doute : & il n'y a rien de plus inepte, ni de plus impudent, que cela.

XIII. Grégoire au Decret *canone in canonicis*, dist. 19. Entre les Escritures Canoniques sont nōbrées les Epistres Decretales.

Et ainsi les Decretales sont esgalées aux saintes Escritures du Vieil & Nouveau Testament.

XIV. Le Concile de Florence sous Eugene IV. definit & déclare en la dernière Session, que l'Eglise Romaine peut adjoûter au Symbole, & que le Pape a la primauté sur tout le monde.

XV. Bellarmin en son liure *contre Barclay*, chap. 3. L'Eglise d'aujourd'huy a la faculté de faire nouvelles loix, touchant la foy & les mœurs.

XVI. Fr. Pegnus in *directorio inquisit.* Le Pape peut faire des articles de foy, en prenant ce mot *article* pour ce qui doit estre creu, encore qu'auparavant il ne fust pas mesmes necessaire de le croire : mais quand il se prend pour ce qui se doit & a tousiours deu estre creu, il ne peut faire d'Articles de foy nouveaux.

XVII. Gregoire de Valence liure 7. *Analysistitre*, d'iceluy. Le Pontife Romain est celuy auquel reside l'autorité qui est en l'Eglise, de juger entierement de toutes les controuerses de la foy.

XVIII. Andradius au liure 2. *De la deff. de la foy Trident.* Nous attribuons ceste si grande autorité d'interpreter l'Escriture, non à chascun Euesque indifferemmēt, mais au seul Pontife Romain, ou à tous les Prelats de l'Eglise assemblés en vn par son commandement. Les Pontifes Romains en définissant plusieurs choses, qui auoyent esté cachées auparavant, ont accoustumé d'*augmenter* le Symbole : Et au premier liure, Nōstre foy consiste en la foy du Pape, & de l'autorité de luy seul depend le salut de tous &c. L'autorité du Pape à decider toutes controuerses, n'est pas moindre que l'autorité de toute l'Eglise. Et encor au 2 liure. Ceux là n'errent point qui disent, que les Pontifes Romains peuent quelquefois dispenser d'obeir à Paul, & aux quatre premiers Conciles.

XIX. Thomas Aquin 2. 2. q. 1. art. 10. C'est à la seule autorité du souverain Pontife de faire vne nouvelle Edition de Symbole, comme aussi toutes les autres choses qui concernent l'Eglise vniuerselle.

XX. Vasques tom 3. disput. 216. m. 60. Quand nous accordions que ç'a esté vn commandement de l'Apôstre 1. Cor. 16.



II. vers. 28. Que chacun s'esprouue soy mesme, & ainsi mange de ce pain & boiue de ceste coupe) neantmoins l'Eglise & le Souuerain Pontife ont peu casser & abolir ce commandement pour iustes causes, car la puissance des Apostres à donner des commandements n'a pas esté plus grande que celle de l'Eglise & du Pape.


xxi. Salmeron tom. 13. en la 3. par. disp. 6. §. est ergo. La doctrine de foy souffre de l'addition des choses essentielles &c. Et 9. Arg. hoc. Il peut donc y auoir des nouuelles traditions concernantes la foy & les mœurs, combien qu'elles n'ayent esté ni faites ni expliquées par les Apostres.

xxii. Augustinus Triumphus q. 59. 1. Le Pape seul peut dresser vn nouveau Symbole: Car au Symbole sont mises les choses qui appartiennent vniuersellement à la foy Chrestienne: Celuy donc a autorité de dresser vn tel Symbole qui est le chef de la foy Chrestienne.

## CHAP. VIII.

*Que luy seul doit cognoistre & iuger de ses priuileges: & qu'il faut demeurer & croire à son seul dire & assertion.*

### PAPES.

I.  NNOCENT III. au chap. *Cum venissent de iudicijs*, Lors qu'on est en dispute des priuileges du siege Apostolique, le seul Pape en cognoit.

II. Le mesme au chap. *cum à nobis* 28. de *testib.* on ne croit pas à la parole d'un iuge seul de quelque autorité qu'il soit, faulve l'autorité du siege Apostolique.

III. Boniface VIII. au chap. *Si Papa* 10. de *priuileg.* in 6. De droict commun toutes les Eglises esparées par le monde appartiennent à l'Eglise Romaine: & partant, si le Pape dit, que quelque Eglise est exempte, ou qu'elle est du droict de S. Pierre, ou qu'elle appartient au droict & propriété de l'Eglise Romaine, ou qu'elle est spécialement & sans milieu de l'Eglise Romaine, par là, telle Eglise doit estre censée entierement exempte.

IV. Clement VII. au chap. vniq. de *probasionib.* in Clement. Les paroles

paroles du Pape, par lesquelles il narre son propre fait, sont pleines preuue, si sur icelles la grace ou intention du Pape est fondée.

## DOCTEURS.


v. Dominicus Iacobatus au liu. 3. de *consl. art. 1.* Les droicts disent, qu'il est laissé à la volonté du Pape de se juger soy mesme: & est special au Pape, qu'en son fait propre il est croyable, & peut estre Auteur.

vi. Eman. Sa in *Aphor. confess.* sur le mot *Papa*. Le Pape peut estre juge en sa cause propre: & absoudre de l'obligation par laquelle quelqu'un est tenu à un homme, & l'en dispenser, comme il voudra.

## CHAP. IX.

*Qu'à luy seul appartient de conuoquer les Conciles, de les transférer, dissoudre, approuver ou infirmer.*

## PAPES.

I.  VLE 1. c. *Regula, dist. 17.* Nul Concile n'est & ne sera jamais valide, qu'il ne soit appuyé de l'autorité de l'Eglise Romaine. Le mesme c. *dudum 3. q. 6.*

II. Marcel au 1. can. de ladite 17. dist. Vous ne pouvez regulierement tenir aucun Synode d'Euesques, sans l'autorité de ce saint Siege.

III. Pelagius 2. d. *distinct. 17. canone multis.* Nous sommes instruits par plusieurs regles Apostoliques, Canoniques & Ecclesiastiques, Que les Conciles ne doiuent estre celebrés sans l'aduis du Pontife Romain.

IV. Gelase au can. *Cuncta 9. q. 3.* Le siege Apostolique sans aucun Synode precedent a puissance d'absoudre ceux que le Synode aura iniquement condamné: & cela à cause de sa principauté, laquelle S. Pierre a obtenu par la voix du Seigneur, & la tiendra tousiours.

v. Luy mesme au chapitre *confidimus 25. q. 1.* Le premier siege par son autorité a confirmé tout Synode, & le conserue par vne continue moderation.

vi. Paschal au chap. *significasti, de elect.* Les Rois disent, que

cela ne se trouue point ordonné es Conciles , comme si quelques Conciles auoyent prefigé loy à l'Eglise Romaine , comme ainsi soit que tous les Conciles ayent esté faits par l'Eglise Romaine , & ayent receu leur force d'icelle , & en tous leurs statuts , l'autorité du Pontife Romain est manifestement exceptee.

Ceste exception ne s'y trouue point. v. inf. liure 6.

VII. Gregoire VII. en ses *Dictats* liure 2. apres l'Epistre 55. Qu'aucun Synode ne doit estre appellé general , sans son (du Pape) commandement. Que le Legat du Pape , quoy que inferieur en degré, preside en Concile à tous les Euesques , & peut donner contre eux sentence de deposition.

#### DOCTEURS.

VIII. Bellarmin au liure 4. de *Rom. Pont.* chap. 3. §. *tertio probatur.* Si le Pape erre, toute l'Eglise errera : & ne peut-on recourir au Concile general , parce que le Pape est par dessus le Concile , & le Concile avec le Pontife n'est pas quelque chose plus grande que le Pontife seul &c. D'où appert que toute la fermeté des Conciles legitimes , est du Pape , non en partie du Pontife , & en partie du Concile.

IX. Barth. Carranza *centron.* 4. L'autorité de tous les Conciles est soubsmise à l'autorité du siege Apostolique, & des Pontifes Romains, & depend necessairement d'icelle.

Gratian 25. q. 1. *part. 2. §. his ita, &c.* La sacrosaincte Eglise Romaine donne le droit & l'autorité aux sacrez Canons, mais n'est point obligée à iceux &c. Partant quelquefois , soit en condamnant, soit en definissant, ou faisant autrement, les Papes monstrer qu'ils sont les maistres, & les faiseurs des Canons &c. Il leur est donc loisible d'ottroyer des priuileges particuliers contre les Decrets generaux : & conceder par benefice special ce qui est prohibé par le Decret general.

## CHAP. X.

*Que luy seul institue les Patriarches, Primats & Archeuesques: leur a ottroyé priuileges: leur confere le pallium ou man-  
teau: & reçoit d'eux serment de fidelité.*

## PAPES.



I. NICOLAS II. au can. r. dist. 22. L'Eglise Ro-  
maine a institué, & la grandeur des Patriar-  
chats, & les Primats des Metropoles, & les  
chaires des Eueschez, & les dignitez des E-  
glises de tous ordres: mais elle (*l'Eglise Ro-  
maine*) a esté fondée par celuy seul, & erigée  
sur la pierre de la foy incontînét naissante, qui commit les droicts  
& de l'Empire terrien, & du celeste, au bien-heureux porte. clefs  
de la vie eternelle (*S. Pierre.*)

II. Innocent III. au chap. duo 9. de offic. ind. ord. Puis qu'il est  
defini par les † *Canons*, Que les *Primats* ou *Patriarches* n'ont au-  
cun droict plus que les autres (*Euesques*) *sinon* autant que les sa-  
crés *Canons* leur concedent, ou l'ancienne coustume leur a acquis,  
tellement que selon les regles de Nicée, les priuileges doiuent es-  
tre gardez aux Eglises, sinon que le siege Apostolique ordon-  
ne d'honorer quelque Eglise, ou le Recteur d'icelle de quelque  
priuilege special; Pendant que ces Cleres voudront ster à droict  
par deuant toy, (*il parle à l'Archeuesque de Tours*) ils ne doiuent  
point estre contrainsts de subir le jugement du Patriarche, *sinon* \*  
que par appel la chose soit deuoluë par deuant luy, ou que sur cela  
le siege Romain luy aye ottroyé quelque pouuoir.

† Les Patriarches & Primats, ne sont donc point d'institution  
Diuine.

\* Ceste exception n'est point au Concile de Nicée, ni en aucun  
autre ancien & legitime. v. inf. h. n°. 7.

III. Luy mesme au chap. *Antiqua* 23. de priuileg. Apres que  
les quatre Patriarches, assauoir de Constantinople, d'Alexandrie,  
d'Antioche & de Ierusalem auront receu du Pontife Romain le  
*Pallium*, qui est la marque de la plenitude de l'office Pontifical, &  
apres qu'il luy (*au Pontife Romain*) auront presté serment de fide-  
li-

té, & obeïſſance, ils peuvent eux auſſi baïller le *pallium* à leurs ſuffragans en receuant pour eux la profeſſion canonique, & promeſſe d'obeïſſance pour l'Egliſe Romaine.

iv. Luy meſme au chap. *cum cauſam, de elect.* Il n'eſt point loiſible à vn Archeueſque de conuoquer le Concile, faire le Creſme, dedier les Eglifeſ, ordonner les Clercs, & conſacrer les Eueſques ſans auoir le *pallium*.

v. Luy meſme au chap. *niſi, de elect.* Aucun ne ſe doit appeler Archeueſque, bien que ſon election ait eſté approuuée par le Pape, que premierement il n'aye receu du Pape le *pallium*, par lequel eſt conſerée la plenitude de l'office Pontifical, avec le nom d'Archeueſque.

vi. Pelagius au can. i. diſt. 100. Tout Metropolitain, qui dans trois mois apres ſa conſecration n'enuoyera au ſiege Apoſtolique, pour expoſer ſa foy, & pour rēcevoir le *pallium*, ſoit priuē de la dignité à luy commiſe. Et apres vne ſeconde & troiſieſme admonition, les autres Metropolitains pourront ſubuenir aux Eglifeſ deſtituées, en leur ordonnant des Eueſques avec le conſeil du Pontife Romain.

vii. Paſcal au chap. *ſignificasti, de elect. & electi pot.* Le ſiege Apoſtolique ne deliure point le *pallium* à l'Archeueſque eſleu, (marque de la dignité laquelle ſe prend ſeulement du corps de S. Pierre) ſinon que premierement il aye preſté ſerment d'obeïſſance & fidelité, bien que cela ne ſe trouue point ordonné eſ Conciles.

Innocent 3. dit que ſi, ſup. n.º 2.

viii. Boniface viii. en l'Extrauag. *ſancta, de elect. in commun.* La ſainte Egliſe Romaine, laquelle par la diſpoſitiō du Seigneur obtient de Dieu la principauté de puiffance ordinaire ſur toutes les autres, comme eſtant mere & maiſtreſſe de tous les fidelles de Chriſt, a t̄ inſtitué les quatre ſieges Patriarchals: entre leſquels elle a voulu que apres icelle Egliſe Romaine, celle de Conſtantinople obriſt le premier lieu, celle d'Alexandrie le ſecond, celle d'Antioche le troiſieſme, & celle de Hieruſalem le quatrieſme: & les a decorées de pluſieurs prerogatiues, honneurs & priuileges.

1. Mais celle d'Antioche au commencement eſtoit la premiere, & depuis eſt adā la Romaine. ſup. chap. i. n.º 8.
2. Au contraire, le Pape ſur ſoit falché quand Conſtantinople obtint le ſecond lieu au deuxieſme & 4. Conciles vniuerſels.

IX. Le Pontifical Romain dit, Que les provisions des Eglises Cathedrales, ou Metropolitaines & Patriarchales appartiennent de plein droit au siege Apostolique.

## CHAP. XI.

*Que luy seul erige les Eueschez, les vnit, les diuise : luy seul transfere les Euesques, les condamne, les depose, les reconcilie, & reçoit d'eux serment de fidelité.*

## PAPES.

I. INNOCENT III. au chap. I. *De translat. Episc.* Puis que de ce priuilege general concedé par nostre Seigneur à S. Pierre, & par \* luy à l'Eglise Romaine sont depuis procedées les Constitutions canoniques, contenant, Que les plus grandes causes doiuent estre rapportées au siege Apostolique, & par cela les translations des Euesques, & les changemens des sieges appartiennent de droit au souuerain Prelat du siege Apostolique. Il ne faut rien changer en ces choses sans son consentement.

\* 1. sup chap. I. n°. 4.

II. Luy mesme au chap. 2. *de translat. Episc.* L'Euesque est separé de son Eglise par translation, deposition & cession faite de l'autorité du Pontife Romain qui est vicaire de Iesus Christ : Et partant, ces trois choses par nous premises sont reseruées au seul Pontife Romain, non tant par Constitution canonique, que par Institution † diuine.

† De laquelle n'appert, mais il l'en faut croire.

III. Celestin III. au chap. *sicut* 8. *de excess. Prelat.* Tout ainsi qu'au souuerain Pontife appartient d'vnir les Eueschez, & les soubsmettre sous la puissance d'autrui : aussi c'est à l'Euesque d'vnir & d'assubjetir les Eglises de son Diocese.

IV. Gregoire VII. en ses *Dictees*, liu. 2. apres l'Epistre 55 Qu'il est permis à luy seul d'establir nouuelles loix selon la necessité du

temps : D'assembler nouueaux peuples : De faire d'un Canon. cat vne Abbaye , & au contraire de diuiser vne riche Euesché , & vnr les pauvres. Qu'à luy seul appartient de changer les Euesques d'un siege à l'autre selon la necessité : Qu'il peut sans assemblée de Synode deposer les Euesques, & les reconcilier.

v. Luy mesme au chap. *Ego de iurejur.* (où il prescrit la forme du serment de l'Euesque) Moy N.Euesque, seray d'icy en auant fidele à S.Pierre & à la sainte Eglise Romaine, & à Monseigneur le Pape, & à ses successeurs qui entreront canoniquement. Je ne seray en conseil ni en faict pour luy faire perdre la vie, ou aucun membre, ou qu'il soit prins par mauuaise caption. Je ne manifesteray à aucun à son dommage le conseil qu'il me voudra manifester ou de sa bouche, ou par lettres, ou par messager. L'aideray à defendre & maintenir le Papat de l'Eglise Romaine, & les regles des saints Peres contre tous hommes, mon ordre sauf. L'iray au Synode estant appellé, si je ne suis empesché par empeschement canonique. Je traiteray honorablement, & aideray en ses necessitez le Legat du siege Apostolique que je cognoistray estre vray Legat, à l'aller & au retour. Je visiteray tous les ans, ou en personne, ou par messager expres, les portes des Apostres, si je n'en suis excusé par eux. Ainsi Dieu m'aide & ces saintes Euangiles. Et au Pontifical Romain au chap. *De la consecration de celuy qui est esleu Euesque*, ces paroles sont adjoustées : L'observeray de tout mon pouuoir, & seray observer aux autres les Decrets, Ordonnances, Dispositions, Reseruations, Prouisions & Mandements Apostoliques.

v i. Iule Pape au canon *dudum* 3. q. 6. Il a esté decreté par les saints Apostres (& où) & par leurs successeurs és anciens statuts, Que les Conciles ne peuuent estre celebrés, ni vn Euesque condamné sans la sentence du Pontife Romain, d'autant qu'ils ont voulu que la sainte Eglise Romaine, fust la premiere de toutes.

Ellen'a pas donels primauté de Christ, mais des Conciles qui ne parlent point de sentence du Pape.

#### DOCTEURS.

v i i. Paludanus au traité de *Eccles. pot.* art. 5. & 6. Le Pape peut mesmes sans cause destituer vn Euesque plus bon, & en substituer vn moins bon.



VIII. Baronius *anno* 258. C'est du droit du Prince de tous les Euesques, le Pontife Romain, de deposer les Metropolitains.

## CHAP. XII.

*Que luy seul peut exempter les Euesques, de la jurisdiction de leurs Metropolitains : conferer aux Abbez le droit des Euesques : & aux Moines le droit des Prestres.*

## PAPES.



REGOIRE au can. *frater* 16. q. 1. L'Archeuesque doit estre priué de la communion du corps du Seigneur, qui presume garder quelque peu de jurisdiction sur l'Euesque qui a esté exempté de sa jurisdiction par l'autorité du Pape.

II. Innocent III. au chap. *Inter de translat. Episc.* Les Euesques reçoivent de leurs Metropolitains le droit de Consécration, qui toutesfois ne peuuent estre condamnez, sinon par le Pontife Romain.

III. Vigilius au can. *Quise* 2. q. 6. Il est euident que le jugement de tous les Euesques, appellans au siege Apostolique, & les negoces de toutes les grandes choses, est réservé au mesme saint Siege.

IV. Felix II. au can. *questies* 2. q. 6. Que les Euesques, qui se croiront greués par leurs Comprovinciaux ou Metropolitains, ou qui les tiendront pour suspects, appellent incóntinent au siege Romain, auquel leur soit permis d'aller librement sans pouuoir estre aucunement detenus, ou leurs biens à eux ostez : Et pendant l'appel à ladite Mere Eglise Romaine, ou qu'ils requerront d'estre ouïs d'icelle, nul ne presume ou de les excommunier, ou d'enuahir leurs sieges, ou d'emporter leurs biens, ou de leur faire aucune violence, auant que leur cause soit terminée par l'autorité du Pontife Romain.

V. Damasc au can. *discutere* 2. q. 6. & Eleutherius au c. *quomodo* de la mesme quest. Les Comprovinciaux, les Metropolitains & les Primats, peuuent bien oír les causes des Euesques, mais ne

peuvent les terminer, & condamner les Eueſques ſans l'autorité du ſiege Apoſtolique.

vi. Iule au can. *adum* 3. q. 6. Il ne faut point tenir aucun Cōcile, ni condamner aucun Eueſque ſans l'aduſ du Pōtife Romain.

vii. Innocēt, Gregoire, Boniface, Syrice, ès canons *ſi Monachus* 22. *Modramine* 23. *sunt nonnulli* 21. & *Monachos* 29. *cauſa* 16. q. 1. Il eſt permis aux Moines promeus au Clericat de prendre decimes & reuenus, de preſcher, baptiſer, donner la communion, de lier ou deſlier.

viii. Honorius au chap. *in his de priuileg.* ottroye priuilege aux Predicateurs & Mineurs (Dominicains & Franciſcains) de celebrer avec vn autel portatif, meſme ſans le conſentement des Prelats.

ix. Gregoire ix. & autres ſuiuants, teſmoin Antonin *tit.* 23. chap. 5. §. 1. ont ottroyé de trefamples priuileges & immunitéz aux Dominicains & Franciſcains, & à tous Moines mendians, aſſauoir qu'ils puiſſent non ſeulement preſcher, mais auſſi ouïr par tout les confeſſions: Qu'ils ſoyent tous exempts des ordinaires, & ne puiſſent par eux eſtre conuenus ou punis à cauſe du delict, domicile de la choſe ou du contract: ni fulminer contr'eux ſentence d'excommunication: & qu'ils ne ſoyent point ſubjets à leurs conſtitutions, ni à leurs collectes & charitables ſubſides: mais qu'ils ſoyent preſiſement conſtituez ſoubs la proteſtion du ſiege Apoſtolique.

x. Iean xxi. en l'Extrauag. *ſaluator de prab. in commun.* Il erige l'Eueſché de Toulouſe en Archeueſché: & la cité de Toulouſe en Metropole, & l'exempte de la ſubjection de l'Egliſe de Narbonne: Erige quatre villes en citez qu'il baille pour ſuffragantes à Toulouſe: Il y joint Montauban, qu'il oſte de la Iuriſdiction de Cahors & Bourges: & Apamiers qu'il tire de la Iuriſdiction de Narbonne.

xi. Innocēt iii. au chap. *Cum olim.* Et au chap. *Ex parte, de priuileg.* confirme le priuilege accordé à vn Monaftere, de dependre immediatement de l'Egliſe Romaine, & que l'Eueſque ne puiſſe l'excommunier ni ſes Eglifeſ. Or l'exemption eſt faite & ottroyée ſi le Pape dit, que quelque Eglife ou quelque Monaftere ſoit exempt; ou qu'il eſt du droit de S. Pierre, ou qu'il appartient à l'Egliſe Romaine, chap. *ſi Papa, de priuileg. in* 6.


## DOCTEURS.

XII. La glose sur le chap. *quod translationem de offic. leg.* en quatre vers. Le Pape seul restitue, depose, sould les articles (de foy) fait le Synode general, transfere & change (les Euesques) nul ne peut appeller de luy. Diuise & vnit (les Eueschez & Benefices) exemptre & approuue.

## CHAP. XIII.

*Que luy seul peut oster aux Euesques, Archeuesques & Patriarches, & aussi aux Conciles & Chapitres, & aux Prestres, la cognoissance des choses importantes & autres qu'il luy plait, & se les reseruer.*

## PAPES.

I.  ELAGIUS au can. *multis*, dist. 17. Que les plus grandes & difficiles questions soyent tousiours rapportées au siege Apostolique; ainsi que le saint \* Synode & la bien heuruse coustume le requiert.

\* Et quel Synode? Il n'y en a aucun.

II. Marcel au can. *Rogamus* 24. q1. Le siege de S. Pierre a esté prenièrement chés vous (*Antiochiens*) & depuis par le † commandement du Seigneur a esté transporté à Rome, de la disposition de laquelle vous ne deuez pas decliner, à laquelle tous les plus grands affaires Ecclesiastiques; ainsi l'ordonnant la grace Divine sont commandées d'estre rapportées.

† Ce commandement est imaginaire.

III. Boniface VIII. au chap. *Si eo tempore* 45. de elect. in 6. Le Pape peut pour quelque chose que ce soit (c'est à dire selon la Glose de sa seule volonté) se reseruer la prouision de quelque Eglise Cathedrale.

IV. Luy mesme au chap. *Ecclesia de suppl. negl. pral.* Le Pape seul peut deputer vn visitateur, c'est à dire Administrateur; & seul conférer les benefices lors que quelque Eglise Cathedrale est vacante.

v. Luy mesme au chap. *Quonquam de elect. in 6.* Lors qu'en vne Eglise Cathedrale on a fait election d'une personne indigne, ou qu'elle est cassée pour n'y auoir esté obseruées les formes; la puissance d'esslire est deuolue au Pape & non au superieur mediat.

vi. Gregoire vii. en ses *Dictats* liure 2. apres l'Epistre 55. Que les plus grandes causes de chascque Eglise, doivent estre rapportées au siege Apostolique. Que nul n'ose condamner celuy qui est appellant au siege Apostolique.

vii. Paul ii. en l'Extrauag. *Es si Dominici, de penitent.* En vertu d'une generale concession & faculté, on ne peut absoudre és cas reservez au Pape. Or lesdits cas sont ceux qui sont comprins en la Bulle de la Cene du Seigneur, & entre autres ceux-ci. 1<sup>o</sup>. Les offenses commises contre la liberté Ecclesiastique. 2<sup>o</sup>. L'infraction des Interdits imposez par le mesme siege. 3<sup>o</sup>. Les crimes d'heresie. 4<sup>o</sup>. De conspiration contre la personne ou estat du Pontife Romain, & de toute offense, desobeissance ou rebellion, enuers luy ou le siege Apostolique. 5<sup>o</sup>. De meurtre de Prestre. 6<sup>o</sup>. De fensé contre la personne d'un Euesque ou de quelque autre Prelat. 7<sup>o</sup>. D'inuasion, depredation, & occupation ou deuastation des terres sujettes à l'Eglise Romaine, mediatement ou immediatement. 8<sup>o</sup>. D'inuasion des Pelerins ou autres personnes quelconques qui vont à la Cour de Rome. 9<sup>o</sup>. De ceux qui empeschent que les causes ne soyent deuoluës à la Cour de Rome. 10<sup>o</sup>. De port d'armes & d'autres choses prohibées aux infideles. 11<sup>o</sup>. D'impositions de nouuelles charges reelles ou personnelles aux Eglises ou aux personnes Ecclesiastiques. 12<sup>o</sup>. De simonie commise soit en la Cour de Rome ou ailleurs pour obtenir Ordres ou Benefices.

viii. Eugene en l'Extrauagante *diuina de priuileg.* prohibe aux ordinaires d'entreprendre de censurer ou excommunier les officiers du siege Apostolique, ou ceux qui iront audit siege, en retourneront ou y sejourneront: Et si leurs benefices sont contrés à d'autres, declare excommuniez de fait, tant les conferans que receuans, sans qu'ils puissent estre absouts sinon par le souuerain Pontife.

ix. Etienne au chap. *Nunc 9. q. 3.* Le Pape peut par prerogative Apostolique ordonner des Cleres de quelque Eglise que ce soit.

x. Innocent III. au chap. *per tuas, de major. & obed.* Les Euesques doiuent deferer entre leurs subjects, à ceux qui ont receu l'ordre du Pontife Romain, ou la glose dit, C'est vn argument pour les Euesques exemptez, qu'ils doiuent en Synode estre assis au meilleur lieu.

xi. Gregoire VII. en ses *Dictats* liure 2. apres l'Epistre 55. Que de toute Eglise il peut ordonner autant de Clercs qu'il veut: Quo celuy qui a esté ordonné par luy peut presider en vne autre Eglise, & qu'il ne doit pas receuoir vn degré superieur de la main d'aucun Euesque.

xii. Alexandre III. & Innocent III. es chap. 1. 2. 3. & 13. de *tempor. ordin.* Le Pape seul peut conferer en tout temps autant d'ordres qu'il luy plaist: mais les Euesques ne les peuuent conferer sinon à certain temps & jusques à certain nombre.

xiii. Honorius III. au chap. *dilectus, de filiis presbyt.* Autre que le Pape ne peut dispenser qu'un fils succede immédiatement en l'Eglise qui a esté tenue par son pere.

xiv. Boniface VIII. au chap. *si Abbatem, de elect. in 6.* L'Abbé immédiatement subject de l'Eglise Romaine peut estre esleu Euesque, mais autre que le Pape ne luy peut donner licence de quitter son Monastere & d'accepter l'Episcopat.

Il y a plusieurs autres cas que le Pape se reserve, dont aucuns sont recitez par la glose au chap. *Quod translationem verbo, reseruata, de offic. deleg.* Et là mesme en la gl. marginale est escript, au 2. liure du registre de Greg. 7. qui est à Rome en la Bibliothèque Vaticane, & au fucill. 109. qu'il y a 27. priuileges du Pontife Romain, dont plusieurs sont ici rapportez par la glose.

## DOCTEURS.


xv. Caietan *opusc.* 1. c. 6. & 13. & *opusc.* 2. c. 22. Les Papes peuuent oster la puissance electiue & la donner à ceux qu'ils veulent.

Ainsi ont-ils osté au Clergé & au peuple la faculté de l'eslection des Euesques de Rome, & l'ont attribuée aux Cardinaux, par eux creez.

## CHAP. XIV.

*Que luy seul peut approuuer les nouvelles Religions, dispenser contre le droit: octroyer plenières indulgences & remissions: suspendre & reuoyer les indulgences ja octroyées: absoudre les morts.*

## PAPES.

- I.  REGOIRE X. au chap. 1. de *Relig. domib. in 6.* Nous prohibons à perpetuité toutes religions & ordres des Mendians inuentez depuis le Concile ( de Lion ) qui n'ont obtenu aucune confirmation du siege Apostolique, & en tant qu'elles auroient esté establies,

les reuouons.

II. Innocent III. au chap. *A nobis, de sentent. excom.* Les excommuniés contrits, peuuent estre absous apres leur mort: & les heritiers de l'excommunié sont contrains par peines Ecclesiastiques de satisfaire pour luy.

III. Luy mesme au chap. *proposuit, de concess. prab.* Le souuerain Pontife selon la plenitude de sa puissance peut de droit dispenser contre le droit.

IV. Luy mesme en la Bulle inserée à la fin du *Concile de Latran de l'an 1215.* donne pleine remission de pechez aux croisez qui enuoyeront à leurs despens pour le recourement de la terre sainte: mais à ceux qui entreprendront en personne ce voyage, outre la pleniére remission il leur promet augmentation de salut eternal en Paradis.

V. Boniface VIII. en l'Extrauag. *antiquorum, de penit.* Nous confirmons & renouellons toutes les remissions & indulgences concedées à ceux qui visitent l'honorable Eglise de la ville du Prince des Apostres. Et afin que les tres-heureux Pierre & Paul soyent de tant plus honorez, que plus leurs Eglises de la ville seront frequentées par les fideles, Nous concedons à tous vrais penitents ou confez, on qui le seront à l'aduenir, qui en ceste presente année 1300. & en chasque centiesme année à venir visiteront reuerainement lesdites Eglises: pleine, pleniere, & plenissime remission de tous

de tous leurs pechez, pourueu que ceux de Rome visitent lesdites Eglises du moins vne fois le jour durant 30 jours continuels, & les estrangers durant 15 jours : & toutesfois celuy meritera d'auantage & obtiendra l'indulgence plus efficacieusement qui frequentera plus souuent & plus deuotieusement lesdites Eglises.

VI. Clement vi. en l'Extrauagante *unigenitus*, & en l'an 1349. reduit le Iubilé à l'an cinquantième, & adiouste, que ceux qui seront empeschez en chemin ou decederont en la ville auant les jours prescripts, obtiendront neantmoins la mesme indulgence. Et en la Preface de ladite Bulle il dit, Que la moindre goutte du sang de Christ eust suffist pour la redemption de tout le gēre humain: Et partant, afin que la tresgrande effusion du sang de Christ ne fust rendue inutile, vaine & superflue, il a acquis un thesor à l'Eglise militante lequel il a commis à S. Pierre portier (ou porte-clefs) du ciel & à ses successeurs vicaires en terre pour estre salutairement dispensé aux fideles &c. Les glorieux Princes de la terre Pierre & Paul, à l'un desquels, assauoir au Prince des Apostres, il commit les clefs du Royaume, & à l'autre comme Docteur idoine il enjoignit le Magistere de l'erudition Ecclesiastique.

† Aucun Apostre ou Docteur n'auoit auparauant prins garde à cet inconuenient & remede.

VII. Sixte iv. en l'Extrauagante *quemadmodum, de panis*. Et en l'an 1473. reduisit le Iubilé à vingt cinq ans commençans à l'an suiuant 1474. suspendit toutes autres indulgences concedées ou par luy ou par son predecesseur, jusques à ce que par luy fust autrement ordonné.

VIII. Le mesme Sixte iv. en l'Extrauag. *Et si Dominici*, du mesme tiltre de *panis*. De son propre mouuement reuoque les autres particulieres indulgences.

## DOCTEURS.

IX. La glose sur le can. *lector, dist. 34*. Il dispense contre l'Apostre. Et sur le canon *Presbyter, dist. 32*. contre les Canons des Apostres: Et sur le chap. *ex parte extra de decim.* contre le vieux Testament: Et sur le chap. *i. de voto & voti ced.* des vœux faits à Dieu. Et sur le can. *2. causa 15. q. 6.* Des serments. Et sur le canon *prop. suis, de concess. prob.* contre le Vieux & Nouveau Testament.

X. Bellarmin contre Barclay, chap. 21. §. *praterca*. Le souuerain



Pontife est vicaire de Dieu, & partant a puissance de Dieu de dispenser & changer en beaucoup de choses selon la volonté de Dieu de laquelle il est l'interprete: car en ceste sorte dispense le Pontife és vœux & serments, que Dieu mesmes a commandé estre rendus, & desquels l'acquiescement est de droict diuin. Or il dispense, non parce qu'il est par dessus le droict diuin: mais parce qu'il interprete, qu'il plaist à Dieu qu'en tel & tel cas, le serment ou le vœu soit relaxé. *Et au chap. 31.* En bon sens Christ a donné puissance à Pierre de faire de peché non peché, & de non peché, peché.

x i. Luy mesme au liure *des Indulgences*, chap. ii. §. quinto. Le Pontife remet la coulpe & la peine eternelle.

x ii. Thom. Aqu. *de regim. pr.* liu. 3 chap. 10. nu. 20. Il faut dire qu'au souuerain Pontife est la plenitude de toutes graces, d'autant que luy seul confere pleniere indulgence de tous pechez, tellement que ce que nous disons du Seigneur premier Prince, luy compete, que nous tous receuons de sa plenitude.

x iii. Nauarrus au tit. *de la penit. & remiss.* au 18. *Conseil dit*, Que le Pape a bien fait d'accorder remission de tous pechez, mesmes des cas reseruez, pour vn Iulio (*pour une piece d'or*) d'autant que le Pape tient en terre la place non d'un simple homme, mais du vray Dieu, comme est dit *au c. quanto*, tellement que la glose sur iceluy dit: Qu'on ne luy peut pas dire, Pourquoi fais-tu ainsi?

x i v. Bellarmin au i. liure *des Indulgences*, chap. 6. §. *posrema*. Le Pape peut donner puissance à son confesseur, de luy donner absolution de ses pechez.


Pourquoy ne s'absout-il soy mesme, comme il peut se deposer?

x v. Rosella Casuum sur le mot *Papa* 2. q. 6. Le Pape peut entierement liberer (*du vœu*) tout ainsi comme Dieu mesme: car il est vray semblable, que Dieu a donné sa puissance entre les hommes à son vicaire: autrement il n'eust pas esté bon pere de famille s'il eust laissé son troupeau sans Pasteur, qui selon la necessité peut subuenir à tous.

## CHAP. XV.

*Que luy seul peut disposer des biens & benefices Ecclesiastiques:  
les alier: imposer Annates, &c.*

## PAPES.

- I.  LEMENT V. au chap. I. *ut lite pend. in Clementin.* La pleine & libre disposition de toutes les Eglises, de tous les offices & dignitez, & benefices Ecclesiastiques appartient au Pontife Romain par la plenitude de sa puissance.

II. Boniface VIII. au chap. *si gratiose, de rescript. in 6.* Le Pape peut conceder au promeu la retention de ses premiers Benefices jusques à certain temps, ou tant qu'il luy plaira, ou tant qu'il plaira au siege Apostolique.


## DOCTEURS.

III. La glose sur le chap. *si gratiose, de rescr. in 6.* sur les mots, *A Romano Pontifice.* Le seul Pontife Romain peut conserer les Benefices & Prelatures, sous condition & à temps comme il luy plaist, & en ce qu'il veut sa volonté est pour toute raison. Personne autre ne peut faire cela.

## CHAP. XVI.

*Qu'il a en sa puissance les deux glaives, le spirituel & le temporel.  
Que les Empereurs luy doiuent prestre sermēt de fidelite: Qu'il  
peut les approuuer ou rejeter, voire deposer, & aussi les Rois,  
Que c'est luy qui succede à l'Empire lors qu'il est vacquant.*

## PAPES.

- I.  ONIFACE VIII. en l'Extrauag. *vnam sanctam, de major. & obed. in comm.* En l'Eglise Catholique & Apostolique, & en sa puissance sont les deux glaives, assauoir le spirituel & le temporel. Or faut-il qu'un glaive soit soumis à l'autre, & que l'autorité temporelle soit

subiecte à la spirituelle.

II. Gregoire VII. au canon *alius* 15. q. 6. Zacharie deposa du Royaume le Roy de France (ass. *Childeric*) non tant pour ses iniquitez, que parce qu'il estoit incapable de si grande puissance, & substitua en son lieu Pepin pere de l'Empereur Charles le grand, & donna absolution à tous les François du serment de fidelité qu'ils luy auoyent presté.

III. Luy mesme au can. *nos* 15. q. 6. Nous absolvons ceux qui sont obligez par fidelité ou serment aux heretiques excommuniés, & prohibons en toutes sortes qu'ils ne leur gardent point la fidelité.

IV. Luy mesme en ses *Dictats*, liu. 2. apres l'Epistre 55. Qu'au Pape est permis de deposer les Empereurs: Que luy seul peut v. ser des marques Imperiales: Qu'au seul Pape tous Princes doivent *baiser les pieds*: Que son nom est *unique* au monde: Qu'il peut absoudre les subiects de la fidelité jurée aux iniques.

V. Luy mesme, au rapport de Platine en sa vie, le dejetta Henry (assau. IV.) de l'administration Imperiale & Royale, & donna absolution à tous Chrestiens du serment de fidelité qu'ils ont accoustumé de porter aux vrais Rois: D'auantage, puis qu'il a mesprisé mes admonitions, mais plustost les tiennes, Pierre, je le lie du lien d'anatheme.

VI. Urbain II. au can. *juratos* 15. q. 6. prohibe, que les soldats qui ont presté serment au Comte Hugon, ne luy rendent seruice pendant qu'il est excommunié: que s'ils se cuident couvrir de la force du serment, admoneste les qu'il faut plustost *seruir à Dieu qu'aux hommes*.

VII. Innocent IV. au chap. *de sentent. & re jud. in 6.* Declare l'Empereur Frederic priué, & par sentence le priue de tout honneur & dignité pour cause de quatre tresgrands crimes. Absout tous ceux qui luy estoient obligez par serment de fidelité: leur inhibe de luy obeyr à l'aduenir comme à Empereur ou Roy: excommunie tous ceux qui luy presteroient aide ou faueur: permet aux Electeurs d'en eslire vn autre.

VIII. Iule II. au rapport de *Fr. Guichardin*. Il mit en interdit Ecclesiastique le Royaume de France, inhiba les foires que Louys vnziesme auoit transferé de Geneue à Liōn: dōna au Roy d'Angleterre le tiltre de tref Chrestien: conceda le Royaume de  
France

France au premier occupant.

IX. Clement v. en l'Extrauag. *ad certitudinem*, de sent. excom. excommunie Andronique Paleologue & ses associez, & met leurs terres en interdit Ecclesiastique.

X. Innocent i v. au chap. *Grandi* 2. de suppl. neglig. pral. in 6. donne au Roy de Portugal (*Sanche*) negligent & prodigue, pour coadjuteur son frere Alfonse Comte de Bologne, mande aux Barons de luy rendre l'honneur deu, d'obeir à ses commandemens & luy payer les droicts.

XI. Innocent III. au chap. *venerabilem*, de elect. Le droict & puissance qu'ont les Princes d'eslire le Roy, leur a esté concedé par le siege Apostolique, lequel a transporté l'Empire des Grecs aux Allemands en la personne du Magnifique Charles. Et il appartient au Pape d'examiner celuy qui a esté esleu, l'approuuer, oindre & couronner, s'il le trouue digne: ou le rejeter s'il le trouue indigne. Et si les Electeurs n'en veulent eslire vn, le Pape supplée: & lors que les voix des Electeurs sont egales, le Pape peut gratifier celuy qu'il veut.

XII. Clement v. au chap. vniq. de jurejurando, les Clementines. L'approbation de la personne de l'Empereur est prinse du Pape, & l'onction, la conseruation & la couronne de l'Empire. Et l'Empereur est tenu de luy prester serment de fidelité, suiuant le canon *sibi Domine*, dist. 63. Et a la forme du serment presté audit Clement, par Henry septiesme en ladite Clementine.

XIII. Jean 22. en l'Extrauag. *si fratrum ne sede vac.* Bien qu'il soit clair de droict & aye esté obserué inuiolablement par le passé, que lors que l'Empire est vacquant, la Iurisdiction, regime & disposition d'iceluy est deuoluë au souuerain Pontife, auquel en la personne de S. Pierre Dieu mesme a commis ensemblement les droicts de l'Empire terrien & celeste, & qu'il les aye exercez audit Empire pendant ladite vacation par soy ou par autres ou autrement: Nous, voulant pouruoir aux droicts & honneurs de l'Eglise nostre Espouse &c. & procederons contr'eux plus rigoureusement spirituellement & temporellement.

XIV. Clement v. en la Clementine *pastoralis de sent. & re judic.* dit, Que le soin & sollicitude de toutes les nations du peuple Chrestien luy a esté commise de Dieu: Qu'il est le Iuge ordinaire de Robert Roy de Sicile &c. Nous (dit-il) tant par le droict de

superiorité que nous *auons indubitablement* sur l'Empire, que par la puissance à laquelle nous succedons l'Empire vacquant, & d'abondant par la plenitude de ceste puissance que Christ Roy des Rois & Seigneur des Seigneurs en la personne de S. Pierre nous a concedee (quoy que indignes) declarons la sentence & tous les procez faits par Henry 7. contre ledit Robert entierement nuls, & inutiles, & neantmoins entant qu'ils ont procedé de faict, les cassons, reuouquons & annullons.

xv. Adrian iv. en son Epistre *aux Euesques de Treues, Mogonce & Cologne, rapportée par I. Ananin*, liu. 6. Ce qu'a l'Empereur, il le tient de nous: comme Zacharie transporta l'Empire des Grecs aux Teutons: ainsi nous le pouuons transporter des Allemands aux Grecs. Il est en nostre puissance de le donner à qui nous voulons, pour cela constituez de Dieu sur les gens & Royaumes, afin que nous destruissions, arrachions, edifions & plantions.

## DOCTEURS.

xvi. Barthol Fumus *in aurea Armilla c. Papa*. Toute puissance jure fidelité & obeissance au Pape, & recognoist de luy tout ce qu'elle a. Et si quelque Empereur a donné quelquefois quelque chose à l'Eglise, ce n'a pas esté donation, mais restitution.

xvii. Bellarmin au liu. 2. *de Rom. Pont.* chap. 26. §. *obseruandum*. D'autant que la republique Ecclesiastique est spirituelle, & partant plus grande & plus sublime qu'aucune republique temporelle, c'est pourquoy le souuerain Prince de l'Eglise peut diriger & juger le souuerain Prince de la republique temporelle, & ne doit estre dirigé ou jugé par luy, sinon que le droit ordre & la mesme nature des choses soit peruertie.

xviii. Augustinus Triumphus *in summa de potest. Eccles.* q. 4. art. 1. Aluarus Pelagius liu. 1. *de planctu Eccles.* chap. 13. Hostiensis in cap. *Quod super his, de voto & voti red.* Panormitanus sur le chap. *Nouit de judicij.* Siluester *in summa de peccatis*, verbo *Papa* §. 2. rapportez par Bellarmin au liu. 5. ch. 1. *de Rom. Pont.* disent, Que le souuerain Pontife a de droit diuin pleniére puissance en tout le monde vniuersel tant es choses diuines que politiques: Et mesmes Hostiensis adjouste que par l'euenement de Christ tout le domaine des Princes infideles, a esté transferé à l'Eglise, & reside au souuerain Pontife, comme vicaire du souuerain & vray Roy Christ.

Christ. Et partant, que le Pontife peut du droict qui luy compete, donner le regne des infideles à qui il veut des fideles.

xxix. Bellarmin au liu. 5. chap. 6. §. 1. *du Pontife Romain*, Nous affermons qu'encor que le Pontife comme Pontife n'aye aucune puissance purement temporelle, que toutesfois il l'a en l'ordre de bien spirituel. Et au §. *quantum*, Le Pape comme Pape ne peut pas ordinairement deposer les Princes tempotels, mesme pour juste cause, de la sorte qu'il depose les Euesques, c'est à dire, comme juge ordinaire: toutesfois il peut changer les Royaumes & les oster à l'un & bailler à l'autre comme souuerain Prince spirituel, si cela est necessaire pour le salut des ames.

xx. La glose au chap. 2. *de priuil. in 6.* sur le mot *mundi*. Il dit bien, car l'Apostolic est Seigneur de tout le monde.

xxi. Nicolaus Sanderus au liure 2. *de visib. Monarch. Eccles.* chap. 4. Il faut croire que telle puissance a esté concedée au souuerain Pasteur de l'Eglise, qu'il peut non seulement excommunier vn Roy impie, mais aussi liberer ses subjects de toute obeissance enuers luy.

xxii. Baronius en l'année 1053. *num. 14.* Le Pape a deux glaiues, tant le maternel que le spirituel. Et nier cela, c'est heresie.

xxiii. Bozius au liu. 10 *de signis Eccles.* Tous les Royaumes & toutes les Prouinces des Chrestiens appartiennent au Pontife: & les Rois & Princes ou ils les ont par la gratuite liberalité d'iceluy, & de luy les tiennent par emprunt, ou ils les occupent injustemér.

xxiv. Bellarmin audit liu. 5. ch. 7. Il appartient au Pontife de juger si vn Roy doit estre deposé ou non, comme quand Zacharie deposa Childeric, & commanda que Pepin, pere de Charles magne fust créé en sa place. Et quand Leon iii. transporta l'Empire des Grecs aux Allemands; & ainsi tous les Empereurs depuis Charlesmagne doiuent leur Empire au Pontife. Et depuis ce temps là luy prestent *serment de fidelité*.

xxv. Augustinus Triumphus, *aliàs* de Ancona au liure *de pot. Eccles.* qu. 2. art 3. Qui niera que le Pape ne puisse deposer l'Empereur? car c'est à celuy de deposer l'Empereur à qui il appartient de le constituer.

xxvi. Antonin Archeuesque de Florence en sa somme *part. 2. l. 22. chap. 3. §. 7.* Telle est la puissance des Empereurs, Rois & Princes; Que si elle est bonne, elle doit estre instituée, reglée, &



confirmée par le Pape. Et si elle n'est bonne, elle doit estre jugée & condamnée par luy mesme. Et au chap. 5. §. 7. Il peut déposer les Rois pour cause raisonnable.

xxvii. Gabriel Biel *lett. 2. 3. in can. missz.* Le Pape transfere la supreme puissance seculiere d'une gent à l'autre, & peut déposer l'Empereur.

xxviii. Petrus Ancharanus sur le chap. *Canonum statuta*, nu. 6. de *constit.* Le Pape a les deux glaiues de la superiorité sur l'Empire: & de là procede qu'il couronne l'Empereur, l'oingt & quelquefois le depose.

xxix. Barthole sur la *l. si Imperator* nu. 4. *C. de legib.* Les Princes d'Allemagne ont le droit d'esslire l'Empereur: mais le droit de le priuer appartient au Pape seul.

xxx. Reitaurs Castaldus au liure de *imperat.* q. 81. Le seul Pape sans aucun Concile depose l'Empereur, d'autant que le Pape & Christ ont vn mesme tribunal, &c. S'il est expedient le Pape punit & depose le Prince, quelque exemption qu'il aye.

xxxi. Alphonsus de Castro au liu. 2. chap. 7. de *iusta haretic. punit.* Aucun ne se doit estonner que le Pape pour crime d'heresie depose vn Roy de sa dignité Royale, & le priue de son Royaume: car les Rois aussi de mesme que les inferieurs sont subjects au Pontife en affaire de foy.

xxxii. Michael de Aninyon au traité de *unitate oculis & Passor. num. 12.* Parce que la puissance du Pape est emanée immédiatement de Dieu, & est sujette à Dieu seul, mais la puissance de l'Empereur procede du vicair de Christ auquel elle est sous-ordonnée: C'est pourquoy le Pape peut transporter l'Empire de certain genre de personnes à vn autre, & qu'il oingt l'Empereur, le couronne, confirme, & approuue, & reprouue, & aussi le depose lors que le cas le requiert.

xxxiii. Hugo de S. Victor au liu. 2. de *sacrament. part. 2. c. 41.* La puissance spirituelle doit instituer la terrienne, afin qu'elle soit: & la doit juger, si elle n'est pas bonne: mais elle a esté premierement instituée de Dieu: & lors qu'elle se deuoye, ne peut estre jugée que de Dieu seul.

xxxiv. Dionysius Chartusianus au liure de *regim. polit.* art. 19. En l'Eglise de Dieu il y a vn souverain Pontife, assavoir Monsieur le Pape, auquel est la plenitude & le sommet des deux puissances & do-



& domaines, c'est à dire, de la puissance tant spirituelle que seculiere. Et partant il a jurisdiction & disposition sur tous les Royaumes & principautez des fideles, non seulement és choses spirituelles, mais aussi és temporelles, lors que quelque cause raisonnable le requiert: car il peut deposer l'Empereur, priuer les Rois de leurs Royaumes, si leur vie le merite.

xxxv. Ioannes Driedo au liu. 1. de *libert. Christ.* c. 14. Il ne faut pas obmettre que le Pape par la plenitude de puissance qu'il a sur les Princes Chrestiens, peut priuer les Rois & Princes de leurs regnes & Empires, pour le crime d'heresie: & exempter du tout le peuple Chrestien de leur obeissance & subuersion.

xxxvi. Bellarmin *contre Barclay* ch. 36. sur la fin, Ce que nous auons dit, & tous les Catholiques l'enseignent, que le souverain Pasteur des Chrestiens peut contraindre tout le monde à faire son deuoir d'obeir à Dieu, ne s'entend pas de la seule contrainte par excommunication: mais aussi par priuation des royaumes & principautez, si le mesme Pasteur juge cela expedient pour le salut du troupeau.

xxxvii. Thomas Cayetanus in *Apologia de comparat. auctor. Papa & Concilij*, part. 2. chap. 12. De ce que dessus il s'ensuit que le Pape a souveraine puissance és choses temporelles, & qu'il ne l'a point: d'autant que l'un & l'autre est vray estant sainement entendu: car l'affirmation est vraye en l'ordre des choses spirituelles, la negation est aussi vraye directement.

xxxviii. Durandus Episc. Meldensis au liu. de *orig. iurisd.* q. 3. La Jurisdiction temporelle ne s'estend aucunement aux choses spirituelles desquelles elle ne cognoist rien. Mais la Jurisdiction spirituelle s'estend premierement & principalement aux choses spirituelles. Secondement & par certaine consequence elle s'estend aux actions des hommes és choses temporelles qui sont ordinées aux spirituelles comme à leur fin. De mesme Ioannes de Turre Cremata in *summa de Ecclesia* lib. 2. ch. 114. Franciscus Victoria de *pot. Eccles. relict.* 1. q. 5. *propof.* 8. Dominicus à Soto, in *q. sent. dist.* 25. q. 2. *art.* 1. *concl.* 5. Ludouicus Molina de *justis. & jure.* tom. 2. *disp.* 29. *conclus.* 3. Fernandus Vasquis lib. 1. *l. iust. contr.* c. 21.

xxxix. Didacus Couarr. in *to. de restitutione*, sur la regle *peccatum*, p. 2. §. 9. q. 7. Ceste sentence est vraye en ce sens que le Pape a veritablement la puissance temporelle mesme sur l'Empereur

entant qu'elle est utile & nécessaire pour le regime de l'Eglise Catholique, & pour l'usage de la puissance spirituelle.

XL. Bellarmin *contre Barclaius* ch. 18. §. 2. Le Prince spirituel peut excommunier le Prince temporel & deliurer ses sujets de sa subjection, & leur enjoindre sous peine d'excommunication, de ne recognoistre point pour leur Prince l'excommunié, mais qu'ils en essisent vn autre ou adherent au legitime successeur.

XLI. Luy mesme au ch. 20. §. 1. Nous disons que les Rois heretiques & infideles n'ont pas esté tolerez par l'antiquité *à cause de la conscience*, mais d'autant que les forces de l'Eglise n'estoyent pas suffisantes pour les dejetter: mais qu'au contraire l'Eglise eust peu & deu, si elle en eust eu les forces, oster l'Empire à ces Rois, sinon que pour quelque cause elle eust trouué de deuoir différer en temps plus cominode ceste priuation.

XLII. Luy mesme au ch. 21. §. *respondeo non* &c. le n'estime pas qu'on puisse dire sans grande erreur, que l'Apostre \* Paul n'a pas peu exempter les Chrestiens de la subjection des Princes infideles, s'il eust estimé cela utile & nécessaire, & s'il eust en assez de force, &c. Ce que dit l'Apostre, *que toute ame soit subiecte aux puissances superieures*, n'appartient plus au Roy deposé par la suprenne puissance spirituelle &c. Car de droict le peuple lors ne luy est plus subiect & luy n'est plus supérieur. Et §. *hoc inquam*. Il est faux que les Princes politiques ayent leur puissance de Dieu seul ou qu'ils soyent *immédiatement* constituez de Dieu: car les domaines & principautes politiques ne sont pas de droict diuin, mais de droict humain.

\* Mais S. Paul n'estoit pas vicaire de Christ ni Euesque de Rome.

XLIII. Le mesme audit lieu. ch. 27. sur la fin, l'affirme asseurément que sans doute Iesus Christ a oestroyé à son vicaire puissance de disposer de tous les temporels, & de priuer les Rois & Princes de leurs Royaumes & domaines pour en vser au salut des ames, quand il jugera nécessaire.

XLIV. Baronius en ses Annales *en l'an* 751. Zacharie Pape *transporta* le Royaume (de France) à Pepin qu'il crea Roy, ayant souuerain Childeric en vn monastere. Et *l'an* 770. num. 24. & 912. num. 34. Les Rois de France *sont subiects au Pape*, les commandements duquel ils doiuent executer. Et *l'an* 800. num. 15. Or çà nouateurs

Politici-

Politiques, qui reuozquez du tout frivolement en doute, si le souuerain Pontife a peu transferer le Royaume de France, de Childeric stupide à Pepin &c. Il est tres manifeste, & peut estre prouué par consequence necessaire par la parole de Dieu, par le droit diuin, & par la loy de nature, qu'en l'Eglise est ceste puissance qui reside premierelement au souuerain Pontife, & qu'il peut, si la cause le requiert, par sa plenissime puissance Apostolique deposer vn Roy ou Empereur nuisible à l'Eglise, & en substituer en sa place vn iuste & pieux.

XLV. *Astensis in summa part. 1. liu. 2. tit. 64. art. 4.* Colligez de ce que dit est: que les Princes seculiers & les Seigneurs temporels doiuent estre excommuniez par l'Eglise, & chassez de leurs terres & icelles exposées aux Catholiques, non seulement pour heresie, mais aussi s'ils sont negligens à extirper l'heresie d'autrui. Et de mesme si le Prince est trouué negligent, insusistant, & incapable de regir son Royaume, & à faire justice.

XLVI. *Albertus Pighius au liure 3. de Eccl. hierarch.* Les Rois & Princes Chrestiens necessairement sont au deslous du Prince de la Hierarchie Ecclesiastique qui les contienne tous en deuoir, corrige les preuaricateurs, & si la necessité de tous le requiert, les oste de leur administration & office, & en leurs places en constitue d'autres, ou commande estre establis par ceux à qui cela appartient de droit ou de coustume.

XLVII. *Anton. Archiepiscopus Florentinus in summa 3. part. lib. 2. c. 6. §. 4.* Tous les Rois Chrestiens faut qu'ils soyent autāt subiects au Romain Pontife souuerain Prestre, vicaire de Christ, comme à Iesus Christ mesme.

XLVIII. *Rodericus Zamoren. in speculo humana vite, liu. 2. ch. 1.* La sublimité & eminence de ce souuerain Pontife est si grande, & si grande son immensité, que aucun mortel ne la peut exprimer, ou comprendre, ni mesmes penser.

XLIX. *Marcell. Archiep. Corcyr. lib. 1. sacrar. cerem.* En fin ce glaue Pontifical qui est benit en la nuit de la natiuite de nostre Seigneur & donné, figure la souueraine puissance temporelle par Christ au Pontife son vicaire en terre suivant cela, toute t<sup>te</sup> puissance m'a esté donnée au ciel & en la terre.

† Cela appartient à Christ seul non à aucune creature.

1. *Rodericus Zamor. au liure 2. ch. 1. sacrar. cerem.* Le Pape

n'est pas seulement establi pour la principauté humaine, mais pour la diuine; pour commander aux hommes, mais aussi aux Anges: pour juger les viuans, mais aussi les morts: pour presider en terre, mais aussi au ciel: sur les Chrestiens, mais aussi sur les infideles. Bref, institué & esleué de Dieu en sa place, à *mesme dignité, jurisdiction, puissance* vniuerselle, souueraine principauté sur tout le monde.

Vn homme preside au ciel, & commande aux Anges.

LI. Emanuel Sa *in voce Excommunicatio*. Les Rois sont excommuniez & liez par censures par le Pape seul.

Sainct Ambroise n'estoit pas Pape de Rome.

LII. Dominicanus Venit *part. 4. post conclus. 3. principalem*. Le Pape est le vray Seigneur du monde.

LIII. Bellarmin *de Rom. Pont.* liu. 5. ch. 6. Si quelque loy cruelle est necessaire pour le salut des ames, & que les Rois ne la veulent pas faire, ou si quelque loy est nuisible au salut des ames, & toutesfois les Rois ne la veulent abroger, le Pape comme Pape peut faire vne loy ciuile, ou infirmer la loy ja faite par les Princes.

LIV. Thom. Aquinas 2. *qu. 12. art. 2.* Tout aussi tost que quelqu'un est excommunié par sentence pour apostasie de la foy, tout aussi tost de faict les subjects sont absous des deuoirs & du serment de fidelité auxquels ils luy estoient obligez.

LV. Alex. Carerius *de pot. Pontif. Rom.* liu. 2. ch. 3. num. 18. D'où nous concluons vrayement & juridiquement, qu'il n'y a aucun Prince au monde, qui n'aye pour superieur *temporellement* s'il vient à faillir, le Pontife Romain, qui, s'il est besoin, le punisse & depose, autrement le corrige selon la qualité du delict: Et tenir le contraire, c'est l'heresie de tous les heretiques de nostre temps. *Et au chap. 5. dudit liure, num. 6.* Tout ainsi que le monde diuin & humain estoit en Christ: Aussi faut-il confesser que le mesme est au Pape son vicaire.

LVI. Stapleton *controu. 3. de primar. subj. pot. Eccles. q. 5. art. 2.* En cas d'heresie le souuerain Pontife peut de son immediate autorité priuer quelque Prince de son domaine en cas de necessité, autrement il ne le peut sinon mediatement.

LVII. Guill. de Monferat *in tr. success. reg. num. 30.* Le Pape avec cause peut priuer quelque Prince Chrestien que ce soit, comme il priua & deposa Childeric.

**LXVIII.** Suares *lib. 6. defens. fid. c. 4.* Le Royaume Chrestien depend du Pape, en ce qu'il peut non seulement donner conseil ou prester consentement aux subjects pour la deposition, mais aussi leur commander, voire les contraindre quand il jugera necessaire au salut spirituel du Royaume, & principalement pour euer les schismes & heresies. Apres la sentence de condamnation celuy qui l'aura donnée ou celuy qui sera deputé à cest effect, pourra priuer le Roy de son Royaume mesme, le faisant *suer* s'il ne peut autrement &c. Ceste doctrine est vne verité *necessaire à salut* suivant ce que Boniface 8. en a déclaré en son Extrauagante *unam sanctam*. Et *chap. 6.* Le Roy est deposé de faict par la juste sentence du Pape: par cela ceux qui auparauant estoient ses subjects, laissent d'estre subjects: car le Roy n'est plus Roy ni supérieur, & les citoyens ne sont plus obligez de reueler les conjurations faites contre luy.

**LIX.** Syluestre Prieras *liu. 3. c. 2. §. 15. & 16.* La Monarchie Papale est la cinquieme en l'ordre des Monarchies du monde: Et selon les *sainctes Escriptures* est la plus digne, la plus excellente, puissante & magnifique de toutes: son empire est sur tout le monde uniuers tant sur les fideles que infideles, iuifs & Payens. Qu'il est seul infaillible, Iuge de verité en toutes choses concernant la foy & les mœurs &c. Et *liure 2. chap. 7.* Que le Pape est la vraye & infaillible regle de la foy &c. Que l'*Escripture sainte* a tiré & tire, a receu & reçoit sa force & autorité de l'autorité & puissance du Pape: Et que ceux-là sont heretiques & damnez qui ne le croient ainsi.

**LX.** Thomas Bozius *de sign. Eccles. lib. 17.* dit que non seulement le Pape peut priuer les Rois de leurs Royaumes pour quelque crime par eux commis, pour faincantise, incapacité, & negligence: mais aussi encore qu'il n'y ait en eux aucune faute: & adiouste, Et en cela reluit l'autorité du Pape qui peut pour juste cause ou *sans aucune coulpe* de la part du Prince transporter des vns aux autres des tresgrands droicts comme sont ceux de souveraineté.

**LXI.** Reymondus *in summa lib. 1. tit. haret. §. 7.* La puissance seculiere peut non seulement estre excommuniée, mais aussi déposée par l'Eglise, non seulement pour son heresie, mais aussi si elle est negligente à extirper les heresies: voire mesme toutesfois & quantes que le Prince seculier est inutile, dissolu, & negligent à

gouverner & rendre justice.

LXII. Hénric. Cardin. Ostiensis in *summa tit. de hæret. §. Quia pænā nūm. m. fr.* Les Seigneurs temporels peuvent estre excommuniéz & leurs terres exposées aux Catholiques pour estre occupées non seulement à cause de leur heresie, mais aussi pour celle des autres quand admonnestez ils negligent de l'extérminer & qu'ils le peuvent faire.

LXIII. Alphonsus in *summa, 1. part. lib. 2. tit. 64. arg. 4.* Les Princes non seulement pour leur heresie, mais aussi pour leur negligence, à extirper l'heresie des autres, doivent estre excommuniéz, exspoliez de leurs terres, & icelles exposées aux Catholiques pour estre par eux occupées par l'Eglise. Et de mesme si le Prince est trouué negligent, insuffisant, inepte en l'administration de son Royaume & distribution de justice : & en suite de cela Zacharie deposa Childeric, & Innocent Othon.

LXIV. Dominicus Bannes *m. 2. 2. q. 10. art. 10. §. Quarta conclusio.* Il est laissé au jugement du Pape quand il faut vser de ceste souveraine puissance. Et *qa. 12. art. 2. §. circa primam.* Non seulement l'Eglise ptiue entierement les Princes Apostats de leur domaine sur leurs subjects, mais aussi ceux qui en quelque façon sont tombez en heresie.

LXV. Becanus *lib. de controuersia Anglicana.* Ceste deposition du Roy peut estre faite en diuerses manieres. La maniere vstrée est celle cy : Que le Pontife absolue les subiects de l'obligation de subiection qu'ils doiuent à leurs Rois. Or c'est vne legitime cause de sa part des subiects pour les dispenser du serment de fidelité, quand les Rois ne les defendent pas de la violente incursion des heretiques. Le Pontife le peut faire par autre moyen, assauoir, par voye de compensation, si les Rois de leur costé ne gardent point la foy à leurs subiects, suivant cela il est permis de rompre la foy à celuy qui ne la garde de son costé.

LXVI. Alexander à Turce *Crem. de fulgente radio hierarch. lib. 5. ad. 19.* Le vicaire de Christ a obtenu du Roy des cieux les deux glaives le spirituel & le sensible. Du spirituel il retranche le crime d'heresie, depose les Rois qui se separant de la pieté Catholique, & tra. sp. portent à d'autres leurs Royaumes. Du materiel ou sensible il transperce les tyrans, decapite ceux qui vsurpent les biens de l'Eglise : met à mort les perturbateurs de la paix : bruste les r. uisseurs



uiffeurs des biens de Christ, tourmente ceux qui enuahissent les religieux: consume par le feu les brulseurs d'images.

LXVII. Thomas Aquin. *in 2<sup>a</sup>. 2<sup>e</sup>. q. 60. art. 6.* La puissance seculiere est soubmise à la spirituelle comme le corps à l'ame: & partant ce n'est point vn jugement vsurpé si le Prelat spirituel s'entremet des choses temporelles.

LXVIII. Bonauentura *de Hierarchia Eccles. part. 2.* Les Prestres & Pontifes peuuent pour cause deposer les Rois & Empereurs, comme souuent il est arriué & a esté veu: assauoir quand leur malice le requiert, & la necessité de la republique le demande. Mais le souuerain Pontife ne peut estre jugé par aucun Roy, Prince ou homme, mais est reserué au jugement d'un seul Dieu.

LXIX. Ægidius Romanus Archiep. Bituric. *de potest. Eccles. part. 1. c. 30.* Mais quelqu'un dira, que les Rois & les Princes sont soubmis à l'Eglise spirituellement & non temporellement: mais ceux qui disent cela, ne comprennent pas bien la force de l'argument. Car si les Rois & les Princes estoient seulement soubmis à l'Eglise spirituellement, vn glaïue ne seroit point soumis à l'autre, les choses temporelles ne seroyent point sous les spirituelles, il n'y auroit point d'ordre entre les puissances, les choses plus basses ne seroyent point reduites aux supremes par les moyennes.

LXX. Petrus Bertrandus *in tr. de origine iuridic. q. 4. num. 5.* La puissance spirituelle doit dominer à toute humaine creature: & tout ainsi que Iesus Christ pendant qu'il a esté en ce monde, & aussi de toute eternité a esté le Seigneur naturel, & eust peu de droict naturel donner sentence de deposition & condamnation contre les Empereurs & contre tous autres: ainsi par mesme raison le peut faire son vicairé.

LXXI. Steph. Aufserius *tr. de potestate secularium, n. 5. & 6.* Le Pape destitue l'Empereur comme inferieur lors qu'il est de besoin, ou que le cas le requiert. Et en tous affaires d'importance & tresgrandes difficultez d'où naissent des scandales à la Chrestienté, le Pape à cause de ceste majorité s'en peut entremettre, mesmes entre laïcs, & exercer ceste puissance que Dieu luy a attribuée.

LXXII. Guill. Durandus Speculator *in speculo, lib. 1. tit. de legato, §. nunc ostendendum n. 17.* Le Pape depose l'Empereur pour ses iniquitez, & donne des curateurs aux Princes, lors qu'ils sont incapables de gouverner.



LXXIII. Io. Faber *l. i. num. 10. C. de summa tr. & fid. cat.* Il n'y a point de doute que le Pape ne soit supérieur à tous les Chrétiens es choses temporelles & es spirituelles &c. Lors qu'il s'agit de prejudice de l'ame ou du peuple, le Pape peut & doit y pourvoir, & s'il est de besoin, déposer quelques Rois que ce soit.

LXXIV. Ægidius Bellamera *in ca. alius 15. q. 6. n. 2.* Le Pape peut déposer l'Empereur qui recognoist de luy la temporalité, & aussi les Rois, bien qu'ils ne tiennent pas de luy leur royaume en fief, & qu'ils ne recognoissent pas de luy leur temporalité, & ne luy prestent serment de fidélité, c'est assavoir à cause de leurs delicts & negligence.

LXXV. Franciscus Victoria *de potest. Ecclesie rel. 1. q. 5. propos. 8.* Quand il est nécessaire pour la fin spirituelle le Pape peut non seulement tout ce que peuvent les Princes séculiers : mais aussi faire des nouveaux Princes & ôter les autres & diuiser les Empires.

LXXVI. Iacobus Simonca *de Catholicis institutionib. tit. 45. n. 25.* Si quelque Prince estoit inutile, ou qui fist des loix contre la religion ou contre les bonnes mœurs, ou qu'il fist quelque chose de semblable au detriment des choses spirituelles, le Pape pourroit y rapporter remède conuenable en gardant toutes justes circonstances, en priuant vn tel Prince de l'administration & juridiction.

LXXVII. Gregor. de Valentia *in 2<sup>a</sup> 2<sup>e</sup> disp. 1. q. 12. puncto 2. assert. 2.* Pour péché d'apostasie de la foy, vn Prince peut estre priué de son domaine & prelation sur ses subjects par la sentence du Pape : & de cela n'y a aucune doute entre les vrais orthodoxes.

LXXVIII. Ludou. Molina *tomo 1. de iustit. & jure tr. 2. disp. 29. conclus. 3.* Partant si la fin supernaturelle le requiert, le souverain Pontife peut déposer les Rois & les priuer de leurs Royaumes.

LXXIX. Martinus Nauarrus *ad cap. Nonis. de iudicijs. not. 3. n. 41.* La puissance Ecclesiastique est vne espece de puissance distinguée de la laïque & beaucoup plus noble qu'icelle : comme l'or est vne espece de metal distincte du plomb & beaucoup plus noble, & directement n'embrasse que les choses supernaturelles, mais indirectement les naturelles entant qu'elles sont nécessaires pour atteindre la fin supernaturelle. *Et num. 99.* De là on collige la raison pour laquelle le Pape peut déposer les Rois qui sont ainsi negligens au gouvernement de leurs Royaumes, que par là  
le peuple

le peuple de Dieu qui leur est subiect, est empesché de paruenir à la vie eternelle.

## CHAP. XVII

*Que à luy seul appartient d'exempter les Clercs & les Moines de toute jurisdiction ciuile : & leur peut octroyer tel priuilege que bon luy semble.*

## PAPES.

I.



A IV S. au can. *nemo* II. q. I. Que nul ne presume jamais d'accuser l'Euesque ou les autres clerks par deuant le Iuge seculier.

II.

Alexandre au can. *relatum* II. q. I. Que nul ne presume d'accuser les Prestres de Dieu par deuant les Iuges publics.

III.

Syluestre au c. *testimonium* II. q. I. Que nul ne recoiue le tesmoignage d'un clerc contre un laic, car aucun ne doit entreprendre d'examiner aucun clerc en public, sinon en l'Eglise.

IV.

Gregoire IX. au ch. *significasti* 18. de *foro compet.* Le clerc du consentement de l'Euesque peut consentir en un autre Iuge Ecclesiastique, mais non en un Iuge laic.

V.

Honorius II. au ch. I. de *iurejur. cal.* Que l'Euesque ne jure point sans la permission du Pontife Romain, ou aucun clerc sans la permission de son Prelat.

VI.

Alexandre au chap. de *casero*, de *testib.* Les laics ne doiuent estre aucunement receus pour *accusateurs* ou *tesmoins* contre les clerks en cause criminelle, sinon pour estre en ce que concerne l'accusation lors qu'ils poursuient reparation de l'injure à eux faite ou aux leurs.

VII.

Syluestre au can. *presul* 2. q. 4. Le Prelat ne sera point condamné sinon sur la deposition de soixante douze tesmoins : & le souverain Prelat ne sera jugé par aucun, d'autant qu'il est escrit, *que le disciple n'est point par dessus son maistre* : & le Prestre Cardinal sinon sur la deposition de quarante quatre tesmoins : le Diacre Cardinal de la ville de Rome de vingtsept tesmoins. Le sousdiacre, l'Acolyte, l'Exorciste, le Lecteur & le portier de sept tes-

moins. Or il faut que les tesmoins & les accusateurs soyent sans aucune infamie.

viii. Leon iv. au can. *nullam* 2. q. 4. L'Euesque ne fera point accusé sinon par deuant douze Euesques, & ne sera point condamné sinon sur la deposition de septante deux tesmoins idoinés &c. Si l'Euesque requiert que sa cause soit traitée en la presence de l'Euesque du siege de Rome, que nul ne presume donner contre luy sentence diffinitive, mais nous ordonnons absolument qu'il soit ouï.

ix. Sylvestre, Marcellin & Anaclet *és ca.* 2. 3. 5. & 14. *de la cause* 2. q. 7. Il n'est point permis à vn laic d'accuser quelque clerc que ce soit.

x. Zepherin & Sylvestre *és can. Clericus & Maiorum* de la dite cause 2. q. 7. Les moindres clercs ne peuvent point accuser les *Majeurs*.

xi. Sixte ii. au can. *si quis* 2. q. 7. Les Euesques ne doiuent pas estre conuenus par deuant leurs primats que premierement ils n'ayent esté admonnestez familièrement, non vne fois seulement, mais plusieurs: qui fera le contraire, qu'il soit priué de la communion comme contempneur des Apostres & des autres Peres.

xii. Zepherin au canon *premier, cause* 3. q. 8. Chaque Euesque accusé choisisse, s'il est necessaire, douze Iuges, par lesquels sa cause soit iustement jugée: mais la fin de sa cause doit estre rapportée au siego Apostolique pour estre là terminée: & qu'elle ne soit pas terminée que premierement il n'ait interposé son autorité, ainsi qu'il a esté statué par les *Apostres* ou par leurs successeurs.

\* Et puis

xlii. Sylvestre au can. *si quis* ii. q. 1. Si quelque clerc accusant vn autre clerc entre en la Cour, qu'il soit anatheme.

xiv. Innocent iii. au ch. *nimis* 30. *de iurejur.* Les clercs qui ne tiennent aucuns biens temporels des laics, ne sont point tenus de leur prester serment de fidelité, d'autant que le *seruiteur* demeure debout ou trebusche à son seigneur.

xv. Le mesme au ch. *aduersus, de immunit. Eccles.* Les Eglises & les personnes Ecclesiastiques ne peuvent estre imposez par les laics aux tailles, collectes & autres exactions sous peine d'anatheme:

theme: que si l'Euesque ou les clercs sans aucune *contrainte*, en la *necessité* publique, & lors *que les facultez* des laics n'y fussient pas, sont d'aduis que les Eglises conferent quelque subside, que les laics le recoiuent *humblement* & deuotement avec action de *graces*: mais toutesfois *ayant premierement* consulté le Pontife Romain à qui appartient de pouruoir aux communes vtilitez.

xvi. Alexandre III. es chap. 5. 6. 7. & 8. *de sentent. excom.* Les laics qui frapent vn clerc ou vn Moyne, & les Prelats qui les font battre par vn laic, sont excommuniez, & ne peuuent estre absous que par le Pape seul ou par son legat *c. vniuersalis 2. 4. eod. de immn. eccles.*

xvii. Honorius III. au ch. *nonerit 49. de sentent. excom.* Nous excommunions tous ceux qui font ou escriuent des statuts contre la liberté Ecclesiastique: comme aussi les Porcelsats, Consuls, Recteurs, & Conseillers des lieux où à l'aduenir tels statuts & coutumes seront faictes ou obseruées: & encor ceux qui oseront iuger selon iceux, ou qui redigeront les jugemens en forme publique.

xviii. Boniface VIII. au chap. *vnique de clericis conjugat.* Les clercs mesmes les mariez avec vne vierge, pourueu qu'ils portent la tonsure, & les habits clericaux, jouissent du priuilege clerical & ne peuuent estre conuenus par deuant le Iuge seculier: & qui les bat, est excommunié & ne peut estre absous que par le Pape.

xix. Alexandre IV. au chap. 1. *de immunit. Eccles.* Nous decret. nons n'estre loisible aux Escheuins ou autres d'imposer tailles ou collectes aux Eglises ou personnes Ecclesiastiques, ou les exiger d'iceux, pour les maisons, fonds ou possessions *quelconques par eux acquises ou qu'ils acqueront* à l'aduenir, ni aussi de contraindre lesdites Eglises ou personnes Ecclesiastiques de les vendre ou mettre hors de leurs mains.

xx. Boniface VIII. au chap. 3. *de immunit. Eccles.* excommunie toutes les Eglises qui payeront quelque chose sans la licence du siege Romain: & tous les Empereurs, Rois & Princes qui imposeront quelque chose sur elles; & tous ceux qui presteroient à ce faire, aide, conseil ou faueur, & ne pourront estre absous sinon de la licence & autorité speciale du siege Apostolique.

xxi. Luy mesme au chap. *quanguam, de sensibn 6.* Les Eglises, les personnes Ecclesiastiques, leurs biens sont immunes, non seu-

lement de droit humain, mais aussi de droit *\* divin* des actions des personnes seculieres.

*\* contraire n°. 24. Inf. hie. & 31.*

xxii. Innocentius iv. Alex. iv. & Clement iv. és chapp. i. 3. & 5. *de priuileg. in 6.* Les Pontifes Romains peuuent conceder du priuilege non seulement aux clerics, Moines, Eglises, & à leurs terres & domestiques; mais aussi aux Rois & autres personnes seculieres, qu'ils ne puissent estre interdits, suspendus, ou examinez par aucun pour quelque cause & en quelque lieu que ce soit.

#### DOCTEURS.

xxiii. Dominicus à Soto *in 4. Sent. dist. 25. q. 2. art. 2. conclus. 6.* Le Pape a peu, & l'a aussi deu, exempter les clerics des exactions & juridictions des Princes, sans leur en demander auis, & à laquelle exemption les Princes ne peuuent contreuenir.

xxiv. Didacus Couarruuias *in pract. quest. q. 31. conclus. 3.* Le souuerain Pontife a peu exempter les clerics & leurs biens de la juridiction seculiere: & cela a esté & est conuenable à la republique Chrestienne, non seulement és choses spirituelles, mais aussi és temporelles. Et *conclus. 4.* Combien que l'exemption des clerics de la juridiction des seculiers aye esté introduite *de droit \* humain* seulement, toutesfois le Prince seculier pour souuerain qu'il soit, ne pourra pas par ses propres loix ou de sa propre autorité, deroger à ceste immunité ou exemption.

*\* mais divin, sup. hie n°. 21.*

xxv. Bellarmín *contre Barclay ch. 15. §. 1.* Le Roy n'a aucune puissance sur les Euesques ou sur les clerics: ce qui se lit tres-ouuertement au Concile de Constance *sess. 31.*

xxvi. Luy mesme audit liure 5. *At hie.* Cōbien que les Theologiens & Canonistes disputent du droit d'exemption, toutesfois tous conuiennent, que par quelque droit les clerics sont exemptez, & qu'ils ne peuuent estre contrains par la puissance laïque.

xxvii. Le mesme Bellarmín au *chap. 21.* sur la fin. Les Apostres & leurs successeurs qui estoient Princes spirituels, n'estoyent point subiects aux Rois terriens.

xxviii. Ioannes Mariana au liu. i. ch. 10. *de regia instit.* En apres le Prince doit faire en sorte que les immunitéz & droits de l'ord-

dre

dre sacré soyent conseruez en leur entier : & qu'aucun de l'ordre sacré bien qu'il l'eust merité, ne soit par luy condāné ou supplicié.

xxix. Eman. Sa *és Aphorismes*. La rebellion d'un clerc contre le Roy, n'est point crime de leze majesté, parce qu'il ne luy est point subiect.

xxx. *Marta de jurisd. p. 4. cent. 2. cas. 133.* Les clercs ne peuuent commettre crime de leze majesté en nul chef, bien qu'ils treuuent des fiefs du Prince. Et au *quatriesme article*, En quelque crime que ce soit, mesme en celuy de leze majesté humaine, les clercs ne peuuent estre punis par les luges laics.


xxxi. Bellarmin encor *c. 28. de son liure des clercs*. Le souuerain Pontife a exempté les clercs de la subjection des Princes, & par tant les Rois ne sont plus superieurs des Clercs.

† contraire au n°. 22. sup. hic.

## CHAP. XVIII.

*Qu'il peut condamner les laics, & les declarer infames, & interstables ; les suspendre de leurs offices : les releuer d'infamie : les liberer de la puissance paternelle : les legitimer : abroger leurs coutumes : leur faire des loix touchant les substitutions & quartes : leur interdire la lecture & audience du droit civil de Iustinian : leur octroyer des priuileges de ne pouuoir estre conuenus en certain lieu. Qu'il peut cognoistre entre les Princes de l'infraction des conuentions faites entr'eux, & du serment violé : Qu'il peut prohiber à l'Empereur & aux Rois & Princes l'investiture aux Euesques & Prelats.*

### PAPES.

I.  NNOCENT III. au ch. *si aduersus*, de *heretic*. Nous suspendons de leurs offices les aduocats & defenseurs des heretiques, & ordonnons qu'ils soyent soubmis à infamie perpetuelle.

II. Luy mesme au ch. *excommunicamus*, de *cre-*  
*dentes*, de *heret*. Les receptateurs, defenseurs & fauteurs d'un he-



retique; sont excommuniez par le seul droict, sont infames: ne peuuent estre admis à aucuns offices ou conseils publics: ne sont receus en tesmoignage; sont intestables: ne peuuent recevoir aucune heredité. L'Aduocat ne sera receu à patrociner, & le rebellion ne pourra faire aucuns instruments.

iii. Honorius iii. au ch. *super specula* 28. de *privileg.* Nous prohibons qu'aucun ne presume d'enseigner ou ouir le droict civil à Paris ni és autres citez & lieux voisins: Et qui fera le contraire, non seulement il sera cependant exclus de postuler, mais aussi sera excommunié par l'Euesque du lieu.

iv. Célestin iii. au ch. *Quod clericus, de foro compet.* Nous commandons que si les habitans de Paris ont quelques causes *pecuniarias* contre quelques vns, ou les autres contr'eux, qu'elles soyent decidées par le droict canon.

v. Alexandre iv. au chap. 2. de *haeres. in 6.* Les heretiques & leurs fauteurs sont excommuniez, & leurs fils jusques à la seconde generation, ne seront admis en aucun office public: & leurs enfans sont liberez de la puissance paternelle.

vi. Boniface viii. au ch. *statutum, de haeres. in 6.* Les enfans des heretiques sont incapables de tout office seculier.

vii. Gregoire x. au ch. 2. de *usuris in 6.* Le testament d'un usurier manifeste ne vaut rien, sinon que premierement il aye satisfait ou donné caution.

viii. Innocent iv. au ch. *felicitis, de penis in 6.* Il condamne à perpetuelle infamie, bannit & declare intestable actiuelement & passiuement ceux qui offencent les Cardinaux: les priue de tout honneur & dignité, tant Ecclesiastique que mondaine.

ix. Nicolas au can. *authorisatem* 15. q. 6. Il absout de tous sermens (0.) Remet l'infamie, & commande que les ravisieurs, soyent poursuiuis avec le glaive spirituel & materiel.

x. Jean xxii. en l'Extravag. *spondens, de crim. falsi. in communib.* condamne les Alchymistes d'infamie perpetuelle.

xi. Urbain iii. au chap. *super,* & Innocent iii. au ch. dernier de *secund. nups.* ostent l'infamie de laquelle sont notées par le droict civil les femmes qui se marient dans l'an du deuil.

xii. Gregoire ix. au ch. vniq. de *infantib. expos.* Oste de la puissance paternelle & en declare liberez les enfans exposez.

xiii. Boniface viii. au ch. *si ammun. de iudiciis in 6.* Es causes beneficiei:



ecclésiastiques & autres spirituelles les enfans de famille peuvent ester en jugement sans le consentement de leur pere ; comme aussi és causes dépendantes d'ecclésiastiques.

xiv. Innocent iii. au ch. *diset de foro comp.* Si le Juge seculier est en manifeste negligence, les laïcs peuvent appeler à l'Evesque ou au Pontife Romain.

xv. Honorius iii. au ch. *per venerabilem, qui filij sint leg.* Le siege Apostolique a pleine puissance de legitimer non seulement les enfans naturels, mais aussi les *adultérins* : & non seulement pour les actes spirituels, mais beaucoup plus pour les actes seculiers ou temporels, qui est moins. Et quand il dispense és actes spirituels, par conséquent il est entendu dispenser és temporels.

xvi. Honorius iii. au ch. *ex parte, de consuet.* Nous déclarons que vous (il parle au Maire & bourgeois de la Rochelle) n'estes pas tenus de garder ces deux coutumes que cy devant ont esté observées en vostre pays : La premiere, Que si quelqu'un a perdu ses biens par prodigalité ou par accident, il puisse à son plaisir & volonté aliener les biens de la femme : La seconde, Que la femme delaisnée pour cause d'adultere, aye toutesfois la moitié de tous les biens que son mari avoit acquis.

xvii. Innocent iii. au chap. *Reynardus & Reynaldus de testam.* & Boniface vii. au ch. *i. de testam. in 6.* définissent, que c'est substitution pupillaire directe, & si és cas proposez il y a lieu de distraire les deux quarts en faveur de la mere.

xviii. Gregoire ix. au ch. *dilecti, de foro comp.* Bien qu'il aye esté octroyé par le siege Apostolique à tous les Anglois de ne pouvoir estre convenus au delà de la mer, pour causes pecuniaires, toutesfois celui qui a promis de payer en certain lieu peut estre là convenu.

xix. Gregoire vii. au can. *si quis i 6. q. 7.* Et Alexandre i. au can. *per laicos* la mesme. Les Empereurs, Rois & Ducs, Marquis, Comtes, &c. qui entreprendront de donner investiture des Eveschez ou des autres dignitez Ecclesiastiques, soyent prohibez d'entrer aux Eglises : Et le clerc qui receura investiture soit gratuitement ou moyennant certain prix, est excommunié.

xx. Pascal ii. au can. *constitutiones i 6. q. 7.* Tout clerc qui receura investiture de quelque Eglise ou dignité Ecclesiastique de la main d'un laïc, & luy & celui qui luy imposera les mains, per-

dra son grade & sera priué de la communion.

## DOCTEURS.

xxi. Ioannes de Anania sur le chap. *licet, de voto, n. 10.* Le Pape prin le laic de l'ordre de sa geniture, d'autant qu'il a puissance sur les Rois & sur les Royaumes, dont il depose l'Empereur.

xxii. Bellarmin *contre Barclay ch. 3. §. 7.* Les personnes priuées pour punition de diuers crimes non seulement peuuent estre punis par leurs confesseurs en la Cour interieure de racheter leurs pechez par aumosnes, mais aussi estre mulctez par les Euesques en la Cour exterieure de peine pecuniaire, ou aussi estre mis en prison, comme il est euident par le Concile de Trente *Session 25. chap. 3.*

*Fin du premier liure.*

LIVRE



# LIVRE SECOND

*Contenant l'opinion*

D'AVCVNS EVESQVES DE

Rome, de plusieurs autres Euesques, tant en-  
droict Ciuil que Canon, & autres grands per-  
sonnages adherans à la communion de l'Egli-  
se Romaine, contraire à celle des Papes, tou-  
chant la puissance qu'ils attribuent à S. Pierre,  
& à eux en consequence.

ADVERTISSEMENT.



**ENCORES** que les Papes ayent decla-  
ré heretiques & damnez, ceux qui ont au-  
tre creance qu'eux touchant leur puissan-  
ce, comme appert par le liure precedent:  
toutesfois jamais les Docteurs, Euesques  
& Eglises de l'Orient n'ont esté de ceste  
opinion. Et en Occident les Eglises des Cau-  
les entr'autres, ont tousjours creu & pro-

fessé le contraire, ainsi qu'il sera monstré au troisieme liure. Qui plus  
est, plusieurs Euesques de Rome & plusieurs Docteurs faisant pro-  
fession d'adherer à la communion de l'Eglise Romaine, ont creu &  
escrie le contraire, dont nous rapporterons en ce liure le tesmoignage  
d'aucuns d'iceux: Et au quatrieme liure & suiuanz ferons voir,  
moyennant la grace de Dieu, que la doctrine des Papes est contrai-  
re à celle de Nostre Seigneur, de S. Pierre, des autres Apostres,


des Conciles, & des Docteurs de l'Eglise. Et d'autant que le principal & quasi vniue rsal fondement sur lequel les Papes appuyent leur puissance, est, Qu'ils sont successeurs de S. Pierre, & ont la mesme puissance que luy, & disent, Qu'il a esté lieutenanc de Iesus Christ, chef & Monarque des Apostres, & fondement de l'Eglise, Nous mettons en la premiere partie de ce liure les opinions desdits Prelats & Docteurs, contraires à celle des Papes, touchant la puissance de S. Pierre, bien que cela soit quasi superflu. Car il ne s'ensuit aucunement, si S. Pierre a esté le chef de l'Eglise, que son successeur le soit; moins encor que l'Euesque de Rome soit pluslo st son successeur en l'Apostolat, ou en ceste pretendue souueraineté, que l'Euesque de Hierusalem, d'Antioche, d'Ephese ou autre; ven que Nostre Seigneur n'a pas dit, le donneray à toy & à tes successeurs. Moins a-il dit, Et ton successeur sera l'Euesque de l'Eglise qui sera à l'aduenir dressée ou plantée à Rome, si tu choisis ceste ville pour ton siege & y demeures jusques à ta mort. Et aussi qu'il n'appert pas, que S. Pierre aye esleu & choisi la ville de Rome pour y viure & mourir; ce qui estoit requis selon Bellarmin liure 2. du Pontife Romain, chap. 12. §. 13. Ce qui est aussi contre la creance de toute l'ancienne Eglise, comme est verifié aux liures sui uans.

Partie Premiere,  
CONCERNANT LE POVV.OIR  
donné à saint Pierre.

CHAP. I.

*Que les autres Apostres ont esté esgaulx en puissance & autorité à S. Pierre, & que l'Apostolat est la souveraine & supreme dignité de l'Eglise, & comprend en soy toutes les autres.*

P A P E S.

- I.  **N**ACLET Pape au can. *in nouo, diff. 21.* Les autres Apostres compagnons de Pierre receurent pareil honneur & puissance, & voulurent qu'il fust leur Prince &c. Eux estans decedez, les \* Euesques ont succédé en leur place.

† S. Pierre donc n'a pas esté fait Prince des Apostres par Iesus Christ, mais par les autres Apostres.

\* Et tous les Euesques sont esgalement successeurs des Apostres.

- II. Luy mesme *en sa pretendue seconde Epistre.* Les Euesques tiennent la place des \* Apostres du Seigneur, & les Prestres des septante deux disciples.

\* Il ne met point de difference entre Pierre, & les autres Apostres, ni entre les Euesques.

- III. Le mesme Anaclet *en ladite seconde Epistre*, & Anicet *en son Epistre unique*, S. Iaques, qui estoit appellé Iuste, fut ordonné le premier Euesque de Hierusalem, par Pierre, † Iaques & Iean.

† Pierre donc n'exerçoit point seul la charge de Souuerain, & Anaclet ne le reconnoissoit pas pour tel, puis qu'il luy donnoit des compagnons.

- IV. *Hormisdas Epist. 60.* Le chef de l'Eglise c'est Christ : mais

les \* *vicaïres* de Christ sont les *Presbres*, qui au lieu de Christ exercent la legation en l'Eglise.

\* Pierre donc n'estoit pas seul vicaire de Christ, moins encor les Euesques de Rome; ni mesmes les seuls Euesques, mais aussi les *Presbres*.

v. Au liu. 6. ch. 14. *des constitutions Apostoliques*. Les Apostres escriuent ainsi à tous les Euesques: † Nous à la foy desquels l'Episcopat *uniuersel* a esté commis, vous auons escrit vne doctrine *uniuerselle*.

† Ce n'est donc à Pierre seul à qui l'Episcopat *uniuersel* fut commis.

vi. Leon I. au sermon de la natiuité des Apostres, parlant de Pierre & de Paul, dit, Des merites desquels nous ne deuons estimer rien de diuers ni de separé; car l'election les a rendus pareils, & le labeur semblables, & la fin esgaux.

#### DOCTEURS.

vii. Caietan en ses *Commentaires sur la premiere Epistre aux Corinthiens ch. 12. sur ces paroles*, Dieu a mis en l'Eglise, premiere-ment les Apostres, il appelle Apostres les souuerains membres de l'Eglise, \* car à eux appartient le gouuernement souuerain de l'Eglise, non seulement par parole & actiō, mais aussi par escriture.

\* Non donc à Pierre seul.

viii. Le mesme Caietan au ch. 1. du traité de *author. Papa & Concily*. Tous les Apostres furent pareils en autorité de gouuerner l'Eglise: Et tous les Apostres, entrant qu'Apostres, ont eu non seulement la puissance de l'ordre, mais aussi de jurisdiction. Car l'autorité de gouuerner l'Eglise, qui est propre à l'Apostolat, n'est pas sans puissance de jurisdiction.

Tous egaux en puissance & jurisdiction.

ix. Bellarmin au liu. 1. du *Pontife Romain*, chap. 9. §. *respondeo*. Pontifex 47. La souueraine puissance Ecclesiastique n'a pas esté donnée seulement à Pierre, mais aussi aux autres Apostres, &c. Car il fut necessaire en ces commencements de l'Eglise, pour plus promptement semer la foy par tout le monde, qu'aux premiers predicateurs & fondateurs des Eglises fust concedée souueraine puissance & liberté.

Tous souuerains.

x. Le mesme au liu. 4. *du Pontife Romain*, ch. 23. §. 2. Cyrille sur ce lieu de S. Jean 20. Comme mon Pere m'a enuoyé, ainsi je vous enuoye. Par ces mots les Apostres ont esté proprement creéz Apostres & Docteurs de tout le monde, & afin que nous entendissions qu'en l'autorité Apostolique est contenue toute puissance Ecclesiastique, c'est pourquoy Iesus Christ adiouste, *Comme mon Pere m'a enuoyé*, d'autant que le Pere a enuoyé son Fils doué de puissance souueraine.

xi. Luy mesme audit liu. 1. ch. 23. §. *respondeo in &c.* En l'Apostolat est contenu l'Episcopat, & les Euesques succedent aux Apostres, non que quelqu'un seulement, pour estre Apostre, soit aussi Euesque, mais parce que tous les Apostres furent Euesques, voire mesmes les premiers Euesques de l'Eglise, *bien que non ordonnez*.

Si les Apostres n'ont point esté ordonnez Euesques, & que tout Apostre ne soit point Euesque, comment donc ont-ils esté Euesques?

xii. Le mesme Bellarmin liu. 2. *du Pontife Romain*, ch. 12. §. *Tertio, &c.* En l'Apostolat est comprins, que celuy qui est Apostre, aye souueraine puissance sur toute l'Eglise.

xiii. Luy mesme audit liu. 2. ch. 31. §. *Ex quo deducitur &c.* Le soin de tout le rond de la terre est *quelque portion* de l'Apostolat.

xiv. Luy mesme au liu. 1. *du Pontife Romain* ch. 12. §. 44. Nous confessons que les Apostres ont esté egaux en la puissance Apostolique, & qu'ils ont eü entierement *la mesme* autorité sur les peuples Chrestiens.

xv. Luy mesme au liu. 4. *du Pontife Rom.* ch. 25. §. 2. On ne succede point aux Apostres, c'est à dire, aux deleguez & Pasteurs extraordinaires.

Le Pape donc ne succede point à S. Pierre en qualité d'Apostre & de Souuerain.

xvi. Le mesme au ch. 23. du liu. 4. *du Pont. Rom.* Suiuant l'opinion de Chrysostome & Theophylacte, par ces paroles, *Comme mon Pere m'a enuoyé &c.* Ican 20. les Apostres ont esté faits *vicaires de Christ*, voire mesmes ont receu le mesme office & autorité de Christ, & selon Cyrille, la souueraine puissance.

Tous vicaires de Christ, & tous souuerains.

xvii. Despenſe en son Comment. sur le 1. à Timoth. ch. 4. L'Apo-



estre differe de l'Euesque, comme enseigne Chrysost. sur S. Matth. Homll. 19. d'autant que les Apostres estoient Docteurs de toutes les Eglises, selon cela de S. Paul 1. Cor. 12. l'ay soin de toutes les Eglises. Ici l'Euesque est appelé par les hommes, il preside en vn certain lieu, mais il n'en est pas ainsi des Apostres.

xxviii. Lorinus sur le 13. des Act. ch. 1. Avec l'Apostolat estoit connexe l'Episcopat, tellement que les Euesques sont dits successeurs des Apostres.

xxix. Fr. de Victoria in rel. 2. de potest. Eccles. q. 2. Pierre n'a excellé par aucuns priuileges, & n'a exercé par dessus les autres aucune singuliere autorité.

N'a au aucun priuilege, ni exercé aucune autorité par dessus les autres.

xx. Baronius en l'an de Christ 30. n. 7. & 8. L'opinion de tous les orthodoxes est, que les Euesques ont succédé aux Apostres, &c. Tous les Apostres auoyent vne mesme puissance & dignité.

xxxi. L'Eckius au 1. liu. De primatu Petri ch. 24. Pierre a esté egal en l'Apostolat aux autres Apostres. Car ainsi ils estoient egaux en honneur & puissance, Ainsi Cyprian, ainsi Hierosme, ainsi tous ont esté d'aduls.

xxii. Costerus au traité de Rom. Pont. 6. Sextam bane, La puissance d'eux quant à l'Apostolat estoit egale.

xxiii. Conarinius 1. tom. 2. part. relect. § 9. Suiuant l'autorité de tous les Catholiques, & la commune tradition de tous, les autres Apostres receurent avec Pierre du Seigneur mesme pareille puissance, & de l'ordre & de la jurisdiction, de telle sorte que chacun d'eux receut du Seigneur mesme egale puissance avec Pierre sur tout le monde, & pour tous actes que Pierre pouuoit faire.

xxiv. La glose ordinaire sur les mots de l'Apostre S. Paul, Gal. 1. 2. Je luy resistay en face (à sçauoir à S. Pierre) ce qu'il n'eust osé faire s'il n'eust seen qu'il ne luy estoit point inegal.

## CHAPITRE II.

*Du passage de S. Mathieu 16.v.18. Tu es Pierre & sur ceste Pierre j'edifieray mon Eglise, & si Pierre seul est le fondement de l'Eglise, & non les autres Apostres.*

## PAPES.

I.



*E O N* I. au canon *Ita Dominus, dist. 19.* Christ voulut que ce qu'il estoit, Pierre fust appellé, disant, *Tu es Pierre; & sur ceste Pierre j'edifieray mon Eglise.* Luy mesme au 2. sermon in nat. Apost. Petri & Pauli. Sur ceste Pierre, &c. sur la fermeté de ceste foy mō Eglise s'esleuera, &c.

\* Christ est la Pierre, & S. Pierre en a le nom. inf. h. n. 3. Et luy. 5. ch. 1. n. 3.

II. Felix III. *En son Epistre 5.* Tu es bien heureux Simon, &c. & sur ceste confession j'edifieray mon Eglise.

III. Gregoïre premier sur le 38. ch. de Job. Quand en la sainte Escriture le fondement est nommé au nombre singulier, quel autre peut estre entendu que Christ? S. Paul tesmoignant en sa 1. Corint. chap. 10. La Pierre estoit Christ. Mais quand il y est parlé des pierres en pluriel, lors sont entendus ses membres, à sçavoir ceux qui sont affermis par la force, veu que Pierre mesme dit, (1. Pier. 2.) vous estes Pierres viues.

inf. hien. 16.

## DOCTEURS.

IV. La glose sur le can. *ita Dominus, dist. 19.* sur le mot, *Et super hanc petram.* le ne croi point que par ce mot nostre Seigneur aye demonstré autre chose que ces paroles, que Pierre auoit respondues au Seigneur, quand il dit, *Tu es le Christ, le Fils de Dieu vivant,* d'autant que l'Eglise est fondée sur cest article. Dieu donc a fondé son Eglise pour soy mesme.

V. La glose encor en l'Extrauagante, *vnam sanctam, de major. & obed. in comm. 5.* dernier, sur le mot, *Est autem.* Sur ceste Pierre, c'est à dire, sur moy-mesme qui suis la pierre, & qui suis signifié par la pierre, j'edifieray mon Eglise.

VI. Thomas d'Aquin au 1. lin. des Sacrem. ch. 26. Pierre est dit

de la Pierre. Or la Pierre est Christ: Donc au nom de Pierre l'Eglise est figurée, laquelle est fondée sur la Pierre ferme & immuable, c'est à dire *sur Christ*.

1. *sup. hic n°. 1.*

vii. Bellarmin au liu. 1. *du Pontife Rom. ch. 10.* Augustin n'improue pas nostre opinion, mais seulement prefere l'autre, à sçauoir qu'il soit entendu *sur cette Pierre que Pierre a confessée*. l'adjoûste qu'Augustin a esté deceu par la seule ignorance de la langue Hebraïque.

viii. Luy mesme audit ch. 10. En ce lieu la promesse est faite; car il *n'auoit pas* encor constitué Pierre fondement de l'Eglise, & toutesfois *au mesme liu. 1. ch. 12. §. respondeo*, il dit, que Pierre respondit au nom de tous, *comme Prince & chef des Apostres*. Et Baronius en l'an 33. dit, Pierre seul respond, parce qu'il estoit Prince & Monarque.

ix. Luy mesme au ch. 11. §. 1. *dudis premier liure*. Tous les Apostres ont esté *fondemens, chefs, Docteurs, & Pasteurs* de l'Eglise vniuerselle, & ont eu *sonueraine & tres ample puissance*. Mais non de la sorte que Pierre.

S'ils ont esté souuerains & supremes, ils n'ont donc eu aucun par dessus eux: comme lors qu'il y auoit deux Empereurs, l'un n'estoit pas par dessus l'autre.

x. Caietan *sur le 2. chap. aux Ephes. v. 20.* Par le fondemēt entendez formellement Christ, entant qu'il est le fondement des Prophetes & Apostres.

xi. Gagneus, Liranus, & la glose *sur le mesme lieu*. Fondemēt, c'est à dire la foy predite par les Prophetes, & preschée par les Apostres.

xii. Lombard C'est à dire, sur Christ, ou sur la doctrine des Prophetes & Apostres, c'est à dire, sur le vieux & nouveau Testament.

xiii. Liranus *sur le 16. ch. de S. Matth. & là mesme Fetus*, & Hugo Cardinal. Sur celle que tu as cōfessée, c'est à dire, sur Christ.

xiv. Pererius *sur Daniel ch. 2. sur ces paroles, lapis abscissus, & similitudo*. Christ, est dit la Pierre, parce que par sa mort il a frappé le diable &c. Parce aussi qu'il est la Pierre sur laquelle l'Eglise est fondée. *Matth. 16.*

xv. Beda *sur le chap. 16. de S. Matth.* Le mot de *fondemens* en pluriel,

signifie les Docteurs ; mais en singulier le Docteur des Docteurs Iesus Christ.

sup.hic n°. 2.

xvi. Ie.Ferus, *sur le 16. ch. de S. Matth. Tu es Pierre, &c.* Sur ce lieu icy nous ne faisons autre chose que desbatre de la puissance, qui est plus grand, ne prenant pas garde à ce que Christ a dit: *Les Princes des gens dominent sur eux, mais vous n'en ferez pas ainsi, &c.* Quand Christ a dit, *Sur ceste Pierre j'edifieray mon Eglise*, il ne veut dire autre chose sinon qu'il edifiera son Eglise sur vn ferme & immobile fondement, contre lequel n'auront aucune puissance tous les assauts des aduersaires. Et de là appert que Christ a edifié son Eglise, non sur Pierre ou sur quelque autre homme, car il n'y a aucun homme tant ferme & constant qui ne puisse estre esbranlé. Ce que nous voyons manifestement en Pierre, il faut donc chercher vne autre Pierre &c. Christ donc est principalement la pierre sur laquelle toute l'Eglise est edifiée, suivant cela, Nul ne peut mettre autre fondement que celuy qui est posé qui est Christ. En apres, d'autant que nous sommes conjoints à Christ par vraye foy, & par ce moyen nous aussi sommes en quelque sorte rendus Pierres: Il s'ensuit que la foy Chrestienne & la verité Euangelique est ceste pierre ferme & inesbranlable sur laquelle Christ a edifié son Eglise, &c. *Tu es Pierre*, comme s'il disoit, tu es maintenant digne du nom de la pierre. Et adjouste, *Et sur ceste Pierre*, assauoir sur ceste confession de foy, par laquelle tu as esté fait Pierre, *j'edifieray mon Eglise*. Celuy donc qui est appuyé sur ceste foy, appartient à l'Eglise en quelque part du monde qu'il soit, &c. Il dit, *Je te donneray*, il promet en futur, à sçauoir qu'il donnera les clefs, & ne les donna pas en ce lieu. Voyons donc où il a donné les clefs presentement. Il ne trouue point d'autre lieu que celuy qui est en S. Iean, *Receuez, le S. Esprit, à ceux auxquels vous remettrez les pechez, ils seront remis, & à qui vous les retiendrez, ils seront retenus*. Les clefs donc du Royaume des cieux, sont la puissance de remettre ou retenir les pechez: ce qu'aussi se prouue de ce lieu mesme, car Christ adjouste incontinent, *Tout ce que vous lierez sur la terre*. Mais que veut dire qu'en ce lieu les clefs sont promises à S. Pierre seul, & toutesfois elles sont baillées aux autres Apostres? Icy je veux rapporter la sentence de Hierosme, &c. En somme là où la parole de Dieu est preschée & creuë, là est la vraye foy, ceste pierre im-

mobilier : Et là où est la foy : là est l'Eglise : & là où est l'Eglise, là est l'espouse de Christ : & là où est l'espouse, là sont toutes les choses qui sont de l'espoux. Ainsi la foy a avec foy toutes les choses qui suivent la foy, les clefs, les Sacremens, la puissance &c. Mais que dirons-nous à cela que Christ dit icy, *Je te donneray les clefs* ? le respons, que l'un & l'autre est vray, à sçavoir que les clefs ont esté données à l'Eglise selon l'opinion de S. Augustin, & aussi à Pierre, comme les paroles le portent, mais différemment. L'Eglise a les clefs comme maistresse & espouse, Pierre, non comme Seigneur, mais comme Ministre. Et à cela se rapporte ce que Paul dit, *Que l'en nous estime comme Ministres de Christ* : & luy mesme, *Je suis destitue tant aux sçavans qu'aux ignorans*. Cela aussi demonstre les surnoms qui en l'Ecriture sont attribuez aux Apostres de Pasteurs, sentinelles, ouvrieres. Et en fin escoutez ce qu'escriit Bernard au Pape Eugene, &c. Il faut aussi remarquer cela, qu'il est dit expressément, *Les clefs du royaume des cieux*, & non du Royaume terrestre. Car ces paroles n'appartiennent aucuneinent à la puissance terrienne, laquelle toutesfois s'efforcent d'establir par ces paroles, ceux qui tiennent que Pierre a receu plenitude de puissance, non seulement es choses spirituelles, mais aussi terriennes. Ce que reprend expressément Bernard escriuant à Eugene.

xvii. Costerus in *Enchir. controu. chap. 3.* Il ne faut pas estimer que l'Eglise aye esté constituée sur un homme fragile, pecheur, sujet aux changemens, necessitez, aux conseils & opinions; mais sur la foy de Pierre.

xviii. Philichdorf contre les Vandois, mis en lumiere par Gretzerus Jesuite. Nostre Seigneur Iesus Christ crie aux fourvoyez, *Je suis la voye*, & aux douteurs ou incredules, *Je suis la verité*, en laquelle verité l'Eglise Catholique est fondée, selon ce qui est escriit en S. Matth. ch. 16. *Et sur ceste Pierre*, c'est à dire Christ, qui est la verité, *j'edifieray mon Eglise*, comme l'atteste son disciple, disant, Nul ne peut mettre vn autre fondement sinon celuy qui est mis, assavoir Iesus Christ.

xix. Claude Seissel Euesque de Turin contre les Vandois, Christ ne dit pas qu'il bastira l'Eglise sur Pierre, mais *sur moy mesme, qui est la vraye Pierre*, comme dit S. Paul.

xx. Cusanus Cardinal, de concord. Cathol. lib. 2. Par la Pierre nous entendons Christ que Pierre a confessé. Et quand nous l'entendrons

rendrions de Pierre, comme Pierre du fondement, toutesfois selon S. Hierosme, les autres Apostres sont semblablement appelez Pierres fondamentales de l'Eglise.

xxi. La glose ordinaire *sur le ch. 21. v. 14.* Par ces fondemens sont entendus les Apostres, sur lesquels l'Eglise est bastie.

xxii. Dionysius Carthusianus *sur le 16. de saint Matth.* Et sur ceste Pierre, c'est à dire sur la fermeté & fondement de ceste foy, ou sur ceste Pierre que tu as confessée, c'est à dire sur moy mesme qui suis la Pierre Angulaire, le mont treshaut, duquel l'Apostre dit, que aucun ne peut poser autre fondement que celui qui a esté posé qui est Iesus Christ, &c. Donc en ceste foy, Que Iesus est le Christ.

xxiii. Alphonsus Tostatus [*Colonia 1613.*] *sur ce 16. chap. quest. 67.* En prenant proprement ces mots, fonder ou edifier l'Eglise, il n'est pas vray qu'elle soit edifiée sur Pierre. Car cela sur quoy elle est edifiée, est le fondement, & ainsi Pierre seroit dit fondement de l'Eglise, ce qui est faux, d'autant que Christ seul est fondement, 1. *Corinthior. 3.* Aucun ne peut mettre autre fondement outre celui qui est posé qui est Iesus Christ. Aussi luy seul est le chef de l'Eglise, mais nous tous sommes membres 1. *Cor. 12. Ephes. 4.* Pierre donc est membre & non chef de l'Eglise ni fondement. Secondement cela apparait, d'autant que l'Eglise demeurant immortelle, d'autant que les portes d'enfer ne preuauront point contre elle, comme est dit au texte, il est necessaire que son fondement soit encor plus immortel. Et toutesfois Pierre n'a point esté simplement immortel ni en soy ni en ses successeurs. Quant à Pierre il en appert par ce qu'il a par apres renié nostre Seigneur par trois fois, en quoy Satan a preualu contre luy, & ainsi les portes d'enfer preuaureroient contre l'Eglise, puis qu'elles auroient preualu contre son fondement en le renuerfant, & toutesfois elles n'ont jamais preualu contre l'Eglise: Et par consequent Pierre n'estoit point le fondement de l'Eglise. Quant aux successeurs de Pierre il en appert aussi, d'autant que plusieurs d'iceux, quoy que entrez canoniquement, sont tombez en heresie, & les autres ont adoré les idoles, & peuuent estre condamnés & deposez par l'Eglise, *C. si Papa, dist. 40.* Donc l'Eglise n'erre point & le Pape erre. Et toutesfois si le Pape estoit le fondement de l'Eglise, luy deffillant l'Eglise defaudroit aussi necessairement: or




elle ne défaut point, mais plustost corrige & punit le Pape errant; ou le reduit à la verité: Il s'ensuit donc que le Pape n'est point le fondement de l'Eglise, mais au contraire, que l'Eglise est le fondement du Pape & sa mere, &c.

Et là mesme, Les autres disent, & mieux, que Christ est la pierre sur laquelle est fondée l'Eglise, à sçavoir sur ceste pierre, c'est à dire, sur la pierre que tu as confessée, sera edifiée l'Eglise: Car Pierre n'estoit pas la pierre, mais Pierre. Or il est dit icy, que l'Eglise est fondée sur ceste pierre, c'est à dire sur ceste pierre que tu vois, d'autant que Christ estoit la pierre, *1. Corinth. 10.* Et ceste exposition tient souuēt Augustin &c. Les autres disent, & encore mieux, Que icy la pierre n'est pas prinse pour Pierre, ni pour Christ, mais pour la confession de foy que Pierre fit. Car l'Eglise est fondée sur la foy, & la foy est appelée pierre, d'autant qu'elle demeure ferme. Car depuis que la foy a commencé, elle a tousjours perseueré, & cela d'autant que Christ pria que la foy de l'Eglise ne defaillist point, & ainsi Christ dit à Pierre, Sur ceste pierre, c'est à dire sur la pierre de ta confession, d'autant que tu as dit, *Tu es le Christ le Fils du Dieu vivant*, & ceste foy demeurera tousjours en l'Eglise, & sur icelle est fondée l'Eglise, d'autant que la foy est le fondement de ceux qui viennent à l'Eglise.

### CHAP. III.

*Du passage, Matth. 16. v. 19. Et je te donneray les clefs du royaume des cieux: Et si les clefs ont esté données à Pierre seul.*

I.  A glose interlineaire, *sibi dabo*, c'est à dire, à l'Eglise, &c. & les autres Apostres ont aussi la mesme puissance judiciaire, auxquels apres la resurrection il dit, *Receuez le S. Esprit, à qui vous remettrez &c.*

II. La glose encor sur ce lieu, *Matth. 16.* Encor que la puissance de lier & deslier semble estre donnée par le Seigneur à Pierre seul, toutesfois elle est aussi donnée aux autres Apostres, & aussi aux *Presbres & Euesques* de chaque Eglise.

III. Cusan au liu. 2. *de la concorde catholique, ch. 13.* Il n'a rien esté dit à Pierre qui n'aye esté dit aux autres, *Tout ce que vous lierez &c.*



rez, &c. N'a il pas esté dit aux autres, Tout ce que vous lierez & à sçavoir *Matth. 18. v. 18.*)

iv. Gerson, de *inscribil. Papa ab Ecclesia*, Augustin dit avec certains autres, que les clefs ont esté données à l'Eglise, non à vn, mais à l'vnité, & que la plenitude de puissance est en l'Eglise, & au Concile general qui la represente.

v. Bellarmin au liu. 1. de *Romano Pontif. c. 12. §. 5.* Il promet les clefs à S. Pierre seul; mais qui apres luy, deuoyent estre communiquées aux autres.

Mais bien à tous ensemblement, car

vi. Luy mesme audit *ch. 12. §. 45.* Ceste puissance ne fut pas plus tost selon l'ordre des temps donnée à S. Pierre, qu'aux autres; car elle fut donnée à tous (ensemblement) *Iean 20.*

vii. Tolet sur le 20. de *S. Iean*, sur ces paroles, *Comme mon Pere m'a enuoyé, ainsi aussi ie vous enuoye*, Christ instituait les Apostres les vicaires pour diriger le monde en la voye de salut.

viii. Beda en l'Homelic de l'Euangile, *Qui disent les hommes qui je suis?* Combien que la puissance de lier & deslier semble estre donnée à Pierre seul, toutesfois sans aucune doute, elle a aussi esté donnée aux autres Apostres. Et sur le 16. *ch. de S. Matth.* *Tout ce que tu lieras*, &c. Sans doute ceste puissance est donnée à tous les Apostres, auxquels il fut dit generalement par le Seigneur, apres sa resurrection. *Receuez le S. Esprit*, &c.

ix. Liranus sur le 16. *ch. de S. Matth.* Comme la confession de Pierre, fut la confession des autres, ainsi ceste puissance donnée à Pierre, est entendue aux autres.

x. Bellarmin audit 1. liu. du *Pontife Romain, ch. 12. §. Aliqui.* Quelques vns, & entr'autres Corduba, estiment que la promesse faite par Christ à S. Pierre, a esté effectivement accomplie en ces paroles, *Iean 20. Receuez le S. Esprit, à quiconque vous remettrez les pechez ils leur seront remis.*

Luy mesme l'a ditey dessus au nombre 6. de ce chapitre.

xi. Ferus sur ledit *chap. 16. de S. Matth.* Je ne sçay point d'autre lieu, où cela, *Je donneray, aye esté accompli*, sinon en ces paroles, *Iean 20. A quiconque vous remettrez les pechez*, &c.

xii. Maldonat sur le 18. de *S. Matth.* Les choses qui sont icy promises à Pierre, ne luy appartiennent pas seulement: mais à tous les Apostres, Euesques & Prestres; Et partant Theophylacte

dit, combien qu'il soit dit à Pierre seul, *Je te donneray les clefs*, toutesfois les clefs ont esté concedées à tous les Apostres. Et quand? Quand il dit, *A quiconque vous aurez remis les pechez*.

xiii. Le mesme Maldonat sur le 16. *ch. de S. Matth.* le voy que tous les auteurs, excepté Origene, sont d'aduis, que ce qui a esté dit à Pierre, *Tout ce que tu lieras sur la terre, sera lié es cieux*, a esté dit aussi aux autres Apostres : mais je l'interprete autrement que ne font les Peres.

xiv. Antonius de Rosellis sur le canon *Quodcunque* 24. q. 2. Notez que le sommateur de ce canon dit, que l'Eglise a receu les clefs en la personne de Pierre pour lier & deslier &c. Quand S. Pierre a receu les clefs, il representoit l'Eglise, c'est à dire, qu'il a receu les clefs au nom de l'Eglise, tellement qu'il a eu la puissance au nom de l'Eglise, & pour l'Eglise. C'est pourquoy S. Augustin enseigne, Que si cela n'auoit esté dit qu'à Pierre, l'Eglise ne le feroit pas : mais parce qu'il n'a pas esté dit à Pierre seulement, pour demeurer en sa personne, l'Eglise a ceste puissance, & non pas S. Pierre seulement.

xv. Gratian le compilateur des decrets 24. q. 1. §. *Sin autem*. Quand le Seigneur donnoit à ses disciples, pareil pouuoir de lier & deslier, il a promis à S. Pierre pour tous, & auant tous, les clefs du Royaume des cieux, donc qui se departira de l'unité de l'Eglise, qui est signifiée par S. Pierre &c.

xvi. Tostat Euesque d'Auila sur le 15. *ch. des Nombres*, La jurisdiction est originairement en la communauté, comme en la source, parce que ceux qui ont charge d'exercer la jurisdiction, la tirent & empruntent de la communauté pour l'exercer, d'autant que la communauté ne la peut exercer. Ainsi est-il des clefs de l'Eglise, lesquelles ont esté données par nostre Seigneur à toute l'Eglise, &c. Que si les clefs auoyent esté données spécialement à S. Pierre, il s'en ensuiuroit de grands inconueniens, à sçauoir, Que tous les autres Apostres n'auoyent eu aucune autorité des clefs, ce qui est faux. Car la puissance de lier & deslier les pechez leur a esté donnée, en S. Iean 20. *Receuez le S. Esprit, à qui vous remestrez, &c.* Or ce pouuoir appartient à l'autorité des clefs. D'auantage il arriueroit encor vne grande absurdité, c'est qu'après le decez de S. Pierre, il n'y auroit plus de clefs en l'Eglise, au cas qu'elles eussent esté données seulement à Pierre, ou mesmes

à tous les *Apostres* particulièrement, & non pas au nom de l'Eglise, parce que les clefs auroient deperi eux mourans, attendu que les *Apostres* considerez en particulier n'ont pas la puissance de les transmettre à d'autres, & se creer des successeurs, &c. Partant les clefs estoient plustost & premierement données à l'Eglise qu'aux *Apostres* &c. Et faudroit que de rechef Iesus Christ donnast les clefs à leurs successeurs, &c. Comme tout cela se voit clairement en vne communauté ou college, apres la mort de celuy qu'elle a commis pour l'exercice de sa juridiction &c. Ainsi quand quelqu'un est esleu Euesque, la juridiction luy est deferée par l'élection &c. Car l'Eglise qui eslit, donne la juridiction à celuy qu'elle eslit, & l'Eglise ne la reçoit de personne, depuis qu'elle l'a receuë premierement de Iesus Christ.


XVII. Innocent III. au Concile de Latran. Iesus Christ a donné les clefs de l'Eglise à ses *Apostres* & à leurs successeurs.

Ils ne tiennent pas donc leur juridiction du Pape.

XVIII. Anselme sur le 16. ch. de S. Marth. Il faut noter que ceste puissance des clefs n'a pas esté seulement donnée à Pierre, mais tout ainsi que Pierre respondit pour tous, ainsi en Pierre il donna ceste puissance à tous, & en seurté de cela apres sa passion, il dit, *A ceux auxquels vous aurez remis les pechez*, &c.

#### CHAP. IV.

*Du passage S. Iean ch. dernier, v. 15. Pay mes brebis, & si cela appartient à Pierre seul, & de la triple repetition.*

- I.  ELLARMIN au 4. liu. de Rom. Pontif. ch. 23. §. 2. Tu vois que la mesme chose est donnée aux *Apostres*, par ces patoles, *le vous enuoye*, qui auoit esté promise à Pierre par cela, *Je te donneray les clefs*, & depuis exhibée par cela, *Pay mes brebis*.

Pierre donc n'a eu aucune puissance plus que les autres, par ces mots, *Pay mes brebis*.

II. Tolet sur le 21. chap. de S. Iean. Les Peres jugent cela auoir esté dit, afin que Pierre satisfist à sa triple renonciation.

III. Alcuinus sur saint Iean. A la triple renonciation a esté

rendue la triple confession.

iv. Bellarm. *liu. 1. ch. 14. §. probatur.* Nous apprenons de Cyrille, Augustin & autres, sur ce lieu, que Pierre fut interrogé par trois fois s'il l'aimoit plus que les autres, par ce que par *trois fois* il auoit renié le Seigneur.

v. Le clergé Romain (c'est à dire les Prestres & Diacres de Rome) en *S. Cyprian Epist. 3. au commencement.* Mais aussi il dit à Simon ainsi, *M'aimes-tu?* Il respondit, *le t'aime*, il luy dit, *Pay mes brebis.* Par l'acte (ou euuement) qui s'en est ensuiui nous reçoignons que cela a esté fait par Pierre, & les autres disciples pareillement l'ont fait.

vi. le Ferus sur le *21. ch. de S. Iean.* Christ interroge par trois fois Pierre, s'il l'aime plus que les autres: premierement parce que par trois fois il auoit nié Christ, &c. D'auantage il ne luy demande pas seulement vne fois, mais trois, pour monstrier qu'il faut souuent & diligemment examiner ceux qu'on reçoit au gouvernement de l'Eglise. Et finalement il stipula par tant de fois amour de luy, parce qu'il sçauoit que des personnes se leueroient, qui non pour l'amour de Iesus, mais seulement pour le lucre prendroient ou plustost rauiroient à eux le gouvernement des ames, & qui au lieu de pasteurs se porteroient en voleurs & tyrans. Or Christ par ce mot les reprend.

vii. Ioseph Anglesius Valentin sur le *4. liu. des sent. part. 2. de fruit. 2. des clefs, conclus. 2.* Christ promet la mesme chose à tous les Apostres qu'à Pierre, & ce qu'il confiera à Pierre lors qu'il dit, *Pay mes brebis, le mesme entierement il coucedra ensemblement* à tous, quand il dit, *Receuez le S. Esprit.*


Celui n'est point eminent sur tous qui a quelque pareil, dit Bellarm. *liu. 2. ch. 3. §. deinde, de Rom. Pont.*


viii. Isidorus Pelusiota Moine en l'*Epistre 103.* Il ne faut pas estimer que la triple interrogatiō faite par nostre Seigneur à Pierre, s'il l'aimoit, aye procedé de l'ignorance du Seigneur, mais luy bon medecin, par vne triple affirmation chassa le triple reniement.

ix. Iansenius en ses *concord. ch. 148.* Combien que ceste mesme charge (ass. de paistre) eust desja esté baillée à tous ensemblement aucc Pierre, & cy apres au chapitre suiuant sera commise.

## CHAP. V.

*Du passage de S. Math. ch. 17. v. dernier, Baille le statere pour moy & pour toy.*

I.  ANSENIUS sur les *Euangiles*, chap. 69. Christ commanda de payer pour soy & pour Pierre, parce que lors Pierre estoit tout seul avec le Seigneur.

II.  Caictan en ses comment. sur le 13. *AUX ROMAINS*. Payer le tribut n'est pas marque d'authorité, mais de subjection, comme appert par ce lieu, *pour cela payez vous le tribut.*

III. Bellarm. au liu. 1. de *Rom. Pontif. ch. 19. §. Sexta est*, ayant dit, que de ces paroles de nostre Seigneur (*pour moy & pour toy*) les Apostres colligeoyēt que Pierre auoit esté preferé à tous les autres. Iansenius *es concord. luy contredit*, disant, Il est certain que ce ne fut pas l'occasion de la contention esmeuë entre les Apostres touchant la primauté, mais plustost par ce qu'il auoit mené en la montagne trois d'iceux & laissé les autres.


Aussi Bellarmin mesme dit, que Pierre ne fut pas constitué Euesque vniuersel, sinon apres la resurreccion de Christ, sup. chap. 1. n°. 7. & ch. 3. n°. 6.

IV. Salmeton au *Tome 6. traité 37. exposant ce lieu*, Il l'appelle Simon & non Pierre, parce qu'il ne le tenoit pas encor pour son vicaire, mais comme sujet & priué.

V. Urbain Pape au can. *Tributum* 23. q. 8. Pierre peschant, le tribut fut trouué en la gueule du poisson, d'autant que l'Eglise paye le tribut de ses biens exterieurs qui apparoissent à tous.

## CHAP. VI.

*Du passage S. Marc dernier, v. 7. Dites à ses disciples & à Pierre.*

I.  ELLARM. au 1. liu. de *Rom. Pont. ch. 18. §. Ne-que*. Ayant dit que Christ dit aux disciples & à Pierre, comme au Duc, Prince & chef des autres. Toletus en son *comment. sur Jean 20. dit au contraire*, singulierement à Pierre, d'autant qu'il s'estoit montré incredule par dessus les autres : & distingua Pierre seul des autres, parce que quand il fut venu au sepulchre & eut veu, il ne croyoit point.

Aussi selon Bellarm, il n'estoit encor le chef des autres. Et nostre Seigneur eust dit, Dites à Pierre & aux autres disciples, & non, Dites à ses disciples & à Pierre.


II. Le mesme Tolet en son *comment. sur le 11. ch. de l'Epistre aux Romains annotat. 37*. Pierre est exprimé à cause de son reniement, afin qu'il ne semblast exclus.

III. Caieran sur *ledit lien du ch. 16. de S. Marc*. Il le nomme dōc seul, pour manifester sa grace enuers les pecheurs.

IV. Liranus sur *le mesme lieu*. Autrement Pierre n'eust osé venir au conspect de Dieu, lequel auparauant il auoit renié.

## CHAP. VII.

*Du passage S. Matth. 10. v. 2. Le premier Simon nommé Pierre & André son frere. Et du 2. aux Galates, v. 9. Et Jacques, Cephas & Jean, &c.*

I.  ELLARM. au 1. liu. de *Rom. Pont. ch. 18. §. 1. ayant dit*, Que quand les Apostres, ou tous, ou aucuns d'eux sont nommez, tousjours Pierre est mis le premier: Et voyant que S. Paul aux Galat. ch. 2. le conuainc de mensonge, *il ose dire au §. pari*, qu'il n'est pas certain si l'Apostre a ainsi leu (ou écrit) Et sachant bien que ceste response n'est pas de mise, contre tous les exemplaires Grecs, & mesme cōtre l'edition

tion vulgaire, *il en adjoûte vne autre au §. si verò*, qu'il est croyable que Iaques a esté mis deuant Pierre, parce que Iaques estoit Euesq. que de Hierusalem, où estoient lors les Apostres. Laquelle raison est encor plus absurde: car puis que Pierre, au dire du mesme Bellarmin *au ch. 2 6. dudit premier liu. §. ad alterum*, estoit lors Euesque vniuersel de toute l'Eglise, & par consequent aussi de Hierusalem, qui estoit certaine portion de l'Eglise vniuerselle, comment eust esté preferé par S. Paul vn Euesque particulier à l'Euesque vniuersel, Monarque des Apostres?

II. Pintus *en son comment. sur Daniel ch. 1. in a excogito*. Vn autre disant par Cephass, Paul *au 2. des Galates*, lors qu'il dit, Iaques, Cephass & Iean, entend non l'Apostre Pierre, mais Cephass l'un des septante disciples.

Mais c'eust esté vne grande incongruité à S. Paul de mettre entre deux des plus grands Apostres vn simple disciple, & dire qu'il sembloit estre vne colonne, veu que selon eux les septante ne tenoyent rang, que de simples Prestres aussi.

III. Salmeron s'en moëque disant *en son comment. sur ledit 2. ch. des Galat. disput. 23*. Hierosime rejette ceste opination comme froide & faulsement controuuée; & manifestement ce lieu doit estre entendu du grand Pierre, non de quelque vulgaire Cephass.

IV. Ribera sur le 21. *ch. de l'Apocal. v. 9*. Il me semble que par tout est gardé l'ordre de la vocation, non de la premiere de toutes, Iean, 1. ni de la derniere, lors que de la multitude des disciples il en esleut douze qu'il appella Apostres. *Lnc 6*. Car cela ne fut pas tant vocation, qu'une certaine election & separation, comme celle des *Actes 13*. Separez-moy Saul, &c. Mais l'ordre de ceste vocation a esté gardé, par laquelle nostre Seigneur les appelle à soy, afin qu'ils demeurassent avec luy, & ne s'en allassent plus comme ils auoyent fait auparauant, qui est la propre vocation. De ceste opinion est Abulenſis, & cela collige je de ce qu'en ceste vocation, l'Euangile attribue le premier lieu à Pierre & à Iean, le second à Iean & à Iaques, &c.

V. Bellarm. au liu. 5. *ch. 5. §. 4. de Rom. Pont.* met Bernard deuant Boniface Pape, vn Moine deuant le souuerain Pontife; Et luy mesme *en la fin du second Tome de ses œures*: Et Gregorius de Valentia *en la fin du liure de Purgatorio*, mettent la Vierge Marie creature rachetée, deuant Christ createur & redempteur,



ainsi, Louange à Dieu, & à la bien heureuse Vierge Marie, & à Iesus Christ.

## CHAP. VIII.

*Du passage de S. Luc, chap. 22. v. 31. & 32. l'ay prié pour toy, que ta foy ne defaille point : Toy donc quand tu seras conuerti, confirme tes freres.*

i. **B**ELLARMIN au liu. 4. du Pontife Rom. chap. 3. §. 15. Il n'est pas absurde si nous disons que cela, *Quand tu seras conuerti*, ne se rapporte point à la penitence de Pierre, mais à la tentation des autres: tellement que le sens ne soit pas, Toy estant conuerti du peché à la penitence, confirme tes freres: mais bien, Toy, de qui la foy ne peut defaillir, quand tu verras les autres branler & vaciller, t'estant conuerti à eux: (tourné vers eux) confirme-les.

Est absurde & contre la conception de S. Pierre, & de tous les Docteurs.

ii. La glose interlineaire, Tout ainsi qu'en priant pour toy je t'ay protégé, à ce que tu ne defaillisses: ainsi toy confirme tes freres infirmes, par l'exemple de ta penitence, à ce qu'ils ne perdent pas esperance d'obtenir pardon.

iii. Liranus, Conuerti, à sçauoir du peché à la grace.

rv. Salmeron, *sur le mesme lieu*, Estant conuerti, c'est à dire, faisant penitence, jettant force larmes, & se retournant du renoncement. Non donc conuerti de l'infidelité, parce qu'il ne perdit pas la foy: mais de foy conuerti au Seigneur, qui le regarda gracieusement de ses yeux à ce qu'il pleurast son peché. Ou conuerti de la crainte pour laquelle il auoit renié celuy qu'il cognoissoit, & auquel il croyoit, à la grande confiance de la bonté du Seigneur, &c.

v. Maldonat *là mesmes*. L'interpretation d'Ambroise, de Theophylacte & d'Euthymius ne me desplaist point, qui exposent *conuerti du peché*, par lequel il renia Christ, ayant fait penitence, comme si de sa blessure il eust fait medecine aux autres.

vi. La glose ordinaire. D'autant que le Seigneur auoit dit, qu'il auoit prié pour Pierre, assuré de son affection presente, & de sa foy,

foy ardente , mais ignorant le cas à venir, ne creut point de pou-  
voir l'abandonner.

VII. Salmeron *encor*, Pierre ne pouvoit souffrir de bon cœur,  
d'estre accusé de ceste infirmité, qu'il deust entierement delaisser  
Christ, sans l'empeschement de la priere que Christ fit pour luy:  
Et de là par l'impuissance de son Esprit, il profera ces tragiques  
paroles, comme s'il se fust mieux cogneu que Christ ne le co-  
gnoissoit.

VIII. Arias Montanus *sur ce mesme lieu*, Toy estant conuerti,  
comme s'il eust dit, Les autres seront tentez, mais toy tresfort. l'ay  
done prié pour toy, toy donc estant conuerti à moy, confirme tes  
freres par ta priere & par ton exemple.

IX. Emanuel Sa *en ses scholies sur S. Luc, chap. 22*. C'est à dire,  
Tout ainsi que je t'ay protégé par ma priere, (dit la glose interli-  
neaire) à ce que tu ne defaillisses, &c. comme au nombre cy des-  
sus, n°. 2. le mesme Emanuel Sa *sur le mot, conuerti*, c'est à dire, du  
peché du reniement.

X. Thomas d'Aquin *in Catena aurea sur ledit 22. de S. Luc*,  
Admirez l'exuberance de la patience diuine (dit Cyrille) il ot-  
troya pardon auant le crime commis, pour ne permettre que son  
disciple entraist en desfiance.

XI. Iansenius *en sa concord. sur S. Jean 17. v. 9* Il est aussi dit des  
autres Apostres, je prie pour eux.

XII. Salmeron *encor au 9. Tome au 46. traitté*, Pourquoi le Sei-  
gneur n'a il dit, j'ay prié pour tous les autres? la réponse est en  
main, ç'a esté pource que Pierre a esté tenté plus griesuement  
que tous & deuoit tomber. Et peu apres: Le Seigneur a prié, non  
pas qu'il ne le reniast pas, mais que sa foy ne defaillist point, en  
persistat en sa negation. Car combien qu'il soit tombé pour vn  
temps, toutesfois il s'est releué.

XIII. Maldonat *encor sur ce lieu*: il ne faut pas douter que le Sei-  
gneur ne face allusion au reniement de Pierre, qui luy deuoit ad-  
uenir, &c. Pierre a nié qu'il cogneust Iesus Christ, cela n'estoit pas  
defaillir en la foy, mais estre tenté. Et Christ n'auoit pas dit qu'il  
prierait qu'il ne fust pas tenté, mais que sa foy ne defaillist point.  
Pour cela mesme a-il permis qu'il fust tenté, afin qu'il ne defaillist  
point: car il s'est releué avec plus de force apres la tentation.

## CHAP. IX.

*Du passage Act. 8. v. 14. Les Apostres enuoyerent à ceux de Samarie Pierre & Iean; & si les Apostres ensemblement n'auoyent pas plus de pouuoir que Pierre seul.*

I. **R**ENE' Benoit en sa *Panoplie*, Pierre ne fut pas enuoyé par vn particulier, mais par tous les Apostres, assemblez en vn, representans l'Eglise. Or Pierre n'estoit pas plus grand que toute l'Eglise, comme n'est aussi le Pape son successeur.

II. Stapleton in *relectione contron. 3. q. 1. art. 3. és solutions*, Pierre estoit bien le chef des Apostres, & le sommet de tout le college, & toutesfois il estoit membre du college Apostolique. Et c'est pourquoy bien qu'il fust chef, il a peu estre enuoyé par tout le collège qui consiste au chef & aux membres, & est plus grand que le chef seul.

III. Iean Gerson, de *aufer. Pape, consid. 11*. Les Apostres enuoyerent en Samarie Pierre & Iean comme sujets à l'Eglise; Et là mesmes, Pierre se soumit au iugement de l'Eglise, non par humble condescence (comme quelques vns imaginent) mais par deuoir & obligation; & rendit raison de son faict deuant toute l'Eglise, *Actes 11*.

## CHAP. X.

*Du passage de S. Paul, Galat. 2. v. 6. Et n'ay aucune chose differente de ceux qui semblent estre quelque chose. Et de l'egalité de Pierre & de Paul.*

I. **B**ELLARM. *liu. 1. chap. 27. §. du Pont. Rom.* Les Pontifes Romains recognoissent pour leurs predecesseurs & parents Pierre & Paul, d'autât que le chacun d'iceux a fondé & gouuerné l'Eglise Romaine.

II. Luy mesme au §. 7. Il se peut faire que les anciens ont expressement obserué que és images de deux souverains Apostres, tantost

tantost ils en ont mis vn deuant & tantost l'autre, à sçauoir, afin que par ce moyen ils signifiasent, ou que ces Apostres sont *égaux entr'eux*, ou certainement qu'on ignoroit lequel des deux estoit plus excellent que son compagnon.

Mais les Apostres n'estoyent point égaux entr'eux, dit le mesme Bellarmin *§. 1. n.º. 14.* Et qui a compagnon, n'est pas eminent par dessus tous, dit luy mesme *liu. 2. ch. 18. §. Deinde.* Et par consequent les anciens n'ont point tenu que Pierre fust souverain.

III. Luy mesme *au §. 15.* Paul semble auoir plus profité à l'Eglise que Pierre. Car il a amené à la foy de Christ plus de Gentils: il a voyagé en plus de Prouinces avec tresgrand labeur: il nous a laissé plus d'escripts, & iceux tresvtils.

IV. Salmeron *sur le 1. des Rom. disput. 4. §. sunt*, Paul en grandeur de bergerie a esté plus excellent.

V. Leon *au sermon 1. de la natiuité du Seigneur*, L'election fait pareils Pierre & Paul, le labeur semblables, & la fin les a fait égaux: car Paul dit de foy, le ne suis en rien inferieur à tous les autres Apostres. Et *au premier sermon de la natiuité des saints*, Pierre & Paul, il dit, lesquels la grace de Dieu a de tant exaltez entre tous les membres de l'Eglise, qu'il les a constituez au corps, duquel Christ est le chef, comme la lumiere des deux yeux.

VI. Paul III. Iule II. Paul IV. *és Bulles du Concile de Trente.* Nous ordonnons par l'autorité de Pierre & de Paul que nous exerçons.

Et toutesfois

VII. Bellarm. dit audit *liu. 1. ch. 27. §. 5. de Rom. Pontif.* La puissance de Paul estoit extraordinaire, à laquelle on ne succede point.

VIII. Luy mesme *au liu. 2. ch. 4. §. 5.* \*Irenée (dit-il) *au liu. 3. ch. 3.* dit que Pierre & Paul ont esté Euesques de Rome.

\* Il ne dit pas cela, mais que les deux Apostres ont fondé l'Eglise de Rome, & que Linus y fut par eux establi le premier Euesque, auquel succeda Anacle, qui fut le second, & que le troisieme fut Clement. Et distingue expressement entre Apostre & Euesque. Fait les deux Apostres égaux, fondateurs egalement, & ne leur fait pas ce tort que de les qualifier simples Euesques: dit que les Euesques ont aussi bien succédé à l'un qu'à l'autre, à sçauoir, quant au temps, & comme à leurs Docteurs & ordinateurs, non comme ayans la mesme qualité d'Apostre, dignité & puissance qu'eux.

ix. *Gelase au tome des Anath. au commencement.* Saint Pierre premier des Apostres, estimant qu'il falloit ainsi prescher la grace du nouveau Testamēt, que neantmoins il ne quittast point les ordonnances de la loy ancienne, est dit auoir fait quelque chose par simulation entre les luifs & les Gentils : faut-il pourtant suivre ces fautes, que meritoirement & son compagnon Apostre a redarguées, & que luy mesme en suite a depuis euitées?

x. Iean Pape huictième *en ses epistres 45. 75. & 77.* & Nicolas premier *en son Epistre 7.* appellent egalement Pierre & Paul Princes des Apostres.

## CHAP. XI.

*Si Christ donna à Pierre quelque pouuoir sur les choses temporelles : Et s'il a esté exempt de la jurisdiction ciuile.*

I.



ALMERON *sur les Actes, Traicté 38.* Ces paroles, *Tu es Pierre, & sur ceste Pierre, &c. & confirme tes freres, &c. & pay mes brebis, &c.* ont lieu seulement és choses spirituelles.

II.

*Despenſe sur le troisieme chapitre de l'Epistre à Tite, Digression 10.* L'Apostre enseigne que tous les croyans doivent estre subiects aux puissances môdaines : Toute ame soit subiecte, &c. Chrysostome : Toute, dit-il, soit Apostre, soit Prophete, soit Euangeliste, ou Euesque, soit subiecte. Chrysostome est suivi de Theodoret, Theophylacte, Occumenius, & de tous les Grecs. Cela mesme dit ingenuement Gregoire le Grand & Bernard.

## CHAP. XII.

*Si Pierre seul a esté fait Euesque par Christ, & les autres Apostres par Pierre, & si les Euesques ont leur jurisdiction immediatement de Christ ou de Pierre (presupposant que les Apostres ayent esté faits separement Euesques & Prestres, ce qui n'est point.)*

I.



ELLARM. *au liu. I. du Pontife Romain, ch. 23. 5. 8.* Ce que les anciens enseignent par tout, Que l'Eglise Romaine est la mere de toutes les autres Eglises, & que

& que d'icelle tous les Euesques ont receu leur consecration, & leur dignité, ne semble pas estre vray, sinon en ce sens, parce que Pierre, qui fut Euesque de Rome, ordonna tous les Apostres, & tous les autres Euesques, ou par soy ou par les autres: Autrement veu que les Apostres ont establi plusieurs Euesques en diuers lieux, si les Apostres mesmes n'ont pas esté faits Euesques par Pierre, certes la plus grande partie des Euesques n'a pas prins son origine de Pierre, *vid. inf. hic n. 12. & 14.*

La conclusion est tres-vraye, non les premisses: Car

II. François de Victoria, *relect. 2. q. 2. conclus. 3.* Toute la puissance que les Apostres ont eue, ils l'ont receuë immediatement de Christ, il me semble donc qu'il faut prononcer & tenir pour certain, que tous les Apostres ont receu de Christ, l'une & l'autre puissance, à sçauoir de l'ordre & de la jurisdiction.

III. Luy mesme en la mesme *relect. conclus. 1. §. Quod nonnulli.* Quelques vns debattent que les autres Apostres ont receu de Pierre ceste puissance de jurisdiction, & l'efforcent de la prouuer par l'autorité d'Anaclet, Cyprian, August. Leon, & de Clément Alexandrin: mais veritablement ils ne font rien à propos de ce que veulent les auteurs de ceste opinion.

IV. Suarez sur Thomas, Tome 4. *dist. 16. sect. 3. §. Dixi.* Plusieurs estiment que les Apostres receurent seulement immediatement du Seigneur la puissance de l'ordre, mais qu'ils ne receurent point immediatement de Christ la puissance de jurisdiction: mais quant à moy j'estime plus probable, que tous les Apostres receurent immediatement la puissance de jurisdiction.

V. Gregoire de Valence, *Anal. liu. 7. ch. 4. §. id probatur.* Ceste opinion, que les Apostres ont esté faits Euesques par Pierre, est la moins commune.

VI. Maximus en son comment. sur Denis, de la Hierarch. Eccle. *sist.* Tous les Apostres furent consacrez Euesques par Christ.

VII. Bellarm. au contraire *liu. 1. ch. 23. §. Quod autem,* Tous les Apostres n'ont pas esté ordonnez Euesques par Christ, appert *Act. 13.* Car du moins Paul, qu'il appella & fit Apostre du ciel, il ne l'ordonna pas Euesque, mais commanda qu'il fust ordonné par l'imposition des mains des Ministres de l'Eglise, *Separez-moy Barnabas & Saul pour l'œuvre auquel je les ay appellez.* Et la glose sur le canon *Quis nesciat, distinct. 11. sur le mot Petrus,* dit que Pier-

re donna à Paul l'autorité de prescher. Mais

VIII. Caietan *sur le dit ch. 13. des Actes*, Aucun Sacrement ne fut conféré à Barnabas & à Paul par l'imposition des mains, veu qu'aucun Sacrement n'estoit necessaire pour leur œuvre: & eux aussi furent enuoyez par le S. Esprit, non par les Docteurs. Et *ch. 3. de l'auth. du Pape & du Concile*. Tous les Apostres, entant qu'Apostres, ont eu non seulement la puissance de l'ordre, mais aussi celle de juridiction.

IX. Ferus *là mesme*. L'imposition des mains est la confirmation & le vray tesmoignage qu'ils ont esté esleus & constituez par le S. Esprit à vn œuvre, c'est à dire, à l'office de l'Apostolat. De mesme Arias Montanus.

Aussi Barnabas estoit auparauant Apostre, & aussi selon eux Euesque, veu que à l'Apostolat estoit joint l'Episcopat.

X. Salmeron *sur le 2. des Galates, disp. 20. §. Aliqui*. Paul deuant cecy (Separez moy Barnabas & Saul) plus de onze ans auoit cognu Christ, & auoit presché l'Euangile en beaucoup de Prouinces, bien que alors par special il fut enuoyé aux Gentils avec Barnabas son collegue.

XI. Lorinus *sur le 13. des Actes v. 3.* Paul auoit desja esté constitué Apostre par Christ, & dit que les autres ne luy auoyent conféré aucune chose. *Galat. 2.* à sçauoir de juridiction & d'Apostolat. Or avec l'Apostolat estoit conjoint l'Episcopat, tellement que les Euesques sont dits successeurs des Apostres.

XII. Bellarm. luy mesme *au liu. 1. ch. 12. §. 59*. Pierre n'a pas receu les clefs, à ce que luy tout seul en vst, mais pour les communiquer à tous les Euesques & Prestres, exceptez seulement les Apostres qui les receurent *immédiatement* de Christ par certaine raison extraordinaire.

Voy sup. hien. 1. & inf. h. n. 17.

XIII. Gregoire de Tours *au liu. 1. de son hist. ch. 27*. On dit que laques appelé frere du Seigneur, fut ordonné Euesque par nostre Seigneur Iesus Christ mesme.

XIV. Bellarm. encor *au liu. 4. ch. 22. §. 1. du Pont Romain*. Il est certain que les Euesques ont aussi bien immédiatement de Dieu la puissance de l'ordre, que le souverain Pontife mesme. Et *au ch. 24. du mesme li. §. 7*. Parce que les Prestres ont de Dieu la puissance de l'ordre, le Pôitife ne la peut ôter en telle sorte, qu'ils n'en puissent

sent



sent vser s'ils veulent : car bien que le Pontife excommunie vn Prestre, le suspende, interdise, degrade, toutesfoiſ s'il veut il consacre veritablement.

xv. Io. Major en la 4. dist. 24. q. 5. sur la fin. D'auantage nous auons dit, que les autres Apostres ont esté faits Euesques par Christ apres sa resurrection. Et par consequent tant les Euesques que les Curez sont de droit *Diuin*, tout ainsi que le Pontife Romain.

xvi. Alexandre 1. *Epist.* 2. Et Eleutherus *epist.* *vnique*, disent, Que nostre Seigneur Iesus Christ a commis aux Euesques l'Eglise vniuerselle.

xvii. Bellarm. au liu. 4. ch. 24. §. 5. Si Dieu. Si Dieu *conferoit immédiatement* aux Euesques la jurisdiction, tous les Euesques auroient egale jurisdiction, comme ils ont egalemeſt la puissance de l'ordre. Mais maintenant vn Euesque a vn seul village, & l'autre cent. l'autre plusieurs Prouinces. Donc ce n'est pas de Dieu, mais de l'homme, c'est à dire, du Pape, qu'une telle jurisdiction leur est donnée. *Contre ſua n<sup>o</sup>. 12.*

1. Comme si le Roy qui n'a qu'un Royaume estoit moins Roy & moins ſouuerain que celui qui en a deux.
2. Il faut comparer les jurisdictions en ſoy, non en l'estendue des villes ou villages, *C. legimus, dist. 93.*
3. Aussi toutes parroisses ou Cures ne ſont pas egales quant à la grandeur ou valeur du reuenue, mais tous les Prestres ou Curez ſont egaux en leur charge & office : voire Prestre & Euesque est meſme chose de droit diuin.

xviii. Luy meſme au meſme ch. §. 6. Si les Euesques auoyent leur jurisdiction de Dieu, le Pontife ne pourroit pas la leur oſter, comme toutesfoiſ il \* peut & le fait ſouuent.

\* Par vſurpation, comme ſera veu ci apres.

Aussi

xix. François de Victoria de *poſeſt. Eccleſ. rel.* 2. & Alfonso de Castro, de *juſta hæreſic. puniſ. diſent*, Que les Euesques reçoient immédiatement leur jurisdiction de Dieu, aussi bien que les Apostres.

xx. Baronius en l'an de Christ, 58. num. 13. Les Euesques ont esté instituez par le Seigneur és Apostres.

xxi. Io. Andreas sur le chap. *Nona quedam, extr. de pœnit.* Les Apostres ont eu les clefs, & nostre Seigneur parle en pluriel, dont l'enſuit qu'ils ont les clefs, tant d'ordre que de jurisdiction.



xxii. Gregoire de Tours au liure miracul. chap. 28. Saint

Pierre a esté fait Euesque par les autres Apostres.

XXIII. Celestin Euesque de Rome en l'Epistre qu'il escriuit au premier Concile d'Ephese, La charge de prescher la parole, & le soin de defendre & auancer la verité, appartient à tous, comme nous ayant esté transmise par droict hereditaire: car nous tous qui en leur place preschons le nom du Seigneur par tout le mōde, sommes obligez à cela. Car lors qu'il leur eut dit, *allez, enseignez toutes gens*, ce n'est point vn particulier commandement, mais vn general faict à nous tous: car ce qu'il a commandé à tous ses Apostres il a voulu que cela fust executé par nous tous. Il faut donc que nous supportions & exercions la charge de ceux ausquels nous auons succédé.


## CHAP. XIII.

*Que S. Pierre ne presida pas au Synode tenu par les Apostres & Anciens en Hierusalem, Act. 15.*

- I.  IRANVS sur ledit chap. 15. Iaqués determina la sentence.
- II. Carthusianus sur le mesme chap. dit, que Iaqués presida.
- III.  Gerlon Tom. 4. in proposit. utilis. ad extrema schismata. Iaqués presidoit au Concile de Hierusalem & non Pierre.
- IV. Io. de Turre Cremata lib. 3. c. 24. Summa de Eccles. On ne lit point expressement & formellement en aucune part que Pierre aye presidé es Conciles tenus par les Apostres.

## CHAP. XIV.

*Que Pierre mesme a disputé avec les autres onze Apostres, lequel d'entr'eux estoit le plus grand.*

- I.  ANSENIUS Concordant. & Maldonat sur le 18. de S. Matt. en l'Euangile selon S. Marc ch. 9. v. 35. Il appella les douze, &c. Il est euident que les douze auoyent proposé ceste question de la primauté.

Seconde



*Seconde Partie*

CONCERNANT LA PVISSANCE  
& autorité du Pape & de l'Eglise  
Romaine.

CHAP. I.

*Que les premiers Euesques de Rome, & encor plusieurs des autres, n'ont point esté de l'opinion des Papes modernes touchant la puissance qu'ils s'attribuent.*

I.



I les premiers Euesques de Rome eussent eu la creance des Papes modernes, & d'estre Euesques vniuersels & Monarques de l'Eglise, ils se seroyent qualifiez tels: auroyent fait des reglements generaux pour toutes les Eglises du monde; establi par tout, & non seulement en l'estendue de leur Diocese, des Euesques, Metropolitains & Patriarches: disposé des Benefices & biens Ecclesiastiques: ottroyé des priuileges aux cleres: jugé des appellations en dernier ressort: imposé silence aux heretiques & schismatiques: donné dispense des serments & des vœux faicts à Dieu: excommunié & deposeé quelques Empe- reurs & Rois, & mis leurs Royaumes & Estats en interdit: absous & liberé leurs subjects du serment de fidelité, & permis de tuer les Rois heretiques & excommuniez: ce qu'ils n'ont fait, ni pretendu pouuoir taire: & neantmoins se sont bien & fidelement acquittez de leurs charges: Et les escrits par lesquels on voudroit verifier qu'ils se sont attribuez quelque chose de cela, comme notamment les Epistres Decretales qu'on a fait courir sous leur nom, sont pieces supposées & fausses, ainsi qu'est verifié cy apres, *liu. 3. chap. 2.*

II. Les Euesques de Rome, qui durant les quatre ou cinq premiers siecles ont voulu s'attribuer quelque superiorité par

deffus les autres, ne se font jamais feruis d'aucun passage de la *S<sup>te</sup>* Eferiture pour persuader q̄ de droict diuin cela leur appartenoit: mais seulement se sont fondez sur quelques canons des Conciles par eux falsifiez ou supposez, comme fut particulièrement verifié és Conciles d'Afrique & Chalcedoine. D'où appert, qu'ils n'ont point creu que Iesus Christ leur eust donné ce pouuoir.

III. Clement particulièrement ne le croyoit pas, puis qu'en ses deux Epistres, tenues pour vrayes par les Papes, il qualifie S. Jacques Euesque des Euesques, gouvernant la sainte Eglise des Hebreux qui est en Ierusalem, mais aussi toutes les Eglises qui par tout sont fondées par la prouidence de Dieu. Et ainsi le recognoist meritoirement son superieur & gouverneur de l'Eglise Romaine aussi bien que des autres.

IV. Anicet nō plus, qui viuoit en l'an de nostre Seigneut 167. Car selon le tesmoignage d'Irenée rapporté par Eusebe *liv. 5. ch. 24.* ce grand personnage & Martyr Polycarpe Euesque de Smyrne, estant venu d'Asie pour conferer avec luy touchant plusieurs poincts, dont ils estoient en different, & notammēt du jour qu'on deuoit celebrer la Pasque, Anicet n'allegua point son pretendu priuilege, ne celui de S. Pierre, mais seulement la coustume, disant que les Prestres ses predecesseurs en auoyent ainsi vsé. Et Polycarpe au contraire disoit, que S. Iean, avec lequel il auoit frequenté, & les autres Apostres auoyent tousjours celebré la Pasque le 14.<sup>e</sup> de la Lune de Mars: & neantmoins se separerent bōs amis, quoy que le chacun d'eux demeurast en son opinion, & sans que ledit Anicet vsast d'aucun commandement, comme il eust fait sans doute, s'il eust estimé d'auoir ce pouuoir.

V. Victor enuiron l'an 200. ayant retranché de sa communion les Eglises d'Asie, à cause qu'elles continuoient de faire la Pasque en autre jour que luy: Irenée Euesque de Lion l'en reprit aigrement, non pas pour auoir fait en cela acte de souuerain, car tous les Euesques en vsoyent ainsi à l'endroit de ceux qu'ils estimoient heretiques ou schismatiques: mais parce qu'il auoit excédé, & que le sujet n'estoit suffisant, comme la procedure d'entre Polycarpe & Anicet, toute contraire à la sienne, tesmoignoit. Et la question touchant le jour de la Pasque, six vingt ans apres étant debatue au Concile de Nicée, les deputez de l'Euesque de Rome ne dirent point que ceste question eust esté jugée par Victor, & que

que le Concile ne pouuoit pas retracter la sentence du Pape qui estoit par dessus luy, ou prendre cognoissance de son jugement; mais la chose fut decidée & terminée par autres raisons rapportées tout au long par Eusebe en la vie de Constantin *lin. 3. chap. 16. 17. & 18.*

vi. Zepherin en l'an 217. lors que Agrippin Euesque de Carthage fit ordonner au Concile d'Afrique, que le baptesme des heretiques estoit nul, ne s'y opposa point, & n'usa aucunement de ce pouuoir & autorité souveraine pretendue, quoy qu'il eust contraire sentiment.

vii. Corneille, Luce, Estienne & Sixte second, qui viuoient es années 254. & suivantes, ne le croioyent non plus; car sur le mesme differend fort agité, touchant le baptesme des heretiques, ils ne disoient pas que c'estoit à eux d'en ordonner: & n'alleguoyent aucun texte de la sainte Escriture: mais en donnoyent simplement leur aduis par lettres, se fondans sur la coustume & tradition: assembloyent là dessus des Conciles en Italie, & en escriuoient aux principaux Euesques, mesmes à Denis Euesque d'Alexandrie, duquel les Epistres sont rapportées *au 7. lin. d'Eusebe.*

viii. Melchiades, qui siegeoit l'an 311. ne le croyoit non plus, car autrement il n'eust pas souffert que Constantin l'eust accouplé avec autres Euesques des Gaules & d'Italie en la cause de Cecilian Euesque de Carthage: n'auroit pas accepté la commission, ni permis qu'on eust recours de son jugement audit Empereur, ni que Constantin conuoquast ce grand Concile en Arles pour vider ladite appellation, comme il fit, tescmoin Eusebe *lin. 10. ch. 5.* où sont rapportées les lettres de Constantin, & S. Augustin en ses Epistres, 48. 162. & 163.

ix. Sylvestre, successeur dudit Melchiades, de mesmes qui enuoya ses deputez audit Concile d'Arles, & souffrit que le Concile prinst cognoissance de la sentence donnée par son predecesseur, & que Constantin cōuoquast ledit Concile, au lieu de se mettre en possession de ceste lieutenance generale, & remonstret son deuoir audit Constantin, puis qu'il le pouuoit faire en toute liberté, & y estoit obligé. Du moins eust-il voulu presider audit Concile par ses deputez, & eust fait quelque plainte ou protestation là dessus: mais rien de tout cela. D'ailleurs Sylvestre n'eust point accepté la pretendue donation, ni les priuileges que Constantin

luy ottroya *au can. Constantinus 14. dist. 96.* mais l'eust instruit qu'il estoit vicaire de Christ au temporel & spirituel, & que c'estoit à luy de donner priuileges aux autres, & à establir, reccueillir ou rejeter les Empereurs. C'estoit aussi du deuoir de Syluestre, s'il eust creu d'auoir le pouuoir que les Papes s'attribuent, d'imposer silence à Arius, citer les parties, & du moins d'entoyer des legats sur les lieux, d'implorer la puiffance de Constantin, & en tout cas de conuoquer le Concile : mais cela excedoit son pouuoir : aussi ne s'en mesla-il point, & salut que Constantin y mist la main, qu'il enuoyast Osius en Alexandrie, & qu'en fin il conuoquast le Concile de Nicée, tescmoin Eusebe en la vie de Constantin, *liu. 2. ch. 63.*

x. Iule dit *au can. dudum 3. q. 6.* que les Conciles ont voulu que l'Eglise Romaine fust la premiere de toutes; & partant il ne croyoit pas que ce priuilege luy eust esté ottroyé par Iesus Christ, car il n'eust pas manqué à le dire.

xi. Urbain & Zozime, *c. sicut quidam, & c. contra 21. q. 1.* ayans dit que le Pontife Romain ne peut rien ordonner contre les statuts des Peres, ou y changer aucune chose, ne croyoit pas que les Euesques de Rome fussent par dessus les Conciles.

xii. Liberius, successeur de Iule, escriuant à Athanase, le prie de luy faire scauoir s'il est de son aduis, & promettre d'effectuer ses *\* commandemens*, au lieu de luy commander & prescrire ce qu'il deuoit croire & faire. *Epist. 10. en Basile.*

*\* tuâque mandata obeam.*

xiii. Iule encor en la cause d'Athanase Euesque d'Alexandrie, monstre qu'il ne croyoit pas que Iesus Christ eust donné aux Euesques de Rome le pouuoir pretendu par les Papes : car Athanase ayant esté depose par les Euesques d'Orient, & Iules leur ayant escrit, qu'ils auoyent procedé temerairement, ayant aussi receu Athanase en la communion, & cité ses accusateurs, & eux l'en estant mocquez & escrit à Iules des lettres pleines de brocards & menaces disant, que ce n'estoit à luy de juger de leur procedure : & que quand il auoit chassé Nouat, ils ne s'y estoient point opposez : Iules ne repartit point, qu'il estoit souuerain & Euesque vniuersel de droit diuin, & auoit pouuoir sur eux : mais seulement, qu'ils auoyent fait contre les canons, de ne l'auoir appellé en leur Concile, veu que le canon Ecclesiastique porte, qu'il ne faut point donner des regles, ou establir des loix aux Eglises, cõtre l'aduis de l'Eues-



L'Euesque de Rome: & qu'il les auoit seulemēt exhortez de comparoir au Synode, non deuant luy: & ce suiuant le Concile de Nicée, qui permet que ce qui a esté traitté en vn Concile, soit examiné en vn autre: & bien qu'il eust escrit seul, que pourtant ce n'estoit pas la seule opinion, mais de tous les Italiens & de tous les Euesques de ces regions: & qu'ils auoyent deu escrire à nous tous, afin que par tous fust ordonné ce qui seroit iuste. Non donc par luy seul, ni par le seul Synode de Rome ou d'Occident. Sozomene *liu. 3. chap. 8.* Socrate *liu. 2. chap. 11.* & 13. Athanase *Apol. 2.*

xiv. Felix II. [158.] en la l. *omnis* 14. C. *Theod. de Episc. Eccl. & cler.* requit les Empereurs Constantius, Constans & Iulien, de confirmer les priuileges ottroyez par leurs predecesseurs à ceux du clergé, & de les augmenter pour leur famille, femmes & enfans. Ce qu'il n'auroit fait, voire mesme n'auroit accepté le dit priuilege, s'il eust esté de l'opinion des Papes.

xv. [370.] Damase aussi n'auroit pas requis, receu & fait publier à Rome la loy des Empereurs qui commence *Ecclesia 20. C. Theod. de Episc. Eccl. & cler.* sur l'abus que commettent les Ecclesiastiques, qui auoyent fait vœu de continence en frequentant les maisons des vesues & pupilles, & en acceptant des dons & saigs des femmes, lesquelles sous pretexte de religion, ils rēitoyent en leurs maisons. Car ce faisant il se recognoist inferieur aux Empereurs, & confesse que les Ecclesiastiques sont leurs subiects.

xvi. [417.] Zozime aussi estoit de contraire sentiment: car par les memoires & instructions qu'il bailla à Faustin Euesque, & à Philippes & Asellus Prestres ses deputez au Concile de Carthage, il ne dit pas que Iesus Christ eust donné pouuoir à l'Euesque de Rome de cognoistre & juger souuerainement, & en dernier ressort des appellations de tous les Euesques du monde: mais seulement leur bailla le septiesme canon du Concile de Sardigne, qu'il disoit estre du Concile de Nicée. Et sur ce que les Peres dudit Concile de Carthage, entre lesquels estoit S. Augustin, dirent, que ce canon n'estoit point es copies ou exemplaires que leurs Peres deputez audit Concile de Nicée, en auoyent rapporté, où n'y auoit que vingt chapitres ou canons, & que partant pour plus ample certitude tant eux que Boniface, qui cependant auoit succédé à Zozime, enuoyassent à Constantinople, Alexandrie & Antioche, où on disoit qu'estoyent les originaux, pour en auoir des



extraits deuëment attestez & collationnez, ledit Faustin, qui tenoit la place de Boniface, & estoit tresbien instruit de ses droicts & intentions, au lieu de dire, que ceste peine, recherche & despen-  
ce estoit inutile, puis que ce pouuoir & authorité auoit esté donné aux Euesques ne Rome, non par aucun Concile, mais par Iesus Christ mesme, auoit seulement dit pour esquiuer ceste preuue, que Boniface en feroit la recherche de son costé, & eux du leur, de peur que quelque contention n'arriuaist entre les Eglises. Et fallut en fin enuoyer sur les lieux : & la fausseté & supposition dudit pretendu canon de Nicée, fut descouuerte, comme resulte amplement par les actes dudit Concile de Carthage, & par ceste excellente lettre que ledit Concile escriuit depuis à Celestin successeur dudit Boniface. Aussi luy mesme au rapport de Baronius en l'an 417. escriuant aux Euesques d'Afrique dit, Encore que la tradition des Peres aye attribué vne telle autorité au siege Apostolique, que nul n'ose debatre de son jugement : & donc non Christ, mais les hommes luy ont donné ce pouuoir.

xvii. Leon I. requit Martian Empereur & l'Imperatrice, que les Euesques d'Orient ne presidassent pas au Concile conuoqué à Chalcedoine, d'autant qu'ils s'estoyent mal portez en celuy d'Ephese, & n'allegua point que cela luy appartenist & à son siege : & ainsi monstra qu'il ne le croyoit pas aussi. Et de fait, luy mesme *c. 114. Dominus, dist. 19.* dit, que nostre Seigneur voulut que Pierre fust nommé, ce que luy mesme estoit, assauoir fondement de l'Eglise.

xviii. Innocent recognoissoit qu'il n'auoit pas ce souverain pouuoir, & qu'il n'estoit pas dessus le Concile, quand au lieu de reestabli Chrysostome deposé par Theophile, & citer les parties à ces fins, il console seulement Chrysostome & le clergé de Constantinople, & dit, qu'il est *nécessaire de conuoquer vn Concile, qui seul peut remedier* : & en suite de ce, supplie les Empereurs de conuoquer le Concile : ce qu'il ne peut obtenir, tefmoin Sozomene *lib. 8. chap. 26. & suivant.*

xix. [448.] Le mesme Leon I. en son *Epistre 9.* dit auoir enuoyé à Theodose sa confession de foy, & le supplie d'assembler le Concile en Italie & non en Ephese : disant, *pourtant si vostre pieté deigne consentir à mon conseil & supplication qui est*, que vous commandiez de tenir vn Concile d'Euesques en Italie : Aussi les Legats dudit Leon au Concile de Chalcedoine s'estans plaints du

canon 18. qui egale entierement l'Euesque de Constantinople à celui de Rome, n'alleguerent aucun passage de la sainte Escriture, soit, *Tu es Pierre, &c. Je te donneray, &c.* ou, *Paymes brebia, &c.* comme ils deuoyent, & c'en estoit vrayement le temps : mais seulement des raisons humaines, voire falsifierent le sixième canon du Concile de Nicée.

xx. [492.] Gelase au can. *Sancta*, dist. 15. faisant le deuombrement des liures & escrits qu'il faut receuoir, outre ceux du Vieux & Nouveau Testamēt, met premierement les quatre Conciles generaux : & apres les ceures de Cyprian, Athanase, Augustin, Ambroise, Hierosme, &c. Et adjouste : *Item, les Epistres decretales des Papes de Rome doiuent estre recenees venerablement.* Et ainsi tant s'en faut, qu'il egale les Epistres decretales des Papes aux liures canoniques, qu'il les met seulement apres les escrits des Peres, qui ne sont pas canoniques, sinon entant que leurs sentences sont inserées au liure des Canons : voire sont souuent contredits & arguez de faux par les Docteurs adherants à la communion des Papes modernes. Là où selon l'opinion des Papes, les decretales sont toutes canoniques, & egalent la parole de Dieu & les canons des Conciles vniuersels.

xxi. [535.] Agapet, qui fut esleu & confirmé par Theodat Roy d'Italie, fut incontinent enuoyé par luy en ambassade vers l'Empereur Iustinian à Constantinople, pour s'excuser de la mort d'Amalasonte sa femme, fille de Theodoric, dit Anastase en la vie d'Agapet, laquelle commission il n'eust jamais acceptée, s'il eust esté de l'opinion des Papes modernes, ains eust dit & representé audit Theodat, que c'estoit à luy de commander & qu'il chassât vn autre valet.

xxii. [578.] Pelage II. selon le tesmoignage de Platine en sa vie, ayant esté esleu pendant que les Lombards tenoyent assiegée Rome, apres que le siege fut leué, enuoya Gregoire, lors Diacre à Constantinople, pour s'excuser, d'autāt que pour auoir quelcun esté esleu par le clergé, ce n'estoit rien; si l'Empereur n'en auoit approuué l'election.

xxiii. Le mesme Pelage deuxième au c. *nullus*, dist. 99. tiré de sa lettre aux Euesques assemblez à Constantinople dit, qu'aucun ne se doit appeller Euesque ou Patriarche *vniuersel* ou *†* souuerain : que

\* sup. liu. 1. chap. 1. n. 2.

c'est vn mot prophane & orgueilleux : que c'est oster aux autres l'honneur qui leur est deu, contre les commandemens du Seigneur, enſeignemens des Apoltres & regles des Peres : Que ſ'attribuer ce tiltre orgueilleux, eſt ſe monſtrer precurſeur de l'Antechriſt. Et adiouſte vne raiſon generale, qu'il peut arriuer que celui qui ſe dit vniuerſel, perira en erreur : & partant ne ſe trouue plus Eueſque qui ſoit demeuré en l'eſtat de verité. Il ne croyoit pas donc que l'Eueſque de Rome fuſt ſouuerain & Monarque de l'Egliſe : & moins encor qu'il ne pût errer. Auſſi Gratian ſur ledit canon met ce ſommaire, Le Pontife Romain meſmes ne doit point eſtre appellé vniuerſel.

xxiv. Gregoire i. en ſon *Epiſtre* 32. *liu. 4. dit*, Que S. Pierre, quoy que premier, n'eſt point appellé Apoltre vniuerſel : Que c'eſt vn nom de vanité, mot nouueau & prophane. Et *Epiſtre* 36. Que jamais aucun de ſes predeceſſeurs n'a conſenti à vne ſi prophane parole : & que cela ne peut entrer en vn eſprit Chreſtien : Et *Epiſtre* 38. Que c'eſt vouloir eſtre appellé ſeul Eueſque : Que Pierre Apoltre eſt le premier membre de la ſaincte Egliſe vniuerſelle : Que Paul, André, & Iean ſont chefs des peuples particuliers, & toutesſois tous ſous vn chef, membres de l'Egliſe : & que toutesſois nul d'eux n'a jamais voulu ſ'appeller vniuerſel, nul ne l'a preſumé, qui vrayement aye eſté ſainct : nul n'a voulu ſauir à ſoy, ce temeraire nom. Et *liu. 6. Epiſt. 24.* Si vn Eueſque eſt appellé vniuerſel, l'Egliſe vniuerſelle va par terre, ſi vn vniuerſel vient à tomber. Et *Epiſt. 30.* Je diſ hardiment, que quiconque ſ'appelle ou deſire d'eſtre appellé Preſtre ou Eueſque vniuerſel, eſt en ſon elation precurſeur de l'Antechriſt, d'autant que par ſon orgueil, il ſe preſere aux autres. Luy meſme eſcriuant à l'Empereur Maurice, *liu. 2. Ep. 61. indiſt. 11.* ſ'appelle indigne valet de ſa pieté. Et apres, *dit*, pour cela la puiffance ſur tous hommes a eſté donnée du ciel à la pieté de mes Seigneurs, & qu'il doit obeïſſance à Maurice. Il n'eſtimoit pas donc que l'Empereur fuſt ſon vaſſal, & luy deuſt ſerment de fidelité : ni meſme qu'il fuſt Eueſque vniuerſel, & n'auoit pas veu, ou ne tenoit pas pour bonnes, les *Epiſtres* attribuées aux premiers Eueſques de Rome qui luy donnent ce tiltre.

xxv. Eſtienne vii. & Sergius iii. ne croyoyent point, que le Pape peut diſpenſer du ſerment & permettre le parjure, & qu'il ne peut errer, ayant de l'aduiſ de leurs Conciles, condamné Formoſus

mosus qui auoit esté Pape quatre ans & demy : iceluy fait deterrer, couper les doigts, trainer & jeter le corps dâs le Tybre, pour auoir contre son serment accepté la charge d'Euesque du Port, & depuis de Pape : bien qu'il eust esté dispensé par le Pape Marin, tefmoins Stella, Platine & Sigonius.

xxvi. *Nicolas I. can. cum ad verū 96. dist.* Depuis la venue de Iesus Christ, ni l'Empereur n'a plus attiré à soy les droicts du Pontificat, ni le Pontife n'a point vsurpé le nom d'Empereur, d'autant que iceluy mediateur entre Dieu & les hōmes, Iesus Christ homme, a separé les offices de l'un & de l'autre des puissances, ayant ainsi distingué les actes & dignitez propres à la chacune : de sorte que, & les Empereurs Chrestiens pour la vie eternelle eussent besoin des Pontifes, & les Pontifes vsassent des loix imperiales pour le cours seulement des choses tēporelles. Il n'estimoit donc point d'estre souuerain de l'Empereur au temporel, ou que le Pape l'eust establi & le peust déposer, puis que chacun auoit de Dieu son office & dignité distincte & separée.

xxvii. *Innocent III. c. per venerabilem, §. insuper. [1195.]* Le Roy de France ne recognoist aucun superieur es choses temporelles.

xxviii. Luy mesme de *consecrat. Pontif. serm. 2.* Je puis estre jugé par l'Eglise pour le seul peché qui est commis en la foy.

xxix. *Pius V. Pape au rapport de Nauarrus in can. non liceat Papa 12. q. 2.* disoit, que les Iuriscultes estoient coustumiers d'attribuer par trop à la puissance du Pape.

Il deuoit donc les reprendre & censurer.

xxx. [657.] *Vitalian*, au rapport d'*Anastase* en sa vie, enuoya selon la coustume ses nonces (*responsales suos*) avec vne lettre Synodale, à Constantinople aux tresreligieux Empereurs, leur faisant sçauoir son ordination : lesquels ayans esté receus, & apres auoir renouuellé les priuileges de leur Eglise, s'en retournèrent : & *Constans* Empereur arriuant à Rome le cinquiesme de Iuiller, vn Mercredi, Indiction sixiesme, *Vitalian* avec tout le clergé alla au deuant de luy trois lieues loin de Rome, & le receut : Et le Dimanche ensuiuant l'Empereur allant à S. Pierre avec son armée, tous furent au denant de luy avec cierges.

xxx. *Adrian I. es actes du 7. Synode, acte 2.* dit à l'Empereur *Constantin vu.* Nostre petite cour supplie en toute humilité vostre

Imperiale Majesté : mes treshonorez Seigneurs , je vous supplie comme present , comme m'agenouïllant & prosternant à vos pieds.

xxxii. [708.] Constantin Pape , duquel Anastase en la vie d'iceluy dit , L'Empereur Iustinian second enuoya des lettres au Pontife Constantin , par lesquelles *il luy* commandoit de monter en la ville Royale : lequel tres saint personnage obeïssant aux commandemens Imperiaux incontinent fit apprester les vaisseaux necessaires pour sa nauigation.

xxxiii. Syluestre II. escriuant à l'Empereur Othon (Engelbert *epist.* 154.) Nous obeïssons donc, Cesar, à vos edicts Imperiaux & en cecy & en toutes choses quelconques que vostre diuine Majesté ordonnera : car nous ne pouuons pas manquer à vous obeïr qui ne voyons entre les choses humaines aucune chose plus douce que vostre Empire.

xxxiv. [514.] Hormisda en la cause de Dorothee Euesque de Thessalonique , accusé de plusieurs crimes, mesme de l'homicide commis en la personne de Iean Euesque & Legat du Pape, n'en entreprint pas le jugement & n'euoqua point la cause à soy qui fut traitée par deuant Iustin Empereur , Hormisda consentât. Car les autres Legats du Pape & accusateurs de Dorothee luy escriuent ainsi : Sa sainte clemence ( c'est à dire l'Empereur ) promet d'en faire punition & de citer Dorothee , parce que nous en auons requis sa pieté. Ausquels Hormisda respondit. Car nous auons appris que Dorothee a esté euoqué à Constantinople par le commandement du Prince, contre lequel vous deuez insister enuers le Prince nostre Seigneur & fils tresclement , qu'il ne retourne plus en la ville de Thessalonique , mais qu'estant depose de l'honneur Episcopal, qu'il n'a jamais bien exercé, il soit relegué en quelque lieu fort esloigné de ladite Eglise, ou qu'il soit enuoyé icy à Rome avec seure cōduite : mais l'Empereur ne voulut point actorder ceste alternatiue. Nous auons (disent lesdits Legats) suivant vostre commandement, fait entendre au Prince l'autorité de vostre Apostolat, à ce que Dorothee fust enuoyé à Rome avec Aristides, pour apprendre la doctrine de la purté Catholique, lequel nous a respondu, qu'il n'y a point de cause ou de subiect pour lequel ils doiuent estre enuoyez à Rome , pour estre ouïs , ou ils pourroyent plus facilement s'excuser hors la presence de leurs

accusateurs. Cela resulte des Epistres dudit Hormisdas 56. 57. & 64. & des memoires y jointes.

xxxv. [440.] Leo *Epist.* 32. escriuit à l'Empereur Leon, parlant de la punition des cleres de l'Eglise de Constantinople, Si nostre frere Anatolius est trop paresseux à les chasser, qu'il vous plaise, selon vostre foy, d'apporter ceste medecine à l'Eglise, que telles personnes non seulement soyent degradées de l'ordre de clericature, mais aussi chassées de la ville.

xxxvi. [468.] Simplicius *Epist.* 9. & 11. parlant à l'Empereur Zenon, dit, Ce que l'Eglise requiert serieusement par nous, voire que nous mesmes particulierement supplions, que vous commandiez par vostre tres-illustre ordonnance, que Pierre enuahisseur de l'Eglise d'Alexandrie soit transporté en lieux bien esloignez.

xxxvii. [552.] Iean second *en son Epistre 2. à l'Empereur Justinian.* Il est raisonnable, que ceux qui n'obeissent point aux statuts, soyent chassés des Eglises. Mais d'autant que l'Eglise ne ferme point son sein à ceux qui veulent retourner, le supplie vostre Clemence; que si en delaisant les erreurs & mauuaises instructions ils veulent retourner à l'vnité de l'Eglise, que les ayans receu en vostre communion, vous destourniez la pointe de vostre indignation, & à nostre intercession leur pardonniez benignement.

xxxviii. [600.] Gregorius 1. *Epist.* 49. *lib. 2. ind. 11.* comme le jugement, ou du moins l'enqueste, d'un certain Prestre Boniface, accusé de crime, à Gregoire, Theodore Euesque, & au Preteur du lieu, disant, Quelque grieue accusation contre Boniface est paruenue à nos oreilles, nous voulons que avec le Preteur du lieu, tu examines, si les crimes qu'on luy impose, sont vrais.

xxxix. [847.] Leon iv. *c. de capitulis, dist. 10.* Nous decla- rons ouuertement, que nous auons sans aucun contredit, gardé & obserué vos chapitres (loix) ou commandements Imperiaux, & de vos Pontifes & predecesseurs (il parle à Lothaire Auguste) en- tant que nous auons peu & pouvons, & qu'avec l'aide de Christ, & maintenant & tousjours à l'aduenir nous les obseruerons en toutes manieres: & si quelqu'un vous a dit ou dit à l'aduenir le contraire, sçachez pour certain qu'il est menteur. Et *c. nos si incom- petenter 2. q. 7.* parlant à Louys Auguste, dit, Si nous auons faic quelque chose mal à propos, & si nous n'auons point suivi le che- min de la loy juste enuers vos subjects, Nous voulons que le tout



ſoit corrigé par voſtre jugement & de vos Commiſſaires. Et par-  
tant nous implorons grandement la clemence de voſtre gran-  
deur, à ce que pour faire enqueſte du tout, il vous plaiſe enuoyer  
en ces quartiers des Commiſſaires craignans Dieu.

XL. [678.] Agatho & ſon Synode reſpondant à l'Empereur  
Constantin Pogonatus, qui auoit conuoqué le ſixième Concile  
general à Constantinople, & l'auoit inuirié d'y enuoyer ſes depu-  
tez, dit, à Constantin grand Empereur, Heraclée & Tybere Au-  
guſtes, Agatho Eueſque, ſeruiteur des ſeruiteurs de Dieu, avec  
tous les *Synodes inferieurs du ſiege Apoſtolique* (il n'y auoit donc  
que ceux-là inferieurs & non les Orientaux & autres) Nous tous  
les petits Prelats des Eglifeſ, les valets de voſtre Chreſtien Empi-  
re conſtitués és parties de *Septentrion & Occident*, quoy que petits  
& ſimples en ſcience, mais fermes en la foy, par la grace de Dieu,  
&c. D'auantage il faut que noſtre petite compagnie de vos va-  
lets rende raiſon de ce que noſtre Concile a tant tardé, d'enuoyer  
des deputez à voſtre ſacrée Majeſté, ſuiuant voſtre premier com-  
mandement, &c. Et partant treſchreſtiens Seigneurs, fils, ſuiuant  
les *pieux commandemens* de voſtre manſuetude que Dieu conſerue,  
& pour l'obeiſſance que nous vous deuons, & non pour la con-  
fiance du ſçauoir de ceux que nous enuoyons, Nous auons depeſ-  
ché nos preſents compagnons de ſeruice Abundantius, &c. Aga-  
tho Ep. 1. *tomo 2. Epist. Rom. Pont. Cusanus, li. 2. de concord. Cath. c. 7.*

XLI. [555.] Pelagines eſcriuant au Roy Childebert *c. ſana-  
gendum 25. q. 1.* Il faut donner ordre, pour oſter tout ſcandale de  
ſoupçon, que nous donnions l'obeiſſance de noſtre confeſſion aux  
Rois, auxquels les ſainctes Eſcritures enjoignent que *nous ſoyons  
auſſi ſubjects.*

On auoit changé en Gratian, contre le ſens & contre la gloſe;  
le mot de *Regibus* en celuy de *Legibus*.

XLII. [679.] Agatho encor au *c. Agatho, diſt. 63.* obtint du-  
dit Empereur Constantin Pogonatus, qu'à l'aduenir l'Eueſque  
de Rome, pour ſon intronization ne payeroit aucune choſe à  
l'Empereur, à la charge que celuy qui ſeroit eſleu Pape, ſeroit cō-  
firmer ſon election dans Constantinople à l'Empereur, ſuiuant  
l'ancienne couſtume, afin qu'avec ſon ſceu & commandement  
l'election euſt ſon effect. Où la gloſe dit, qu'auparauant l'Empe-  
reur auoit les deux droicts, & qu'il lui fut loiſible d'en quitter l'un.



XLIII. [683.] Leo II. successeur d'Agatho *tome 2. Epist. 1.* escriuant au mesme Empereur Pogonatus, du retour des deputez d'Agathon, dit, avec ceux qui auoyent esté enuoyez là, l'Indiction huietième, pour la cause de la foy, suiuant le *commandement* de vostre pieté.

XLIV. [590.] Gregorius I. *lib. 1. Ep. 52.* escriuant à l'Exarque d'Italie, qui detenoit prisonnier Blondus Euesque d'Hortense, pour cause criminelle, dit; D'autant que nous ne croyons point que vostre Excellence le detienne, sinon pour cause de quelque excès probable, il faut que par deuant vn Synode il soit manifesté, s'il est coupable du crime dont il est accusé: & si telle faute est trouuée en luy qui merite degradation du Sacerdoce, il est necessaire qu'un autre soit ordonné en sa place.

Il n'enuoie pas à foy le jugement, & ne dit pas que la condamnation des Euesques appartienne à luy seul.

XLV. Estienne V. suiuant le tesmoignage de Theganus Choeuesque de l'Eglise de Treues, *de gestis Ludouici c. 16.* incontinent apres qu'il fut esleu Pontife, il commanda à tout le peuple Romain de promettre fidelité avec iurement à Louys, & luy enuoya ses Legats, & apres le vint trouuer en France.

XLVI. Estienne (troisième) *au can. aliter, dist. 32.* Autre est la tradition des Eglises d'Orient, autre celle de ceste sainte Eglise Romaine: car leurs Prestres, Diacres & Sousdiacres sont mariez: mais aucuns des cleres de ceste Eglise ou de celles d'Occident, puis le Sousdiacre jusques à l'Euesque, n'a licence de foy marier.

1. Il eust sans doute fait ordonnance generale s'il eust estimé d'en auoir le pouuoir.
2. Il ne tient pas l'Eglise Romaine que pour particuliere, distinguée & des Orientaux & des autres Occidentales.

XLVII. [352.] Liberius encor. (*sup. n°. 11.*) en son Epistre aux Euesques d'Orient, auparavant Macedoniens, & nians la consubstantialité, qui est au chap. onzième du quatrième liure de Socrates. Premièrement il ne se qualifie que Euesque d'Italie, non vniuersel.  
2. Il appelle les Euesques d'Orient ses freres & collegues bien-aimés. 3. Dit qu'il se resjouit grandement de ce que leurs opinions estoient conformes & avec la sienne, qui estoit le plus petit de tous, & avec celle des autres Euesques d'Italie, & de tous ceux de toutes les autres regions d'Occident. Et ainsi se met simplement au nombre des

autres & l'un d'iceux: dit, qu'il recognoist ceste foy Catholique & Apostolique, laquelle depuis le Concile de Nicée a esté inuiolablement obseruée; au lieu de dire, que luy ou l'Eglise Romaine l'auoit ainsi decreté, puis qu'à luy seul appartenoit la decision des poincts ou articles de la foy. Luy meſme encor au Dialogue & conference qu'il eut avec l'Empereur Constantius, qui tâchoit à le persuader de quitter la communion d'Athanase & d'embrasser la foy Arriene, & qui est rapporté tout au long par Theodoret au liure second de son histoire Ecclesiastique, chap. 16. sur ce que ledit Empereur luy disoit, *Puis que tu es Chrestien & Euesque de nostre ville* (c'estoit apres la mort de Constantin & Constans ses freres) *il faut que tu te separes de la communion detestable de cet impie Athanase, ven qu'il a esté examiné par tous les Euesques de l'uniuers assemblez en Concile à Tyr,* & qu'il estoit seul qui persistast en l'amitié de cest impie, & adjousta: *As-tu, Liberius, pouuoir sur une si grande partie du rond de la terre, que toy seul viennes au secours d'un homme impie; & oses troubler la paix de tout le monde vniuersel?* Liberius au lieu de luy respondre, que la ville de Rome & tout l'Occident lui appartenoit par la donation faite par Constantin pere d'iceluy Constantius, & qu'il n'estoit pas seulement Euesque de la ville de Rome, mais de tout le monde: qu'il estoit par dessus le Concile: que luy seul pouuoit decider des poincts de la foy, & condamner ou absoudre les Euesques: Il dit seulement, qu'Athanase n'auoit point esté condamné avec cognoissance de cause, mais par gloire, crainte, flatterie ou corruption & en son absence. Et partant (dit-il) s'il plaist à ta Clemence, commande que jugement en soit fait, assauoir par vn legitime Concile: dit, qu'il falloit premierement souscrire au Concile de Nicée, & apres, que tous nous transpor-tions (*il se met du nombre*) en Alexandrie où sont l'accusé, les accusateurs & les aduocats de leur cause, & que là ayant diligemment examiné l'affaire, nous prononcions *ensemblement* la sentence. Il ne disoit pas que le jugement en appartenoit à luy seul, & que la cause deust estre euoquée à Rome. Tellement que l'Empereur voyant de sa puissance relegua Athanase en Berée en Thrace, où il fut deux ans entiers, au bout desquels, à la requeste des dames Romaines, Constantius permit qu'il retournast à son Eglise, dit le meſme Theodoret au chap. 17. suiuant.

*trin & fide Cath.* Et les regles des Papes, & les statuts des Princes, déclarent que le siege Romain, duquel le premier des *Apostres* est auteur, est veritablement le chef de toutes les Eglises.

Ce n'est pas donc Christ, mais Pierre qui est auteur de ce siege, & non de droit diuin, mais humain, il a la primauté aussi.

XLVIII. Luy mesme au *Concile Romain* 4. Premieremēt (dit, il) le merite de Pierre Apostre, depuis s'en estant ensuiui le commandement du Seigneur (*duquel n'appert point*) l'autorité des venerables Conciles, a baillé à ce siege *singuliere puissance* sur toutes les autres Eglises.

Non, ains la simple primauté à cause de la ville de Rome.

XLIX. Zozime au *c. contra statuta*. Les statuts des Peres ont ordonné la reuerence à l'autorité de ce siege. C'est pourquoy il n'est point permis à l'autorité de ce siege de donner ou changer quelque chose contre les statuts des Peres, *inf. n°. 48.*

1. Il a son autorité non de Christ, mais des Conciles.
2. Les Conciles sont par dessus le Pape: & partant il ne peut reuoker leurs Decrets & Canons.

L. Nicolas Pape *en son Epistre* 9. dit, Ceux d'Asie entre autres voulans, *ensuiuant Jean* l'Euangeliste, celebrer la Pasque le 14. jour de la Lune avec les Iuifs, le Prelat de merite, & de nom Victor, les separa de la communion de son college. Mais eux tous avec quelques autres Prelats des Eglises non seulement ne voulurent pas acquiescer, mais aussi *le redarguerent d'opiniaistreté.*

1. Il confesse que pour auoir suiui S. Jean, ils ont esté excommuniés: & qu'ils mespriserent ceste excommunication.
2. Ne dit pas excommuniés de l'Eglise vniuerselle, mais de son college.
3. Aduouë que toute l'Asie & quelques autres ne recognoissoient point Victor pour vicaire de Christ & Eueque vniuersel.

LI. Le Pape Adrian VI. *en la question de la confirmation selon le tesmoignage de Bellarmin au liu. 4. chap. 2. du Pontife Romain*, constitue l'infalibilité du jugement des choses de la foy, non au Pape, mais à l'Eglise ou au Concile: & partant tient que le Pontife mesme, comme Pontife, peut estre heretique & enseigner l'heresie, s'il diffinit sans le Concile general: & de fait, que cela est arrivé quelque fois.

LII. Urbain Pape *au canon*, *sunt quidam 25. q. 1.* Lors que le Seigneur ou les Apostres & les *saincts Peres* qui les ont suiuis, ont ouuertement diffini quelque chose, le souuerain Pontife ne peut pas en ce fait donner nouuelle loy, mais plustost il doit confirmer iusques à son ame & sang ce qui a esté presché. *v. sup. n. 46.*

LIII. Gregoire I. *au can. sicut, dist. 15.* Je confesse que je reçois & reueré les quatre Conciles vniuersels, comme les quatre liures du saint Euangile.

Il n'estimoit pas donc d'estre par dessus les Conciles.

LIV. Leon premier *en son Epistre 51.* dit, que les Canons du Concile de Nicée estant procedez du S. Esprit, sont inuiolables.

LV. Urbain Pape *au can. Tributum 23. q. 8.* L'Eglise paye le tribut des choses exterieures qui apparoissent publiquement à tous.

LVI. Anaclet *en son Epistre 2.* Les Apostres decedans, en leur place ont succédé les Euesques.

Il ne distingue point celuy de Rome, des autres.

LVII. Gregoire I. *sur l'Euangile, Hom. 26.* Les Euesques tiennent maintenant en l'Eglise le lieu des Apostres : ceux qui ont le degré du gouvernement, ont la puiffance de lier & deslier.

LVIII. Eleutherus *en son Epistre unique esrit aux Euesques des Gaules.* Pour cela Iesus Christ vous a commis l'Eglise vniuerselle, afin que vous traueilliez pour tous, & ne soyez point negligens d'aider à tous.

LIX. Leon 9. *en son Epistre 4.* L'ordre des Euesques n'est qu'un, combien que les vns soyent preferez aux autres, soit parce qu'ils retiennent les premieres citez, & qui ont plus de renom, selon la puiffance ou les loix seculieres : soit parce qu'ils ayent obtenu des *saincts Peres* quelque priuilege de dignité, pour quelque reuerence de sainteté. Car comme toute la puiffance mondaine est distinguée de ces degrez de dignité, c'est à dire, que le premier soit Auguste ou Empereur ; apres les Cefars, & depuis les Rois, Ducs, Comtes, Tribuns : ainsi la dignité Ecclesiastique a esté ordonnée par les *saincts Peres.*

X. Boniface I. *escriuant à l'Empereur Honorius, c. Ecclesia, dist. 97.* Le soin de *mon Eglise*, à laquelle Dieu m'a ordonné Prestre, vous gouverneur des choses humaines, &c. en la ville de vostre manfuetude, (*parlant de Rome.*)

CHAPITRE II.

*Que plusieurs Euesques, Docteurs & autres grands personnages  
faisans profession d'adherer à la communion de l'Eglise Ro-  
maine, n'ont pas esté de l'aduis des Papes modernes, touchant  
le pouuoir qu'ils s'attribuent.*

I. **B**ELLARMIN *au lin. 2. chap. 12. §. 13. du Pontif.  
Rom.* Ce que l'Euesque Romain, parce qu'il  
est Euesque Romain, est successeur de Pier-  
re: cela procede du fait de Pierre & non de  
la premiere institution de Christ: car Pierre  
eust peu: n'essire aucun siege particulier  
pour soy, comme il fit les cinq premieres années, & lors Pierre ve-  
nant à mourir, ni l'Euesque de Rome, ni celuy d'Antioche, ne  
luy eust point succédé: mais celuy que l'Eglise se seroit esleu, il  
eust peu aussi demeurer tousjours en Antioche, & lors sans dou-  
te l'Euesque d'Antioche eust succédé. Mais parce qu'il arreستا  
son siege à Rome, & le tint jusques à sa mort, de là est arriué que  
l'Euesque de Rome luy succede.

- 1 Pierre donc n'a peu s'essire vn successeur sans s'essire vn sie-  
ge & y demeurer jusques à sa mort.
- 2 C'est donc tout ainli que si Iesus Christ eust dit à Pierre, Je  
te constitue chef de route l'Eglise & mon vicaire general, &  
tes successeurs en l'Eglise particuliere que tu te choisiras, &  
y planteras ton siege, & y demureras jusques à ta mort.
- 3 Que si tu ne choisis aucun siege particulier pour toy, celuy  
sera ton successeur en ceste souueraine puissance, que l'Egli-  
se vniuerselle se choisira, non celuy que toy ou autres parti-  
culiers quels qu'ils soyent, essirez.
- 4 Donc le Pape est vniuersel Euesque, parce qu'il est, & que  
Pierre a esté Euesque particulier.
- 5 Et comment celuy qui est propre Pasteur de tous, peut-il es-  
stre propre Pasteur de certains particuliers?
- 7 Cela dependoit donc de la volonté de Pierre, & non du de-  
cret du Seigneur, que l'Euesque, le siege ou l'Eglise de Rome  
eust la primauté ou souueraineté sur les autres. Ce qui est  
contre l'opinion & doctrine des Papes, *lin. 1. ch. 1. cy dessus.*

II. Luy mesme *audist ch. 12. §. 17.* Il n'est pas dit expressement

és Escritures, que le Pontife succede à Pierre, mais nous l'auons par tradition Apostolique.

III. Luy mesme encore au §. 18. Pierre ne s'adjoignit point l'Euesché de Rome, comme l'Euesque de quelque lieu adjoit à soy vn autre Euesché : mais il esleua l'Euesché de Rome au souverain Pontificat de tout le monde, tout ainsi que lors qu'un simple Euesché est erigé en Archeuesché ou Patriarchat.

1 Mais qui le dit?

2 Ceste erection donc n'a point esté faite par Pierre durant sa vie, veu qu'il a peu changer de volonté & de siege, & n'en a point fait de declaration, mais par sa mort.

IV. Pierre Blesensis en son *Epistre* 148. Souuençz-vous, Pere (il parle à vn Euesque) que vous estes vicaire de S. Pierre. Et à l'Euesque d'Eureux au *canon Episcopal*. Pource donc que vous estes vicaire & successeur de Pierre, païssez les brebis.

V. Æneas Syluius *Epistre* 288. Auant le Concile de Nicée, chacū viuoit à soy, & on auoit peu de respect à l'Eglise Romaine.

VI. Cusan Cardinal au 2. *liu. chap. 12. de la concord. cath.* De là voyons-nous (il parle des canons du Concile de Nicée) combien l'Euesque de Rome a acquis aujourd'huy, outre les sacrées constitutions par l'usage & coustume d'une obeïssance subiectionnelle.

VII. Bellarmin de *Rom. Pont. liu. 2. chap. 17. §. cum igitur*. La sentence (opinion) de Æneas Syluius (*hic num. 5.*) est en partie vraye & en partie n'est pas vraye.

VIII. Platine en la *vie de Boniface III*. Boniface III. obtint avec grand combat de Phocas Empereur, meurtrier de Maurice, que le siege de S. Pierre Apostre, qui est le chef de toutes les Eglises, fust ainsi appellé & tenu de tous : lequel lieu l'Eglise de Constantinople taschoit de s'approprier : à quoy par fois les mauuais Princes fauorisoyent, disans que là deuoit estre le premier siege où estoit le chef de l'Empire. Et les Pontifes Romains disoyent, qu'à bon droit il falloit tenir Rome pour chef de l'Empire, puis que d'icelle auoit esté tiré vne colonie conduite à Constantinople.

Ni les vns ni les autres ne se fondoyent pas sur les ordonnances de Christ ou des Apostres.

IX. Dominicus de Soto *sur rapport de Greg. de Valentia, Anals. liu. 7. chap. 12.* dit, que seulement par droit Ecclesiastique (non par droit diuin) la succession est annexée à Rome : Et partant, que



que l'Eueſque de Rome n'eſt pas ſucceſſeur de S. Pierre, parce que Chriſt institua Pierre Paſteur vniuerſel : car il ne luy ordonna pas certain ſiege, tellement que ſ'il arriuoit, que l'Archeueſque de Treues fuſt eſleu pour Preſident par l'Egliſe aſſemblée, il ſeroit proprement plus ſucceſſeur de Pierre, que le Pontife Romain.

x. Stapleton *de doct. princip. lin. 13. ch. 15.* Les Peres du Concile de Trente croioient, que le primat du Pontife Romain n'eſtoit pas fondé ſur le droit diuin, mais ſeulement ſur les *droits poſitifs* de l'Egliſe.

x1. Bellarmin *au liu. 2. du Pontife Romain, chap. 12. §. obseruandum.* Bien que peut-eſtre il ne ſoit point de droit diuin, que le Pontife Romain, comme Pontife Romain, ſuccede à Pierre : toutesſois nous diſons que cela appartient à la foy Catholique.

x11. Gerſon *de poteſt. Eccleſ.* Si l'autorité Papale n'eſt point de Dieu & de Chriſt *immediatement*, elle ne peut point eſtre inſtituée partout l'Egliſe.

x111. Tolet *en ſon comment. ſur l'Ep. aux Romains, ch. 1. v. 13.* Afin que je cueilliſſe quelque fruit entre vous, comme auſſi entre les autres nations : Remarquez l'indifference de l'Euangile. Car encor que les Romains fuſſent eſtimés entre les autres gens, toutesſois en la predication de l'Euangile & au negoce de ſalut, il les fait egaux.

x1v. Bellarmin *encor audit liu. 2. ch. 12. §. 33.* Par la premiere inſtitution de Chriſt, la dignité Pontificale fut *perſonnelle* : mais par le *fait* de Pierre, elle a eſté depuis rendue *locale*, ou pluſtoſt *mixte*.

xv. Baron. *en l'an de Chriſt 58. n. 7. & 8.* C'eſt l'opinion de tous les Orthodoxes, que les Eueſques ont ſuccédé aux Apoſtres : & tous les Apoſtres auoyent vne meſme dignité & puissance.

xvi. Coſterus *in Enchiridio controu. ch. 3.* Cela eſt certain, que ſi quelqu'un a eſté donné Paſteur à l'Egliſe, il n'eſt point dit tant ſouuerain & abſolu Paſteur, que *principal* Paſteur. Cela eſt auſſi manifeſte, que noſtre Seigneur n'a conféré à aucun des hommes mortels, toute la puissance qu'il a receuë de ſon Pere.

xvii. Barclaius *contra Bellarm. ch. 9.* Si l'opinion des aduerſaires a lieu, les Rois & Princes Chreſtiens ne ſeront pas ſeulement vafaux & cliens du Pape és choſes temporelles : mais, qui eſt choſe



bien plus vile, tiendront de luy comme à precaire leurs royaumes & principautez. Car s'il peut oster à quelqu'un son royaume & le conferer à vn autre, si cela est necessaire pour le salut des ames, & qu'au mesme Pontife ( du jugement duquel il n'est loisible à aucun de juger, s'il est juste ou inique) appartient de juger & decerner s'il est necessaire. Il s'ensuit donc que lors qu'il luy semblera bon, il pourra priuer tout Roy de son royaume & le conferer à vn autre.

xviii. Platine *en la vie du Pape Constantin premier*. En ce tēps là il fut declaré que l'Euesque de Ticin deuoit seulement obeïr au siege Romain, & non aussi à l'Archeuesque de Milan: Car pour cela il y auoit eu vne grande & fort longue contention entre les deux Prelats.

. Pourquoi le Pape n'vloit-il de son droit en disant simplement, que l'Eglise Ticinense appartenoit à l'Eglise Romaine *cap. si Papa, de priuil. in. 6. ?*

xix. Ioannes de Turre Cremata *in can. conjunctiones 35. qu. 2.* C'est merueille que les souuerains Pontifes parlent *ardemment de la puissance* qui leur est donnée, & quelques petits Docteurs (*Doctoreuli*) sans aucun vray fondement, veulent en flattant les e. galer à Dieu.

Pourquoy donc le Pape ne les censure-il & condamne?

xx. Iean Gerson *les petits*, trompez par ces ignorans glossateurs & postillateurs, estiment le Pape vn Dieu qui a tout pouuoir au ciel & en la terre.

xxi. La glose *sur le canon Nemo 9. q. 3.* Quand le Pape peche, son peché peut estre denoncé à l'Eglise, & le Pape peut estre jugé par le Concile, parce que le monde est plus grand que la ville. Et *sur le canon legimus*, sur le mot *major est*, icy est vn argument, que les statuts du Concile prejudicient aux statuts du Pape, s'ils sont contraires, comme j'ay dit *sur le can. nemo 9. q. 3.*

xxii. Costerus *in Enchirid. controuerf. cap. 3.* Les heretiques, pour attirer la rude populace à leurs erreurs, inuentent beaucoup de choses fort esloignées de toute verité. Ils disent que nous veneration le Pape pour Dieu, & au lieu de la Diuinité: Que nous disons que le Pape peut à sa volonté changer la religion, faire des nouveaux articles de foy, & les proposer pour croire au monde vniuersel: Qu'il vsurpe à foy le domaine de tout le monde.

xxiii. Bernardus en l'*Epistre* 137. admonneste Eugene, troisiéme Pape, de ne se dire point ou estimer l'espoux de l'Eglise, mais l'amy de l'espoux. Et *Epist.* 230. Il y a desja long temps (dit-il) que contre la doctrine de S. Pierre, vous avez entrepris la domination sur le clergé, & contre la doctrine de S. Paul vous dominez par dessus la foy de tout le monde; mais à present vous adjoustez quelque chose de plus attendant sur la religion. Que reste-il plus, sinon que vous commandiez aux Anges?

Ce qui a esté fait par quelques Papes.

xxiv. Luy mesme sur le *Cantique des Cantiques*, sermon 33. Ils marchent parez des biens du Seigneur sans luy en faire honneur, de là vient cest esclat de Paillarde: cest habit de comedien: cest appareil Royal: l'or és brides, selles & esperons. Cestuy-là est Antechrist, qui faussement se dira estre non seulement le jour, mais le midi: & s'esleuera sur tout ce qui est dit Dieu, ou qu'on adore: lequel le Seigneur Iesus occira par l'esprit de sa bouche, & destraira par la clarté de son aduenemēt; car c'est luy qui est le vray & eternal midy, l'Espoux & Aduocat de son Eglise: Dieu sur tout benit és siecles des siecles, amen.

xxv. La glose sur le *can. Arc'ta* 24. q.1. Il est certain que le Pape peut errer.

xxvi. Bellarmin au *liu. 4. chap. 2. §. Et secundum*, du Pontife Romain. Ce n'est pas vne sentence si certaine, que l'Eglise Romaine ne peut defaillir, que la contraire puisse estre dite heretique. Et Iean Driedo dit fort biē, que ce n'est point de la foy (chose qui doiuue necessairement estre receuē) que le siege Apostolique ne puisse estre separé de l'Eglise Romaine: d'autant que ni l'*Escripture*, ni la *tradition* ne porte point que le siege Apostolique soit tellement attaché à Rome, qu'il ne puisse estre transferé ailleurs. Et au *ch. 4. §. dernier*. Ce n'est pas de la foy, que le siege aye esté establi à Rome par commandement diuin & immuable, mais est tresprobable & pieusement croyable.

xxvii. Ribera sur le 17. & 18. de l'*Apocalypse*, Vega sur le mesme lieu, Salmeron sur la 1. de S. Pierre. Rome mesme sera Babylon & le siege de l'Antechrist.

xxviii. Boniface pretendu martyr au *can. si Papa*, dist. 40. Si le Pape est trouué foy destourner de la foy, il peut estre jugé.

xxix. Io. de Turre Cremata, *lib. 4. de Eccles. part. 2. c. 20.* Le

Pape qui tombe en heresie, mesmes interieure seulement, par celà est hors de l'Eglise, & est depose de faict, si encor il refuse de ceder.

Et qui jugera de cest interieur? mais suffit qu'il peut errer.  
Aussi

xxx. Caietan *au traité de auth. Papa & Concil.* Le Pape heretique manifeste, n'est pas pourtant depose de faict, mais peut & doit estre depose par l'Eglise.

xxxI. Bellarmin *au lin. 2. chap. 30. §. est ergo, de Rom. Pont.* Le Pape heretique manifeste par soy (par son faict) cesse d'estre Pape & chef, comme par soy il n'est plus Chrestien ni membre du corps de Christ, c'est pourquoy il peut estre jugé par l'Eglise. De mesme Alex. Carerius *lin. 1. c. 14. n. 1. de pot. Rom. Pont.*

Il peut donc errer & apostasier estant encor Pape.

xxxII. Bellarmin *de Rom. Pont. lin. 4. chap. 2.* Le Pontife mesme comme Pontife, & avec l'assemblée des Conseillers, ou avec le Concile general, peut errer és particulieres controuerses de faict, qui dependent principalement des informations & tesmoignages des hommes, &c. Il peut aussi errer comme *Docteur priué*, mesmes és questions vniuerselles de droict, tant de foy que des mœurs, & cela par ignorance, comme il arriue par fois aux autres Docteurs.

Il peut donc errer en la canonization des Saints, & comme Docteur en tout : Et neantmoins

xxxIII. Le mesme Bellarmin adjouste, que soit qu'il puisse errer ou non, il doit estre humblement obei par les fideles lors que ou seul, ou avec son Concile particulier, il decide quelque doute. Et *au lin. 1. de sanct. beat. chap. 8.* Qu'il n'est loisible de douter de la sainteté de celuy qui est canonizé par le Pape : le faut inuoyer, & ne prier pas pour luy.

xxxIV. Alphonfus de Castro, *lin. 1. chap. 2. contra hares.* Nilus *de primatu Papa*, Gerson, Almain *de potest. Ecclesie*, & autres Parisiens, au rapport de Bellarmin *lin. 4. ch. 2. du Pont. Rom.* constituent l'infailibilité du jugement és choses de la foy, non au Pape, mais en l'Eglise ou au Concile : & pourtant tiennent (dit ledit Bellarmin) que le Pontife, mesme comme Pontife, peut estre heretique & enseigner l'heresie, s'il diffinit sans le Concile general. Et de fait que cela est arriué quelques fois.

xxxv. Jean Gerson *de auferib. Papa, confid. 7. & 11.* La question, si l'au-

si l'autorité du Pape est plus grande que celle de l'Eglise, est de mesme que si on demandoit, si le tout est plus grand que sa partie: ou si la partie est moindre que son tout. Car la puissance de l'Eglise contient en soy toute puissance, mesme la Papale.

xxxvi. *Aeneas Syluius au Concile de Basle.* Veu que le Pape est membre de l'Eglise, & que l'Eglise est le corps de Christ, la puissance de l'Eglise est par dessus le Pape.

xxxvii. *Cusanus Cardinal de cōcord. lib. 2.* Le Pape n'est point vniuersel Euesque: mais premier sur les autres Euesques. Et nous fondons la vigueur des sacrés Conciles, non au Pape, mais au consentement de tous. Et *au chap. 20. du mesme liure*, Il est certain que Leon Pape ne receut jamais les constitutions du Concile de Chalcedoine, mais y contredit tousjours en certains chapitres: principalement en ce qui estoit ordonné, que l'Eglise de Constantinople precederoit celle d'Alexandrie. Et toutesfois le decret dudit Concile a tousjours eu lieu. Or si le Pape auoit pouuoir de renuerfer le decret d'un Concile vniuersel, Leon auroit obtenu ce qu'il desiroit, & quelques vns de ses successeurs. Ce que toutesfois n'est pas vray, suiuant ce que dessus.

xxxviii. *Duarenus de benefic. lin. 3. chap. 3.* Au temps des Apostres, lors qu'il estoit question d'ordonner des Euesques ou Diacres, ou decerner quelque chose concernant l'Eglise, jamais Pierre ne s'attribua cela: mais le permit à toute l'Eglise. Il eust cela de propre, qu'il auoit accoustumé de cōuquer les autres, comme le propre des Apostres: Et de faire les propositions de ce qu'il conuenoit faire, comme maintenant le President de la Cour de Parlement conuque le Senat, fait les propositions au Senat, quand il en est besoin: mais pourtant il n'est pas plus grand ou superieur que toute la Cour: & n'a aucun pouuoir sur tous les Senateurs, ou de decerner aucune chose contre leurs opinions.

xxxix. *La glose sur le canon, Qua ad perpetuam, 2. q. 1.* Le Pape ne peut dispenser contre vn statut general de l'Eglise.

xl. *La Sorbonne en son decret de l'an 1482. contre frere Jean Angeli, qui auoit presché, que le Pape pouuoit casser tout le droit canon, & en faire vn autre tout de nouueau.* Ceste proposition (dit l'escole) est scandaleuse & blasphematoire, notoirement heretique & pleine d'erreur.

xli. *Castaldus de Boncompagnis tract. de potest. Pap.* Le Pa-

pe Innocent (dit-il) tient, que ceux du Concile sont luges ordinaires, *c. Scitote 6. q. 4.* d'où vient que le Pape qui y preside, ne peut rien sans ceux qui sont avec luy : le President du Concile & les assesseurs sont ensemble vn corps qui est le Concile.

XLII. Hostienfis Cardinal *sur le chap. Graue, extr. de prab.* Il n'est pas vray-semblable que Dieu vueille inspirer à aucun particulier, quel qu'il soit, la justice de son jugement, & qu'il la vueille denier à infinis Eueſques assemblez.

XLIII. La glose *sur le can. Nemo, 9. q. 3.* Quand le Pape peche, on peut denoncer son peché à l'Eglise selon l'aduertissement de Iesus Christ, di-le à l'Eglise.

XLIV. Almain, Docteur de Sorbonne *au liure de pot. Eccles. & laic. q. 1. article 15.* C'est vne maxime que tiennent les Docteurs de Paris & tous les François, que la puissance du Pape est subiecte à celle du Concile.

XLV. Nauarrus *de penit. dist. 5.* L'opinion, que le Concile est par dessus le Pape, est celle de l'escole de Paris & de toute la France : & est tellement autorizée en France, que celuy qui diroit le contraire, seroit tenu pour heretique.

XLVI. Bellarmin *lib. 1. c. 13. de Concil. & Eccles.* La quatrième raison, pour laquelle anciennement les Papes estoient cōtraints d'employer les Empereurs pour la conuocation des Conciles generaux, est, parce qu'en ce temps-là, bien que le Pontife fust le chef de tous, mesmes de l'Empereur es choses spirituelles : toutesfois au temporel il se soumettoit à l'Empereur : & partant il ne pouuoit faire aucune chose contre la volonté de l'Empereur. Et comme ainsi fust qu'il denst seulement implorer l'aide de l'Empereur pour conuoyer le Concile, ou qu'il permist que le Concile fust cōuqué, toutesfois parce qu'il le recognoissoit son Seigneur temporel, il le supplioit de cōuquer le Synode. Mais depuis que le Pape en ses Prouinces a esté Prince temporel, cōme sont les autres Rois & Princes, (ce qui est arriué par la prouidēce diuine, afin que le Pontife peust librement exercer sa charge) cela a esté changé.

1. Donc auant les donations de Pepin & Charlemagne, les Conciles ont esté conuoequez par les Empereurs.
2. Ce n'est pas de droit diuin que le Pape est exempt de la jurisdiction de l'Empereur.
3. Entant mesmes que Pape, il n'a pas droit de conuoyer les Conciles vniuersels.

4 Moins les autres Ecclesiastiques qui n'ont point de principauté, sont-ils exempts de la juridiction des Seigneurs temporels.

5 Donc les anciens Papes ont esté, & contre leur deuoir n'ont fait ce qu'ils deuoyent.

XLVII. Almain *au traité de dom. civil. & ecclef. conclus.* 2. Le dire de Paludanus, Que le Pape peut sans cause destituer vn Euefque meilleur, & en substituer vn pire, est digne du feu.

XLVIII. Io. Major *in 4. dist. 24. q. 3. sur la fin*, Tant les Curez que les Euefques sont de droit diuin comme le Pontife Romain: & nul homme ne peut oster de l'Eglise ce droit & ces puissances, non plus que le souverain Pontificat. Paludanus & de Turre Cremata tiennent le contraire. Mais nostre Faculté (de Paris) a jugé, que ce qu'ils tiennent, est vne heresie en la foy. Les Euefques sont aussi bien de l'institution de Christ, mesmes quant à la juridiction, comme le Pape.

XLIX. Fr. Torrensis, *de resid. pastor.* Comme le Pontife fait les Euefques, semblablement les Docteurs font le Pontife, comme Ministres. Cela mesme tiennent & defendent Fr. Victoria *relect.* 2. & Alphonfus de Castro *de justa heretic. punis.* Assauoir que les Euefques ne reçoient pas moins *immédiatement* de Dieu leur juridiction, que les Apostres.

Et à plus forte raison que les Papes.

L. Baronius *en l'an 39. n. 10.* Il y a grand nombre d'exemples (dit-il) qui font voir que nos Majeurs, en instituant le siege des Eglises, n'ont eu autre raison que de suivre la diuision des Prouinces, & les prerogatiues establies auparauant par les Romains: & en rapporte des exemples, & notamment d'Alexandrie préférée à Antioche. Et *en l'an 58. n. 13.* Les Euefques ont esté instituez par le Seigneur és Apostres en leur personne.

LI. Bellarmijn *au 5. liu. de Rom. Pont. chap. 2. 3. 4. & 5.* soutient, que le Pape de droit diuin n'est point directement Seigneur de tout le monde, ni de toute la Chrestienté, & n'auoit aucune purement temporelle juridiction: & que le Pape Alexandre sixieme, en diuisant le nouveau monde entre les Rois d'Espagne & Portugal, ne le diuisa pas à ceste intention, que lesdits Rois allaissent debeller les Rois ou infideles du nouveau monde, & occuper leurs Royaumes: mais seulement afin qu'ils amenassent là



des fideles predicateurs Chreſtiens, & qu'ils protegeaſſent & defendiſſent & leſdits preſcheurs & les Chreſtiens par eux conuerſis: & auſſi afin qu'il empeschiſt les contentions & guerres des Princes Chreſtiens qui vouloyent negotier en ces nouuelles regions.

Qui le croira?

LII. Coiſſeteau *contre le Roy de la grand' Bretagne*. C'eſt choſe certaine, que ſi le Pape vouloit enuahir les Royaumes & les donner en proye à qui il luy plairoit, il meriteroit que les Princes ſe roidiſſent contre ſa volonte, luy couruſſent ſus comme au voleur de leur heritage, &c. Les Papes ne pretendent rien ſur le temporel des Rois, ils ſe contentent de faire reluire leur autorite ſur les crimes des hommes qu'ils lient & deſlient, ſans l'eſtendre ſur leurs poſſeſſions qui ne leur ſont pas eſcheuës pour en diſpoſer tyranniquement.

LIII. Anthonius de Roſſellis *de poſſ. Imper. & Papa*, p. I. c. 8. C'eſt eſtre heretique & inſenſe, de dire que l'vniuerſelle adminiſtration temporelle ſoit riere le ſouuerain Pontife.

LIV. Thomas d'Aquin *ſur le 13. ch. aux Rom.* Les clerics ſont exempts des tributs par priuilege des Princes ſeculiers.

LV. Conarruias q. 31. *concl. 4. pract. quaſt.* Combien que l'exemption des clerics de la juridiſtion ſeculiere ſoit introduite ſeulement de droit humain. Le meſme tiennent Franciſcus Victoria, Dominicus à Soto, Martinus Ledefinus au rapport de Bellarmin contre Barclay, *chap. 35.*

LVI. Balde *ſur le chap. cum veniſſent, de eo qui miſt. in poſſ. cau. rei ſeru.* Et partant il ſemble, que ſi le Prince ou le Roy impoſoit des nouuelles collectes ſur tout le temporel de ſon royaume, pour la deſence neceſſaire de ſon pays: que les biens tẽporels des clerics, & principalement les fonds, ſeroient ſubjects à telle paſſion.

LVII. Gratian *cauſa 23. q. 8. 5. Ecce quod.* Il y a d'autres Eueſques qui non contents des decimes & premiſſes poſſedent des fonds, villes, chateaux & citez, deſquelles ils doiuent tribut à Ceſar, ſi non qu'ils en ayent obtenu *immunitẽ* par la benignitẽ Imperiale.

LVIII. La gloſe interlineaire *ſur le 13. ch. aux Romains, verſ.* ſur ces mots, *puiffances ſuperieures*, c'eſt à dire, ſeculieres, bonnes & mauuaiſes.

LIX. Lira *ſur S. Matth. chap. 16.* Plusieurs Princes & ſouuerains  
Ponti-



*Pontifes* ont esté trouuez auoir apostasié de la foy.

LX. *Anthoñinus sum. part. 3. tit. 22. ch. 7.* sur la fin. Et comme ainſi ſoit que le Pape puiſſe toutes choſes, & beaucoup d'autres, il peut auſſi cela qui eſt commun à tous, *aſſauoir errer & pecher ſuiuant cela, tout homme eſt menteur* : & ſera puni en enfer plus grieuement que les autres, ſ'il ne ſe repent, *diſt. 40. ſi Papa*. Car & il peut commettre ſimonie, ſelon Thomas, en baillât à prix les choſes ſpirituelles pour des temporelles, comme, ſelon le bruſt commun, faiſoit Boniface neuſieſme : & tomber en hereſie, comme on recite, de Liberius : & fauoriſer peruerſement les heretiques, comme eſt eſcrit d'Anaſtaſe *diſt. 19. c. Anaſtaſius* : & ſ'addonner à Nectomantie, comme eſt dit és Chroniques de certain Sylueſtre magicien, mais il ſe repentit : & d'eſtre rauiſſeur, comme Pierre Damian rapporte de Benediſt : eſtre addonné à luxure, comme eſt porté par les Chroniques de Iean dixième, lequel commettant adultere, ſoudainement fut frappé par le diable : & auſſi commettre tous autres crimes.

LXI. *Costerus in Enchir. contr. cap. de Pontif.* Nous confeſſons qu'il ſe peut faire, que le ſucceſſeur de Pierre adore les idoles (comme on dit Marcellin auoir fait) qu'il n'aye point en foy meſme bon ſentiment de la foy, voire meſmes qu'il ſ'addonne aux œuvres diaboliques.

LXII. *Coiffeteau au liure contre le Roy de la grand' Bretagne.* Nous ſçauons que le Pape eſt vn homme pecheur comme les autres : & pourtant qu'il peut errer en la doctrine & és mœurs, ſi on le conſidere en particulier. Mais en qualité de ſucceſſeur de S. Pierre, il ne peut rien enſeigner de contraire à la pieté.

LXIII. *Alphonſus de Caſtro contra hereſ. li. 1. cap. 2.* Pluſieurs auteurs Theologiẽs, non de petite authorité, ont aſſeuré, que le Pape ſeul ſans l'aſſemblée du Concile peut errer és choſes appartenantes à la foy, voire meſme il eſt euident, que quelques ſouuerains Pontifes ont erré en la foy. Et au chap. 4. il rapporte les exemples.

LXIV. *Catharinus comm. in Abac. c. 2.* Rien n'empêche que le Pape n'erre, meſmes en la foy, & defaille, quoy que aucuns eſcriuains nouueaux ayent oſé defendre le contraire contre la commune opinion des Docteurs.

LXV. *I. Gerſon in 27. articent à Papa appellare in cauſis fidei.*

Tant le Pape que l'Euesque se peut déuoyer de la foy, & partant il est au dessus du Concile.

LXVI. Genebrard *in Chronic. anno mundi* 4987. Ce siecle a esté malheureux, que par l'espace de 150. ans, enuiron cinquante Papes depuis Iean 8<sup>e</sup>, ont degeneré de la vertu de leurs predecesseurs, estans plustost apostatiques que Apostoliques.

LXVII. Melch. Canus *lib. 6. c. vult.* Il ne faut point nier que le Pape ne puisse estre heretique, dont on pourroit produire vn ou deux exemples.

LXVIII. Carranza *controu. 4.* Il n'y a aucun qui doute que le Pape ne puisse estre heretique.

LXIX. Bellarmin *de Rom. Pontif. lib. 2. c. 30.* Nous ne pouuons pas nier que Adrian, avec le Concile Romain, voire même avec tout le Synode general, n'aye esté d'aduis qu'en la cause d'heresie, le Pontife Romain ne puisse estre jugé.

LXX. Adrian 6. *de confirm. art. 3. ad f.* Plusieurs Pontifes Romains ont esté heretiques.

LXXI. Bannes *in 22. p. 58.* Deux Synodes generaux 6. & 7. & qui est plus pressant, ces Pontifes Romains Agatho, Leon 2. Adrian 2. ont jugé Honorius heretique: s'ils ont erré, toutesfois on ne peut nier, qu'ils n'ayent tenu pour tresassuré, que le souuerain Pontife peut tomber en heresie.

LXXII. Io. Major *in 4. dist. 23. q. 3.* La puissance terrienne & la puissance spirituelle, sont deux puissances non subordonnées, desquelles l'une ne depend aucunement de l'autre.

LXXIII. Cusanus *lin. 3. chap. 3. concord. cathol.* dit, que au canon *Adrianus, dist. 63.* estoit ceste glose: Le Patrice estoit le pere du Pape au temporel, comme le Pape est son pere au spirituel: laquelle glose les Papes ont fait oster, parce qu'elle sembloit les poindre.

LXXIV. Albericus *sur la loy Benè à Zenone, n<sup>o</sup>. 18. C. de quadr. prescript.* Ceux qui président à l'Eglise Romaine, ont par leur cauteleuse & subtile prudence diuersifié leurs statuts selon la variété des temps, maintenant en exaltant l'Empire, maintenant l'abaissant peu à peu, de fois à fois. Mais à quelle fin, sinon pour assubjetir & mettre peu à peu sous leurs pieds toutes choses celestes & terriennes, & ainsi qu'ils appellent, spirituelles & temporelles?

LXXV. Chassanæus *in cat. gloria mundi, part. 5. confid.* 30. Vide ô Petre successorum tuum, & tu saluifier Christe tuum cerne vicarium. Vide quò ascendit superbia serui seruorum!

LXXVI. Onuphrius Panuinius *in vita Gregorij vii.* Ayant dit qu'il ose non seulement excommunier, mais aussi priuer de son royaume & empire l'Empereur qui l'auoit confirmé, adjouste, chose auant ce siecle inouë.

LXXVII. Guichardin *au liure 4.* lieu retranché par les repurgateurs ou corrupteurs: Les Papes estans montez à la puissance terrienne, laisserent petit à petit la memoire du salut des ames, & des commandemens de Dieu, & tournerent toutes leurs pensées aux grandeurs mondaines, sans plus vser de l'autorité spirituelle, sinon pour instrument de la temporelle; ressemblant plus tost à Princes seculiers que à Papes & Euesques. Dés lors leurs soins & affaires commencerent d'estre, non plus la sainteté de vie: non plus l'auancement de la religion: non plus le zele & la charité enuers le prochain: Mais les armes, mais les guerres contre les Chrestiens, faisant le seruice diuin, & maniant les choses sacrées avec pensées & mains sanglantes. Ils commencerent d'ammasser des thresors: à faire nouuelles loix: inuenter nouueaux artifices, & dresser nouuelles embusches pour recueillir & attraper argent de toutes parts: d'vsr à ceste fin sans aucun respect, des armes spirituelles: vendre à ceste fin sans vergongne, les choses sacrées & les prophaner.

LXXVIII. Driedo *lib. 2. de libert. eccles. cap. 2.* Christ a separé les offices de l'une & de l'autre puissance, afin que l'une presidast aux choses & personnes spirituelles, & l'autre aux prophanes & mondaines, &c. Tu vois donc clairement que Christ a separé les offices de l'une & de l'autre puissance. La distinction donc de la puissance Ecclesiastique Papale est faite de droit diuin de la puissance seculiere & imperiale, &c. De là s'ensuit, que le Pape & l'Empereur sont en l'Eglise, non comme deux souuerains Recteurs diuisez entr'eux: Car vn royaume ainsi diuisé en soy mesme sera desolé. Ils ne sont point aussi comme deux Iuges sous-ordonnez, tellement que l'un recoiue sa jurisdiction de l'autre: mais sont comme deux Recteurs qui sont Ministres d'un mesme Dieu, deputez à diuers offices: en sorte que pour la vie pacifique de ce siecle, l'Empereur preside aux spirituelles pour le profit de la foy & charité Chrestienne.

LXXIX. Bellarminus *lib. 5. de Rom. Pont. c. 3.* Notez que tout ainſi que ce n'eſt pas vne meſme planette, le Soleil & la Lune. Et tout ainſi que le Soleil n'a pas inſtitué la Lune, mais Dieu: Ainſi auſſi que ce n'eſt pas meſme choſe, le Pontificat & l'Empereur, & quel'vn ne depend pas abſolument de l'autre.

LXXX. La gloſe ancienne *ſur le can. Hadrianus 63. diſt.* Tout ainſi que ceſtuy-là (*le Pape*) au ſpirituel eſt pere à ceſtuy-cy l'Empereur: auſſi ceſtuy cy, (*l'Empereur*) au temporel eſt pere à ceſtuy-là. Laquelle gloſe Bellarmin contre Barclay *chap. 13.* dit, que peut eſtre elle a eſté abolie & oſtée comme vne vieille radotteuſe, ou que dès long temps elle eſt morte de trop grande vieilleſſe. Et *au chap. 16.* ſur la fin: l'ay cy deuant reſpondu (dit-il) que ceſte ancienne gloſe a eſté à bon droit abolie & rejetée.

LXXXI. Theodoric à Niem *au lin. 3. chap. 7. de ſon hiſtoire du ſchiſme.* L'Empire depend principalement & immédiatement de Dieu, tout de meſme que l'Egliſe ou la puisſance Eccleſiaſtique, *c. Eccleſia, diſt. 97.* D'où ſ'enſuit que ceux-là parlent en ſols & en flatteurs, qui diſent, que le Pape ou l'Egliſe a les deux glauiues, aſſauoir le ſpirituel & le temporel. Et par tels dictſ & eſcrits introduiſent vn tresgrand erreur en la Chreſtienté, & ſuſcitēt en quelque façon vne perpetuelle emulation & diſcorde entre le Pape & l'Empereur.

LXXXII. Bellarmin encor *au liure 2. des Conciles, chap. 8. §. ſecondus error.* Ce decret touchant l'honneur des ſieges (Patriarchals) tout ainſi qu'il auoit eſté fait par le Concile de Nicée, auſſi pouuoit-il eſtre reuoké par vn autre ſemblable Concile.

LXXXIII. Les Eueſques assemblez au Concile cōuoké à Aix la Chapelle par l'Empereur Loys le Pieux en l'an 836. *au chap. 5. de la quatrième & dernière partie de ce Conſile:* Nous ſupplions tres-humblement voſtre Excellence (ils parlent à l'Empereur) que vous faciez cognoiſtre à vos enfans & aux grands de voſtre royaume, le nom, la puisſance, la vigueur & la dignité ſacerdotale, ce qu'ils peuuent facilement comprendre par ces paroles dites à S. Pierre, la place duquel nous tenons, *Tout ce que tu lieras, &c.* Et ailleurs il dit generalement à ſes diſciples, *Recenez le S. Eſprit, à quiſconque vous remettrez les pechez, ils ſeront remis, &c.*

LXXXIV. Il faudroit pour la fin de ce chapitre tranſcrire & rapporter icy les liures & traittez tous entiers qui ont eſté faits

sur ce subject, mais il suffira d'y renvoyer le Lecteur, & d'en remarquer quelques vns, comme sont : *Defensor pacis* de MARCILIUS Patavinus : *Traicté du delict commun & cas privilegié* par Monsieur MILLETOT Conseiller du Roy en sa Cour de Parlement de Dijon : *De potestate Papa* per GVILL. BARCLAIVM : *De l'Estat & Gouvernement de l'Eglise*, par Monsieur VIGOR Conseiller du Roy en son grand conseil : *De la puissance Ecclesiastique & Politique*, par le Sieur RICHIER, Syndic de la Sorbonne : *De corrupto Ecclesia statu*, per NICOLAVM de CLEMENGIS.

*Fin du second liure.*



# LIVRE TROISIEME.

*Qui est,*

DES LIBERTÉZ DES E-  
GLISES GALLICANES,

Pour monstrier que les Eglises des Gaules n'ont ja-  
mais esté de l'opinion du Pape.

ARGUMENTS.

CHAP. I.



*UE* durant les trois premiers siècles, les Eglises  
des Gaules ont jouy entièrement de leur liberté Ec-  
clesiastique.

II. Que les Epistres decretales attribuées aux  
premiers Euesques de Rome sont fausses & sup-  
posées.

III. Du grand Concile conuoqué par Constantin en la ville  
d'Arles, pour vider l'appellation interjetée par les Donatistes  
de la sentence de Miltiades Euesque de Rome.

IV. Du Code des canons de l'Eglise vniuerselle : & du Co-  
de ancien des canons de l'Eglise Romaine.

V. Du retranchement fait audit Code Romain, de partie  
du dernier canon du Concile de Laodicée.

VI. Du retranchement fait audit Code Romain des trois  
derniers canons du premier Concile de Constantinople.

VII. Du retranchement fait audit Code Romain des canons  
du Concile d'Ephese.

VIII. Du

VIII. Du retranchement fait audit Code Romain des deux derniers canons du Concile de Chalcedoine.

IX. Des canons attribuez aux Apostres : & pourquoy les cinquante premiers ont esté adjoustez au Code Romain, & non les trente cinq derniers.

X. Du Concile de Sardique adjousté au Code Romain.

XI. Des canons des Conciles d'Afrique adjoustez au Code Romain.

XII. Des Epistres decretales des Papes adjoustées aux canons de l'Eglise Romaine.

XIII. Du Concile de Rome sous Sylvestre Pape.

XIV. De la donation faite par Constantin le Grand à l'Eglise & à l'Euesque de Rome.

XV. Des capitulaires de Charles Magne, & Louys le Pieux, Rois de France & Empereurs.

XVI. Que durant les neufvième, dixième, onzième & douzième siècles, les Eglises de Gaule perdirent beaucoup de leur liberté, & par quels moyens.

XVII. Du decret de Gratian & du Corps du droit Canon.

XVIII. Des attentats faits par les Papes contre l'autorité de nos Rois & libertés de nos Eglises au treizième siècle, sous pretexte de l'extirpation des Albigeois.

XIX. Du grand prejudice fait à la liberté des Eglises des Gaules par l'approbation des Moines Dominicains & Franciscains, & par les grands priuileges à eux octroyez par les Papes.

XX. Des oppositions & resistances faites és derniers siècles, aux attentats des Papes par nos Rois, par les Eglises, Uniuersitez & Parlements de France.

XXI. Sommaire des maximes des Eglises des Gaules du tout contraires à la doctrine du Pape, touchant le pouuoir & autorité qu'il s'attribue.



## CHAP. I.

*Que durant les trois premiers siècles, les Eglises des Gaules ont jouy entierement de leur naturelle liberté.*

I. **N** Ous auons veu cy dessus, comme plusieurs Euesques de Rome, & grād nombre de Docteurs adherans à la communion de l'Eglise Romaine, ne sont pas de l'opinion des Papes modernes, cōcernant la puissance qu'ils s'attribuent: mais principalement les Eglises, Vniuersitez, Euesques & Docteurs des Gaules ont esté de tout tēps de contraire creance en ce poinct, & se sont opposez de tout leur pouuoir à l'vsurpation de ladite puissance, au prejudice de leur liberté, non seulement en ce qui concerne le temporel, mais aussi le spirituel.

II. Et bien que par diuers artifices les Euesques de Rome ayent beaucoup enjambé sur les droicts appartenants aux dites Eglises, principalement depuis l'an six cents de la natiuité de nostre Seigneur Iesus Christ: Toutesfois ce qui en reste encores, est qualifié du tiltre de *Liberté des Eglises Gallicanes*, pour les distinguer d'auec les Eglises des autres Royaumes & Prouinces, qu'on appelle *Pays d'obedience*, qui sont entierement assujetties par l'Euesque de Rome.

III. Car proprement la liberté des Eglises Gallicanes consiste en l'entiere jouissance du droict à elles cōcedé par Iesus Christ ou par les decrets & canons des anciens Conciles, & principalement des quatre premiers vniuersels.

IV. Or tout ainsi que nostre Seigneur enuoyā les Apostres par le mōde vniuersel, leur donna à tous vn mesme & pareil pouuoir, en disant: *Comme mon Pere m'a enuoyé, aussi je vous enuoye: Receuez le S. Esprit: à quiconque vous pardonnerez les pechez, ils seront pardonnez: & à quiconque vous les retiendrez, ils seront retenus.* Iean 20. vers. 21. 22. & 23. \* Aussi toutes les Eglises par eux fondées, &

\* Tertull. cap. 20. de prescript. Sic omnes primæ & Apostolicæ dum vnam omnium probant vnitatem, cōmunicatio pacis, & appellatio fraternitatis, & confesseratio hospitalitatis, &c.

& qui depuis en ont esté prouignées, sont egalemēt Apostoliques: & tous les Euesques ou Prestres, par eux establis en icelles, egalemēt successeurs des Apostres avec mesme droit, pouuoir & liberté les vns que les autres.

v. Et les Eglises des Gaules ont sans doute esté fôdées par les Apostres ou par leurs successeurs, & mesmes par S. Paul Apostre des Gentils, lequel allant en Espagne fonda & establit celles d'Arles & de Vienne, & y laissa pour Pasteurs & Euesques deux de ses disciples, assauoir Trophimus en Arles, & Crescens à Vienne, ainsi que tesmoigne Ado Viennensis, anno 59. Et Gregoire de Tours, *liu. 1. chap. 27.* dit, que Irenée fut enuoyé à Lyon par Polycarpe disciple de S. Iean Apostre.

vi. Et de ce droit & pleniére liberté Ecclesiastique ont vscé sans aucun contredit lesdites Eglises des Gaules durāt les troiscents premiers ans, pendant lesquels n'a esté tenu aucun Concile vniuersel: & n'ont esté réglées que par leurs Synodes prouinciaux, ou nationaux.

vii. Elles ou leurs Euesques n'ont point recouru pēdant le dit temps à l'Eglise de Rome ou à son Euesque, pour auoir permission de s'assembler, ou pour auoir des prouisions ou confirmations: pour auoir de luy le *Pallium*: pour auoir des dispenses ou exemptions: pour vnir des benefices, ou eriger des Abayes ou simples Eglises en Eueschez, ou des Eueschez en Archeueschez: pour faire canonizer leurs Saints: ou pour obtenir quelques autres priuileges: ne luy ont presté aucun serment de fidelité & d'obeissance: n'ont point appellé à luy: & en somme, ne l'ont aucunement recogneu pour supérieur: & luy aussi n'a point pretendu tel droit de superiorité.

viii. La negatiue seule suffiroit pour establisr ceste verité, puis qu'il n'y a point de preuue contraire: & neantmoins elle se peut aisement verifier par arguments infailibles.

ix. Durant les trois premiers siècles l'Eglise de Rome a esté sous vne quasi continuelle persecution, & ses Euesques presque tous martyrisés: tant s'en faut qu'ils ayent peu exercer aucune domination sur les Eglises des autres Dioceses ou Prouinces.

x. Les Euesques de Rome durant ledit temps, n'ont ordonné que fort peu d'Euesques, d'oū appert que leur pouuoir ne s'estendoit gueres loin. Car au rapport de Platine, Clement, qui

siegea neuf ans , ne consacra que quinze Euesques : Anaclet en neuf ans que six : Alexandre en dix ans que cinq : Sixte aussi en dix ans que quatre : Telesphore en onze ans que treize : Hyginus en quatre ans que six : Pius en onze ans que dix : Anicet aussi en onze ans que neuf : Soter en neuf ans que onze : Elcuthere en quinze ans que quinze. Zephyrin en dixhuit ans que treze : Calliste en six ans que huit : Urbain en cinq ans que neuf : Pontian en neuf ans que six : Antherus en onze ans qu'un seul : Fabian en quatorze ans que onze : Corneille en deux ans que sept : Lucius en trois ans que sept : Estienne en sept ans que trois : Sixtus en deux ans que deux : Denis en six ans que sept : Felix en quatre ans que neuf : Caius en onze ans que cinq : Marcellin en neuf ans que cinq ; ledit Marcellin mourut en l'an trois cents & quatre de nostre Seigneur. D'erection d'Archeuesché ou Patriarchat, durant tout ce temps-là il ne s'en parle aucunement.

x i. Es trois premiers siecles, & long temps apres, l'Euesque de Rome estoit esleu par le seul clergé & peuple de l'Eglise de Rome, & à la propre forme que les autres Euesques, sans y appeler les Eglises des Gaules ou des autres Prouinces, & sans leur en communiquer, non plus qu'eux ne requeroient pas le suffrage ou confirmation de l'Euesque de Rome ; ce qui toutesfois eust esté nécessaire, puis qu'ils y auroient eu pareil interest que le peuple de Rome.

x i i. Esdits trois premiers siecles, voire és trois suiuaus, les Cerimonies, & mesmes les Messes des Eglises de Gaule, estoient toutes diuerses de celles de Rome : & salut que Charlemagne contraignist, par menaces, coups & supplices, les Ecclesiastiques de France à receuoir l'ordre Romain, comme sera dit ci apres ; Ce qui n'eust esté, si en ce temps la puissance du Pape se fust estendue sur les Eglises de Gaule.

x i i i. Sur le different qui estoit entre toutes les Eglises d'Asie, & la pluspart de celles des autres Prouinces, touchant le jour qu'il falloit celebrer la Pasque, il se tint diuers Conciles, dit Eusebe, liure cinquième de son histoire chap. 22. Vn en Palestine, auquel Theophile Euesque de Cesarée, & Narcisse Euesque de Hierusalem presiderent : vn à Rome d'où Victor estoit Euesque : vn des Euesques de Pont où presida Palmas : vn des Eglises des Gaules, lesquelles Irenée regissoit : vn autre des Eglises d'Osrenne & voisines.

lines.] Et ainsi les Eglises des Gaules sont egalées aux Eglises de Palestine, Pont, Rome, & Italie : & Irenée leur Euesque aux Euesques de Cesarée, Hierusalem, Rome, Pont, &c. n'estât pas mesmes mises en ordre apres Rome immediatement, ains celles de Pont, pour monstrier que l'Euesque de Rome n'auoit non plus de pouuoir & autorité sur les Euesques des Gaules, que sur ceux de Pôr, Cesarée, Hierusalem, Corinthe, &c. ou qu'eux sur luy.


xiv. Aussi ledit Irenée, disciple de ce grand Polycarpe Euesque de Smyrne, & par luy enuoyé à Lyon, d'où il a esté le second Euesque, ne craint point de reprendre aigrement Victor Euesque de Rome, de ce qu'il auoit voulu retrancher de sa communion toutes les Eglises d'Asie, disant, (tesmoin ledit Eusebe, liure cinquième, chap. 24.) Que les Prestres ses predecesseurs, assauoir Anicetus, Pius, Hyginus, Telesphore & Sixte, n'en auoyent pas ainsi vſé : & que ledit Polycarpe estant venu à Rome, & ayant conſeré avec Anicet de certains poincts, dont ils estoient en differenc, desquels le principal sembloit estre celuy touchant le jour de la Pasque, ils n'en peurent conuenir, parce que Anicet disoit, qu'il deuoit suiure la coustume des Prestres qui l'auoyent precedé. Et Polycarpe au contraire disoit, que S. Iean & les autres Apostres, avec lesquels il auoit longuement conuersé, en auoyent tousiours autrement vſé : toutesfois ils estoient demeurez en bonne paix & communion : & Anicet permit audit Polycarpe de celebrer l'Eucharistie dans Rome. D'où appert que Irenée, nō plus que Polycarpe, ne recognoissoit point l'Euesque de Rome pour son superieur, ne l'appellant que Prestre de Rome simplement, le reprenant aigrement, & ne voulant approuuer ses decrets : Et qu'aussi ledit Anicet ne croyoit point d'estre chef de l'Eglise, & d'auoir receu ce pouuoir & autorité de Christ, puis qu'au lieu de fermer la bouche à Polycarpe en produisant son tiltre, *Super hanc petram, &c. sibi dabo, &c.* Il n'allegue que la coustume de ses predecesseurs sans mesme parler de S. Pierre.

xv. Et ne peut-on inferer valablement, que Victor en procedant à ladite excommunication, aye fait acte de Souuerain. 1. parce que ceste sorte d'excommunication n'estoit ni priuation des saincts Sacrements, ni deposition des charges Ecclesiastiques, ni precipitation en damnation, ou tradition à Satan; mais simple declaration de ne vouloir communier avec quelqu'un. 2. par-

ce qu'elle pouuoit estre faite de pair à pair, & d'Euesque à Euesque, ainsi qu'il s'en trouue plusieurs exemples en l'antiquité. 3. Parce que ladite excommunication de Victor n'eut aucun effect, comme elle auroit eu s'il eust esté souverain chef de l'Eglise: là où au contraire, les autres Euesques luy firent vn contraire commandement, & luy enjoignirent de garder la paix, vnion & charité avec ses prochains, dit Eusebe audit liu. 5. chap. 24. Voire mesmes Irenée de l'aduis des Eglises de Gaule, ne se contenta pas d'en escrire à Victor, & de le reprendre aigrement de cela: mais en escriuit aussi à grand nombre d'autres Euesques & Gouverneurs des Eglises, dit ledit Eusebe à la fin dudit chap. 24. & cela pour tesmoigner, que les Gaules improuuoient la procedure dudit Victor, & pour induire les autres d'en faire de mesme, & ne laisser point d'auoir communion avec les Eglises d'Asie. 4. Parce qu'il ne retrancha pas de la communion les Eglises d'Asie, mais tascha de les retrancher, dit ledit Eusebe. Outre que cela ne fait du tout rien à nostre subject, d'autant qu'il ne s'ensuit aucunement de là, que ledit Victor aye attenté aucune chose sur la liberté des Eglises de Gaule, moins qu'elles l'ayent souffert.

## CHAPITRE II.

*Que les Epistres decretales attribuées aux premiers Euesques de Rome, sont fausses & supposées.*

1.  OVR ce qu'on peut proposer au contraire, sont les Epistres decretales attribuées aux Euesques de Rome, qui ont siegé durant les trois cents premiers ans, & dont Gratian a rempli son Decret, entre lesquelles il y en a plusieurs adressées aux Eglises & Euesques des Gaules. Et certes si elles sont veritables, on ne peut nier que dès ce temps là les Euesques de Rome n'ayent pretendu d'estre chefs de toutes les Eglises de l'Empire Romain: & non seulement de celles de l'Italie & de l'Occident: & n'ayent entrepris de bailer loy & reglement, mesmes aux Euesques de Gaule. Mais ces Epistres sont manifestement fausses & supposées.

11. La fausseté & supposition paroist, en ce que l'auteur d'icelles

celles fait, que Clement, en qualité de successeur immediat de S. Pierre, escrit à S. laques Apôtre, comme ayant esté requis de luy de ce faire, & luy donne beaucoup d'enseignemens & instructiōs: & toutesfois S. laques auoit souffert martyre huiſt ans auant la mort de S. Pierre: & ledit Clement ne fut Euesque de Rome que vingt trois ans apres la mort dudit S. Pierre, y ayant eu deux Euesques auant luy, assauoir Linus & Cletus, ainsi qu'a esté fort bien remarqué par le Cardinal Cusan au 3. liu. de la Concorde catholique, chap. 2. sur la fin.

III. En ce qu'il fait dire à ces saints & grands personnages plusieurs choses ineptes, ridicules, voire impies: Comme à Clement, Epistre deuxième, il luy fait prescrire à S. laques, comment les Diacres doiuent lauer dans le Sanctuaire, les voiles & nappes de l'Autel, de peur que quelque poussiere du corps du Seigneur ne tombe dehors: & l'aduertit de prédre garde, qu'avec les fragments de la portion du Seigneur, ne se meslent des crottes de rat. Et en l'Epistre cinquième, Que toutes choses, & par consequent les femmes, doiuent estre communes entre les Chrestiens: Ce qui est canonisé & inseré dans le grand Decret au canon *Dilectissimi* 12. q. 1. A Anaclet Epistre 1. Que Christ a fondé l'Eglise vniuerselle sur le siege Apostolique. Et Epistre 2. Que souuent le juste perit pour l'impie. Ce qu'il fait repeter à Sixte, Epistre 2. à Euariste, Epistre 2. Que l'Euesque ne doit point adulterer son Eglise, &c. & semblables.

IV. En ce qu'elles sont toutes escrites d'un mesme stile, quoy que attribuées à diuerses personnes qui ont vescu en diuers temps & bien esloignez les vns des autres.

V. En ce que le langage d'icelles est grossier & barbare, au lieu qu'en ce temps-là dans Rome la langue Latine estoit encore en sa pureté.

VI. En ce qu'elles parlent de Primats, Archeuesques, Patriarches, & de plusieurs autres choses qui n'ont esté inuentées que long temps apres.

VII. En ce qu'il fait dire à Zepherin & à Eusebe, que par les decrets des Synodes, & par les Constitutions & edicts des Empereurs & Rois, il estoit prohibé d'exspolier les Euesques & de les tirer en iustice: là où lors n'y auoit aucunes ordonnances Synodales ni aucun Empereur ou Roy Chrestien, ni long temps apres.



viii. En ce qu'elles n'ont aucun sens, fil ou liaison, & que les Euesques de ce temps-là, dont plusieurs estoient fort doctes, escriuoient tout autrement, comme il se peut voir par leurs Epistres ou fragments d'icelles, & par les elegantes Epistres des Prestres & Diacres de Rome qui se trouuent en Cyprian, en Eusebe, Theodoret & ailleurs.

ix. En ce que la matiere desdites Epistres ne conuient aucunement à l'estat du siecle auquel ont vescu ceux auxquels elles sont attribuées, l'auteur d'icelles se contentant d'y inserer quelques clauses pour l'establissement ou affermissement de la souueraineté du Pape ou du siege Romain sans propos ou subject.

x. En ce que l'imposteur & fabricant de ces Epistres se sert de la version vulgaire des Escritures saintes, au lieu de celle des Septante & ancienne Italique, d'où s'ensuit qu'elles ont esté composées apres la version & correction de S. Hierosme.

xi. En ce qu'elles sont tirées & rapetassées des escrits de plusieurs auteurs qui ont vescu long temps apres le troisieme siecle : desquels l'imposteur destrobe les phrases, lignes, sentences & passages entiers, qu'il adapte ineptement & sans jugement à son discours : ainsi qu'a esté exactement remarqué & prouué par le Sieur Dauid Blondel en son pseudo. Isidore.

xii. En ce qu'en la datte d'icelles & notation des Consuls, lesdites Epistres sont grandement fautiues, ainsi qu'a remarqué Baronius en plusieurs endroits de ses annales.

xiii. En ce aussi qu'aucun des anciens Papes ou Docteurs ne s'en est serui, ne les a alleguées, ni mesmes dit de les auoir veuës, ce qu'ils n'auroient obmis de faire en plusieurs occasions, soit contre les heretiques ou contre les Euesques d'Afrique, qui ne vouloyent permettre qu'on appellast de leur jugement à l'Euesque de Rome, ou autrement, veu que bien tost apres qu'elles furent publiées (ce qui n'arriua qu'environ l'an 800. de nostre Seigneur) infinis auteurs s'en sont voulu seruir, & les ont alleguées pour preuuer leurs intentions.

xiv. En ce qu'au Code ancien des canons de l'Eglise Romaine (quoy que mutilé des principaux articles du Code des canons de l'Eglise vniuerselle, & augmenté mesmes de plusieurs decretalles des Pontifes de Rome) il n'y a aucun decret tiré desdites Epistres, ni des escrits des Papes qui ont vescu auant Siricius, c'est à dire



dire durant quatre cents ans. Ce que les Papes n'auroient oublié: & lequel Code de l'Eglise Romaine a esté imprimé à Paris en l'an 1609. & fut imprimé à Mayence en l'an 1525. Et les correcteurs de Gratian en leur preface dudit decret disent y en auoir trois exemplaires escripts à la main en la Bibliotheque du Vatican.

xv. En ce que Gregoire premier assure, *en son Epistre 31. du 7. liure*, qu'aucun de ses predecesseurs ne s'est qualifié Euesque vniuersel, qu'il dit estre vn nom & tiltre peruers, d'orgueil, prophane, superstitieux & nouveau, & là & en les Epistres 32. 34. & 36. du 4. liure, & *ecce, dist. 99.* Et toutesfois lesdites Epistres supposées ne tendent qu'à establir ledit nom & la chose: Et Pseudo. Sixte *en sa 2. Epistre*, & Marc *en son Epistre* se qualifient ainsi. Et c'est pourquoy Baronius en l'an 142. n°. 4. & en l'an 216. n°. 8. baillant vn document audit Gregoire, soustient que ledit tiltre n'est ni nouveau ni mauvais. Ce qu'il dit se verifie & par ladite Epistre de Sixte, & par l'inscription du decret de Victor, qui se qualifioit souverain Pontife & Euesque des Euesques: & allegue Tertullian *au liure de la pudicité, chap. 1.* qui ne dit point que ce fust l'inscription du pretendu decret, mais par moquerie appelle ainsi ledit Victor. Et Gregoire auoit aussi bien veu Tertullian que Baronius. Aussi en ce temps-là, assauoir enuiron l'an 200. & fort long temps apres, les seuls Empereurs estoient, & s'appelloient souverains Pontifes: & eust esté crime de leze Majesté d'vsurper ceste qualité. Ce que les Euesques de Rome n'auoyent garde de faire, qui estoient sous la croix, & viuoyent en grande pauvreté. A cause dequoy, Pius, qui siegea peu de temps apres Sixte, *en son Epistre 4. esrite à Iust. Euesque de Vienne* (& laquelle a moins d'apparence de supposition qu'aucune autre) tant s'en faut qu'il l'attribue ce tiltre fastueux, qu'à la fin d'icelle il dit, Le pauvre Senat de Christ qui est à Rome, te saluë, appellant ainsi son Clergé ou Presbytere, qui n'estoit composé que de Prestres & Diacres.

xvi. Et qui plus est, quoy que lesdites Epistres eussent esté forgées & publiées enuiron l'an 800. de nostre Seigneur, toutesfois Leon iv. enuiron l'an 850. leur oste route autorité: car en son Epist. 4. esrite aux Euesques de Bretagne & canonizée *C. de libellis, dist. 20.* il dit, Ce sont icy les canons desquels nous nous seruons en tous les jugemens des choses Ecclesiastiques: *Les canons des Apostres, de Nicée, &c. Et avec iceux des regles des Prelats Romains*

*Syluestre, Sirice, Innocent, Zoſime, Celeſtin, Leon, Geſaſe, Hilaire, Symmache, Hormiſda, Simplicie & Gregoire le jeune. Ce ſont entierement tous ceux par qui jugent & ſont jugez les Eueſques & Clercs : & ainſi ne fait aucun eſtat deſdites Epiftrés.*

xvii. [860.] Mais enuiron dix ans apres, Nicolas premier, grand aſſerteur & promoteur de la puiſſance Pontificale, ſur ce que les Eueſques des Gaules ne vouloyent receuoir & admettre leſdites Epiftrés, ni auſſi celles qui eſtoient contraires aux anciens canons, & qui diminueoyent leur ancienne liberté, print ſubject de leur eſcrire vne lettre rapportée *au can. ſi Romanorum, diſt. 19.* (dont l'inſcription eſt telle ſelō le teſmoignage des Correſcteurs du Decret au *can. lege, diſt. 10.* Nicolas ſeruiteur des ſeruiteurs de Dieu, A nos treſſeuerents & treſſaincts Confreres les Eueſques Metropolitains, & autres Prelats de diuerſes Prouinces & villes, qui ſont aſſemblez à Compiègne pres la cité de Senlis) par laquelle il ſe perſuade & leur veut faire à croire qu'ils n'auoyent autre raiſon de rejeter les Epiftrés decretales des Eueſques de Rome, ſinon parce qu'elles n'eſtoient pas comprinſes en tout le corps du Code des canons (aſſauoir de l'Egliſe Romaine) & qu'ils ne faiſoyent pas difficulté d'admettre celles qui y eſtoient contenues, & auoyent eſté adjouſtées au Code des canons de l'Egliſe vniuerſelle : & ordonne, que toutes les Conſtitutions & Epiftrés decretales de tous ſes predeceſſeurs les Papes de Rome inſérées dans ledit Code des canons, ou non, ſoyent honorablemēt receuës & gardées.

xviii. Et ceſte ordonnance fonde-il ſur ceſte raiſon: Que ſi les œures & traittez des autres ſont approuuez ou reprouuez par le Pontife Romain: & que ſeulement ce qu'il approuue doie eſtre admis & accepté : à plus forte raiſon ce qu'il a eſcrit en diuers tēps pour la foy Catholique pour la ſaine doctrine, ou pour pluſieurs & diuerſes neceſſitez de l'Egliſe, & pour les mœurs des fidelles, doit eſtre preferé & receu de tous avec tout honneur & reuerence, prenant pour tout certain & concedé, ce qui eſtoit en controuuerſe.

xix. En ceſte generalité il comprenoit infailliblement leſdites Epiftrés forgées & ſemées de nouueau, & dont principalement eſtoit queſtion, meſme entre Hincmar Archeueſque de Reims, & Hincmar Eueſque de Laon : & leſquelles ouuertement on n'oſoit dire eſtre faulſes & ſuppoſées. Tellement que petit à petit

petit on leur donna autant de foy & autorité comme aux autres inferées dans ledit Code Romain rapporté par Leon iv<sup>e</sup>.

xx. Aussi Iuo Euesque de Chartres, trop affectionné à l'Euesque de Rome, enuiron l'an 1170. emporté de l'opinion commune & à l'imitation de Burchard Euesque de Vormes; & pour complaire au Pape qui l'auoit fort obligé, en le preferant à Geoffroy. en l'Euesché dudit Chartres, fit vne grande collection & ramas de canons des Conciles & Decretales des Papes, où il insera & mit au rang des bons & saincts Canons plusieurs decrets des Papes, tirez desdites Epistres supposées.

xxi. Et en fin Gratian en l'an 1151. y mit la main, & compilla le grand Decret, qu'il intitula *Concordia discordantium canonum*, auquel il commit tant & si grand nombre d'erreurs, alterations & fausserez, que Antonius Augustinus au premier Dialogue de son premier liure de la Correction de Gratian, dit, qu'il seroit fort difficile d'en faire le denombrement en vn jour entier; & dans lequel il insera presque toutes entieres lesdites fausses Epistres decretales: Car de compte fait il y a enuiron cinq cents canons audit volume, tirez desdites Epistres, ausquels, & aux autres modernes, il fait tousiours gagner leur cause contre les anciens canons. Et c'est ainsi qu'il les met d'accord; comme particulierement en cest endroit: Car il conclut, *que les Epistres decretales doiuent estre comptées entre les Escritures canoniques*: & abuse d'un passage de S. Augustin, qui n'en dit rien du tout, & qui mesmes a prohibé de tenir ses propres escrits pour canoniques au Prologue du 3. liure de la Trinité. Ce que les Correcteurs Gregoriens ont esté contraincts de recognoistre: & neantmoins y ont laissé ladite maxime & conclusion, comme si elle estoit veritable; *C. in canonicis, distict. 19.* A cause dequoy Eugene iii. lors Euesque de Rome approuua & confirma ledit œuvre (comme est dit en la vie dudit Gratian) & l'enuoya aux Vniuersitez pour y estre leu & interpreté: Mesmes enuoya ledit Gratian à Paris, pour y enseigner & interpreter lesdits Canons. Tellement que le Corps du Droit canonique & Pontifical consistoit lors, & enuiron quatre vingts ans apres, audit seul liure de Gratian. Et depuis que pat Gregoire ix. enuiron l'an 1230. les Decretales furent publiées, il n'a fait que la premiere partie, & les Decretales la seconde: en sorte toutesfois que les Docteurs enseignans le decret, sont preferez aux Docteurs

lisans les Decretales, ainsi qu'est dit és statuts de l'Vniuersité de Toulouse de l'an 1310. *art. 21.* rapporté par la Roche Flauin en son recueil d'Arrests au 5. *liu. tit. 1.* Et de ce Decret ainsi vitié, corrompu & falsifié, s'est-on serui, tant és escholes & Vniuersitez, qu'és sièges de Iustice Ciuile ou Ecclesiastique, durant quatre cèts & trente ans, au bout desquels il fut aucunement corrigé & repurgé des petites & moins importantes fautes, par les Commissaires deputez par Gregoire xiii. Lesquels neantmoins y ont laissé tous lesdits canons tirez desdites Epistres, & des autres pieces supposées: telles recognees du tout ou en partie par les Cardinaux. Cusan au traité de la Concorde catholique, *liu. 2. chap. 3 4. & liure 3. chap. 2.* Baronius en l'an 885. *n. 5. 6. & 7.* Bellarmin du Pontife Romain, *liu. 2. chap. 14.* & par plusieurs autres grands personnages faisans profession de la Religion Catholique Romaine.

xxii. Aussi ni les Decretales des Papes en general, & moins encore lesdites Epistres à eux faussement attribuées, n'ont jamais esté receuës purement & simplement par l'Eglise Gallicane, ains elle les a reiettées en effect, comme contraires à sa liberté, bien qu'expressément elle ne l'aye osé declarer, ainsi qu'il sera plus amplement monsté ci apres.

### CHAP. III.

*Du grand Concile conuoqué par Constantin en la ville d'Arles, pour vider l'appellation interjettée par les Donatistes de la sentence de Miltiades Euesque de Rome.*

1.



Le commencement du quatrième siecle fut la fin des persecutions publiques contre les Chrestiens: tellement que d'as peu de temps les Eglises s'augmenterent grandement en nombre de personnes, en richesses & commoditez terriennes par le moyen des edicts que fit Constantin le Grâd en leur faueur, & par les grandes liberalitez dont il vfa en leur endroit, & principalement enuers celle de Rome. Mais lors mesmes le luxe, la vanité & l'ambition prindrent grand accroissement, & la pieté & charité commencerent à diminuer, tellement que les Euesques de Rome de là en auant, ne lais-

ne laissent perdre aucune occasion de s'agrandir au prejudice des autres.

II. Et toutesfois audit 4. siecle & aux deux suivans, les Eglises des Gaules ne perdirent que fort peu de leur naturelle & ancienne liberte: & furent reglees, non par aucunes ordonnances ou Decretales des Euesques de Rome, mais par les canons des Conciles du Code de l'Eglise vniuerselle, ou par leurs propres Conciles nationaux es choses non decidees par ledit Code.

III. Mesmes ce grand & celebre Concile tenu en Arles en l'annee 314. & ainsi auant le premier Concile de Nicée, ne fit aucune difficulté de cognoistre & juger de l'appellation interjettee par les Donatistes du jugement contre eux rendu au profit de Cecilian Euesque de Carthage, par Miltiades Euesque de Rome, Rheticus Euesque d'Autun, Maternus Euesque de Cologne, Marin d'Arles, Maroclus Euesque de Milan, & autres juges en nombre de 19. deputez par ledit Constantin.

IV. Et parce que ce fait est fort remarquable pour plusieurs raisons, nous le deduirons sommairement & veritablement, selon qu'il se recueille des lettres de Constantin le Grād, esrites à Miltiades & Maroclus Euesques de Rome & de Milan, à Chrestus Euesque de Siracuse, & à Cecilian Euesque de Carthage, rapportees par Eusebe, *liu. 15. chap. 5. De Optatus contra Parmen. liu. 1. Augustin Epistre 68. & 162. Et in Breui. collat. die 3. c. 12.*

V. Cecilian lors Diacre en l'Eglise de Carthage, environ l'an 300. de nostre Seigneur, ayant repris vne riche Dame dudit Carthage, nommee Lucilla, de ce qu'elle gardoit & baïssoit les os d'un martyr, ou pretendu martyr, mesmes lors qu'elle vouloit communiquer au S. Sacrement de l'Eucharistie, elle conceut vn tel despit & vne telle haine contre ledit Cecilian, que depuis elle tascha de luy nuire en toutes occasions.

VI. L'an 306. ledit Cecilian fut esleu Euesque de Carthage, en la place de Mensurius, peu auparauant decede: & Felix Euesque d'Aptunge luy imposa les mains, mais à la suscitation de ladite Lucilla, Second Euesque Tigisiraïn, Primat de Numidie, pretendait que Felix estoit Euesque d'une trop petite ville, pour donner Euesque à la ville capitale d'Afrique, & que Cecilian, lors de la persecutio de Diocletiaïn, eust liuré aux bourreaux les liures sacrez pour estre bruslez, fait en vne assemblée de plusieurs Euesques,

casser l'election de Cecilian, & substituer en sa place Majorin, lequel estant mort, Second conuoqua encore vne assemblée de 70. Euesques, en laquelle la deposition de Cécilian, en son absence fut confirmée, & Donat de Case noire mis en sa place: laquelle procedure Cecilian fait casser par d'autres Synodes. Ainsi tous les Euesques d'Afrique estans enuolopez en ceste contention, il fa-  
loit necessairement pour la terminer auoir recours ailleurs.

vii. Les Donatistes (ainsi furent appelez ceux qui suiuyent le parti de Donat) furent les premiers qui s'adresserent à Constantin, le supplians de leur donner des Iuges de la Gaule. Ce qu'il fit, ayant mesmes esté aduerti par Anulin Proconsul d'Afrique, du grand desordre que ce schisme apportoit à toute l'Afrique, & auquel auparauant il estoit necessaire de pouruoir, & nomma premierement \* Maternus Euesque de Cologne, Reticius d'Autun, & Marin d'Arles: & depuis avec lesdits trois il commit Melchiasdes Euesque de Rome, & 15. autres Euesques d'Italie, faisans tous le nombre de 19. desquels l'un estoit Meroclus Euesque de Milan, pour juger & terminer ledit affaire, comme ils firent au profit & aduantage de Cecilian.

\* Optat. lib. i. aduersus Parmen. Cùm confedissent, Miltiades Episcopus vrbis Romæ, & Reticius, & Maternus, & Marinus Episcopi Gallicani: & Merocles à Mediolano, &c. His decem & nouem confedētibus Episcopis, &c. Cæcilianus omnium suprā memoratorum sententiis innocens est pronuntiatus. Constantino A. III. & Licinio A. III. Consul.

viii. De ce jugement les Donatistes appellerent, pretendans que le nombre des Iuges estoit trop petit, & qu'ils n'auoyent pas bien, & exactement examiné l'affaire, mais jugé precipitement: & ainsi n'accusoyent pas seulement Cecilian, mais aussi les Euesques qui leur auoyent esté donnez pour Iuges, dit Augustin, *Epist. 48. & 162.* Tellement que Constantin fut contraint, pour vuidier ladicte appellation, de cōuoquer audit Arles les Euesques des Gaules, d'Italie, d'Espagne, & mesmes d'Afrique, de Sicile, Angleterre, & comme dit le canon 18. du second Concile d'Arles, de toutes les parties du monde, & principalement de la Gaule. Et Constantin mesme en sadite Epistre à Chrestus, *de diuers & quasi infinis lieux.* Et par ceste celebre assemblée composée de 200 Euesques selon Augustin, & de 600. selon Ado Euesque de Vienne, & entre autres des  
quatre.



quatre deputez par Sylvestre Euesque de Rome, ladite appellation fut jugée, & la sentence des Iuges de Rome confirmée.

ix. Du venerable recit de ceste histoire, il appert manifestement, que l'Euesque de Rome n'estoit pas lors recogneu pour chef & Iuge souverain de l'Eglise vniuerselle. 1. Non par les Donatistes, lesquels, au lieu d'auoir recours à luy, se sont adressez à Constantin, & ont demandé des Iuges de la Gaule, & depuis ont appelé de la sentence de Melchiades & de ses compagnons. 2. Non aussi par Cecilian & autres Euesques Catholiques d'Afrique, qui n'ont pas decliné & demandé d'estre renuoyez par deuant leur Iuge naturel. 3. Non par Constantin qui a donné & député des Iuges, tant de Gaule que d'Italie, & entre iceux Melchiades Euesque de Rome, sans donner plus de pouuoir à l'un qu'à l'autre : qui aussi depuis a deferé à l'appel interjetté dudit Melchiades : & a conuocé luy mesme le Concile, & y a appelé Sylvestre successeur de Melchiades, aussi bien que les autres. 4. Melchiades mesme ne croyoit pas de l'estre, car il eust luy mesme cité les parties pour subir jugement par deuant luy : n'eust pas accepté ceste commission, & n'eust pas permis que Constantin luy eust donné des compagnons : mais luy eust fait entendre, que luy seul estoit Iuge competant de cest affaire : ce qu'il pouuoit faire en toute liberté, & y estoit obligé. 5. Sylvestre aussi n'auoir pas ceste créance, car autrement il n'eust pas souffert qu'il fust appelé du jugement de son predecesseur, que l'appellation fust admise, & que pour la vider Constantin conuokaist vn grand Concile. Moins y eust-il enuoyé ses Legats & Deputez, & eust remonstré à Constantin, que c'estoit à luy seul à conuoker les Conciles, & qu'aucun, non pas mesmes tous les Euesques ensemble, ne peut prendre cognoissance du jugement rendu par l'Euesque ou siege Romain. 6. De mesme Constantin ne le croyoit pas : car au lieu de prendre cognoissance de ceste cause, de donner aux parties des Iuges, & entre iceux l'Euesque de Rome, sans mesmes luy donner plus de pouuoir qu'aux autres, & apres d'admettre l'appellation & conuoker ce grand Concile : il eust renuoyé purement & simplement les parties à l'Euesque de Rome pour y pouruoir, & se fust offert d'exécuter ses jugements & ordonnances en toute humilité. 7. Et finalement les Eglises d'Espagne, d'Afrique, d'Italie, & principalement des Gaules n'auoyent pas ceste créance,



& ne tenoyent pas que l'Euesque de Rome fust par dessus le Concile, & qu'on ne peust recourir de ses jugemens, autrement les Euesques assemblez en Arles, n'auroyent jamais entrepris de cognoistre de ladite appellation : mais auroyent simplement donné aduis à Constantin, que les Donatistes n'estoyent receuables appellans, & qu'on ne pouuoit toucher à ce qui auoit esté ordonné par leur chef & souuerain, auquel seul mesmes il appartenoit de conuoquer, confirmer ou reprouuer les Conciles : là où au contraire ils jugerent ledit appel. Et en la lettre qu'ils escriuent audit Syluestre, ils l'appellent frere : ne le qualifient que Euesque, sans mesmes adiouster, de Rome : & luy signifient charitablemēt (comme est escrit en tous les anciens exemplaires, mot qui demontre, qu'ils n'y estoyent obligez expressement par aucune loy. Et c'est pourquoy on a voulu changer le mot de *charitativē* en celui de *charitati tue*, en quelques modernes editions) ce qu'ils ont ordonné par commun conseil, afin que tous sçachent ce qu'ils doiuent obseruer par apres : parce que lors ils prindrent resolution de traiter de plusieurs autres choses outre ladite appellatiō pour laquelle ils auoyent esté conuoquez, comme eux mesmes disent, & se voit par les canons dudit Concile, qui sont en nombre de 23. Et les Deputez dudit Syluestre, tant s'en faut qu'ils prestassent audit Concile, qu'ils ne sont nommez qu'au 5. rang.

x. Au texte Grec d'Eusebe, l'inscription de ladite lettre, écrite par Constantin à Miltiades est telle : Constantin Auguste, à Miltiades Euesque Romain, & à Marc. Baronius, pour n'aduouër du tout que l'Empereur eust donné vn compaignō à l'Euesque de Rome ; ayant dit, qu'il y auoit apparence, que ladite inscription eust esté deprauée, & qu'au lieu de *καὶ Μάρκῳ*, il y eust *ἱεροῦ* : d'autant mesmes que Optat, entre les Euesques qui assisterent audit jugement, ne met aucun Marc. Binius en l'Edition des Conciles imprimez à Cologne en l'an 1606. a prins ceste foible couuerture pour certitude, & ainsi a corrompu le texte tant Grec que Latin *Hierarcho*. Mais outre que ce changement de mots & lettres si differentes seroit trop grand, & qu'il n'y a point d'apparence que Constantin escriuant en Latin (tesmoin Eusebe, *liu. 10. chap. 3.*) eust voulu donner à Miltiades vn epithete Grec contre sa coutume, & qui peut conuenir à tout Euesque : Et que ni luy ni ses successeurs escriuans aux Euesques de Rome, ne leur donnent au-

tre qua-

tre qualité que d'Euesques, ou d'Euesques de Rome, comme se voit par les loix *omnis 14. & Ecclesiastici 20. du tiltre, De Episcopis, Ecclesiis & Clericis, au Code Theodosien* adressées à Felix & Damase. On voit par le corps de ladite lettre, que Constantin parle à plusieurs (*coram vobis, collegi vestri, vti nostis, possitis habere, vestra granitas, vos honoratissimi viri*) Deuant vous, vos colleges, comme vous sçauiez, puissiez auoir, vostre grauité, vous treshonorez personages. Ioint qu'il appelle expressement compagnons & colleges de Miltiades, les Euesques d'Arles, Autun & Cologne. Et par tant, puis que Constantin estoit en Gaule, & qu'il escriuoit en Latin à des Euesques Latins, & que Optat assure, que l'un des 19. Iuges fut l'Euesque de Milan, nommé Maroclus ou Mirocles: Il est euident que, ou Eusebe tournant ladite lettre de Latin en Grec, a prins luy mesme Marcus pour Maroclus, ou que depuis on a fait ce changement en copiant & transcriuant son histoire, veu mesmes que ledit changement est fort petit, & que le nom de Maroclus n'estoit pas si commun que celuy de Marcus.

## CHAP. IV.

*Du Code des Canons de l'Eglise vniuerselle: & du Code  
ancien des Canons de l'Eglise Romaine.*

1.



A liberté des Eglises des Gaules est confirmée par les Decrets & canons des Conciles, desquels est composé le Code de l'Eglise vniuerselle. Ces Conciles sont neuf en nombre, assauoir de Nicée, Ancyre, Neocesarie, Gangres, Antioche, Laodicée, Constantinople 1. Ephese & Chalcedoine. Le premier & les trois derniers sont generaux ou œcumeniques, & les autres cinq particuliers, mais approuuez. Ils contiennent en tout 207. canons. Ceux d'Ancyre & de Neocesarie furent tenus en l'an 314. enuiron le mesme temps que celuy d'Arles. Et toutesfois audit Code ancien ils sont rangez apres celuy de Nicée, qui ne fut tenu que l'an 325. de nostre Seigneur. La raison est marquée au commencement des canons de celuy d'Ancyre, assauoir à cause de l'autorité du Synode vniuersel. Lesdits Canons ne faisoient qu'un corps, & se contoyent par un seul nombre & d'une suite, desja lors de la tenue du Con-

cile de Chalcedoine qui fut l'an 454. en commençant par le premier de Nicée, & finissant à ceux d'Ephese; Et depuis ceux de Chalcedoine y furent adjoustez & rangez de suite apres les autres, faisans tous ledit nôbre de 207. Et cela, afin qu'on ne peust rien diminuer dudit Code, ni aussi y adjouster aucun canon des Conciles precedents. Ce qui a esté esclairci euidentement par le Docteur l'Eschassier en sa Consultation, sur la controuerse qui estoit entre le Pape Paul v. & la Republique de Venize: Et en son traité de la liberté ancienne del'Eglise Gallicane; & auoit esté remarqué long temps auparauant par Hincmarus Archeuesque de Reims, en son Opusculé contre Hincmar Euesque de Laon *chap.* 21. & d'où il justifie, que le Concile de Nicée n'auoit que 20 canons. Tellement qu'il ne faut aucunement douter, que le Code des canons de l'Eglise vniuerselle, imprimé à Paris en Grec & en Latin par Hadrian Beys en l'an 1610. avec les Notes du Sieur Iustel, ne soit le vray Code ancien canonique, duquel tant les Eglises d'Orient que celles d'Occident, & mesmes des Gaules ont vsé.

II. Et d'abondant cela se verifie manifestement par l'Epiistre de Denis le Petit, à Estienne Euesque Salonitain, escrire environ l'an 527. & adjoustée au Code ancien des canons de l'Eglise Romaine, imprimé à Paris l'an 1609 par Pierre Cheualier: Car ledit Denis dit en icelle auoir fait vne nouvelle translation des regles Ecclesiastiques, depuis le Synode de Nicée jusques à celuy de Chalcedoine: & auoir aussi tourné de Grec en Latin les canons qu'on dit des Apostres: & les auoir mis en teste: & auoir adjousté à la fin les canons des Conciles de Sardigne & d'Afrique, qui estoient publiez en Latin. De tous lesquels canons, tant de l'ancien Code que de ceux par luy adjoustez, il en fait à part les Sommaires, qu'il appelle Tiltres.

III. Par lesdits Sommaires & Tiltres desdits canons, il appert, que les canons du concile d'Ephese, en nombre de 8. furent entierement obmis par ledit Denis: Qu'il retrancha aussi la plus grande partie du dernier canon du concile de Laodicée, qui est le 59. De mesmes, qu'il obmit & retrancha les trois derniers canons du concile de Constantinople, & n'y en laissa que quatre, & encor des deuxième & troisième il n'en fait qu'un. Et finalement qu'il retrancha les deux derniers canons du concile de Chalcedoine, qui sont les 28. & 29. Il appert aussi par lesdits Sommaires, que de

quatre vingts & cinq canons attribuez aux Apostres, il n'en tourna en Latin, & n'en adjousta audit code ancien que 50.

iv. Tous ces retranchemens & additions ont esté laissées en toutes les impressions qui ont esté faites dudit code Romain ancien. Et aussi Leon iv. *audit Canon de libellie, dist. 20.* ne mettoit pas le concile d'Ephese entre ceux dont ledit code estoit composé, bien qu'on l'aye adjouisté aux dernietes Editions de Gratian: comme se voit par les precedentes Editiōs de Paris de l'an 1547. & de Lion de l'an 1519. & 1560. Et je l'ay verifié sur vn manuscrit en grand parchemin velin, sans les gloses ordinaires, & auquel les Palea ne sont point (d'où appert qu'il est fort ancien) & lequel est en la Bibliotheque de Monsieur le President de S. André. Il est vray que depuis & fort long temps apres, pour couvrir l'obmissiō entiere des huit canons dudit concile d'Ephese, on a mis & subrogé audit code 12. articles des Dogmes dudit concile qu'on a appellé Canons, contre le texte Grec, & mesmes l'abiegé de Caranza. On a aussi adjouisté audit code Romain les Epistres Decretales de 12. Papes, commēçant par Siricius qui siegea en l'an 85. & finissant à Hormisdas, qui fut fait Euesque de Rome l'an 514. en ayāt obmis trois, assauoir Anastase, Sixte, & Felix 3. Et apres Hormisdas on a mis en 13<sup>e</sup>. lieu Gregoire 2. qui siegea l'an 715. ayāt obmis 37. Papes entredeux, qui ont fait plusieurs escrits & Epistres Decretales, & notamment Gregoire 1.


v. Aussi au grand Decret de Gratian n'ont esté inferez aucuns desdits 8. canons du cōcile d'Ephese, ni des autres retranchez audit code Romain des conciles de Laodicée, Constantinople & Chalcedoine, ni mesmes des 35 derniers attribuez aux Apostres.

vi. Or parce que ces retranchemens du code ancien de l'Eglise, & les additions à iceluy, n'ont pas esté faites sans cause, & peuuent grandement seruir pour decouurer l'intention des Euesques de Rome, & les moyens dont ils ont vsé pour s'aggrandir & enjamber sur la liberté des Eglises de Gaule, & des autres Prouinces & Royaumes: Il ne seroit pas hors de propos de monstrier ici particulierement, que les canons des conciles compūez audit ancien code, ne diminuent aucunement la liberté des Eglises Gaulloises, mais au contraire la confirment. Et c'est pourquoy de tout temps elles ont prouoqué ausdits anciens canons & De-

crets lors qu'on a veu l'alterer tant soit peu. Toutesfois pour le present nous nous contenterons de dire, qu'aucun desdits canons ne fauorise l'intention de l'Euesque de Rome en ce qui concerne le pouuoir qu'il s'attribue, & le montreronz clairement, Dieu aidant au 6. liure : & suffira d'examiner lesdits canons retranchez dudit code des canons de l'Eglise vniuerselle : & ceux qui ont esté adioustez.

## CHAP. V.

### *Du retranchement fait audit Code Romain, de partie du dernier canon du Concile de Laodicée.*


1.  LE Concile de Laodicée est le 6. de ceux dont le code vniuersel est composé, & le premier auquel a esté retranché par le code Romain. Il fut tenu en l'an 368. & ainsi enuiron 43 ans apres celuy de Nicée. En iceluy furent ordonnez & dressez 59 canons, comme appert par le texte Grec dudit code ancien, & par celuy de Balsamon (bien que du dernier il en face deux) & par Carranza. Le canon 59 est ainsi cōceu, Qu'il ne faut point lire en l'Eglise des Pseaumes priuez ou particuliers, ou des liures non canoniquez : Mais les seuls canoniques du vieil & du nouveau Testament. Et ce sont ceux du vieux Testament qu'il fait lire, 1. Genese. 2. Exode, c'est à dire la sortie d'Egypte. 3. Leuitique. 4. Les Nombres. 5. Deuteronomie. 6. Iesu Naue. 7. Les Iuges, Ruth. 8. Esther. 9. Le premier & second des Rois. 10. Le 3 & 4 des Rois. 11. Le Paralipomenon, premier & second. 12. Esdras, premier & second. 13. Le liure des 150 Psaumes. 14. Les Prouerbes de Salomon. 15. L'Ecclesiaste. 16. Le Cantique des Cantiques. 17. Iob. 18. Les 12 Prophetes. 19. Esaie. 20. Ieremie & Baruc Lamentations & Epistres. 21. Ezechiel. 22. Daniel. Et du nouveau Testament ceux cy: Les quatre Euangiles, selon Matthieu, selon Marc, selon Luc, selon Iean. Les Actes des Apostres. Sept Epistres Catholiques, assauoir vne de Iaques: deux de Pierre: trois de Iean: vne de Iudes. Quatorze Epistres de Paul: vne aux Romains: deux aux Corinthiens: vne aux Galates: vne aux Ephesiens: vne aux Iudiciens: vne aux

aux Colossiens : deux aux Thessaloniens : vne aux Hebreux : deux à Timothée : vne à Tite, & vne à Philemon.

II. Or parce que au tēps que ledit Denis le Petit fit ladite version, assauoir enuiron l'an 527. les Euesques de Rome aspiroyēt desja à la Monarchie, & pretendoyent qu'à eux seuls appartenoit d'approuuer ou reprouuer les escrits des Peres : & qu'aucun liure ne pouuoit estre dit & tenu canonique sans leur autorité (comme ils ont ouuertement déclaré par apres, & nous en auons rapporté le tesmoignage cy dessus, *liu. 1. chap. 7.*) A cause dequoy ils ont déclaré plusieurs liures canoniques, non compris & nō specifiez audit canon dernier de Laodicée, voire mesmes leurs propres Decretales. Voila pourquoy ils firent faire ledit retranchement, & n'ont pas permis que depuis ledit canon entier fust remis dans leur code, ni aussi au Decret de Gratian. Ioint que par ce canon les liures des Machabées & autres sont exclus du nombre des liures canoniques, & sont declarez Apocryphes contre l'opinion du Pape Innocent 1. en sa 3. Epistre rapportée audit code Romain chap. 27. & du 84. canon des attribuez aux Apostres.

## CHAP. VI.

*Du retranchement des trois derniers Canons du premier  
Concile de Constantinople.*

I. E Concile fut tenu en l'annee 383. de nostre Seigneur : c'est le second des quatre vniuersels : Il fut conuoqué par l'Empereur Theodore à Constantinople, contre la volonté de Damasc Euesque de Rome, qui desiroit qu'il se tint à Rome, comme appert par le 9. ch. du 5. liure de Theodoret : Il n'ordonna que sept canons, dont le 3. change l'ordre des villes Patriarchales, & attribue à Constantinople le second siege, parce que c'estoit la nouuelle Rome : sans demander l'aduis ou approbation de l'Euesque de Rome. Et les trois derniers ont esté retranchez audit code Romain, comme se voit par les originaux Grecs. Ce retranchement a esté laissé au grand volume des conciles, & aussi es abregez de Carranza & Sagittaire. Vray est que le nombre de 7 précédens canons s'y trouue




maintenant, mais avec vne autre fausseté: car d'un seul, assauoir du second, en sont faits trois: Et au lieu du 7. y est mise la confession de foy ou le Symbole dressé audit concile. D'où appert que ladite obmission ou retranchement n'a esté fait à bonne fin, ains parce que lesdits canons, & principalement le 6. sont entierement contraires à la pretension du Pape & aux canons qu'il a faits inserer audit Decret de Gracian rapportez cy dessus, liu. 1. chap. 11. assauoir que les Euesques ne peuuent estre condamnez que par luy ou sous son autorité: & que les Archeuesques ou Metropolitains ne peuuent exercer aucune jurisdiction sur les Euesques qui ont esté par luy exemptez: là où par ledit canon 6. sans aucune exception ou reseruacion de l'Euesque de Rome, est ordonné que l'Euesque sera accusé par deuant tous les Euesques de la Prouince, & s'il y eschoit, condamné par eux: Et en seconde instance, par vn plus grand Synode, assauoir des Euesques de tout le Diocèse: & finalement par le Synode œcumenique, sans parler aucunement de l'Euesque de Rome, bien que le concile de Sardique, qui auoit esté tenu en l'an 347. és 3. & 7. canons, luy eust reserué l'appellation. D'où appert, que ledit concile de Sardique n'a point esté obserué, comme sera dit cy apres. Aussi nos Eglises Gauloises se sont tousiours maintenues en possession de iuger des causes des Euesques, & de les cōdamner & deposer, lors qu'il y en a eu sujet.

---

## CHAP. VII.

### *Du retranchement fait audit Code Romain des Canons du Concile d'Ephese.*

1.  E Concile d'Ephese est le 3. vniuersel. Il fut conuocé par l'Empereur Theodose 2. en l'an de Christ 431. ainsi que rapportent Socrates liu. 7. chap. 33. & Euagrius liu. 1. chap. 3. Audit Concile, Celestin Euesque de Rome enuoya 3 Legats, 2 Euesques & vn Pestre: auant l'arriuée desquels le Concile ayant esleu pour President Cyrille Euesque d'Alexandrie, declara heretique Nestorius Euesque de Constantinople, & le deposa. Au premier desdits Legats de Celestin, fut donnée place apres Cyrille, sous lequel fut assis l'Euesque de Ierusalem (car celuy d'Antioche n'estoit encore arriué, & depuis



puis se retira du costé de Nestorius : ) Et apres iceluy fut placé le second Legat dudit Celestin : & apres luy l'Euesque d'Ancyre : & sous iceluy le 3<sup>e</sup> Legat dudit Celestin : & en cest ordre ils soubſcriuient les Actes dudit concile.

II. Le premier & le 3. desdits Legats de Celestin furent deputez avec cinq autres, & enuoyez par ledit concile audit Empereur Theodoze, pour faire reuoker l'ordonnance qu'il auoit faite contre Cyrille & contre Memnon Euesque d'Ephese, & pour approuuer la condamnation de Nestorius, comme il fit.

III. De la part de l'Empereur & comme representant sa personne, assista audit concile le Comte Candidian, qui defendit de traiter en iceluy de matieres ciuiles & criminelles, s'en reseruant la cognoissance.

IV. Ce concile ordonna huit canons inferez au long au code de de l'Eglise vniuerselle, & lesquels n'ont point esté mis au code Romain, ni aucun d'iceux inseré au Decret de Gratian, comme a esté dit cy dessus.

V. La cause de ceste obmission & retranchement est manifeste : car par les cinq premiers canons, non seulement Nestorius Euesque & Patriarche est déclaré heretique, condamné & depose; mais aussi tous les autres Euesques ses adherans, & tous les cleres exemptez de leur jurisdiction. Ce que le Pape pretend n'appartenir qu'à luy seul, comme a esté dit ci dessus.

VI. Et par les 6. & 7. tous hommes sont degradez & deposez, qui oseront en quelque chose contreuenir aux Decrets du concile, ou qui voudront dresser & composer autre Confession de foy, que celle qui auoit esté ordonnée par le concile de Nicée, sans excepter l'Euesque de Rome, qui soustient d'estre par dessus les conciles, & qu'il peut les improuuer & reuoker, & qu'à luy seul appartient de decider des questions & articles de la foy.

VII. Mais sur tout le 8. & dernier desdits canons est entierement contraire à l'intention & aux Constitutions du Pape : car sur l'vsurpation que vouloit faire le Patriarche d'Antioche au prejudice de la liberté des Eglises de Cypre, le concile recognoissant que ce faict estoit tres-important, & (comme il dit) *qu'il concernoit la liberté de toutes les autres Eglises*, fit ceste responce generale: *Que non seulement en Cypre, mais aussi en tous les Dioceses & Prouinces de tout le monde, il sera obserué, Que nul Euesque n'en-*

uahiſſe & vſurpe aucune Prouince *qu' dès le commencement n'a point eſté en ſon pouuoir* ou de ſes predeceſſeurs : Et ſi quelqu'vn en a enuahi ou vſurpé par force quelque autre , qu'il la reſtitue , afin que les canons des ſaincts Peres ne ſoyent meſpriſez , & que ſous pretexte de l'adminiſtration des choſes ſacrées , l'arrogance de la uiſſance ſeculiere ne ſe gliſſe : & que peu à peu nous ne perdions imprudemment *ceſte liberté* que noſtre Seigneur Ieſus Chriſt , liberateur de tous hommes , nous a acquiſe par ſon propre ſang. Et partant , il a plu à ce ſainct & vniuerſel Synode , de conſeruer à vne chacune Prouince , purs & inuiolables , *les droiſts qu'elle a eu du commencement ſelon l'ancienne couſtume*. Et eſt permis à chaſque Metropolitain de prendre vn extraict du preſent Decret pour ſa ſeurté. Et ſi quelqu'vn fait quelque ordonnance contraire , le preſent, ſainct & vniuerſel Synode veut qu'elle ſoit caſſée.

VIII. Ce ſont les propres mots dudit canon , par leſquels eſt expreſſement déclaré , non ſeulement que de droiſt diuin aucun Eueſque quel qu'il ſoit , n'eſt point Eueſque de toutes les Eglises du monde : Mais auſſi que de droiſt poſitif & Eccleſiaſtique , le pouuoir de chaſque Eueſque eſt limité , ſans qu'il luy ſoit loiſible d'enjamber ſur les Eglises des autres.

IX. Or par le droiſt Diuin & Apoſtolique en vne ſeule Eglise il y peut bien auoir pluſieurs Preſtres & Eueſques (car c'eſt vne meſme choſe) mais chaſque Preſtre ou Eueſque ne peut pas auoir plus que d'vne Eglise.

X. Et par le droiſt humain & Eccleſiaſtique , leſdites deux charges ayā eſté diſtinguées & ſeparées , chaſque Preſtre ne peut non plus auoir qu'vne Eglise & parroiſſe : Mais l'Eueſque peut auoir ſous ſa charge pluſieurs Eglises & parroiſſes , ſans limitation du nombre. C'eſt pourquoy auſſi non les Preſtres , mais les Eueſques ont diuerſement accru & augmenté leur pouuoir & juridiſtion *par le ſeul vſage & couſtume* , ſ'eſtans principalement ſeruis de l'autorité & grandeur des villes où ils eſtoient eſtablis à l'imitation des Magiſtrats civils. Tellement que le premier concile de Nicée compoſé principalement d'Eueſques , ne voulant réduire les choſes à l'eſtat de leur origine , & oſter la différence entre Preſtre & Eueſque : Et ne pouuant auſſi rendre tous les Eueſques égaux en pouuoir & en eſtendue de juridiſtion , à cauſe que du 300 ans les vns ſ'eſtoient fort aggrandis & authoritez

par dessus les autres, & notamment ceux des villes capitales de l'Empire & Metropolitaines des Prouinces: Il ne trouua point de meilleur expedient que de laisser les choses en l'estat qu'elles estoient pour lors, & de les regler non par les ordonnances de Iesus Christ ou des Apostres: ni mesmes par aucun Decret ou canon des precedents conciles: ains seulement par la coustume & vsage precedent: & neantmoins autorise grãdement par expres les Euesques des villes capitales & metropolitaines. Car voici ce qu'il ordonne au 6. canon, Que les anciennes coustumes qui sont en Egypte, en Libye & en Pentapole, soyent entretenues: tellement que l'Euesque d'Alexandrie ait pouuoir sur tous ces Papes, puis que telle est aussi la coustume de l'Euesque de Rome: de mesme aussi en Antioche & es autres Prouinces soit gardé l'honneur ou priuilege aux Eglises. Or cela est manifeste, que si quelqu'un est fait Euesque sans l'aduis du Metropolitain, le grand Synode a ordonné qu'il ne sera point Euesque. Et au 7. Parce que la coustume a obtenu & la *tradition* ancienne d'honorer l'Euesque d'Ælie (c'est à dire de Ierusalem) qu'il ait l'ordre d'honneur, gardant la dignité qui est deuë à la ville Metropolitaine (qui est Cesarée.)

x. Et ainsi tant s'en faut que l'Euesque de Rome par lesdits canons soit declaré Euesque vniuersel ou chef de l'Eglise de droit diuin, qu'au contraire sa puissance est limitée, comme aussi celle des Euesques d'Alexandrie, Antioche & autres, & restreinte aux pays & Prouinces dont ils estoient en possession par ancienne coustume. Il est vray que ledit concile n'exprime pas sur quels lieux ou Prouinces pour lors les Euesques, de Rome ou Antioche estendoient leur pouuoir selon la coustume ancienne, comme il fait de celuy d'Alexandrie: Mais du moins il declare bien manifestement, que celuy de Rome auoit son estendue limitée, & qu'il n'auoit aucun pouuoir hors d'icelle.


xii. Et de fait, Ruffin qui viuoit environ 60. ans apres ce concile, au *1. liure de son hist. chap. 6.* les expose ainsi, Qu'en Alexandrie & en la ville de Rome la coustume ancienne soit gardée, Que cestuy là ait soin des Eglises d'Egypte, & cestuy-ci des Eglises suburbicaires, qui estoient les Eglises comprises dans les cent mille autour de Rome.

xiii. Et parce que nonobstant lesdits canons de Nicée, & le second du premier concile de Constantinople, qui est encor plus

expres, plusieurs Euesques, mesmes celuy d'Alexandrie & celuy de Rome taschoyent de s'estendre sur leurs compagnons, & d'acquiescer domination nouvelle, de laquelle ils n'estoyent pas en possession en l'année 325. que le Concile de Nicée fut tenu. C'est pourquoy ledit concile d'Ephese y ayant voulu pouruoir & conseruer à toutes les Eglises leur liberté naturelle, fit ledit canon general: A cause dequoy l'Euesque de Rome ne voulut qu'il fust inseré en son code des Canons, ni aussi les sept autres.

## CHAP. VIII.

### *Du retranchement fait audit Code Romain des deux derniers Canons du Concile de Chalcedoine.*

I.  A ville de Byzance ayāt esté assiegée & prise par l'Empereur Seuer, fut par luy assuetie à Perinthe ou Heraclée: Mais l'Empereur Constantin ayant choisi Byzance pour siege de son Empire, l'amplifia, embellie & enrichit grandement, voulut qu'elle fust appelée de son nom Constantinople, & la seconde Rome: qu'elle fust non seulement metropole d'une Prouince, mais aussi chef de l'Empire comme Rome, & eust mesmes & pareils priuileges que l'ancienne Rome.

II. La dedicace de ladite ville fut celebrée en l'an de nostre Seigneur trois cents trente, & ainsi cinq ans apres la tenue du concile de Nicée.

III. Et comme les deux Romes estoyent diuisées chacune en quatorze regions: aussi tout l'Empire fut diuisé par Constantin en quatorze Dioceses, sept sous l'ancienne Rome (ce qui depuis fut appelé l'Empire d'Occident) & sept sous la nouvelle appelée l'Empire d'Orient.

IV. A chaque Diocese estoit établi vn vicaire qui s'appelloit Exarche, & auoyēt sur eux quatre Preuosts du Pretoire: deux pour l'Orient & deux pour l'Occident. Ces quatorze Dioceses comprenoyent cent dix-huit Prouinces & autant de Metropoles & villes capitales.

V. Ce reglement ne concernoit que les choses ciuiles & politi-

politiques. Mais comme dès le commencement, par vſage & couſtume les choſes & affaires Eccleſiaſtiques ſuiuirent & imiterent l'ordre politique, en ſorte que l'Eueſque de la ville metropolitaine tenoit le premier rang, & auoit quelque degré & preeminence par deſſus les autres Eueſques de ſa Prouince; conuoquant les Synodes, conſacrant & conſirmant les autres Eueſques: Et les Eueſques des villes capitales de chaſque Diocèſe ſ'acquirent auſſi quelque ſuperiorité par deſſus les metropolitains des autres Prouinces, & furent appelez Archeueſques ou Patriarches, ce qui fut conſigné par le Concile de Nicée és canons 4. 5. 6. & 7.

vi. Auſſi ladite ville de Conſtantinople ayant eſté declarée nouuelle Rome & chef d'Empire, il ne fut pas trouué raſſonnable que l'Eueſque d'icelle fuſt de là en auant ſuffragant de celle d'Heraclee, ni qu'il fuſt ſimple metropolitain & ſous quelque Patriarche: ni meſmes qu'il fuſt le dernier des Patriarches. Voila pourquoy par le troiſième canon de ce premier Concile de Conſtantinople il fut dit, *Que l'Eueſque de la Cité de Conſtantinople aura ſous priuileges d'honneur apres l'Eueſque de Rome, parce que ladite Cité de Conſtantinople eſt la nouuelle Rome.*

vii. Le ſeul Eueſque & Patriarche de Rome forma plainte de ce canon, & fut long temps ſans vouloir acquieſcer à iceluy: tellement qu'il falut que le quatrième Concile vniuerſel, qui eſt celuy de Chalcedoine, conuoqué par l'Empereur Martien. *l. nemo 4. C. de ſumma Trin. & fide cath.* en l'année 451. de noſtre Seigneur vuidatſt ceſte oppoſition, par ſon canon 28. qui eſt tel, Suiuans en tout & par tout les definitions des ſaincts Peres, & approuuans le canon n'agueres leu des cent cinquante Eueſques treſſaimez de Dieu, qui ont eſté congregez en la Cité royale de Conſtantinople nouuelle Rome, ſous l'Empereur Theodoſe le Grand de ſaincte memoire, Nous auſſi ordonnōs & definifſons les meſmes choſes concernans les priuileges de la meſme ſaincte Eglise de Conſtantinople nouuelle Rome: Car à bon droit les Peres ont attribué des priuileges au ſiege de l'ancienne Rome, *à cauſe que* ceſte ville là commandoit (ou eſtoit le ſiege de l'Empire.) Et les cent cinquante Eueſques treſſaimez de Dieu, meus de la meſme raiſon ont attribué egaux priuileges au treſſainct ſiege de la nouuelle Rome, jugeans droitement que la ville qui eſt honorée de l'Empire & du Senat, deuoit jouyr de ſemblables priuileges que

l'anciēne Royale Rome, & que mesmes es choses Ecclesiastiques, elle ne doit pas moins estre extollée & magnifiée estant seconde apres elle. En sorte que les seuls Metropolitains des Dioceses & de Ponte & d'Asie (sç. mineur) & de Thrace, & les Euesques qui sont es contrées barbares, seront ordonnées par le tressainct siege de la tressaincte Eglise de Constantinople: & chascue Metro- politain desdits Dioceses avec les Euesques de la Prouince ordonnera les Euesques d'icelle Prouince, comme il est porté par les diuins canons. Et lesdits Metropolitains desdits Dioceses seront ordonnez par l'Archeuesque de Constantinople, apres que les elections auront esté faites à la maniere accoustumée, & à luy rapportées.

VIII. Par ce canon est expressement décidé 1. Que la primauté qu'a l'Euesque de Rome par dessus les autres, n'est point de droit diuin, mais que c'est ou par coustume & tolerance ou par Decrets Ecclesiastiques. 2. Que ceste primauté & preeminence ne luy a pas esté ottroyée par les Peres en consideration de ce qu'il est successeur de S. Pierre: mais parce qu'il est Euesque de la ville capitale & Imperiale. 3. Que c'est au Concile vniuersel à creer & establir les Archeuesques & Patriarches, & à leur bailler le rang & ordre qu'il luy plaist. 4. Que le Concile vniuersel est par dessus l'Euesque de Rome, & peut luy bailler vn compagnon, & le rendre pareil & egal à luy en tous priuileges & honneurs.

IX. Tout cela est diametralement contraire à l'opinion, aux pretentions & aux constitutions du Pape. Et, comme dit Bellarmin *au liu. 2. du Pontife Romain chap. 18. §. Deinde*, par ceste communication de priuileges est ostée la primauté à l'Eglise Romaine, laquelle Christ ou le Concile general de Nicée luy auoit donnée. Car, dit-il, celuy n'est point eminent par dessus tous auquel quel qu'un est egal & pareil.

X. Voila pourquoy ledit Bellarmin dit aussi fort hardiment *au liu. 2. des Conciles, chap. 7.* Que ledit canon ne fut pas fait sans fraude: Et *au liure deuxieme du Pontife Romain, chap. 17. §. quid quod*, Que ledit Decret contient deux manifestes faussetez (ainsi parle- il reueremment d'un Concile vniuersel, que Iustinian en sa nouvelle constitution 131. chap. 1. & le Pape Gregoire premier en l'Epistre 24. de son premier liure, disent recevoir avec pareil honneur & respect que les qua-



les quatre Euangiles) l'vne (dit-il) en ce qu'il y est dit, que les Peres de Nicée ont attribué la primauté au Pontife Romain : Et l'autre, en ce que ledit canon porte, que la cause pour laquelle les Peres ont concedé la primauté à la ville de Rome, est parce que ceste Cité estoit le siege del'Empire.

x i. Mais celuy seroit priué de sens qui ne voudroit plustost adjouster foy à cent cinquante Euesques qui assisterent au Concile de Constantinople, & à six cents trente, dont fut composé ledit Concile de Chalcedoine, qu'audit Bellarmin. Outre lesquels sept cèts quatre vingts Euesques on y peut adjouster ceux qui se trouuèrent au sixième Concile tenu à Constantinople *in Trullo*, lesquels au 36. canon confirment la mesme chose ; & ledit canon a esté inseré par Gratian en son Decret *c. renouantes 22. dist.* . . .

x ii. On peut aussi adjouster l'autorité de l'Empereur Zénon *l. decerni 16. C. de sacros. Eccles. in fine*, où il dit notamment, que l'Euesque de Constantinople a le droit de preface par dessus tous les autres Euesques en consideration de la ville Royale : Et de S. Augustin ou autre auteur du traité des questions sur le vieil & nouveau Testament, q. 101. qui dit, Que les Prestres & Diacres de Rome sont estimez plus honorables que ceux des autres Eglises, à cause de la magnificence d'icelle ville laquelle semble estre le chef de toutes les autres. Voire mesmes peut-on adjouster l'autorité de tous les Euesques d'Afrique, lesquels au 26. canon du 3. Concile de Carthage rapporté en la distinct. 99. c. *prima sedis*, defendent d'appeller l'Euesque de la ville capitale Prince des Prestres, ou souverain Prestre, ou telle chose : mais ordonnent qu'il soit appelé Euesque du premier siege, & ainsi attachent la primauté non à la personne, mais à la ville ou au siege : Et encor de Baronius lequel en l'année 39. n°. 10. dit, Il y a grand nombre d'exemples qui font voir que nos majeurs en instituant les sieges des Eglises, n'ont eu autre raison que de suivre la diuision des Provinces, & les prerogatiues establies auparauant par les Romains : & en suite deduit quelques exemples, & notamment d'Alexandrie preferée à Antioche.

x iii. Et bien qu'on accorderoit que lesdits Conciles eussent erré en celle cy (ce que non) toutesfois si seroit il tousjours trefvray que les Peres & Euesques en nom. bre de plus de 900. dont lesdits trois Conciles ont esté composez, ne tenoyent point que



L'Euesque de Rome fust chef de l'Eglise soit de droit diuin ou humain, ou qu'il fust par dessus les Conciles.

xiv. Et c'est pourquoy le Pape fit retrancher ledit canon 29. & ne permit pas qu'il fust mis en son Code des canons, ni aussi au Decret de Gratian.

xv. Il est bien vray, comme dit est, que Gratian insera en son Decret le canõ 36. du 6. Concile *in Trullo*, mais falsifié & entieremēt depraué. Car au lieu que ce canon egale en toutes choses Constantinople à Rome, mesmes es choses Ecclesiastiques, il a mis *non toutesfois es choses Ecclesiastiques*, laquelle alteration outre l'imprudēce, est encor inepte & ridicule. Car ce n'est point aux Euesques ou Conciles de deferer les honneurs civils & politiques, ains à l'Empereur, mais d'ordonner seulement des priuileges & prerogatiues Ecclesiastiques. Et ceste deprauation leur faisoit entreprendre le contraire & encourir crime de leze Majesté: & neantmoins elle y a esté laissée plus de 400 ans: & iusques à ce que les Correcteurs Gregoriens en ont eu honte, & y ont remis ce mot de (*mesmes*) au lieu de (*non toutesfois*) suiuant, disent-ils, quelques manuscrits & le texte Grec: & ainsi n'aduouēt pas ouuertement ladite fausseté & deprauation, aussi est-elle laissée & retenue, voire avec vne plus insigne imposture *in c. Antiqua 33. extra de priuil.*

xvi. Le dernier canon dudit Concile de Chalcedoine a esté aussi obmis audit Code Romain, vray semblablemēt pour la mesme raison que nous auons veu cy dessus, & que les cinq premiers canons du Concile d'Ephese y ont aussi esté retranchez.

## CHAP. IX.

*Des canons attribuez aux Apostres: & pourquoy les cinquante premiers ont esté adjoustez au Code Romain, & non les trente cinq derniers.*

1.



En ne fut pas vne petite entreprinse à l'Euesque d'oser diminuer ou retrancher les Canons de l'Eglise Catholique, dont a esté parlé cy dessus: Mais elle n'est pas moindre en ce qu'il y adiouste de sa seule autorité: car ce faisant il pest egalé

voire

voire preferé aux Cōciles vniuersels, desquels il a voulu diminuer d'un costé, & augmenter de l'autre les regles & canons. Et toutes-fois du commencement il n'osa pas y joindre ses propres Decrets & Constitutions, mais d'autres pieces: & mit en teste partie d'un ceuvre fort specieux, portant le nom des saincts Apostres de Iesus Christ, quoy que faulx & supposée.

II. La fausseté & supposition se verifie, premierement par la determination du Pape Gelase & des septante Euesques assemblez avec luy au Concile tenu à Rome enuiron l'an 493. lesquels declarét Apocryphe *le liure des Canons des Apostres, c. sancta, dist. 5.*

III. Secondement par le tesmoignage d'Isidore Hispalensis, ou de Seuille qui deceda l'an 606. lequel dit, que lesdits canons attribuez aux Apostres ont esté composez par les heretiques, & tenus pour Apocryphes, à cause dequoy ni le siege Apostolique ne les a point receus, ni les saincts Peres ne leut ont adjousté aucune foy, *c. canones, dist. 16.*

IIII. Il est vray que Isidore Mercator ou peccator, ou autre imposteur & fabricant des Epistres attribuées aux Euesques de Rome fait dire à Zepherin qui mourut l'an 221. que les Apostres *avec plusieurs autres Euesques auoyent fait soixante sentences*, & ordonné qu'elles fussent obseruées. Mais nous auons fait voir cy dessus, que lesdites Epistres sont manifestement faulx & supposées. Ce que pour surcroist cōfirment les tesmoignages dudit Gelase, desdits septante Euesques, & dudit Isidore ancien. Car ils auoyent veu ou ouy parler de ladite Epistre de Zepherin, & n'auoyent point dit, que tous les canons, dits des Apostres, fussent Apocryphes, & forgez par les heretiques, donnant par ainsi vn dementi au Pape Zepherin.

V. Depuis le Pape, enuiron l'an 527. comme dit est, ayant adjousté au Code de l'Eglise vniuerselle les cinquante premiers canons, dits des Apostres, & par là les ayant approuuez & autorisez, & entant qu'en luy estoit, egalez, voire preferez aux autres, dont ledit Code estoit composé: il luy fut fort facile de faire recevoir pour vrais & Apostoliques tous lesdits quatre vingts & cinq canons au Concile fixiéme tenu *in Trullo* l'an 691. duquel les paroles sont telles au deuxiéme canon: *Il a plu à ce saint Synode, qu'à l'aduenir soyent sermes & stables les huitante cinq canons des saincts Apostres.* Et le Pape Hadrian en l'an 772. receut & approu-

ua tous les canons dressez audit Concile sixième, *c. Sextam, dist. 16.* & par consequent il approuua & canoniza lesdits 85. canons des Apostres, & ne les faut plus compter entre les Apocryphes, dit Gratian apres Isidore Mercator *in c. placuit, dist. 16.*

vi. Aussi le Pape Leon iv. enuiron l'an 850. entre les canons dont il dit se seruir és jugemens Ecclesiastiques, met les canons des Apostres sans definir le nombre *c. de libellis, dist. 20.*

vii. Et toutesfois Leon ix. Pape qui siegea l'an 1049. *au can. Clementis, dist. 16. dit*, Que les canons des Apostres, horsmis cinquante, sont mis par les Peres entre les Apocryphes.

viii. Et Gratian luy mesme *au c. prater, dist. 32. §. sciendum, dit*, que l'Eglise Orientale se sert de tous les canons des Apostres, mais l'Eglise Romaine en partie seulement, ou aussi la glose sur le mot *Apostolorum*, c'est à dire (dit-elle) qui ont esté faits sous le nom des Apostres, mais qui sont Apocryphes.

ix. Et toutesfois la glose marginale és Decrets de Gratian, modernes & corrigez sur le canon, *Canones d. dist. 16.* & sur le mot, *atque inter*, dit hardiment, *Au contraire ces liures ne sont point Apocryphes, mais Canoniques*, combien qu'autresfois quelques vns mesmes d'entre les Catholiques en ayent douté.

x. Et c'est ainsi que Gratian concilie, & met d'accord à son accoustumée, tant de diuerses & contraires opinions & decrets des Papes, dequoy la glose se plaint au commencement de ladite dist. 16. sur le mot *Apostolorum*, disant, *Gratian auance des contrarietez qu'il ne sould point, mais que la solution est bien aisée & facile, assavoir*, qu'il faut recenoir les canons qui ont esté faicts par les vrais Apostres, & non ceux que les faux Apostres ont fabriquez. Qui est ne rien dire & se mocquer encores mieux du mode que Gratian n'a fait. Car nul ne doute qu'il ne faille receuoir les canons faits par les Apostres, ains la question est, si ceux-cy ont esté faits par eux.

xi. Quoy qu'il en soit, Gratian a mis & inseré en sondit Decret plusieurs desdits canons attribuez aux Apostres: & ils sont tous quatre vingts & cinq mis en teste au volume des Conciles comme bons & canoniques, & comme œuvre des Apostres, avec vn petit aduertissement en marge, que Fr. Turrianus Iesuite a fait vn excellent liure pour la defense de ces canons Apostoliques,

xii. Mais Baronius en l'année 102. n°. ii. & seqq. dit, Que lesdits Canons sont yrayement Apocryphes. Et que ce qui a esté écrit par

crit par quelques auteurs modernes (entendant parler de Turrianus) pour leur donner autorité, n'est pas tel qu'il puisse estre opposé à ce que Gelase & autres ont dit : ou qu'il s'ensuiue, que lesdits Canons soyent veritablement Apostoliques.

xiii. Et le Iesuite Posseuin en son *Apparat tit. Clemens* dit aussi, *Il ne faut pas tant priser la defense des Canons Apostoliques, entreprinse par nostre fr. Turrianus homme de grand Zele & sçauoir, que nous n'opposions les autoritez de si grands Peres. Car il ne prouue pas que chasque Canon soit legitime, mais en general que quelques uns sont des Apostres.*

xiv. Et Bellarmin de *verbo Dei, lib. 1. c. 20. dit*, Que nō sans cause Gelase en la *dist. 15. can. sancta*, a mis les Canons des Apostres entre les Apocryphes.

xv. Et Coton en sa Geneue Plagiaire, *Deprauation* 198. à la fin dit, que le dernier Canon des attribuez aux Apostres est supposé, & mesmes les quatorze derniers.

xvi. Et Sixtus Senensis en sa *Bibliotheque liure 2. verbo Clementis canones*, ayant dit que Gratian apres auoir allegué diuerfes opinions sur ce subiect en ladite distinction 16. ne conclud rien de certain, adjouste : Au dernier Canon est receu l'Euangile de S. Iean, qui fut escrit sous l'Empereur Nerua. Et on dit, que les Canons des Apostres ont esté faits durant le regne de Neron, sous lequel Pierre fut mis à mort, comme se collige du Canon 28. où il est escrit, par moy Pierre. Or cela semble grandement absurde.

xvii. Et derechef Bellarmin du *Pontife Romain, liure 2. chap. 27. 5. de canon*. Le Canon 65. qui defend de iurer le Samedy, est supposé : car l'Eglise reçoit seulement cinquante canons des Apostres.

xviii. Et Baronius en *ladite année 102*. Le Canon 65. dōne grād soupçon d'imposture : Est-il possible (dit-il) qu'aucun des Peres n'en aye eu cognoissance, veu qu'il n'est cité par aucun ? ou comment l'Eglise Romaine auroit-elle suivi vne coustume contraire au Canon de tous les Apostres en jursant le Samedy ?

xix. Il pouuoit adjouster, que S. Augustin & S. Ambroise n'auoyent point veu lesdits Canons, ou du moins ne tenoyent pas qu'ils fussent Apostoliques, car la mere de S. Augustin estoit venue de Rome, où on jursoit le Samedy, à Milan où on ne jursoit point, elle en fut fort scandalizée, & le fit entendre à son fils, qui print sur ce l'aduis de S. Ambroise, lequel respondit, Quand je suis

je suis à Rome, je jufne le Samedi : quand je suis à Milan, je ne jufne point : Et qu'il falloit faire de mefme pour euitier fcandale, *c. illa, dift. 12.* Là où ils euſſent dit ſans doute, qu'il falloit fuiure la couſtume de Milan, & non celle de Rome, puis quel'ordonnance des Apoſtres y eſtoit expreſſe.

xx. Et au contraire S. Auguſtin eſcriuãt à S. Hieroſme dit, qu'ès liures canoniques n'y a aucun precepte touchant le jufne du Samedi, qui fut depuis prohibé par le fixiême Cõcile de Conſtantinople *in Trullo c. 55.*

xxi. Mais principalement eſt cõſiderable, que ſi leſdits Canons euſſent eſté faits par les Apoſtres, jamais S. Iean, qui eſtoit l'un d'entr'eux & des principaux, & qui a ſurueſcu à tous, n'y euſt contreuenü, & n'eũt pas celebré la feſte de Paſques à autre jour qu'il n'eſt porté par les 8. & 69. d'iceux canons, comme il a fait tousjours, ſelon le teſmoignage de Polycrate en Eufebe, *liu. 5. ch. 23.* & de Polycarpe diſciple dudit S. Iean, rapporté par Irenée Eueſque de Lion audit Eufebe, *liu. 5. chap. 24.*

xxii. Ledit Polycarpe auſſi & toutes les Eglises d'Asie, & grand nombre d'autres, ni meſme Anicet & Victor, Eueſques de Rome, ne tenoyent pas leſdits Canons pour Apoſtoliques, puis que ſur le different dudit jour de Paſques, & les vns & les autres ne fondoyent leur opiniõ que ſur la couſtume & tradition de leurs predeceſſeurs, (comme a eſté veu cy deſſus) là où ceſte queſtion qui troubla tant & ſi long temps les Eglises de tout le monde, euſt eſté trouuée incontinent par la lecture deſdits deux canõs 8. & 69.

xxiii. Auſſi Socrate *au liu. 5. chap. 21.* de ſon hiſtoire trouue, que ſur ledit faiãt concernant le jour de la Paſque, non plus que ſur le jufne du Careſme & diſtinction des viãdes, aucune loy n'en a eſté faite ni par Ieſus Chriſt ni par ſes Apoſtres, & que chacune des parties ſe fõdoit ſeulement ſur la couſtume, meſme le Concile de Nicée & Conſtantin le Grand. Ce qui eſt vray, & en appert par l'Epifitre dudit Conſtantin aux Eglises, rapportée par Eufebe *au liu. 3. de la vie dudit Conſtantin, chap. 16.*

xxiv. De meſme la diſpute d'entre S. Cyprian & toutes les Eglises d'Afrique, & Eſtienne, & autres Eueſques de Rome touchant le baptême des heretiques, euſt eſté decidée à l'aduançage dudit Cyprian par l'allegation & lecture des Canons 46. 47. & 67. ſils les euſſent veus & tenus pour Apoſtoliques,

xxv. Iamais aussi les Peres és Conciles, ni les Empereurs Chrestiens en leurs ordonnances & constitutions n'eussent osé changer, augmenter ou diminuer à ce qui auoit esté ordonné par les saints Apostres, & mesmes n'en eussent pas fait des nouuelles loix & canons, mais se fussent simplement rapportez aux Apostoliques, ce qu'ils n'ont fait.

xxvi. Comme par exemple, le premier Canon des attribuez aux Apostres porte, Que l'Euesque soit ordonné par deux ou trois Euesques. Et le 2. canon du premier Concile d'Asles veut que ce soit par huit ou du moins par quatre Euesques. Et le 4. canon du premier Concile de Nicée porte, par tous les Euesques de la Prouince, ou du moins par trois presents, qui ayent par escrit le consentement des absens.

xxvii. Et par le 6. & 51. desdits canons, il est dit: Que l'Euesque ou Prestre ne doit point laisser sa femme sous pretexte de religiō. Ce qui a esté changé, & seroit vn Euesque marié tenu pour monstre. Et Balsamon sur ledit canon 6. dit, qu'auant le sixiesme Concile tenu *in Trullo*, il estoit loisible aux Euesques d'auoir des femmes, & qu'à present ledit canon n'est plus en vſage. Et aussi en la somme des Conciles par Carranza, il y a à l'endroit dudit canon sixiesme ces mots: *Ce sixieme canon a esté changé par le douzieme canon du sixieme Concile.*

xxviii. Et ainsi de quasi tous les autres qui se treuuent changez ou innouez par les canons des Conciles, ou plustost d'iceux ont esté composez & ramassez les susdits canons faussement attribuez aux Apostres.

xxix. Il y a bien plus: car lesdits canons contiennent & ordonnent plusieurs choses contre la doctrine & discipline des Apostres. Ce qui seroit fort facile à monstrier: mais nous nous contenterons de le faire voir en vn poinct ou deux concernant la discipline.

xxx. Lesdits canons mettent grande difference entre Euesque & Prestre: ce qui n'estoit point du temps des Apostres: ni long temps apres: ains c'estoit vne mesme charge & office sous deux diuers noms, l'vn estant nom d'age, & l'autre de dignité. Et l'election & ordination du Prestre & de l'Euesque, estoit vne mesme: & les Eglises estoient regies non par vn seul, mais par le conseil des Prestres ou anciens de chascune Eglise. Celuy qui presidoit



entr'eux, estoit appellé Euesque. Ceste preséance se faisoit ou tour à tout, ou estoit deferée au plus ancien en reception d'entr'eux, comme le plus ancien Chanoine est fait Doyen. Mais sous pre-  
 texte que quelques Prestres, quoy que plus anciens, furent trou-  
 vez indignes de presider aux autres (comme dit S. Ambroise:) ou  
 euidans eiter schisme (comme dit S. Hierosme:) & à cause que le  
 merite deuoit faire l'Euesque, non le temps ou l'aage: il fut auisé  
 d'y proceder par election. Ceste election se faisoit par le seul Pres-  
 bytere ou assemblée des Anciens, & non par tout le corps de l'E-  
 glise, sans beaueoup de solennité, & sans nouuelle consecration  
 ou imposition de mains: parce que estre fait Euesque, n'estoit au-  
 tre chose qu'estre déclaré premier Prestre, comme quand les Dia-  
 cres eslisent vn Archidiacre. Tout cela se justifie par le tesmoi-  
 gnage de plusieurs Peres & grands Docteurs de l'Eglise, & notam-  
 ment de S. Ambroise, S. Hierosme, de S. Augustin & de Gregoire  
 de Nazianze, desquels nous transcrirons icy les propres mots.

xxx. Ambroise *sur le quatrième chapitre de l'Epistre aux E-*  
*phesiens.* Les escrits de l'Apostre ne conuiennent pas en tout & par  
 tout à l'ordination qui est maintenant en l'Eglise: car il appelle  
 aussi Prestre Timothée, lequel il auoit créé Euesque, d'autant que  
 les premiers Prestres estoient appelez Euesques, tellement que  
 le premier faisant place, le suiuant luy succédoit. Et en somme, en  
 Egypte les Prestres consacrent, si l'Euesque n'est point present:  
 Mais parce que quelques Prestres qui suiuoyent en ordre, furent  
 trouvez indignes de tenir les premiers sieges, la forme fut chan-  
 gee, le Concile pouruoyant, que le merite & non l'ordre créast l'E-  
 uesque, établi par le jugement de plusieurs Prestres, & qu'une  
 personne ne l'vsurpast, & fust en scandale à plusieurs. Et *sur le 3. ch.*  
*de la 1. à Timothée.* Pourquoi apres l'Euesque adjouste. il l'ordina-  
 tion du Diacre, si ce n'est que l'ordination de l'Euesque & du Pre-  
 stre n'est qu'une mesme: car tous deux sont Prestres, mais l'Eues-  
 que est le premier. Tellement que tout Euesque est Prestre, non  
 tout Prestre Euesque. Car celuy est Euesque, qui est le premier en-  
 tre les Prestres. En somme, il signifie que Timothée auoit esté or-  
 donné Prestre, mais il estoit aussi Euesque, parce qu'aucun autre  
 n'estoit deuant luy.

xxxii. Hierosme *en son Epistre 83. à Oceanus.* Aux Anciens,  
 les Euesques & les Prestres estoient mesme chose, parce que ce-  
 stuy-là



stuy. là est nom de dignité, & cestuy-cy d'aage. Et *Epistre 8. à E-nagrius* (canonizée, *dist. 93. c. legimus 24.*) L'Apostre enseigne ou-  
uertement, que les Prestres & les Euesques sont mesme chose.  
Demandes-tu autorité de cela? escoute le tesmoignage: Paul &  
Timothée seruiteurs de Iesus Christ, A tous les saints qui estes  
en Philippes, avec les Euesques & Diactes, *Philipp. 1.* En vœux-tu  
vn autre? es Actes des Apostres Paul parle ainsi aux Prestres d'une  
seule Eglise, Prenez garde à vous mesmes & à tout le troupeau, au-  
quel le S. Esprit vous a establis Euesques, pour paistre l'Eglise de  
Dieu, laquelle il a acquise par son propre sang. Et afin qu'aucun  
contentieux ne die qu'en vne mesme Eglise il y auoit plusieurs  
Euesques, voici vn autre tesmoignage par lequel se preuue mani-  
festemēt, que Euesque & Prestre est vne mesme chose, *Tit. 1.* Pour  
cela t'ay-je laissé en Crete, afin que tu corriges les choses qui re-  
stent, & que tu establis des Prestres par les Citez, &c. car il faut  
que l'Euesque soit sans crime, &c. Et à *Timoth. 1. 4.* Ne mesprise  
point la grace qui est en toy, par l'imposition des mains du Pres-  
bytere: Pierre aussi &c. Que depuis vn fust esleu, qui fust mis deuant  
les autres: cela a esté fait pour remedier au schisme. Car en Ale-  
xandrie depuis Marc l'Euangeliste jusques à Heracle & Denis E-  
uesques, (c'est à dire, jusques à l'an 140. de nostre Seigneur) tous-  
jours les Prestres, ayans choisi vn d'entr'eux, & iceluy colloqué en  
degré plus esleué, l'appelloient Euesque: comme, si l'armée fait  
vn Empereur, ou si les Diacres elisent le plus industrieux d'en-  
tr'eux, & appellent Archidiacre. Car que fait (à present) l'Eues-  
que hors l'ordination, que le Prestre ne face? Et sur le 1. chap. de  
l'*Epistre à Tite*. Quelqu'un pense-il que ce soit seulement nostre  
opiniō, & non le sens de l'Ecriture, qu'Euesque & Prestre est tout  
vn, & l'un estre nom d'aage & l'autre d'office? qu'il lise l'Apostre  
aux Philippiens, &c. Tout ainsi donc que les Prestres scauent que  
par la coustume de l'Eglise ils sont subjects à celuy qui a esté esta-  
bli par dessus eux: aussi que les Euesques sachent que c'est plu-  
stost par coustume que par la disposition du Seigneur qu'ils sont plus  
grands que les Prestres, & qu'ils doiuent gouverner l'Eglise en-  
semblement avec eux.

xxxiii. Augustin, es Epistres de Hierosme, *Epistre 97.* Biē que  
selon les paroles d'honneur, que maintenant l'usage de l'Eglise a ob-  
tenu, l'Episcopat soit plus grand que la Presbiterie; toutesfois en beau-

coup de choses Augustin est moindre que Hierosme.

xxxiv. Et Gregoire Euesque de Nazianze en son Orailon, apres son retour en sa ville, appelle Nouveau le nom d'Euesque en degré, & adjouste: A la mienne volonté qu'il n'y eust point de preface, ni de prelation de lieu, ni de violente preeminence, afin que nous ne fussions recognus que par la seule vertu. Et Isidore au liu. 7. des Etymol. chap. 12. rapporté par Gratian dist. 21. c. 1. §. Presbyter.

xxxv. Les mesmes Canons, & notamment le 38. parlent des Conciles & Synodes des seuls Euesques, à l'exclusion des Prestres: ce que les Apostres n'ont point pratiqué, ains ont appelé en leurs Synodes & prins l'aduis des Prestres & Diacres, Act. 15. Et ainsi en a esté vsé en la primitiue Eglise auant que les Euesques eussent vsuré toute l'autorité, ainsi qu'il fut décidé au Concile de Basle sur la belle remonstrance du Cardinal d'Arles, en laquelle il fit voir & preuua par textes de l'Escripture, que cela se doit faire, & par exéples, qu'il auoit esté pratiqué anciennement, & mesme au Concile de Constance, où il auoit assisté n'estant que simple Docteur: & és Conciles de Pise & de Latran, ainsi que rapporte Aeneas Syluius au premier liure de ses commentaires des actes dudit Concile de Basle.

xxxvi. Ce n'est pas donc de droit diuin & par la disposition du Seigneur ou de ses Apostres, qu'il y a difference entre Prestre & Euesque, & que les Euesques ont plus de pouuoir & autorité que les Prestres, mais par la coustume & par les constitutions Ecclesiastiques.

xxxvii. Aussi lesdits Canons n'ont jamais esté recognus en France pour Apostoliques, comme appert par les Capitulaires de Charlemagne, où au liu. 1. ch. 5. ils sont qualifiez *Canones qui dicuntur Apostolorum*. Et par Hincmar Archeuesque de Reims en son traité contre Hincmar Euesque de Laon chap. 24. où il preuue par le denombrement des cinq Conciles ou Synodes tenus par les Apostres, que lesdits canons n'ont point esté faits par lesdits Apostres, & qu'ils ont esté compilez de diuers escrits, & qu'en iceux il y a des choses qu'il faut garder, & d'autres qui ne valent rien.

xxxviii. Or le Pape n'adrousta à son dit Code que les cinquante premiers desdits canons dont le dernier est touchant la forme du Baptisme, non seulement à cause du 65. qui prohibe sous peine de de-

de deposition aux clerics & d'excommunication aux laics, de juf-  
ner le Samedy, mais principalement l'arresta-il audit cinquantié-  
me canon, parce que le cinquantevième immédiatement fuiuat  
ordonne, Que les Euesques, Prestres & Diacres foyent depofez,  
qui s'abstiennent des nopces, eftimans que ce foit chose mauuai-  
fe. Et que le 67. veut que celuy qui a esté baptisé ou a receu l'ordre  
par les mains d'un heretique, soit de nouveau baptisé & ordonné.  
Et que le 74. contre un Euesque admet la deposition de deux ou  
trois tefmoins. Et que le dernier met entre les liures canoniques,  
les deux Epistres de Clement, & obmet l'Apocalypfe de S. Iean.  
Ce qui est tout contraire à la doctrine du Pape & coustume de  
Rome.

## CHAP. X.

*Du Concile de Sardique adjousté au Code Romain.*

I.



Es Canons des Conciles, dont estoit com-  
posé le code de l'Eglise Catholique, ne con-  
tenans aucune chose pour prouuer ou ap-  
puyer le pouuoir & autorité que l'Euesque  
de Rome s'attribue, ni mesmes les canons  
dits des Apostres: il adjousta encor à sondit  
Code les canons du concile de Sardique, parce qu'ils semblent  
favoriser plus à son intention qu'aucuns autres: mais qui en ef-  
fect ne luy seruent de rien, la chose bien prinse & entendue.

II. Arius ayant esté condamné au concile de Nicée en l'an-  
née 325. taseha par tous moyens, artifices & deguifemens d'un  
costé de s'insinuer en la bonne grace de Constantin & de luy per-  
suader que sa creance estoit conforme à celle du concile de Ni-  
cée, & pour ce faire il se seruit grandement d'un Prestre Arius qui  
auoit esté fort recommandé, comme un grand homme de bien  
à Constantin, par Constantia sa seur, & auquel il adjousta beau-  
coup de creance. Et d'autre part il fit tous ses efforts pour ruiner  
ceux qu'il estimoit luy estre plus contraires, & entre autres Atha-  
naze Euesque d'Alexandrie. Et à cela Eusebe Euesque de Nico-  
medie, qui suiuit l'opinion dudit Arius (les adherans duquel fu-  
rent appelez Eusebiens) employa aussi toutes ses ruses. Tellemēt

qu'en fin Constantin, qui estoit tresdesireux de la paix & vnion des Eglises, s'estant laissé trop facilement persuader, que sans cause Athanase ne vouloit pas receuoir Arius à sa communion, & qu'il auoit empesché qu'on ne portast du bled d'Alexandrie à Constantinople où la disette estoit grande, commanda que ledit Athanase fust enuoyé en exil en la ville de Treues és Gaules, où il fut deux ans entiers, & jusques à la mort de Constantin, bien qu'il eust resolu de le rappeler, comme fit apres Constantin son fils aîné, comme appert par ses lettres rapportées par Socrate, *liure 2. chap. 2.* Mais peu de temps apres Constantin le fils estant decedé, Constantius son frere, auquel Constantinople & l'Orient estoit escheu en partage, ayant embrassé la creance d'Arius, par la persuasion dudit Prestre Arien, rât recommandé par Constantia, & entre les mains duquel Constantin le Grand auoit remis son testament pour le rendre audit Constantius, conuoqua vn concile en Antioche, auquel Athanase fut depose, & vn Gregoire Capadocien esleu en sa place. Ledit Gregoire accôpagné d'environ cinq mille soldats (dit Socrate *liure 2. chap. 8.*) estant venu en Alexandrie, & ayant enuironné le Temple pour saisir Athanase, il euada & se retira en Italie pour estre sous la protection de Constans Empereur de Rome & d'Occident, qui estoit Orthodoxe.

III. Les Euesques d'Orient, qui auoyent depose Athanase, aduertis qu'il s'estoit retiré vers Iules Euesque de Rome, firent vne depesche à Iules, & le requirent d'assembler vn Synode, & d'estre luy mesme s'il vouloit Iuge de la cause d'Athanase. Ce sont leurs propres mots au tesmoignage dudit Athanase en sa seconde Apologie. Iules prend ceste occasion au poil, & assemble incontinent vn concile d'environ cinquâte Euesques voisins, & au lieu de se porter pour arbitre ou Iuge agreé, il tranche du Souuerain: admet Athanase & autres deposez par les Orientaux, à sa communion: ordonne qu'ils seront reestablis en leurs sieges: Et escriuit aux Euesques d'Orient des lettres, esquelles il parloit en maistre, les reprenant d'auoir mal & temerairement jugé. Mais ils luy firent vne response pleine de brocards & de menaces, & l'aduertirent de faire ses affaires sans se mesler des leurs. Tellement que ce pretendu reestablissement fait de la sorte, & contre la volonté de l'Empereur Constantius, n'eut point d'effect, & salut qu'Athanase se tint caché durant trois ans, & qu'en fin il se sauua encor à Rome

à Rome rière la domination de Constant, qui print cest affaire à cœur, & pria par lettres Constantius son frere, que par l'autorité d'eux deux vn concile general de tout l'Empire Romain fust conuocé, pour juger l'affaire d'Athanase & des autres. Ce qui fut accordé; & en suite par le mandement desdits deux *Empereurs* *ledit Concile* fut conuocé à Sardique ville d'Illyrie appellée Triaditza, depuis qu'elle a esté occupée par les Turcs, & ce en l'année 347. & ainsi vingdeux ans apres le concile de Nicée.

VI. Là se trouuerent enuiron trois cents Euesques de l'Empire d'Occident, & septantefix de celuy d'Orient: & les Orientaux ne voulurent point entrer en concile & conserer avec les Occidentaux, sinon sous ceste condition, qu'Athanase & autres qui auoyent esté condamnez & deposez par leurs Synodes, en fussent exclus: ne faisans par ce moyen aucun estat du jugement & pretendu reestablisement d'iceux, fait par Iule Euesque de Rome. Laquelle condition leur ayant esté refusée ils protesterent de nullité contre ce que les autres feroient, & se retirerent en Philippopolis en Thrace, où ils tindrent vn Concile à part, & là ils cōdamnerent le mot de *consubstantiel*, & deposèrent de leurs charges lesdits Athanase & Iule, Osius Euesque de Cordouë en Espagne, & autres adherans dudit Athanase.

V. Au contraire, ceux qui estoient demeurez à Sardique, confirmerent voirement la doctrine du concile de Nicée: mais aussi ils condamnerent ceux qui disent, qu'il y a trois hypostases diuines, comme si le mot *hypostase* signifoit essence ou substance. Reestablirent entant qu'en eux estoit, Athanase & les autres Euesques Orthodoxes, sans faire mention du jugement fait par Iules: & deposèrent ceux qui les auoyent deposez. Mais ils reestablirent aussi Marcel Euesque d'Ancyre, notoirement heretique, & recognu pour tel, mesme par le premier concile de Constantinople, canon 1: Et ainsi chacune des parties cuidoit auoir le droit de son costé, dit Socrate *liure 2. chap. 16.*

VI. Cest estrif & diuision fut causé que par vn general consentement des Eglises, tout ce qui auoit esté fait de part & d'autre fut tenu pour nul.

VII. Voila pourquoy les Papes Zozime, Boniface & Celestin en l'année 417. & suivantes (& ainsi seulement septante ans apres ledit Concile de Sardique) pretendans de deuoir cognoistre en

dernier ressort des appellations des Euesques d'Afrique, n'oserent pas se seruir ouuertement des canons dudit Concile, tant est loin qu'ils le tinssent pour œcumenique ou vniuersel: mais supposèrent vn faux canon du Concile de Nicée. Et les Euesques d'Afrique, entre lesquels estoit S. Augustin, ayans soustenu que ce canon non seulement n'estoit pas au Cōcile de Nicée, mais qu'il n'estoit en aucun Concile (assauoir approuué ou non rejeté) lesdits Papes ou leurs Legats ne dirent point, qu'en leurs memoires on auoit mis vn Cōcile pour l'autre, & que celuy de Sardique estoit bon & œcumenique aussi bien que celuy de Nicée. (par où la dispute eust esté voidée au profit des Euesques de Rome: ) mais salut enuoyer à Constantinople & Alexandrie voir les Originaux, & en faire extraits par lesquels la fausseté fust pleinement descouuerte. Comme aussi au Concile de Chalcedoine tenu l'an 451 les Légats de Leon I. n'oserent y alleguer les canons dudit Concile de Sardique, qui eussent grandement serui pour faire ordonner, que l'Euesque de Constantinople ne deuoit pas estre egalé en tout & par tout à l'Euesque de Rome, puis que les appellations en dernier ressort luy estoient deferées par ledit Concile de Sardique.

VIII. Et qui plus est, le Pape Gelase I. enuiron l'an 490. au nombre & catalogue qu'il fait des canons & liures approuuez, n'y met point celuy de Sardique *c. sancta, dist. 15.*

IX. Il est vray que ledit Concile de Sardique ayant esté adjousté audit Code Romain enuiron l'an 527. comme dit est, on le fit apres aïsement receuoir en l'année 691. au Concile sixiesme, canon deuxiesme, mais non comme œcumenique, mais particulier, & non mis en son rang auant ceux de Constantinople & d'Ephese, mais tout le dernier. Et aussi n'a-il jamais esté compté entre les œcumeniques *c. sexta & c. prima, dist. 16.* ni par Iustinian, *Nou. 131.* ni par Gregoire I. *lib. 1. Ep. 24.*

Et toutesfois aujourd'huy Conciles.

Il y en a qui osent dire, que c'est vn des Conciles vniuersels, & comme tel est placé au grand volume des Conciles auant celuy de Constantinople, & avec ce tiltre, *Le Concile de Sardique œcumenique.*

X. Mais posé le cas que ledit Concile fust vniuersel & approuué, comme il n'est pas: toutesfois il est plustost contraire que fauorable à l'opinion du Pape.



**xi.** Car par iceluy on a voulu ottroyer au Papē quelques priuileges fort restraints & limitez : là où il soustient qu'il a son pouuoir non des hōmes ou des Conciles, mais de Dieu seul : qu'il est le souverain Iuge de l'Eglise, & est par dessus les conciles, lesquels il peut casser & reuoker comme bon luy semble.

**xii.** Voici comment par les canons & pratique de l'Eglise, & notamment par le canon 12. du cōcile d'Anrioche tenu en l'an 341. (& ainsi cinq ans seulement auant celuy de Sardique) il estoit dit, Que l'Euesque depozé par le Synode de sa Prouince, se deuoit adresser à vn plus grand Synode, & là représenter son droit & receuoir iugement ( le Pape ne s'estoit pas encor reserué la deposition des Euesques) ledit plus grand Synode fut depuis interpreté celuy de toutes les Prouinces du Diocèse par le canon fixième du premier concile de Constantinople. Du iugement duquel Synode ou concile Patriarchal n'y auoit point d'appel, *Nou. In-stit.* 123. cap. 22. ni aussi du Prouincial ou Metropolitain, lors que tous les Euesques de la Prouince, nul discrepant, auoyēt esté d'aduis de la condamnation, suiuant le canon 15. dudit concile d'Antioche. Or parce que Athanase auoit esté condamné par les conciles de son Diocèse : Que tous les Euesques d'Orient estoient ou Arriens ou demi Arriens : Que Constantius Empereur d'Orient estoit aussi Arrien & grand ennemi des Catholiques : Qu'on n'auoit tenu compte de la sentence de reſtabliſſement dudit Athanase faite par Iule Euesque de Rome, & mesme qu'on l'auoit excommunié à Philippopoli, & Osius & tous ceux qui auoyēt receu ledit Athanase en leur communion. Voila pourquoy les Euesques Occidentaux demeurz à Sardique, d'un costé excommunierent aussi leurs excommunicateurs. Et d'autre part, au lieu de confirmer simplement le iugement rendu par Iules ( comme ils eussent fait, s'il eust esté tenu par eux chef & Monarque de l'Eglise) ils reſtablirent ledit Athanase, & autres, comme dit est, & raseherent par leurs 3. 4. & 7. canons de rendre pour l'aduenir en quelque sorte ledit Iules (qui estoit sous la domination de Constantins Empereur Orthodoxe) Iuge comperant des appellations qui seroyent interjertées par les Euesques depozéz, mais fort ambiguement. Et c'est pourquoy Binius, au grand volume des conciles, en a mis trois diuerſes Editions en trois colonnes, dont la substance semble estre ( selon mesmes Balsamon, & le memoire



baillé par le Pape Zosimus à ses Legats au cōcile sixième de Carthage) Que pour honorer charitablement la memoire de S. Pierre, si quelque Euesque est condamné à l'aduenir par les Euesques de sa Prouince, & qu'il estime d'auoir esté greué, & vueille recourir du iugement, ceux qui auront jugé, en escriront à lule Euesque de Rome : Et s'il estime n'estre besoin d'autre iugement, la sentence tiendra : mais s'il juge necessaire que le procez soit reueu & le iugement renouuellé, il escrira aux Euesques de la Prouince voisine de bien & diligemment examiner l'affaire & le terminer selon la verité. Que si celui qui est recourant peut persuader à l'Euesque de Rome estre necessaire d'enuoyer quelqu'un de ses Prestres avec pouuoir suffisant pour assister au iugement, il le pourra faire.

xiii. Si lesdits trois cents Euesques Occidentaux eussent veu, que nostre Seigneur Iesus Christ par ces propos dits à S. Pierre, *Je te donneray les clefs*, &c. & *pay mes brebis*, &c. eust establi l'Euesque de Rome chef & Monarque de l'Eglise, jamais ils n'eussent osé entreprendre de faire lesdits iugemens de la sorte.

xiv. Car premierement Osius qui presidoit audit cōcile, fait ainsi la propositiō au canon troisieme, *S'il vous plait*, au lieu qu'il deuoit dire, *Nous deuons* obseruer l'ordonnance du Seigneur, & faire recognoistre l'Euesque de Rome pour Iuge souuerain de toute l'Eglise.

xv. Secondement il fonde sa proposition non sur aucune loy ou Diuine ou Ecclesiastique, mais seulement sur la charité, afin que la memoire de S. Pierre fust honorée : là où il eust dit, Rendons l'obeïssance qui est deuë au Lieutenant de Iesus Christ, & successeur de S. Pierre. Et c'est pourquoy en la version Latine, on a expressement obmis ce mot charitablement ou par charité, *καὶ ἀγάπῃ*, qui monstre qu'ils ne pouuoient estre contraincts à cela.

xvi. Tiercement au lieu que la cognoissance de toutes choses grandes & importantes appartient à l'Euesque de Rome, selon son dire, & le iugement de toutes appellations, ils ne luy attribuēc la cognoissance que des seuls Euesques condamnez, & non pour tousiours, mais seulement pour l'aduenir.

xvii. En quatriesme lieu ils veulent que les Euesques puissent estre condamnez par les Synodes Prouinciaux ou Diocésains, là où le Pape se reserue à soy seul la cōdamnation *c. discentere, c. quatuor*

*nie, & c. dudum 3. q. 6.*

xviii. En cinquiesme lieu ne luy permettēt pas de juger à Rome de l'appellation, & de reformer luy mesmes le jugement: mais luy prescrirent la forme qu'il deuoit suiure, au cas qu'il puisse estre persuadé que le procez doive estre reueu, en renuoyant le jugement sur les lieux: au lieu que c'eust esté à eux de receuoir loy de luy & suiure ses commandemens.

xix. En sixiesme lieu, en leur Epistre Synodale, adressée à tous les Euesques de l'Eglise Catholique, rapportée par Athanase en sa seconde Apologie, ils disent auoir esté conuoquez par les Empereurs, là où le Pape soustient, que c'est à luy seul à les conuoquer: & appellent luy leur Communistre, & ne luy donnent autre tiltre que d'Euesque de Rome.

xx. De ce que dessus s'ensuit aussi infailliblement, que si au Concile de Nicée il eust esté dit, que l'Eglise Romaine a receu sa primauté & pouoir non des hommes, mais de Dieu seul, & qu'à l'Euesque de Rome appartlēt de juger en dernier ressort de toutes appellations. Osius, qui y auoit assisté & presidé, & en auoit la memoire fraische, n'eust pas fait ceste proposition audit concile de Sardique pour l'ordonner de nouveau, & pour restreindre & diminuer l'ordonnance dudit concile œcumenique de Nicée, comme jadis fut tresbien remarqué par Hincmarus Euesque de Reims en son liure contre Hincmar Euesque de Laon *chap. 20.* Et par consequent, que les quatre vingts canons dudit concile de Nicée qu'on produit aujourd'huy colligez par Alfonse Pisán l'esuite, de certain code Arabe & rhabillez par Turrianus, & qui attribuent au Pape vn immense & souuerain pouoir, sont faux & supposéz.

xxi. Aussi lesdits canons de Sardique n'ont eu aucun lieu soit en Orient ou en Occident.

xxii. Et mesme par le canon 22. du concile Mileuitain en Afrique tenu l'an 402. les appellations outre-mer furent expressement prohibées. Tellement que l'alteration ou falsification de Gratian *in c. placuit 2. q. 6.* est absurde, ayant adjousté du sien, *hormis à l'Eglise Romaine*: car il s'agissoit principalement d'elle. Et le canon dudit concile de Sardique qu'il produit incontinent pour donner couleur à son exception, est anterieur de soixāte sept ans, & ainſi n'eust peu deroger au Mileuitain posterieur.

xxiii. Et le canon du concile de Chalcedoine, qui est œcumenique & postérieur à celui de Sardique de plus de cent ans, ordonne, que la cause du Métropolitain en première instance, ou l'appel dudit Métropolitain, soit traitée & vidée souverainement & en dernier ressort ou par devant l'Exarche & Patriarche du Diocèse, ou au siège de la ville Royale de Constantinople, sans parler de celui de Rome, & à son exclusion.

xxiv. Et neantmoins ceste addition des canons du concile de Sardique au Code de l'Eglise Catholique seruit de pretexte, pour enjamber sur la liberté des Eglises de Gaule.

## CHAP. XI.

### *Des canons des Conciles d'Afrique adjoustez au Code de l'Eglise Romaine.*

1. **E**N dernier lieu furent adjoustez au Code de l'Eglise Romaine environ l'an 527. par Denis le Petit cent trente huit canons des conciles d'Afrique, desquels luy mesme fit les titres & sommaires: La cause, pour laquelle le Pape fit ou souffrit ceste addition estre faite aux canons receus & approuvez par l'Eglise universelle, est vray semblablement pour monstrier son autorité & puissance, en égalant les canons des conciles d'un Diocèse à ceux des conciles œcumeniques, ou approuvez par eux. Car autrement lesdits canons des conciles d'Afrique sont plus contraires que favorables à sa prétendue souveraineté. Et les Eglises des Gaules s'en sont servies pour maintenir leur liberté, comme sera dit ci après.

II. Lesdits canons ont esté prins & compilez de divers conciles d'Afrique, & sont mis tous d'une suite par Balsamon: mais par Denis le Petit ils furent distinguez ainsi, comme si les trente trois premiers estoient d'un concile de Carthage unique, & les autres de divers conciles d'Afrique. Et de fait, Gratian les cite sous le nom du concile unique de Carthage au *can. 51. placuit 12. q. 2. & c. nullus 39. causa 17. q. 4.* & ainsi l'appellent les Repurgateurs dudit Gratian *ad c. cum in praterito, distinct. 84.* Et sur le *c. de libellis, dist. 20.* Et le *c. prima, dist. 16. vers. septima*, dit, qu'audit concile assistèrent 217 Evêques, qui firent trente trois canons. Ceste ambiguité

guité & diuersité procede de ce qu'on n'a peu jusques icy resoudre au vray le temps que les conciles ont esté tenus en Afrique, & y en a grâde dispute entre les Cardinaux Baronius & du Perron.

III. Quoy qu'en soit, on est d'accord qu'il a esté fort peu adjousté ou diminué esdits 138 canons. Je di fort peu, d'autant qu'on peut y auoir fait quelques additions ou retranchemens: comme au vingtquatriesme dudit Concile vnique, qui a esté tiré du quarantesepiesme canon du troisieme concile de Carthage, on a adjousté les deux liures des *Machabées* au nombre des liures Canoniques. Et ceste alteration a esté suiue de toutes les Editions des conciles contre le texte Grec de Balsamon au 27. canon: & contre le canon 163. de l'Eglise vniuerselle, qui est le dernier du concile de Laodicée: & aussi contre l'opinion du Pape Gregoire premier, lequel au 19. des *Morales sur Job. chap. 19.* voulant alleguer vn passage des *Machabées*, s'excuse ainsi: *de laquelle chose nous ne parlons point hors de raison, si nous produisons des témoignages des liures non Canoniques.* Et cela peut estre vne des raisons pour lesquelles Gratian n'a point inseré ledit canon de Carthage en son Decret, non plus que celuy de Laodicée. Et l'autre, parce que au temps de la compilation du Decret de Gratian, assauoir en l'an 1151. les Euesques de Rome pretendoient & enseignoyent qu'à eux seuls appartenoit de decider les questions de la foy, & de declarer quels liures sont & doiuent estre tenus pour canoniques, & partant que lesdits conciles de Laodicée & de Carthage auoyent entrepris sur leur autorité.

IV. On est aussi d'accord, qu'en l'année 402. Innocent premier estant Euesque de Rome, fut tenu le concile Mileuitain, du vingtdeuxiesme canon duquel a esté tiré le vingthuiiesme canon dudit concile vnique de Carthage, & qui est le trentevniesme en Balsamon, par lequel fut ordonné, *Que les Prestres, Diacres & autres cleras appelleroient du jugement de leurs Euesques aux autres Euesques voisins: & d'iceux aux Conciles d'Afrique, ou aux Primats de leurs Prouinces, & non outre mer, à peine d'estre excommunié: ainsi que cy deuant a esté souuent ordonné touchant les Euesques.*

V. A cause dequoy Zosime, successeur dudit Innocent, recognoissant que ce canon auoit esté principalement fait contre son siege, tacha d'y remedier: car estant aduerti en l'année 417. qu'il se tenoit à Carthage vn concile general des Eglises d'Afri-

que, il y enuoya trois siens Legats, assauoir Faustin Euesque, Philippes & Acellus Prestres, auxquels il bailla memoires & instructions tresexpresses de faire en sorte que d'Afrique on peust appeller à Rome, suiuant ce qu'il disoit auoir esté ordonné au concile de Nicée, duquel il leur bailla le pretendu canon tout au long, qui n'estoit autre chose que le septiesme canon de Sardique.

vi. Lesdits Legats, quoy que representans la personne de l'Euesque de Rome ne presiderent pas audit concile, mais Aurelius Euesque dudit Carthage. Ils ne siegerent pas aussi apres ledit Aurele, ains Valentin Euesque *du premier siege de Numidie* : mesmes les deux Legats Prestres furent placez apres tous les Euesques. Là ledit Faustin ayant estalé ses memoires, & n'ayant allegué, pour justifier la cause de son maistre, que ledit pretendu canon de Nicée, duquel lecture fut faite: tous les Euesques là assemblez au nombre de 217. & entre lesquels estoit S. Augustin, furent grandement estonnez de ladite supposition, & dirent n'auoir jamais ouy parler de tel reglement, & qu'aux extraicts des canons dudit concile de Nicée rapportez par leurs deputez, n'y auoit rien de semblable: & que pour mieux en descouurir la verité, il falloit escrire aux Euesques de Constantinople, Alexandria & Antioche pour en auoir des autres extraicts bien collationnez. Ce qui fut fait, & lesdits extraicts renuoyez furent trouuez entierement conformes aux leurs en vingt canons, qui furent leus, publiez & enregistréz. Et par ce moyen l'imposture estant descouuerte, lesdits canons prohibans aux Euesques, Prestres & autres clerics, les appellations à Rome, furent confirmez.

vii. Durant ce temps là mourut non seulement *Zosime*, mais aussi *Boniface* qui luy auoit succédé, & *Celestin* fut mis en sa place: auquel ledit concile escriuit ceste belle & excellente Epistre qui est au bout desdits canons d'Afrique; & fait le cent cinquiesme chapitre audit Code Romain: & de laquelle le tiltre fait par ledit Denis le Petit est tel: *Epistre de tout le concile d'Afrique, à Celestin Euesque de la ville de Rome*. Par icelle ils ne qualifient ledit Celestin que trescher Sieur & honorable frere, & entr'autres choses disent: Apres t'auoir rendu le deuoir de salutation, Nous te prions instamment que desormais tu ne reçoies si aisement à tes oreilles ceux qui viendront d'icy, & que tu ne reçoies plus à la communion ceux que nous aurons excommuniez: car aussi vostre  
venera-

venerabilité reconnoistra aisément, que cela est defendu par le concile de Nicée. Car encor qu'il semble que *cela soit defendu aux clercs inferieurs & laïcs*, combien plus a-il voulu que cela fust pratiqué és Euesques, à ce qu'estans suspendus de la communion ils ne soyent reestablis à la communion par vostre sainteté hastiue-  
ment ou indeuëment? Que vostre sainteté aussi rejette les *meschantes retraites* des Prestres & autres clercs inferieurs. Car nul reglement des Peres n'a osté cela à l'Eglise d'Afrique: & les Decrets de Nicée ont assujetti tant les clercs des degrez inferieurs que les Euesques à *leurs metropolitains*. Car ils ont pourueu tresprudemment & tres-justement que les affaires soyent terminées és lieux où elles sont nées: s'assureans que la grace du S. Esprit ne defaudra point à chasque Prouince, par laquelle l'equité soit aperceüe prudemment par les Prestres de Christ, & constamment gardée, veu principalement qu'il est permis à chacun, s'il est offensé par le jugement de ses Iuges, d'en appeller *au Concile de sa Prouince*, ou *mesmes à un Concile vniuersel*, si ce n'est peut estre que quelqu'un croye que Dieu peut inspirer à quelcun (ou à certaine personne) la justice de l'examen d'une cause, & la refuser à vne multitude d'Euesques assemblez en concile. Ou comment le jugement d'outre-mer pourra-il estre valide, auquel on ne peut amener les personnes des tesmoins necessaires à cause de l'infirmité du sexe ou de l'aage, ou pour plusieurs autres empeeschemens qui entretiennent? Car quant à enuoyer du costé de vostre sainteté quelques personnes, nous ne trouuons point que *cela ait esté ordonné par aucun Synode des Peres*. Car ce que vous nous auez pieça enuoyé par Faustine nostre compagnon en l'Episcopat, comme estant du concile de Nicée, nous n'auons peu le trouuer aux exemplaires plus veritables des conciles enuoyez par S. Cyrille nostre compagnon Euesque de l'Eglise d'Alexâdrie, & par le venerable Atticus Euesque de Constantinople, lesquels aussi nous auons enuoyez à Boniface vostre predecesseur, de venerable memoire par Innocent Prestre & Marcel Sousdiacre. Gardez-vous aussi de nous enuoyer de vos clercs pour executeurs en faueur du premier qui le demande, de peur qu'il ne semble que nous voulions introduire l'orgueil fumeux du siecle en l'Eglise de Christ, laquelle porte la lumiere de simplicité, & de la clarté d'humilité deuant ceux qui desirent voir Dieu.



viii. De ceste veritable histoire resulte premierement, que lesdits Papes Zozime, Boniface & Celestin n'estimoyent pas que Iesus Christ eust constitué l'Euesque de Rome souuerain juge de son Eglise; & luy eust donné pouuoir par dessus les conciles vniuersels, soit par ces paroles, Dites à S. Pierre, *Tout ce que tu lieras en terre, &c. &c.* Pay mes brebis, ou autres. Car autrement pour tascher de persuader que les appellations, soit d'Afrique ou d'ailleurs, deuoient estre interjetées par deuant eux, ils n'eussent pas recélé l'autorité des canons des conciles, vrais ou supposez: mais eussent allegué l'ordonnance diuine, & les susdits passages, desquels on s'est depuis voulu seruir.

ix. Secondement, qu'aucun des canons des conciles de Nicée ou autre approuué n'attribuoit à l'Euesque ou siege de Rome, le droit & pouuoir de juger des appellations des Euesques ou Prestres d'Afrique, des Gaules ou autres qui estoient hors l'estendue de son Patriarchat: autrement ils n'eussent pas supposé vn canon de Sardique au lieu de Nicée, comme a esté dit au chapitre precedent.

x. Tiercement, que lesdits deux cents dixsept Euesques ni aucuns des autres d'Afrique, n'ont point creu que de droit diuin l'Euesque de Rome fust leur souuerain, & n'ont point entendu les paroles demontre Seigneur, comme on les veut aujourd'huy interpreter: car autrement ils auroient incontinent acquiescé à la requisition d'iceluy: & n'eussent contredit les instructions baillees à ses Legats: moins se fussent-ils mis en peine de verifier, si par quelque concile le jugement des appellations en dernier ressort luy auoit esté accordé: & d'enuoyer avec tant de longueur, frais & fuigues en Alexandrie, Antioche & Constantinople pour auoir des extraits authentiques des canons dudit concile de Nicée. Mais ils estoient trop bons Theologiens, mesme S. Augustin, pour n'ignorer pas cela. Et c'est pourquoy tenant pour tout certain, que Iesus Christ ne luy auoit point donné ce pouuoir, ils ont voulu monstrier & verifier (comme ils ont fait) que les conciles & constitutions Ecclesiastiques ne le luy attribuent non plus.

xi. En quatriesme lieu, que là où lesdits Euesques de Rome pour establir leur jurisdiction, produisoient vn faux canon du concile de Nicée, lesdits Euesques Africains, pour retenir & ramener dans les limites de sa jurisdiction l'Euesque de Rome, luy alleguent



alleguent les vrais canons du concile de Nicée: & luy monstrent que par iceux (assauoir par les canons 4. 5. & 6.) il luy est defendu de receuoir à sa communion ceux qui auoyent esté excommuniés par eux: & de retirer les Euesques ou Prestres des autres prouinces complaignans, & d'euoquer leurs causes qui doiuent estre traitées ou au concile de la prouince par deuant le metropolitain, ou en dernier lieu en vn concile vniuersel: & que par aucun concile il n'a esté ordonné, qu'il puisse enuoyer des Legats de son costé aux prouinces.

x i i. Par ce moyen tant s'en faut qu'ils auoient que l'Euesque de Rome soit de droit diuin ou humain par dessus les conciles, & qu'il puisse les reformer ou infirmer à son plaisir: qu'au contraire ils le declarent subiet à iceux, & estre comprins aux reiglemens generaux dudit concile de Nicée de mesme que les autres Euesques & metropolitains. Et ainsi sont diametralement contraires à ce que dit le Pape Pascal *in c. significasti 4. extra de Election.* qu'en tous les canons des conciles est tousiours exceptée l'autorité du Pontife Romain.

x i i i. Voila pourquoi Gratian *in d. c. 35. placuit 2. qn. 6. au susdit Canon* prohibât d'appeller outre mer, a mis du sien ceste exception *sinon au siege Romain.* Mais ceste exception est inepte, comme a esté dit cy dessus, selon l'opinion mesmes de Bellâmin *au liure 2. chap. 24. 5. respondeo aliqui. du Pontife Romain,* où il dit, qu'au contraire ce canon fut principalement fait contre l'Eglise Romaine: Mais qu'il ne parle que des Prestres & moindres clercs non des Euesques. Ce qui est contre les propres mots du canon 28. dudit concile vnique de Carthage, mis audit Code Romain, lesquels nous auons transcrits cy dessus, où est dit notamment *Comme il a esté souuent ordonné des Euesques.* Et ainsi est-il en Balsamon.

x i v. Il peut bié estre, & est vray-semblable, que lors du concile Mileuitain en l'année 402. il ne fut parlé que des Prestres: Mais qu'en ce grand concile fixieme, où tous les precedens furent reueus, on y adiousta ceste clause de la contention suruenue des susdits Euesques de Rome. Et quoy qu'en soit, elle se trouue au texte Grec, & au Latin dudit code Romain.

x v. Mais bié qu'elle n'y seroit pas, toutesfois ce cano seroit tousiours fort contraire à la pretention du Pape, de pouuoir enoquer

& attirer à soy toutes les causes que bon luy semble, & d'exempter ceux qu'il veut de la iurisdiction des Euesques, metropolitains ou Patriarches. Car ce n'est point aux inferieurs de faire des ordonnances, & d'inhiber les appellations : Mais c'est au souverain de faire la loy, & prescrire en quel cas on peut & doit appeler. Joint que la susdite lettre par eux escrete audit Celestin, oste toute difficulté, disans que si cela est defendu aux Prestres, & cleres inferieurs, à plus forte raison est-il prohibé aux Euesques. Aussi & Baronius & du Perron treuvent à redire & contreroller en icelle, & osent taxer d'ignorance les Peres dudit concile, mesme saint Augustin.

xv r. Le 9. canon dudit concile de Carthage fait sur la proposition dudit saint Augustin inferé au droit de Gratian, *C. qui merito* 11. q. 3. porte, que l'Euesque ou Prestre qui aura receu à la communion l'excommunié, sera luy mesme excommunié sans excepter l'Euesque de Rome, qui pretend ne pouvoir estre excommunié ou iugé par aucun : & s'est reservé le iugement des Euesques.

xv r r. Par le 17. canon la Mauritanie Sitifene est separée de la province de Numidie, & ordonné qu'à l'avenir elle aura son primat ou metropolitain. Ce qui est contraire à la doctrine de l'Euesque de Rome, qui pretend qu'à luy seul appartient d'eriger les metropolitains, Archeuesques, Primats & Patriarches *sup. lin. 1. chap. 10.*

xviii. Par le canon 19. prins du 3. concile de Carthage c. 7. & inferé au droit de Gratian *C. quisquis* 4. q. 5. la cause de l'Euesque accusé doit estre traitée & iugée par devant le primat de sa province : & si il y a appel, terminée par devant le concile vniuersel d'Afrique. Et au contraire le Pape dit, que le primat ou metropolitain peut bien instruire & former le procès de l'Euesque, mais non proceder à la condamnation laquelle il se reserve.

xi x. Par le 24. canon ledit concile declare quels liures sont canoniques : ce que le Pape soutient estre de sa seule cognoissance, & luy appartenir priuatiement à tous autres.

xx. Par le 26. qui est rapporté par Gratian *can. nullus* 39. *causa* 17. q. 4. est permis au primat avec l'aduís de certain nombre d'Euesques d'aliener les biens de l'Eglise : laquelle permission le Pape se reserve, & prohibe toute alienation *can. 5 2. sine* 12. q. 2.

xxi. Par

xxj. Par le 28. duquel a esté parlé cy dessus, est defendu aux Euesques & Prestres d'appeller à Rome, à peine d'excommunication.

xxii. Le 6. canon du concile d'Afrique rapporté par Gracian *can. prima dist. 99.* ordonne, que l'Euesque du premier siege ne soit point appelé Prince des Euesques, ou souverain Prestre, ou telle chose, mais seulement Euesque du premier siege. Et aussi en aucun des conciles d'Afrique ne se trouue le nom de *Archeuesque ou Patriarche*, ains seulement de primat ou de metropolitain. D'où appert que le siege ou la ville donoit la primauté, & non la qualité de la personne : Et que cela ne depend point de la volonté de l'Euesque de Rome, comme il pretend.

xxiii. Par le 68. canon dudit Concile d'Afrique est dit, que sur la dissension qui estoit entre l'Eglise Romaine & celle d'Alexandrie, lettres seroyent escriptes au saint Pape Innocent, à ce que l'une & l'autre desdites deux Eglises garde de son costé la paix que nostre Seigneur a commandée. Au lieu d'ordonner (suiuant la pretension du Pape) qu'il seroit escrit à l'Eglise d'Afrique de se conformer à la volonté de l'Eglise de Rome, maîtresse de toutes les autres.

xxiv. Et par le 70. canon est dit, qu'on ne se seruira point d'autres prières & d'autres ceremonies en l'imposition des mains, que de celles qui auront esté approuvées en plein concile: au lieu de se conformer à la Liturgie de Rome.

xxv. Par le 92. Celuy qui appellera outre mer, soit à Rome ou ailleurs, est excommunié. Dequoy a esté parlé cy dessus.

## CHAP. XII.

*Des Epistres decretales des Papes adioustées aux Canons de l'Eglise Catholique.*

I.



ORS que Denis le Petit translaté de Grec en Latin les Canons du Code de l'Eglise Catholique, qui fut environ l'an 527. de nostre Seigneur, il n'y adiousta, comme dict est, que les canons attribués aux Apostres, & ceux des Conciles de Sardique & Afrique. Mais depuis & à mesure

que le pouuoir des Euesques de Rome s'accroissoit. on y adiousta les Decretales de treize Papes, desquels le premier est Siricius qui siegea l'an 385. & le dernier, Gregoire I. l. qui siegea l'an 715. & encor ceste addition ne fut pas faite tout à coup. Car du commencement n'y furent adioustées que les Decretales de six Papes, assauoir de Sirice, Innocent, Zosime, Celestin, Leon, & Gelase: comme appert par l'abregé, ou breuiare qui fut fait des canons du Code Romain par Crisconius, & qui est mis à la fin dudit Code imprimé à Paris l'an 1609.

ii. Mais du moins en l'annee 848. les Decretales desdits treize Papes estoient adioustées audit Code. Car Leon 4. qui siegeoit en ce temps là, en fait le denombrement *c. de libellis D. 20.* où il dit, que par les seuls canons & regles dudit Code, iugent & sont iugés les Euesques & clercs: & ainsi les decrets & ordonnances des Papes (du moins les iointes audit Code) furent dès lors égales par eux aux canons des conciles vniuersels.

iii. Et encor ne s'en sont-ils pas tenus là. Car cōme auparauāt Agaton auoit dit, que toutes les ordonnances du Siege Apostolique doiuent estre receuës, comme si elles auoyent esté affermées de la propre voix de saint Pierre *c. sc. omnes Dist. 19.* Aussi environ dix ans après, assauoir en l'an 858. le Pape Nicolas ordonna, que toutes les Epistres decretales des Papes iointes ou insérées audit Code ou non, doiuent estre venerablement receuës & obseruées. Et Gratian en ladite distinction 19. *C. in Canoniciis* dit, que les Epistres decretales, quoi que non comprises au corps des canons, sont escritures canoniques. Et pour preuuer cela, corrompt & falsifie vn passage de saint Augustin qui parle des saintes Escritures, & non des escrits ou decrets des Papes, ainsi que les Correcteurs Gregoriens ont esté contraints de recognoistre. Et en suite de cela ledit Gratian a rempli son Decret non seulement des decretales veritables, mais aussi des faulses & supposées, comme a esté dit cy dessus.

iv. Vray est, que les decretales non incorporées au corps des canons n'ont iamais esté receuës en nostre France: & les ailes des annexées audit Code de l'Eglise vniuerselle ne furent pas assés fortes pour voler iusques à nous, sinon au temps de Charles Magne: le subiect & l'occasion se peut remarquer par l'histoire auoir esté cestuy cy.

v. En mesme temps, assauior au commencement du septiesme siecle, les Euesques de Rome cerchoyent occasion de se-couër entierement la domination de l'Empereur de Constanti-nople, à cause de sa foiblesse en Occident, & de se rendre mai-stres absolus de la ville & Duché de Rome: & les Maires du Pa-lais de France, de se faire declarer Roys de France, puis que dès long temps ils auoyent tiré à eux toute l'autorité Royale, & que le seul nom leur manquoit. Pour paruenir à leurs fins, les vns auoyent recours à l'aide des autres.

vi. En l'an 712. Constantin Euesque de Rome defendit aux Italiens, de receuoir aucunes lettres de l'Empereur Philippicus Bardanes, de se seruir de sa monnoye, & de colloquer sa statue es temples, & de le nommer au seruice public, sous pretexte qu'il estoit ennemi des images, & defendoit qu'elles fussent mises es Eglises. Gregoire II. successeur dudit Constantin, passe encor plus outre. Car il absout pour mesme subject, les peuples d'I-talie du serment de fidelité qu'ils auoyent fait à Leon III. dit Isaurique, & leur defend de luy payer tribut ou rendre aucune obeïssance. D'où s'ensuiuit vne horrible seditiõ & carnage, & en-tre autres, Paul Exarche de Rauenne fut massacré, & à Pierre Duc de Rome furent creués les yeux: & les Romains iurerent solemnellement d'obeir en toutes choses au Pape. Par ce moyen Rome & le Duché Romain vint en la puissance du Pontife, estant osté aux Grecs à cause de leur meschante heresie, dit Sigonius au liure 3. du regne d'Italie, & Baronius anno 726.

vii. Leon Empereur voulant auoir raison de ces attentats & felonniez, donna à Marin son conseiller le gouuernement de la ville de Rome: mais Gregoire pour maintenir son vsurpation contre son Prince naturel eut recours aux Lombards. Et ainsi il arracha (dit Onuphre) à Leon Auguste ce qui luy restoit de l'Em-pire d'Italie.

viii. Depuis les Lombards deuenus ennemis du Pape, s'e-stans approchés de Rome avec vne puissante armee, ledit Gre-goire s'adressa à Charles Martel Maire du Palais, le suppliant de le prendre en sa protection, & de deliurer l'Eglise de Rome de la tyrannie des Lombards: & pour gagner son amitié luy enuoya les clefs & bannieres du seputchre de Saint Pierre, avec des grands presents. Charles, qui auoit besoin de la faueur du Pape

(quoi que d'ailleurs il travaillast fort les Ecclesiastiques, à cause dequoy il fut surnommé Martel, comme dit le President Fauchet) print ceste occasion au poil, & enuoya par vne solennelle Ambassade audit Pape de fort beaux presents, pour allourance & confirmation de leur amitié. Ceste bonne intelligence continua entre Gregoire III. successeur de Gregoire II. & autres Euesques de Rome, & ledit Charles Martel, & Pepin son fils & heritier. Tellement qu'en l'annee 751. ledit Pepin ayant disposé toutes choses à son poinct, pour se faire declarer Roy, & deposer Childeric comme faincant & inutile, & n'estant plus question que d'oster le scrupule de conscience, que le peuple pouuoit auoir, il estima que l'aduis, consentement & approbation de l'Euesque de Rome luy seruiroit beaucoup. Zacharie, qui auoit succedé à Gregoire II. suiuant le prejugué de ses predecesseurs à l'endroit des Empereurs, treuua la chose iuste & raisonnable, & commit Boniface Archeuesque de Mayence son Legat, pour assister à la degradation de Childeric, & à l'election de Pepin, & pour l'pindre & saerer comme il fit. C'est ce Boniface auteur d'vne *se. Papa dist. 40.* qui porte, *qu'aucun homme viuant ne doit presumer de redarguer les fautes du Pape, parce qu'il iuge tous hommes & ne doit estre iugé de personne. sinon qu'il se deuoyast de la foy: voulant dire, qu'on peut bien deposer vn Roy, mais non pas vn Pape, quoy que inutile & vicieux.*

1 x. Peu de temps apres, assauoir en l'annee 753. Estienne III. successeur dudit Zacharie, presse encor des Lombards, qui s'estans emparés de l'Exarchat de Rauienne, pretédoient en consequence deueir aussi commander à Rome, comme souloyent faire les Exarches; treuua moyen de venir en France implorer le secours de Pepin & ayans traite de leurs affaires, confirmé alliance entr'eux, ledit Pepin, Berthe sa femme, & Carloman, & Charles leurs enfans firent de nouveau oñets, & couronnés à S. Denis par ledit Estienne, qui d'abondant deliura Pepin de la foy deuë à Childeric, & adjura les Seigneurs François là presents d'estre fideles au nouveau Roy, & à ses enfans, & de n'estire à l'aduenir autres Roys, que de sa maison, à peine d'excommunicatiõ. Il declara aussi ledit Pepin aduolié, c'est à dire, aduocat & protecteur des Romains: & en recompense ledit Pepin promit de secourir l'Eglise Romaine contre les Lombards, & de donner com-  
me dès



me dès lors il donna à S. Pierre & à ses successeurs, entierement tout l'Exarchat de Rauenne & toute la Pentapole. Comme aussi ledit Pepin promit de faire recevoir aux Eglises de France l'ordre Gregorien & les ceremonies Romaines, au lieu de l'Ambrosien qui estoit en usage. Il fut aussi pris ordre entr'eux pour l'investiture des Euesques, comme dit Vvaltran Euesque de Naumburg.

x. En suite de ce, Pepin ayant fait deux diuers voyages en Italie, & contraint les Lombards de quitter au Pape lesdits Exarchat & Pentapole, il rapporta en France l'ordre & chant Romain, suiuant ce qui auoit esté traitté & conuenu deuoir estre fait pour l'union & conformité du siege Apostolique, & la pacifique concorde de la sainte Eglise de Dieu, dit Charlemagne au premier liure de ses capitulaires, c.80.

xi. Par ceste submission les Eglises de Gaule commencerent à perdre beaucoup de leur ancienne liberté & auctorité, s'assujettissans aucunement aux Papes, & les recognoissans comme modérateurs des consciences. Ce qui les esleua en si haut & puissant degré, que de pouuoir depuis s'y maintenir par excommunications, voire & souuent avec l'espee, dit le President Fauchet *volume 2. liure 1. ch. 4. de ses Antiquitez Gauloises*. Aussi ce changement ne fut receu que le plus tard qu'on peut & avec grande contrainte, comme sera dit cy apres.

xii. Charlemagne fils & successeur de Pepin en l'année 774. ayant encor este appellé par Adrian Pape, reprint sur Difier Roy des Lombards Pauc & tout l'Exarchat de Ravenne, & fut fait & couronné Roy d'Italie, & estant allé à Rome de l'avis & consentement d'une assemblée de 154 Euesques & plusieurs Abbez, & de toute la Noblesse, fut déclaré Patrice, & luy fut donné pouuoir d'eslire le Pape & regler le siege Apostolique, & d'establir & instituer par tous les Frouinces les Archeuesques & Euesques: Et fil ne les auoit approuuez, qu'ils ne peussent estre sacrez. Et finalement, tous les contreuenans à ce Decret, furent excommuniiez & anathematizez. Mais en recompense, non seulement Charles confirma les donations faites par Pepin à l'Eglise de Rome, de l'Exarchat de Ravenne & Pentapole, mais y adjoûta plusieurs autres places & Seigneuries, sen reseruant neantmoins le droit de souveraineté. Il promit aussi audit Adrian de faire recevoir l'o-



ce & chant Romain és Gaules, comme son pere auoit promis : Et de plus, d'y faire receuoir le Code des canons de l'Eglise ainfi mutilé & additionné, comme nous auons dit cy dessus, lequel à ces fins ledit Pape Adrian luy mit entre mains.

xiii. A la reception tant dudit office que Code Romain il n'y eut pas peu de difficulté, & salut que les Eglises & Ecclesiastiques y fussent contraints par ledit Charlemagne *minis & supplicijs* par menaces & supplices : mesmes il faisoit brusler par toutes les Provinces, les liures de l'office de S. Ambroise: comme il se lit en la vie de S. Eugene, au rapport de Guill. Durand en son *Rational l. 5. chap. 2.* Et aussi il appert par l'histoire racontée au mesme chapitre par ledit Durand, que trente ans apres, l'office Gregorien n'estoit pas encor receu en Italie. Car il dit, qu'Eugene 2. qui siegea l'an 824. pour prendre resolution quel des deux offices deuoit estre obserué par l'Eglise, de l'aduis d'un concile qu'il conuoqua à ces fins à Rome, fit mettre les deux Messels Ambrosien & Gregorien sur l'autel de S. Pierre, fermer les portes, & icelles sceller du seal de plusieurs Euesques, & commanda que toute la nuit tout le concile fust en oraison à Dieu, afin que par quelque signe il declarast sa volonté. Et qu'ayant esté diligemment executé, le lendemain matin, le Messel Ambrosien fut trouué en sa place ouuert, & le Gregorien tout laceré & espars par l'Eglise: & que par ce signe ils furent enseigne, que l'office Gregorien deuoit estre espandu par tout le monde, & que l'Ambrosien deuoit seulement estre obserué en son Eglise: & qu'ainsi auoit esté prattiqué jusques au temps dudit Durand. A quoy l'autorité Imperiale auoit grandement serui.

xiv. Et par les Capitulaires dudit Charlemagne, & Louys son fils, on voit que lesdits Empereurs ont voulu s'acquitter de leur promesse, & faire receuoir à leurs Eglises ledit Code des canons Romains, veu que la plus grande partie desdits Capitulaires, & notamment du premier liure, est tirée dudit Code, & mesmes des canons du concile de Sardique & des decretales desdits treze Papes.

xv. Il est vray que comme és donations faites au Pape par Charlemagne, il se reserua le droit de souveraineté, & en jouit & ses successeurs: Aussi ne permit-il pas que lesdits canons ou Decrets des Papes fussent publiez, sinon sous son nom & comme


vne loy & ordonnance faite par luy & de l'aduis des Eſtats de ſes Royaumes. Et toutesfois par là & par la reception de l'office Romain, l'authorité & puiſſance du Pape fut grandement accrue, & la liberté de nos Eglises Gauloiſes beaucoup diminuée.

xv. Et quoy que vne bonne partie de nos Eueſques François fiſſent tout deuoir de ſ'oppoſer à ces attentats, en prouoquant aux anciens canons, juſques là, que Nicolas Pape de Rome, qui ſiegea l'an 858. leur reproche en ſon Epiſtre 42. qu'au lieu de recourir au chef, c'eſt à dire, au ſiege de Rome, ſuiuant les canons de Sardique, au contraire ils le meſpriſoyent tellement, qu'ils ne luy renuoyoyent point aucun des plus importants affaires de l'Eglise, & que ſans ſon aduis, & au meſpris d'iceſuy, ils auoyent entrepris de depoſer vn Eueſque, meſmes au prejudice de l'appel par luy interjeté au ſiege Apoſtolique. Toutesfois de là en auant, les choſes allerent en empirant, la digue eſtant vne fois ouuerte, & ne fut plus queſtion de débattre, Si les canons de Sardique & les Decrets des Papes joints audit Code, deuoient eſtre receus en Gaules, mais ſi toutes les Epiſtres & Conſtitutions Decretales, n'eſtoyent pas canoniques auſſi bien que les canons des quatre conciles généraux & vniuerſels. Voire meſme les Papes & leurs adherans, tenans cela comme pour réſolu, ſe travaillerent à forger des Epiſtres des anciens Eueſques de Rome: comme auſſi à fabriquer en meſme temps des actes & canons de faux conciles, comme notamment ceux du concile ou conciles de Rome ſous Sylueſtre: & auſſi de fauſſes loix & ordonnances attribuées audit Charlemagne & Louys ſon dit fils, vne fauſſe donation faite de tout l'Occident audit Sylueſtre par Conſtantin le Grand, & autres ſemblables pieces qu'ils firent recevoir pour bonnes, & comme telles furent miſes au Decret de Gratian, & y ont eſté laiſſées par Gregoire 13. & par conſequent de nouveau approuuées par luy.

xvi. Et parce que nous auons cy deſſus au deuxieſme chapitre fait manifeſtement voir la fauſſeté deſdites Epiſtres decretales, nous n'en dirons rien d'auantage, & nous contenterons de faire voir le ſemblable en ce qui concerne le pretendu concile ou conciles de Rome ſous Sylueſtre, les Capitulaires de Charlemagne, & ladite donation de Conſtantin.

## CHAP. XIII.

## Du Concile ou Conciles de Rome sous Sylvestre Pape.

I.  V Code ancien des canons de l'Eglise Romaine n'ont esté adjoustez que les Decrets de treze Papes, dont le premier est Siricius sixiesme apres Sylvestre; n'y ont aussi esté adjoustez aucuns canons des conciles tenus à Rome: Et toutesfois Leon 4. qui siegea l'an 847. *au c. de libellis, dist. 20.* faisant le denombrement des Euesques de Rome, desquels les Decrets estoient inferez audit Code, met en teste & le premier ledit Sylvestre. A cause dequoy quelque docteur personnage a conjecturé, que audit canon *de libellis*, y pouvoit auoir erreur, & qu'au lieu de *Sylvestri, Siricij*, &c. il y auoit vraysemblablement *seilices Siricij*. Mais j'ay verifié sur ledit manuscrit du sieur President de saint André, & sur l'Epistre dudit Leon aux Euesques de Bretagne, de laquelle ledit canon a esté tiré, que véritablement il y auoit Sylvestre.

II. Il y a donc grande apparence, que depuis que Charlemagne eut promis de faire receuoir aux Eglises de France, le Code, l'ordre, & le chant Romain, pour encor mieux establir l'autorité de l'Euesque de Rome, on s'advisa de forger diuerses pieces sous le nom des anciens premiers Euesques ou autres, mesmes lesdites Epistres decretales, l'acte de ladite donation faite par Constantin, & les Decrets dudit Sylvestre, dont auparauant n'auoit esté faite mention.

Et de fait, on voit que le 139 cha. du premier liure des Capitulaires attribuez à Charlemagne, qui furent compilez l'an 827. est tiré du pretendu Decret dudit Sylvestre, fait de l'aduis de 74 Euesques assemblez à Rome. Et partant ledit Leon vingt ans apres, escriuant aux Euesques de Gaule, a voulu les assujettir aux prétendus Decrets dudit Sylvestre, par lesquels est dit, que l'Euesque de Rome est *le Iuge souverain* de tous, & qu'il ne peut estre jugé par aucun.

III. Voila pourquoy nos Euesques Gaulois, qui auoyent plus de sens & de probité, s'y opposoyent, & entre autres Hincmarus Archeuesque de Reims qui viuoit en ce temps-là, & mourut l'an

884. lequel en son Epistre 7. chap. 22. & 23. dit : Au reste ; parec que quelques vns, comme pour authoité, disent, que S. Sylvestre Pape a ordonné telles choses, que l'Eglise Catholique ne met point entre les Decrets Synodaux, que nos majeurs ont laissé à nous leurs successeurs pour estre obseruez, nous auons estimé necessaire de le mettre icy. Car il est escrit en quelque sermon recueilli des gestes de S. Sylvestre, sans que l'escriuain soit nommé (lequel sermon Isidore Hispalensis (*mais bien Mercator*) a colligé avec les Epistres des Euesques du siege Romain, puis S. Clement jusques à B. Gregoire) que ledit Sylvestre ordonna, qu'aucun laic n'ose accuser vn clerc de crime, ni le Prestre ne puisse accuser l'Euesque, ni le Diaire le Prestre, &c. Lesquels dits il n'y a aucun qui les considerera avec raison, & qui lira diligemment les regles & loix sacrees, qui puisse mettre en doute combien ils sont contraires aux saincts canons & sacrees loix. Ce qu'il preuue en suite tant par l'Escripture sainte que par les anciens canons de l'Eglise.

17. On est d'accord, qu'il n'y a aucun Original des actes & canons dudit pretendu concile ou conciles : & que ce qui s'en treuue, & dont Gratian en a mesme la pluspart en son Decret, a esté prins & tiré d'une Legende des actes dudit Sylvestre, composée & écrite par vn homme incognu, & où sont contenues plusieurs autres choses ineptes & ridicules : comme, que Constantin estoit lepreux, & pour guerir auoit desseigné de se baigner dans le sang des petits enfans : que Sylvestre le guerit : Qu'à Rome il y auoit vn Dragon qui infectoit toute la ville de son soufflé & venin, bien qu'il fust dans vne fosse tresprofonde, lequel Sylvestre fit mourir : Que Constantin tint la bride du cheual à Sylvestre, & luy donna Rome & tout l'Empire d'Occident : Qu'il porta sur son dos douze hottées de terre tirée du fondement du temple edifié au Lateran : & semblables.

v. Et n'a on autre raison pour couvrir la fausseté de ladite Legende qu'en disant, que Gelase enuiron l'an 500. l'approuua, *c. sancta, dist. 15.* entant qu'il a approuué les actes de Sylvestre. Mais la verité est, premierement qu'és anciens Decrets de Gratian, lesquels les *Palen* ne sont point (comme est celuy de Monsieur le President de S. André, duquel j'ay parlé cy dessus) ledit *c. sancta* finit au §. Item Decretales : & tout ce qui sy trouue maintenant de plus, mesmes, le §. Item actus beati Syluestri, &c. y a esté adjousté

vraysemblablement depuis que le *Palea* de la donation de Constantin y fut joint. Ce qui a esté aussi remarqué par le Cardinal Cusan en son *livre 3. chap. 2. de la concorde Catholique.*

vi. Secondemēt, que mesme ledit Gelase n'approuve point le contenu és actes de Sylvestre, moins les Decrets ou canons dudit pretendu concile, dont il ne parle auçunement, mais dit seulement que les actes dudit Sylvestre, quoy que le nom de l'escriualn soit incognu, sont leus par plusieurs Catholiques, & aussi les escrits de l'Invention sainte Croix. Mais que selon S. Paul il faut esprouver toutes choses & retenir ce qui est bon.

vii. Et quand bien Gelase auroit expressement approuvé les actes & canons dudit concile, cela seruiroit seulement pour monstret que dès lors ils estoient en estre, & non pour les rendre bons & authentiques, puis qu'ils sont contraires à la parole de Dieu, & aux anciens canons, voire à eux mesmes, comme sera dit cy apres.

viii. Mais aucun auteur digne de foy ne fait mention des canons dudit concile avant l'an 700. de nostre Seigneur. Aussi les Euesques de Rome ne les ont jamais alleguez pour prouver leur pouuoir & jurisdiction, comme ils ont fait depuis: ne les ont point mis au code des canons de l'Eglise Romaine. Mesmes j'estime qu'ils ne furent point mis en la compilation des conciles auant l'an 1550. Et de fait en l'an 1535. les conciles furent imprimez à Paris par François Regnault, au premier tome desquels sont les quatre conciles generaux, & quarante sept conciles Provinciaux, & les Decrets de 69 Euesques de Rome: mais il n'y a du tout rien de Sylvestre, ni dudit pretendu concile ou conciles de Rome.

ix. Je dis concile ou conciles: car en l'Edition de Surius & de Sagittaire qui l'a abbrege, il y en a deux: mais en celle de Binius & Carranza il n'y en a qu'un, mais diuerses actions.

x. Par ledit pretendu concile de Rome, où Constantin est mis present, les actes des canons du cōcile de Nicée sont approuuez. Mais parce qu'il n'appert pas que Constantin ait esté à Rome depuis l'an 325. que fut tenu ledit concile de Nicée, & que le contraire se peut verifier tant par l'histoire que par la date des constitutions dudit Constantin, qui sont au eode Theodosien, aucuns, & entre autres Baronius & Binius, corrigent & le text & le  
Consu-

Consulat dudit pretendu concile, & disent, qu'il fut tenu auant celly de Nicée, & qu'en lieu de *Constantino Augusto 3. & Prisco consulis*, il y doit auoir *Crispo & Constantino 3.* & qu'il ne se faut pas estonner si le texte en cest endroit est corrompu, veu qu'à peine y a-il ligne en ce concile où il n'y ait vne faute, & que les canons d'iceluy ne peuuent qu'à grand' peine estre entendus, ou plustost nullement. Et ainsi cuidans couvrir vne fausseté manifeste, ils la descouurent entierement, & monstrent qu'on ne doit adjoüster aucune foy audit pretendu concile. En l'abregé de Sagittaire imprimé à Basle l'an 1553. il y a ainsi, *Actum in Trajanis thermis tertio Kal. Iunij Donno Constantino Augusto & Prisco Consule tertio.* En l'abregé de Carranza imprimé à Anuers l'an 1559. il y a, *Actum in Trajanas Thermas tertio Kal. Iulij Domino Constantino Augusto tertio & Prisco Consule.* Au grand volume des conciles imprimé à Cologne l'an 1606. il y a, *Actum in Trajanas Thermas 3. Kal. Iunij Donno Constantino Augusto 3. & Prisco Consule.* Et en l'Epilogue dudit concile que Binius a mis au deuant, est dit, 13. *Kalendarum Iuliarum die*, laissant à part les diuersitez qu'il y a en ces Editions, & que par les fastes il ne se trouue point que Priscus aye esté compaignon de Constantin au consulat: d'où on tire vn grand argument de fausseté. Il faut remarquer qu'en toutes lescrites Editions il est dit, que Constantin *Auguste* estoit Consul lors dudit pretendu concile, comme aussi est porté par l'edict de la pretendue donation de Rome, faite par luy à Sylvestre (dont sera parlé au chapitre suiuant :) Et partant quand bien il y auroit erreur au nom de Priscus, & qu'au lieu d'iceluy il faudroit mettre Crispus, comme pretendent lescits Correcteurs, toutesfois il n'est pas vrai que Crispus *Cesar* aye esté Consul avec Constantin *Auguste* son pere, mais seulement avec Constantin *Cesar* son frere; & seroit absurde de mettre le fils deuant le pere: Et encor faudroit-il rayer le mot d'*Auguste*, qui est en toutes les Editions, & monstrier qu'on a erré en prenant le pere pour le fils.

xi. D'ailleurs au deuxiesme canon de ce pretendu concile le Pape reprend Victorinus, de ce qu'il auoit failli au compot du nombre d'Or. Et Victorinus cent cinquante ans apres Sylvestre fut député par Hilaire Euesque de Rome, pour reformer le nombre d'Or, qui fut inuenté au concile de Nicée. D'où encor appert la fausseté dudit pretendu concile, & qu'il n'a point esté tenu auant celly de Nicée.



XII. Quant au nombre des Euesques qui ont assisté audit pretendu cōcile, l'abbregé dudit Sagittaire dit, qu'il y en eut 284 du ressort de Syluestre, & 57 du quartier de Rhiuocore, qui sont 341. & de mesme Carranza. Et autant en est dit audit volume des conciles imprimé à Cologne. Et en l'Epilogue dudit concile mis audit grand volume, le nombre n'est que de 267. mais au c. 139 du premier liure des Capitulaires de Charlemagne il est dit, que ledit Synode estoit composé de 84 Euesques. En quoy il y auoit plus d'apparence, que de faire le nombre plus grand que du concile vniuersel de Nicée, où n'y eut que 318 Euesques: joint qu'il est absurde de dire qu'il y en eust 57 de Rhiuocolure, qui n'estoit qu'un village en Egypte, comme appert par Strabon.

XIII. Mais sans nous arrester à routes lesdites conjectures & moyens defauts, ni à ce que le langage en est barbare & Gortique; que Constantin y est appelé *Domnus* ou *Donnus*: Que il y est dit, que *curia dicitur à cruce*, & de *l'immolation des simulacres*: y est ordonné, Que les Euesques qui sont appelez les thrones de Dieu, ne doiuent pas estre lacerez, mais plustost portez & venerez: Que Syluestre voulut qu'aucun laic ne fust present audit cōcile, & que toutesfois Constantin & Calphurnius *profect* de la ville de Rome, & qui plus est, Helene mere dudit Constantin y assisterent, & en signerent les actes: Qu'on n'y demanda pas les voix & opinions des assistans. On voit que les pretendus canons dreslez audit concile sont pour la pluspart contraires à la parole de Dieu & aux anciens canons & pratique de l'Eglise, ainsi qu'a esté tresbien remarqué par ledit Hincmarus Archeuesque de Reims en son *Epistre 7. chap. 22.* & suiuaus, & par le Cardinal Cusan *liure 3. chapitre 2. de la concorde Catholique*. Nous le monstrerons en quelques vns.

XIV. Au troisieme desdits pretendus canons il est dit. Que le souverain Prelat ne sera jugé par aucun, d'autant qu'il est escrit, *Que le disciple n'est point par dessus son maistre*. Et au dernier d'iceux, Que nul ne juge le premier siege, parce que tous les autres desirent, que la justice soit temperée par le premier. Et le Juge ne sera point jugé, ni par l'Empereur, ni par tout le clergé, ni par les Rois; ni par le peuple. C'est principalement pour establir ceste souveraineté, que ce Concile a esté controuué. Et pour le faire tant plus facilement recevoir aux au-



tres Euesques & cleres, qui sembloient y auoir plus d'interests, on y a ioinct des grands priuileges en faueur des cleres, dont sera parlé cy apres. Mais qui croira que les Eglises commençans seulement à respirer, Syluestre, qui auoit esté freschement tiré par Constantin, des cauernes de la montagne de Soraete, où il s'estoit caché à cause de la persecution, ( si on en croit le pretendu edict dudit Constantin, contenant la donation de Rome & de tout l'Occident, ) que ledit Syluestre eust entrepris de faire vne telle ordonnance, par laquelle il s'exemptoit de la iurisdiction de l'Empereur Constantin, & de tout homme vivant? Aussi les premiers Euesques de Rome n'ont iamais allégué ce prétendu canon contre les Eglises d'Afrique ou d'Orient, qui ne les vouloyent recognoître iuges souverains, ni contre les Empereurs, lors qu'ils les ont chastiés ou deposés. Mesmes es Conciles de Constance, & Basle, où il fut conclud, que le Concile vniuersel estoit par dessus le Pape & le pouuoit deposer, ceux qui tenoyent l'opinion contraire, comme Panormitanus en celuy de Basle, ne s'oserent aucunement seruir de l'autorité de ce beau canon. Mesmes Boniface Archeuesque de Mayence, creature & très-grand flatteur des Papes, dit que le Pape, s'il se desuoye de la foy, peut estre iugé & condamné *c. si Papa dist.* 40. & la Glosse sur le *C. presul* 2. g. 4. on 5. dit, que deux tesmoins suffisent contre le Pape: presupposant par là, qu'il peut estre accusé & condamné. Dequoy les Expurgateurs sont fort estonnés, parce qu'elle rend le Pape de pire condition que les autres Euesques: & en tout cas ces canons & autres semblables ont esté faits par les Papes à leur profit & en leurs propre cause. C'est pourquoy aussi nos Eglises des Gaules ont tousiours tenu, que les Papes peuent estre iugés, condamnés & deposés par le Concile vniuersel, & n'ont iamais practiqué ledit pretendu capitulaire, comme sera dit cy apres.

xv. Au mesme canon troisieme, & en l'Epilogne mis au deuant dudit Concile ces grâds priuileges sont octroyés aux cleres: Qu'aucun laic ne puisse accuser de crime vn clere: Que le tesmoignage d'un laic contre vn clere ne soit point receu: Que les tesmoins, & accusateurs des cleres, soyent exempts d'infamie ayans femme & enfans: Que l'Euesque ne puisse estre accusé par le Prestre ou autres cleres inferieurs, ni le Prestre par le Diacre, & ainsi des autres: & finalement, Que l'Euesque ne puisse estre

condamné, que sur la deposition de septante deux tesmoins, lo Prestre de 44. (ou 64. le Diacre de 26. (ou 36.) le Sousdiacre, l'Acolyte, l'Exorciste & le Lecteur, que sur la deposition de sept tesmoins, par ce moyen les crimes des clercs, & Ecclesiastiques demeurent impunis.

xv i. Car l'Euesque ne pouuant estre accusé par vn laic, ni par vn clerc son inferieur, aucun ne sera admis à l'accuser que les Euesques, ses collegues & superieurs, & son crime ne pourra estre verifié par aucun laic, ni par aucun clerc, qui n'aye femme & enfans, ni par moindre nombre de septante deux de ladite qualité. Et le Prestre ne pourra estre accusé, que par les autres Prestres ou par les Euesques, & son crime verifié que par 44. ou 64. tesmoins clercs ayans femme & enfans. Or où se trouuera-il septante deux Euesques non reprochables, & qui ayent femme & enfans pour pouoir verifier le crime d'un autre Euesque? ou 64. Prestres ou Euesques, ayans femme & enfans pour conuaincre vn Prestre? Tellement que c'est l'exempter de punition.

xvi i. Et bien que toutes ces restrictions, qui rendent entiere-ment la preuue impossible, n'y seroyent point, & que toute sorte de tesmoins clercs ou laies, superieurs ou inferieurs, mariés ou non, seroyent admis, si est-ce que le nombre des tesmoins requis par ledit pretendu canon, est contraire à la parole de Dieu & aux canons de l'Eglise, selon lesquels deux ou trois tesmoins suffisent *Math. 18. vers. 16. Ican 8. vers. 17. 1. Tim. ch. 5. vers. 19. can. 74. Apostolorum c. 2. Niceni Concilij, & Concil. Brac. 2. cap. 8. & la gl. in d. a. presul 2 q. 4.* Et Gratian mesme à la fin de ladite *q. 5. causa 2.* dit, que le tesmoignage de deux ou trois suffit, & que ledit canon de Syluestre peut estre entendu d'un special priuilege ottroyé aux clercs de l'Eglise Romaine.


xviii. Aussi ledit pretendu canon, en ce qui concerne ledit nombre de tesmoins, n'a iamais esté obserué & practiqué ni mesmes approuué par aucuns Papes.

xix. Et ce qui s'en trouue attribué à Leon 4. *c. nullum 2. q. 4.* a esté faulsement adiousté par Gratian. Car en l'Epistre de Leon 4. d'où ledit canon a esté tiré, il n'y a rien du tout, & y est seulement dit *par tesmoins idoines*, & n'y est aussi aucunement parlé de Syluestre. Ce que les Repurgateurs Gregoriens ont bié veu, & neantmoins y ont laissé le tout, ayans seulement donné aduis, que ces

mots *sicut Syluester* &c. n'y sont point : là où ils deuoyent aussi dire, que Leon ne parloit point des septante deux tesmoins requis par le canon pretendu de Syluestre qui auoit esté supposé.

## CHAP. XIV.

*De la donation faite par Constantin le Grand à l'Eglise  
& à l'Euesque de Rome.*

I.  E la mesme Legende ou Roman de Syluestre a esté aussi tiré le canon *Constantinus*, distinct. 69. qui contient les *privileges* accordez par Constantin aux Euesques de Rome, & la pretendue donation faite par luy de la ville de Rome, & de l'Empire d'Occident audit Syluestre & à ses successeurs Euesques de Rome. Aussi & les Epistres Decretales des Euesques de Rome predecesseurs de Syluestre, & les susdits canons du pretendu concile de Rome sous ledit Syluestre, & les actes de ladite pretendue donation parurent en mesme temps, assauoir au commencement du huietiemesiecle, & y a tresgrande apparence, que le tout a esté forgé & fabriqué d'une mesme main. Et l'euenement a monstré, que ceste derniere piece a esté adjoustee aux autres, non seulement pour de là inferer que le Pape est souuerain aussi bien au temporel qu'au spirituel: Mais aussi pour auoir pretexte de dénier à nos Rois & Empeleurs l'obeissance qui leur est deuë, secouer le joug de leur souueraineté: & en fin se mettre en leur place, & se rendre maistres par dessus eux.

II. Ceste piece ne se trouue en aucun bon autheur, ni la substance d'icelle. Non en Eusebe, qui estoit de ce temps, & a escrit fort exactement en quatre liures la vie de Constantin: Ni en Socrate, Theodoret, Sozomene, & autres historiens Ecclesiastiques. Le cardinal Cusan, qui estoit Docteur en Theologie & en droit, au lin. 3. de la *concorde Catholique*, chap. 2. dit auoir leu & relu les histoires des Empeurs & Pontifes & leurs Constitutions, comme aussi les actes des conciles, & les ceuures des saints Peres, comme Ambroise, Hierosme, Augustin & autres, mais qu'il n'en a rien du tout trouué: & qu'aucun Euesque de Rome n'a

pretendu aucun droit en la temporalité jusques en l'année 752. que Pepin & Charles Magne firent lesdites donations. Laurent Valic a fait vne declamation ou plustost traitté, par lequel il fait voir euidentement, que ladite donation n'a point esté faite : Que Constantin n'auoit pas ce pouuoir : Que Syluestre ne l'eust acceptée : Qu'elle n'a eu aucun effect, mais que Constantin a tousiours jouy de Rome & de l'Italie, & en a disposé, & ses enfans & autres Empereurs apres luy, jusques à ce que les Goths s'en emparerent, & depuis les Lombards, comme aussi a fait Charlemagne & ses successeurs : Que les Papes n'y ont fait aucunes nouvelles loix, établi magistrats, fait battre monnoye, ou fait quelqu'autre acte de souveraineté : Que l'instrument est faux en sa date d'autant que Constantin n'a point esté consul avec Gallien. Que le langage est barbare : Qu'il parle du Patriarchat de Constantinople, qui ne fut erigé que long temps apres, & contiennent plusieurs autres choses contraires, impossibles & ridicules.

111. Aussi ni Burchard *imo v. inf. chap. 16. n°. 10.* ni Gratian ne l'ont point mise en la collection de leurs Decrets : Et bien qu'elle se trouue maintenant au Decret dudit Gratian, elle y a esté adjoustée par autres. Ce qui se voit par le mot de *Palen* écrit au dessus : & ce *c. Constantinus* n'est point au manuscrit dudit sieur President de S. André, non plus que les autres qui sont marquez *Palen*.

112. On l'a bien voulu fortifier par le *can. futuram* 12. *quest. 1.* qui est attribué à Milciades predecesseur de Syluestre, où il est dit entre autres choses, que Constantin fit des immenses donations (*denaria imensa*) mais outre qu'il n'y est pas parlé de la donation de Rome & de tout l'Empire d'Occident, & qu'il est vray que Constantin fit de tresgrandes donations non seulement à l'Eglise de Rome, mais à plusieurs autres : c'est vouloir couvrir vne faulxeté par vne manifeste imposture : car Milciades n'a peu parler de la donation qu'on dit auoir esté faite treze ans apres à Syluestre son successeur : ni du concile de Nicée tenu l'an 325. là où ledit Milciades mourut l'an 313. Ce qu'aussi a tresbien reconnu Baronius, lequel en l'an 312. § 80. dit, que l'Epistre attribuee à Milciades, de laquelle ledit *canō futuram* a esté tiré, est faulx, & que l'auteur d'icelle est *Isidore Mercentor* compilateur des Decrets. De meisme en auoit dit le cardinal Cusan *liv. 3. chap. 2. de la concor*

*Catholique.* & Couarruu. *pract. quast. c. 31. §. 1.* & neantmoins les Correcteurs de Gratian au lieu d'oster entierement ledit canon *futuram*, & le *c. decreuit, dist. 88.* & encor le *c. placuit per omnia*, qui sont tous prins de la mesme Epistre, pour colorer l'imposture, disent seulement, que lesdits canons ont esté tirez d'un escrit intitulé, *de la primie Eglise*, qui est en la collection dudit Isidore; & ainsi ne font que bailler le change d'un auteur de peu d'autorité, à un autre qui n'en a point du tout. Et neantmoins & lesdits canons sont attribuez à Melchiades en tous les exemplaires de Gratian, mesmes au susdit manuscrit dudit sieur President de S. André: & ladite Epistre dont ils sont tirez, a tousjours porté le nom dudit Melchiades, & a esté imprimée conjointement avec celles des autres Euesques de Rome, jusques à ce qu'ils ont cognu qu'elle est contraire à leur intention, en ce qu'il y est dit, que Constantin estoit Chrestien, & auoit fait de grands dons aux Eglises auant que Sylvestre paruint au Papat, & qu'il y est aussi dit, que Constantin presida au concile de Nicée.

v. Lors que ladite *paille* fut adjoustée au Decret de Gratian, elle estoit en Latin, comme aussi la Legende de Sylvestre d'où elle est tirée. Mais d'autant que ledit Laurens Valle auoit fort exagéré la barbarie & ineptie du langage auquel elle est écrite, un certain Barthelemy Picerné, ayant, comme il dit, trouvé en la Bibliothèque du Pape l'edict de Constantin escrit en langue Grecque, contenant ledit priuilege & donation, & duquel ledit *palea* semble estre le dispositif, le tourna en Latin & le dedia au Pape lule second enuiron l'an 1507. & comme bon & veritable a esté adjousté aux tomes des conciles: Mais il sert plustost à descouurir la fausseté de ladite pretendue donation.

vi. Car puis qu'on dit, que ladite donation fut faite à Rome, auant que Constantin changeast le siege de l'Empire, pourquoy auroit cest edict esté fait en langue Grecque, veu que toutes les loix de Constantin, mesmes celles qu'il fit à Constantino-ple, sont en Latin?

vii. Le tiltre aussi n'est aucunement conforme à ceux des Edicts de Constantin, faits tant auant le temps de ladite pretendue donation qu'apres: car en toutes les vrayes lettres & edicts il ne se qualifie que Constantin Auguste, ou le vainqueur Constantin tresgrand Auguste, comme se voit en Eusebe, Socrate & au-

trés : mais nullement Alamanique , Gottique , Germanique , &c. comme en ce prétendu edict ; car les Gots n'auoyent point encor fait parler d'eux. Et aussi escriuant à Melciades, il ne le qualifie qu'Euesque de Rome au 5. chap. du 10. liure dudit Eusebe.

VIII. D'auantage au narré dudit prétendu edict de Constantin est porté , que par l'admonition dudit Syluestre , il auoit embrassé la foy Chrestienne , là où au contraire il est vray que long temps auparauant , estant es Gaules il auoit fait profession de la religion chrestienne , & faisoit porter la croix pour enseigne lors qu'il vainquit Maxentius , & qu'il entra dans Rome , lors que Melchiades predecesseur de Syluestre en estoit Euesque , & auquel depuis il escriuit la lettre qui est en Eusebe, *lin. 10. chap. 5.* Et de cela ne faut autre tesmoignage que le susdit canon *futuram 12. q. 1.*

IX. On y fait encore dire à Constantin , qu'estant affligé de lepre par tout son corps, à quoy les medecins n'auoyent seu trouuer aucun remede : Et que les Prestres ou Sacrificateurs du Capitele, m'ayans persuadé de remplir une cisterne de sang innocent & m'y lauer, j'auroie à ces fins fait assembler grand nombre d'enfans, mais estant esmeu de compassion par les pleurs & gemissemens des meres, je les congediaï : & la nuit suivante Pierre & Paul m'apparurent à moy en songe, & me dirent : D'autant que tu n'as pas permis que le sang innocent fust resspandu, nous auons esté enuoyez par Christ nostre Seigneur & Dieu, pour te donner conseil, par lequel tu recouvreras santé. Fay donc ce que nous te dirons. Syluestre fuyant tes persecutions, est caché avec ses clerics es cauernes de pierre de la montagne de Soracte, enuoye-le querir, & il t'enseignera la vraye cisterne de religion, en laquelle t'estant plongé par trois fois, tu seras nettoyé de ta lepre. Et pour retribution laissant toute idolatrie, adore le seul Dieu viuant. Et estant resueillé, j'enuoyay appeller Syluestre, luy declaray tout ce que les saints Apôtres m'auoyent commandé, & luy demanday, quels dieux s'estoyent qui s'appelloyent Pierre & Paul : lequel me dit, qu'ils ne s'appelloyent pas veritablement dieux, mais qu'ils estoyent Apôtres de nostre Sauueur & Seigneur Iesus Christ, &c. Et le bien-heureux Syluestre m'ayant ordonné certaine penitence, & apres les clerics m'ayans imposé les mains, je paruius jusques au Pontife, & là ayant renoncé aux pompes & œures de Sasan, & à toutes idoles faites de main, je confessay publiquement de croire en Dieu le Pere, Fils & S. Esprit, & plongé en l'eau salutaire, je vi de mes propres yeux une main me touchant du ciel, & lors je me senti entiere-

ment net-

ment nettoyé de toute ordure de lepre, & reconnu qu'il n'y a point d'autre Dieu que le Pere, le Fils & le S. Esprit, lequel nostre tresbeaux pere Syluestre presche.

x. Mais aucun autheur, digne de foy, ne dit, que Constantin fust lepreux, & que pour ce subiect il eust embrassé la foy Chrestienne. Et au contraire Eusebe au livre premier de la vie de Constantin *ch. 2. 2. 3.* & suiuaus, dit auoir ouy dire & affermer avec serment audit Constantin, qu'estant és Gaules avec son armée, il vit vn peu apres Midi, le signe de la croix en l'air, auquel estoit escrit, *in uincetis en ce signe*, dequoy tant luy que toute son armée furent grandement estonnez : Et que la nuit suiuaute Christ luy apparut en songe avec le signe de ladite croix, & luy comanda de faire vne telle enseigne, & de la faire porter lors qu'il luy fandroit combattre : Et que le lendemain ayant le tout fait entendre à ses amis, il enuoya querir des maistres ouuriers, & leur en ayant fait la description il fit faire ladite croix ou *labarum*, qu'il monstra audit Eusebe : & qu'estonné de ceste admirable vision, il resolut de n'adorer autre Dieu que celui qui luy estoit apparu : & ayant appellé les *Prestres & Professeurs* de la religion Chrestienne, & estant instruit par eux, il s'addôna entierement à la lecture de la *S.<sup>e</sup> Esriture*, & depuis eut tousiours en sa cōpagnie des Prestres de Dieu : Et qu'ayant inuqué Iesus Christ son sauueur, & fait mettre deuant son armée le salutaire signe de la croix, comme vn trophée de victoire, il s'achemina vers Rome, desit Maxentius, fit son entrée à Rome, rendit graces à Dieu, fit dresser plusieurs colonnes & inscriptions en l'honneur de Iesus Christ, mesme vne belle statue tenant en main le signe de la croix au lieu le plus celebre de la ville avec ceste inscription, *par ce salutaire signe, vraye marque de fortitude, j'ay deliuré vostre ville du ioug de seruitude, & remettant en liberté le Senat & peuple Romain ie l'ai restitué en son ancienne amplitude & splendeur.* Qu'il honora grandement les Prestres & seruiteurs de Dieu, bien qu'abietz à l'exterieur, les faisant mager à sa table, les menant avec soy par tout où il alloit, fournissant ce qui estoit necessaire pour l'edification des temples, & exerçant de tresgrandes liberalités enuers les pources. Que depuis estât retourné en Gaule, il commit Milciades lors Euesque de Rome, & Mirocles Euesque de Milan, & dixsept autres pour iuger le differend d'entre Cecilian Euesque de Carthage, & les Donatistes :



du iugement desquels fait l'an 313. y ayant eu appel, il conuoqua ce celebre Concile d'Arles, en l'an 314. où assisterent les deputés de Sylvestre successeur dudit Milciades, & auquel la sentence fut confirmée. Tout cela est encor confirmé par Socrate liure 1. ch. 1. Sozomene liu. 1. ch. 3. & suiuaus. Il y a bien plus, car & ledit Eusebe au liure 4. de la vie dudit Constantin, & Socrate au liure 1. ch. 26. & Sozomene au liure 2. chap. 32. assurent que ledit Constantin peu auant sa mort, fut baptizé es fauxbourgs de Nicomedie.

11. Y a il donc apparence quelconque en ce qui est contenu en ladite Legende & fable, que Sylvestre fuyant la persécution de Constantin, se fust allé cacher avec tout son clergé es cauernes de Soracte, puis que Constantin estoit Chrestien, auant que venir à Rome, & que lors Sylvestre n'estoit pas Pape? Que Constantin aye eu recours aux Sacrificateurs Payens, & aye voulu leur adherer en faisant venir tât d'enfans pour se baigner en leur sang? Que S. Pierre & S. Paul se soyent apparus à luy? Que Constantin n'eust pas ouy parler desdits Apostres, luy qui auoit desia esté si bien instruit & auoit fucilleté la sainte Escriture? Et que Constantin aye esté baptizé par Sylvestre & guéri de sa lepre?

x 11. Et toutesfois on n'a point de honte de mettre encor ce faux & ridicule edict entre les Conciles, & l'ose-on soustenir pour bon, pour ne dementir pas le Pape Nicolas 3. ( qui siegea l'an 1277. ) lequel *in c. fundamenta de elect. in 60.* l'allegue, l'appelle *pragmaticum constitutum*, & dit, que par iceluy l'Empereur ordonna que les Pontifes Romains seroyent Monarques en la ville de Rome tant au temporel qu'au spirituel, & que le siege de S. Pierre ne seroit subiect à homme viuant. Il est vray que Baronius & Binus apres luy disent, que ce bel edict a esté frauduleusement depraue par les Grecs. Premièrement en ce que au lieu que l'Euesque de Rome a obtenu la primauté de la bouche de Iesus Christ, il y est dit, que Constantin luy oütroye ce priuilege. Mais ils doiuent donc produire l'Edict, ou l'instrument en Latin & en bonne forme: & en leur Latin de Legende, de laquelle le *Palen* adjousté à Gratian a esté prins, il y a de mesme. Outre que c'est la question, si Iesus Christ a establi l'Euesque de Rome Chef de l'Eglise. Ioint que Boniface 3. obtint de Phocas Empereur *magna contentione* avec beaucoup de difficulté ( dit Platine en sa vie, ) d'estre dit & tenu

tenu de tous Chef de toutes les Eglises, n'estimant pas d'auoir ce tiltre & pouuoir ou de Iesus Christ ou de Constantin. Secondement en cela mesme qui y est dit, que Constantin donna Rome & tout l'Occident à S. Pierre & à ses successeurs, veu que de droict diuin (disent-ils) du moins subordonnément tous les domaines de la terre luy appartiennent, & que Constantin ne fit querendre & restituer au Pape ce qui luy appartenoit: non plus que les Rois de France ayans chassé les Lombards; dequoy les Empereurs, qui lors regnoient, ne formerét jamais la moindre plainte. Mais telle presuppotion concernant la seigneurie du Pape sur le temple soit directement ou indirectement, est fausse, comme sera monstré cy apres. Et a esté verifié cy dessus, que ladite donation ou restitution faite par Constantin est vne fable: & neantmoins Nicolas I. la tient pour bonne (comme dit est) & ne dit point que ce ne fut que restitution, celle subtilité malicieuse n'estant encor inuentée. Et quant à la liberalité faite par Pepin, ce fut vne vraye donation, non restitution? car iamais auparauant le Pape n'auoit esté en possession, soit de l'Exarchat de Rauenne ou de la Pentapole, & n'a esté cela inuenté que pour couurir vne inigne ingratitude.

xiii. Il peut bien estre, que la liberalité de Charlemagne, fils de Pepin, est appellée restitution & confirmation en ce qui auoit esté auparauant donné par Pepin son pere, & que le Pape s'estoit laissé oster aux Lombards: Mais en ce qu'il bailla au Pape d'autres terres & seigneuries. c'est aussi vne vraye & pure donation.

xiv. Il n'est pas aussi vray, que les Empereurs ne s'en soyent jamais plaints: car par diuerses fois ils enuoyerent leurs ambassadeurs à Pepin aux fins que les places qu'il prendroit ou auroit prinles sur les Lombards, leur fussent redues: mais son traité fait avec le Pape portant autrement, il s'en excusa, disant qu'il l'auoit promis pour le bien de l'Eglise. Leur harangue est rapportée par le sieur President Faucher *liv. 1. chap. 4. du second volume des Antiquitez Gaulloises*. Et ne faut que voies les argumens & sommaires des Epistres escrites par Paul Pape I. audit Pepin, que ledit Binius a mis en son ordre au troisieme volume des conciles, pour en sçauoir la verité.

## CHAP. XV.

*Des Capitulaires de Charles Magne, & Louys le Pieux,  
Rois de France & Empereurs.*

I.



VOY que le Code des canons de l'Eglise Romaine aye esté receu en Frâce: toutesfois nos Rois, pour ne faire aucune bresche au droict de leur souveraineté, se sôt tousjours maintenus en possession d'y faire eux seuls les loix tant Ecclesiastiques que ciuiles: & les Decrets ou reglemens des Euesques de Rome n'y ont esté executez que par leur permission & commandement.

II. Cela se voit notamment és loix faites par Charlemagne & ses successeurs, qu'on a appellées Capitulaires, desquelles la plus grande partie a esté tirée des conciles & Decretales, dont ledit Code est composé, que neantmoins nos Rois ont voulu estre faites & executees en leur nom.

III. Ces loix se faisoient de l'aduis de leurs Euesques & Prelats, & des principaux seigneurs de leur Royaume & Empire: & à l'observation d'icelles les Papes mesmes estoient obligez, comme appert par ledit *c. de capitulis, dist. 10. & c. nos si incompetenter 2. q. 7.* qui sont de Leon IV. où il baille vn dementi à ceux qui auoyent dit ou diroyent, qu'il ne les voulut pas obseruer. Et par l'ordonnance de Lothaire qui est au liure 3. chap. 35. des loix des Lombards, Nous voulons (dit-il) que les chapitres que nous auons tirez des capitulaires de nos tresglorieux Seigneurs d'heureuse memoire Charles & Louys Empereurs tresinuincibles, soyent tenus & gardez pour loix par tous nos fideles sujets & de sainte Eglise, habitans au Royaume d'Italie. Et par là appert, que la correction qu'on a voulu faire audit *c. de capitulis*, mettant *Nostrorum* au lieu de *Vestrorum*, est vne vraye corruption, contre le texte ancien & manuscrit, & l'intention de Leon, & mesmes contre l'opinion des Expurgateurs Gregoriens: & toutesfois Binius en ses notes sur la vie dudit Leon au grand volume des conciles, l'a suiui.

IV. Mais aussi les Papes ou les leurs y ont voulu pouruoir, en supposant leurs propres Decrets, voire faux, au lieu & place des loix & ordonnances de nos Rois, pour les faire plus facilement

rece-

recevoir aux peuples. Pour preuve de cela, il ne faut que voir & examiner les sept liures des Capitulaires dudit Charlemagne, & de Louys son fils imprimez à Paris en l'an 1588. & 1603.

v. Car on trouuera, que les trois derniers desdits liures compilés enuiron l'an 850. par *Benedictus Leuita*, au lieu de Statuts & ordonnances desdits Charles & Louys, ne contiennēt qu'un ramas confus, inepte & sans choix, de plusieurs decrets, ou sentences tirees de diuers auteurs non approuuez, & principalement des Epistres faussement attribuées aux premiers Euesques de Rome, dont a esté parlé cy dessus, qui furent forgées & publiées peu au parauant, vrai. semblablement par vn mesme auteur, assauoir par ledit Benoit Leuire quel qu'il soit.

v. Sur tout il n'a pas oublié d'inserer en seldits liures les passages desdites Epistres supposées, ou autres, qui sont le plus pour autoriser le Siege & l'Euesque de Rome, & l'ordre Ecclesiastique, ce qui est son principal subiect. Et a repeté & redit plusieurs fois vne mesme chose: attribuant le tout faussement à nos Roys: & attestant à la fin de seldits trois liures, que les chapitres par luy recueillis en iceux, ont esté confirmés par l'autorité Apostolique, d'autant que les Legats Apostoliques ont esté presens pendant qu'il les forgeoit.

vii. Et quant aux quatre premiers qui furent compilés en l'an 827. par l'*Abbé Ansegise*, ils ne sont pas exempts aussi de fraude, soit qu'elle procedé de la part dudit Ansegise, ou de quelqu'autre. Car, par exemple, iamaïs le contenu au 139. chapitre du premier liure ne fut ordonné par Charlemagne, veu qu'il a esté prins & tiré du faux & supposé Concile, qu'on dit auoir esté tenu à Rome par Syluestre, duquel a esté parlé au chapitre 13. qui parut en mesme temps. Et est vray-semblable que ledit Benoit Leuire a le tout fabriqué, & qu'il a adiousté ledit chap. 139. & quelques autres aux quatre liures d'Ansegise. Car aussi ledit Ansegise en sa preface ne dit point, de combien de chapitres chacun de ses liures est composé. Et l'auteur de la preface au lecteur, dit que Iean du Tillet auoit deliberé de mettre en lumiere la plus part desdits Capitulaires, recueillis tant par Ansegise que Benoit, & y auoit fait quelque retrenchement & changé le nombre des chapitres: mais qu'en fin il s'en estoit desisté (ayant vray-semblablement recognu, que tout ce recueil ne valoit rien) & n'a-

uoit-on trouué que quelques fucilles. Aussi lors ( assauoir en l'an 827). la memoire des vrayes loix faites par Charlemagne estoit trop fresche, & n'eust esté Ansegise si effronté, que de faire ladite supposition, puisque le contenu audit chapitre 139. est contraire à la parole de Dieu, aux canons de l'Eglise, & aux loix des Empereurs, comme a esté monstre cy dessus, au chap. 13.

VIII. On peut de cela colliger, qu'elle foy doit estre adjoustée aux canons, que Gratian a mis en son Decret tirés desdits Capitulaires supposez & forgez de fausses pieces.

## CHAP. XVI.

*Que durant les neufuiesme, dixiesme, onzieme & douzieme siecles les Eglises de Gaule perdirent beaucoup de leur liberté: & par quels moyens.*

**L**E huitiesme siecle fut terminé, & le neufuiesme commencé par la tragedie de six ou sept Papes. Estienne septiesme ayant fait tirer du sepulchre le corps de Formosus son predecesseur, iceluy vestir d'habits sacerdotaux, & mettre au siege Papal, en plein Synode, luy fit couper les doigts, & iceux ietter dans le Tybre, & degrada tous ceux qui auoyent prins les ordres de luy. Et ce sous pretexte, que Formosus auoit fait serment entre les mains de lean neufuiesme, qu'il n'accepteroit iamais le Papat, quand mesmes il luy seroit présenté, duquel serment il auoit neantmoins esté dispensé par Marin successeur dudit lean. Mais Romanus, Theodore 2. & lean 10. successeurs d'Estienne 7. casserent tout ce qui auoit esté fait contre Formosus, & reestablirent sa memoire. Et derechef Sergius 3. qui siegea l'an 908. cassa les actes de ses predecesseurs, fit encor tirer hors du sepulchre le corps de Formosus, le condamna & fit executer d'un supplice honteux, comme s'il eust esté en vie, puis le fit trainer en la riuiere.

IX. Ce temps là, & les suiuaus sont appellés par Baronius és années 897. & 900. tres mal-heureux & tres deplorables à l'Eglise Romaine, pendant lesquels, dit-il, estoient fourrés en la chaire

chaire de S. Pierre des hommes monstrueux, tres infames en leur vie, tres perdus en leurs mœurs, & en toutes sortes tres vilains. Et mesmes des enfans. Et Platine en la vie dudit Sergius 3. dit, Le Pontificat s'acqueroit par corruption & par ambition : & dès qu'ils y estoient paruenus mesprisans le seruice de Dieu, ils n'auoyent autre but, comme cruels tyrans, que d'exercer leurs vengeances, afin de pouuoir apres plus à leur aise assouuir leurs voluptez. Et en la vie de Romanus 1. Ces petits Pontifes (*Pontificuli*) ne pensoient à autre chose qu'à esteindre le nom & la dignité de leurs majeurs.

III. Et toutesfois en ces mesmes temps & siecles la puissance des Papes print vn grand accroissement sur les Eglises de Gaule, lesquelles perdirent par consequent beaucoup de leur liberté depuis qu'elles eurent vne fois receu le chât & ordre Romain, ou Gregorien, les canons du Concile de Sardique, & les Decretales des Papes depuis Siricius : & qu'on eut fabriqué, & fait courir les canons du prétendu Concile tenu à Rome sous Syraceste ; les fausses Epistres des premiers Euesques de Rome, & les pretendues loix de nos Roys dits Capitulaires, tirés desdites Epistres supposées.

IV. La seruitude fut aggrauée par la decheance de la maison & race de Charlemagne. Car lors les Papes non seulement pretendirent de n'estre point tenus de requerrir pour leur establissement, le consentement & approbation de nos Roys, comme ils s'y estoient obligés sous peine d'anatheme : mais aussi changerent entierement la forme, dont on auoit vsé iusques a'ors en leur election, en ayant osté le pouuoir au clergé & au peuple, & iceluy attribué aux seuls Cardinaux leurs creatures. Et qui plus est, pour couvrir leur ingratitude, & faire croire que nos Roys ne leur auoyent rien donné, mais seulement rendu ce qui leur appartenoit, firent aussi forger, & courir ladite pretendue donation de Constantin. Changerent aussi la forme de la datte de leurs lettres & Decretales, voulurent oster à nos Roys le droit d'innuestir les Euesques qu'ils qualifierent heresie & simonie. S'ingererent d'eriger en France des Vniuersitez, & d'otroyer des priuileges à celles qui estoient desia establies, ce qui est vn droit Royal. Firent compiler & dresser le corps de leurs loix ou Decrets, qu'ils appellerent Droit canon, & iceluy lire & exposer publiquement :

voulurent declarer exempts & exempter les cleres de la jurisdiction Royale, & se l'attribuer entierement, sinon en certains cas qu'ils disoyent auoir donné pouuoir & priuilege au Roy & à ses officiers d'en cognoistre. Se mettans par ce moyen en la place du Roy, & faisant du seruiteur le maistre, & de la regle l'exception: & du delict commun le cas priuilegié, & au contraire.

v. Et pour attirer à eux les Euesques & autres Ecclesiastiques, ils faisoient sonner fort haut le nom de liberté Ecclesiastique, & la seruitude des laics. Favorisoient en toutes sortes ceux qui estoient appellans ou recourans à leur siege. Et au dire de S. Bernard *Epistre* 178. la voix de tous les gens de bien estoit, que les Papes destruisoyent les choses bien establies en France, & establishoient celles qui justement auoyent esté destruites. Donnoient des priuileges à quelques Archeuesques au prejudice des autres, & au prejudice aussi des Euesques leurs suffragans. Exemproient quelques Euesques de la jurisdiction de leurs metropolitains, & aux autres octroyoyent des priuileges au prejudice des Prestres. Donnoient aussi exemption à quelques Abbez & Prieurs au prejudice des Euesques. Et au prejudice des Prestres & Euesques approuuerent les ordres des Franciscains & Dominicains, & leur attribuerent de tresgrands pouuoirs de prescher, administrer les sacremens, confesser par tout, enterrer les morts, & d'estre exempts de la jurisdiction des Euesques: Et à tous diuersement donnoient des benefices.

vi. Il est bien vray que à tous coups, & nos Rois & les Prelats François s'opposoyent aux entreprinſes & attentats des Papes: reclamoyent leur liberté, & prouoquoyent aux anciens canons: mais l'interest particulier, l'enuie & dissension donnoit tousiours cours aux progres de ladite seruitude. Nous en produisons quelques exemples d'entre plusieurs.

vii. Hincmar Euesque de Laon, ayant esté censuré & condamné en vn Synode tenu à Veruins, il en appella à Rome, auquel appel ne fut deferé, mais au contraire, il fut derechef condamné, mesmes pour sa desobeissance en vn Synode des dix Provinces tenu en Attigni: suiuant laquelle sentence il promit d'obeyr au Roy & à Hincmar Archeuesque de Reims son metropolitain, qui mesme estoit son oncle. Mais sous main il en aduertit le Pape Adrian 2. qui euoque à soy la cause, commande aux parties



parties de comparoir par deuant luy : Et sur ce que le Roy Charles le Chauue ne le voulut permettre, il luy escriuit des lettres fort imperieuses & injurieuses. D'auantage Charles s'estant fait couronner Roy de Lorraine apres la mort de Lothaire son neveu, Adrian luy fait commâdement par ses Legats de s'en desister, sous peine d'excommunication, & enjoint à Hincmar Archeuesque de Reims de prononcer les censures contre luy : mais il ne fut aucunement obey, pour les raisons contenues aux lettres escriptes audit Adrian tât par le Roy que par l'Archeuesque Hincmar de l'aduis des Estats du Royaume. Vray est que ledit Charles le Chauue ayant esté couronné Empereur par Iean 9. successeur dudit Adrian, non seulement ledit Hincmar de Laon fut restitué en son Euesché : mais aussi ledit Charles en vn Synode conuqué à Pontigon, voulut contraindre les Prelars de France à receuoir *Ansegise* Archeuesque de Sens pour Legat & Vicaire general du Pape es Gaules & Germanie, en vertu d'une Epistre Decretale du Pape Iean : de laquelle les Euesques ayans demandé communication, puis qu'elle leur estoit adressée, & sur le refus qu'en fit l'Empereur, ayans requis que le priuilege des metropolitains fust absurde, & la liberté de l'Eglise Gallicane maintenue : l'Empereur respondit, qu'il feroit obeir le Pape, & prenant l'Epistre toute pliee la bailla à *Ansegise*, & luy fit mettre vne chaire ployante (*sellam plectilem*) deuant tous les Euesques de son Royaume deçà les monts, & luy cominanda de monter au dessus de tous ceux qui estoient pourueus deuant luy : les Archeuesques protestans que c'estoit contre les saintes regles : & ne peurent aucunement estre induits à y acquiescer, veu la grande breche qui estoit faite à leur liberté. Cela est deduit plus amplement par *Aimoyus l'iu. 5. chap. 24. 32. & 33.*

VIII. En l'an de nostre Seigneur 991. Arnulfe Archeuesque de Reims ayant esté condamné & depose pour plusieurs crimes par luy confessez en vn Synode fort celebre tenu audit Reims, apres qu'il y eut esté traité & resolu, que cela se pouuoit & deuoit ainsi faire, sans consulter le Pape, & sans luy en renuoyer le jugement : & que Gerbert depuis Syluestre 2. eut esté mis en sa place, le tout, dit le Synode, *en l'autorité & puissance donnée aux Apostres & à nous laissée* : le Pape Iean 17. s'en esmeut grandement, & excommunia ceux qui auoyent souscrit à la conclusion de ce con-

cile, menaça aussi d'excommunier le Roy Hugues Capet, sous la confiance de la foiblesse de son nouveau regne. Tellement que le Roy, qui s'estoit establi par moyens non approuuez de tous, & sans l'autorité du Pape, craignant que ladite excommunication ne seruist de pretexte à ses contendās, escriuit des lettres fort respectueuses au Pape pour gagner sa bonne grace, & en fin consentit & fit consentir nos Euesques François au reestablisement dudit Arnulfe.

ix. En l'an 1026. Foulques Comte d'Anjou, ayant fondé vne Eglise dedans le Diocèse de Tours, appella Hugues Archeuesque de Tours pour la venir dedier & consacrer, qui fit responce n'y vouloir aller, qu'il ne luy eust rendu quelques choses vsurpées sur son Eglise. Lors ledit Foulques enuoya prier le Pape lean 20, de luy donner vn de ses Cardinaux pour venir sacrer ladite Eglise. Ce qu'il obtint facilement, moyennant plusieurs presens. Ce qu'entendans les Prelats de France, ils en furent grandement scandalisez, appellans cest acte presumption; sacrilege & contreuention aux saincts canons qui ordonnent, *qu'un Euesque ne peut entreprendre aucune chose au Diocèse de l'autre sans son consentement.* Ce sont les paroles de Glaber.

x. En l'an 1092. le Pape Urbain 2. estant en France deposa Geoffroy Euesque de Chartres, accusé de plusieurs crimes & maluerfations, & subrogea en sa place *Yues Abbé* de S. Quentin, homme docte & industrieux, par luy choisi pour s'en seruir à l'establisement de son absolue autorité en France. A ces fins il escriuit à Richaire Archeuesque de Sens metropole de Chartres, de le consacrer: & à son refus, Urbain mesme le consacra. Dequoy les Euesques de France furent merueilleusement offensez. Et nō seulement ledit Richaire s'opposa à la promotion & consecration d'Yues, mais aussi les Euesques de Paris, Troyes & Meaux, se joingnans à luy, voulurent remettre Geoffroy en son siege, pretendās qu'il n'auoit pas esté legitimelement déposé, ni Yues canoniquement elleu & pourueu. & que par ceste procedure ils estoient priuez & fraudez de leurs droicts. Dont *Yues appella* au Pape, & en fin obtint gain de cause, nonobstant la defense que rapportoyent lesdits Euesques pour la liberté de l'Eglise Gallicane: & ce par la conuiuence & faueur du Roy Philippes 1. qui desiroit d'auoir dispense pour espouser Bertrade sa concubine, laquelle il obtint.

Ce que

Ce que dessus se verifie par les propres Epistres dudit Yues 1. 2. & 3. Et par icelles mesmes & autres, notamment par les 68. & 69: on peut colliger, que le Pape ne se trompa point en son choix & dessein, & que comme Yues fut esleué de la dignité Episcopale par la seule autorité du Pape contre les anciens canons & libertez des Eglises de France: aussi fut-il toute sa vie tresaffectionné au siege Romain, & s'estudia de tout son pouuoir à faire valoir en France la puissance Papale, donnant aux Papes de tout ce qui se faisoit ou disoit pour ou contr'eux, & des occasions & moyens dont ils deuoyent vser pour y maintenir & aggrandir leur puissance & autorité: & taschoit de persuader à ses Collegues, que celuy est heretique, qui n'accorde point avec l'Eglise Romaine. A ceste mesme fin, & en recognoissance de ce que le Pape l'auoit esleué du fumier (*de stercore*) comme il dit, enuiron l'an 1100. il fit vn gros liure intitulé *le Decret d'Yues*, distingué en dixsept parties, contenant vn ramaſ non seulement des canons des conciles, mais aussi des Decretales des Papes *vrayes ou supposées*, des canons du pretendu concile sous Syluestre, de la donation de Constantin, & des supposés Capitulaires de Charlemagne, & principalement de tous les passages & endroits qui pouuoient seruir à verifier & establir le pouuoir & souueraineté du Pape. Et pour en estre acertené ne faut que voir la cinquiesme partie dudit Decret. Ce qu'il n'a peu faire par ignorance, veu mesmement que les Epistres attribuées aux premiers Euesques de Rome, estoient rejetées communement par les Prelats de France, & que Hincmar Archeuesque de Reims en auoit monſtré la supposition. Cest ouure d'Yues ne seruit pas peu à faire receuoir & donner credit au Decret de Gratian, qui fut compilé ou du moins publié enuiron quarante ans apres.

x1. Au Pape Urbain 2. succeda Pascal 2. en l'an 1099. Les historiens remarquent, que sans aucun exemple de ses predecesseurs, il ne voulut consentir à son election, que le peuple ne se fust escrié par trois fois: *Que S. Pierre auoit esleu ce bon personnage Reynier (il s'appelloit ainsi)* Que apres vestu d'escarlate, la couronne sur la teste, & monté sur vn cheual blanc bien caparrassonné, il alla à Latran où il print le sceptre Pontifical, & se fit ccindre d'vn baudrier auquel pendoyent sept clefs & sept seaux, representans les sept graces du S. Esprit, & pour monſtrer qu'il auoit tout pou-

uoir de fermer, sceller & ouurir. Que ce fut le premier qui *cessa de datter ses Bulles*, Epistres & autres expéditions de l'an du regne de l'Empereur, & commença à les datter de l'an de son Pontificat. Qu'il fut aussi le premier qui donna des *privileges & immunitiez* aux colleges, bien qu'erigez par autres que par luy. Platine en la vie, & Petrus Diaconus *lin. 4. chap. 38.*

xxi. Ledit Pascal 2. estant venu en France, se preualant du mauuais mesnage qui estoit entre le Roy Philippes & le clergé de son Royaume, à l'occasion de sa concubine Bertrade, voulut mettre à execution le conseil que luy auoit baillé ledit Yues Euesque de Chartres, & de son autorité pourueut Raoul ou Rodolfe de l'Archeuesché de Reims vacant par le decez de Manasses. Mais Louys le Gros fils dudit Philippes, qui lors succeda à la couronne, ne voulut aucunement approuuer ceste election & prouision, quoy qu'il fust bien oocupé à son auenement, à cause du remuement de plusieurs de ses subjects, qu'il auoit contrainct de restituer aux Eglises ce qu'ils en detenoyent injustement : & pourueut & inuestit de l'Archeuesché de Reims vn Geruais : & se fit sacrer à Orleans par l'Archeuesque de Sens, sans auoir esgard à la plainte de Rodolfe, qui disoit, que de droict luy appartenoit Dequoy s'en ensuiuirent plusieurs troubles, & fut la ville de Reims interdite & excommuniée pour auoir receu ledit Geruais. Tellement que par les Epistres dudit Yues, & mesmes par la 286. il semble qu'en fin ledit Rodolfe fut restabli, ayant premierement fait serment de fidelité au Roy. Ce que ledit Yues tasche de faire trouuer bon à Pascal, bien que ~~fait contre son commandement~~, parce que (dit-il) tous ses predecesseurs audit Archeuesché, & tous les autres Religieux & saincts Euesques du Royaume, en auoyent tousiours ainsi vsé.

xiii. En l'an 1129. le Roy Louys le Gros, ayant pour quelque occasion fait saisir les biens d'Estienne Euesque de Paris, il implora l'aide de l'Archeuesque de Sens son Metropolitain, qui ayant assemblé en Synode des autres Euesques ses suffragans, excommunia le Roy au cas qu'il ne fist raison à l'Euesque de Paris. Le Roy eut recours au Pape Honoré 2. lequel sans autre inquisition luy enuoya *absolution de ladite excommunication*. Dequoy les Euesques furent fort scandalizez, & en firent escrire au Pape par S. Bernard. Mais le Pape Honoré estant decédé au commencement de l'an-

de l'année 1130. & Innocent 2. son successeur estant venu en France, où il fit tenir à Estampes vn grand Synode pour se fortifier cōtre Anaclet 2. l'Antipape, les choses en demurerent là : & tousjours le Pape fit progres, puis que chacune des parties eut recours à luy.

xiv. Ledit Pape Innocent 2. en l'an 1141. de sa propre puissance, & sans attendre la presentation du Roy Louys septiesme, dit le leune, pourueut vn sien domestique nommé Pierre, de l'Archeuesché de Bourges, vaquant par la mort d'Alberic. Dequoy le Roy fut tellement offensé, qu'il jura (dit Matthieu Paris) sur les saintes reliques, que tant qu'il viuroit, cest Archeuesque n'entreiroit point à Bourges. A cause dequoy il fut excommunié par Innocent, qui aussi cōmanda à son esleu de se maintenir, disant qu'il falloit accoustumer ce jeune Roy à se soumettre à l'Eglise, & à ne se point mesler des choses Ecclesiastiques. Et à ceste querelle il enjoignit vne autre concernant l'assistance que le Roy donnoit à Rodolphe Comte de Vermandois contre Thibaud Comte de Champagne, à cause que ledit Rodolfe estoit aussi excommunié pour auoir repudié sa femme, & espousé Petronille sœur de la Roynne, bien qu'il eust eu dispense de Rome, laquelle on disoit auoir esté obtenue par surprinsé. Mais en fin par l'entremise & remonstrances de S. Bernard, qui appelloit le serment du Roy, jurement d'Herode, qui n'estoit à tenir, & qui persuada au Roy d'entreprendre le voyage de la terre sainte pour expiation de ses pechez, ledit Archeuesque fut receu & installé en son Archeuesché, & la paix faite avec ledit Comte de Vermandois : & tousjours au prejudice de l'autorité & droicts du Roy & libertez de nos Eglises. En quoy ledit Bernard se monstra trop enclin à fauoriser l'intention & volonté des Papes, bien que en plusieurs endroits de ses escripts, il taxe fort leurs mœurs & leur ambition.

xv. Ce peu d'exemples d'entre plusieurs suffit pour mōstrer que nos Rois & nos Prelats se sont tousjours opposez aux attentats faits contre leurs droicts & liberté : & que par diuers moyens & artifices les Papes en ont le plus souuent emporté piece : mais ils parvindrent quasi au comble de leurs desseins par la publication & reception du Decret de Grāian, duquel sera parlé au chapitre suiuant.

## CHAP. XVII.

*Du Decret de Gratian, & du Corps du droit Canon.*

**L**'EMPEREUR Iustinian en l'an de nostre Seigneur 530. fit publier le Code des ordonnances & Constitutions des Empereurs depuis Hadrian jusques à luy, qui auoit esté dressé par son commandement, principalement par Tribonian. Et d'autant qu'audit Code ne furent inserées aucunes loix ou ordonnances des quatorze premiers Empereurs, parce que la substance d'icelles & des Edicts des Preteurs, qui n'estoyent qu'annuels, estoit comprise en l'Edict perpetuel, fait & dressé par ce grand Iuriconsulte Saluius Iulianus par le commandement dudit Hadrian, & par luy autorisé: ledit Iustinian les deux années suivantes fit encor compiler par le mesme Tribonian le liure des Pandectes, composé tant dudit Edict perpetuel, que des commentaires sur iceluy, & des autres liures, traittez & responses des anciens Iuriconsultes. Et de mesme fit faire vn abregé desdits Code & Pandectes, qu'il appella Institutes, l'autorisa & luy donna force de loy. Et parce qu'il vesquit trente ans apres, & fit plusieurs loix & ordonnances, mesmes apres qu'il eut fait reuoir & corriger son dit Code, elles furent appellées *Nouvelles Constitutions*, & mises en vn volume à part.

II. Ces loix & constitutions de Iustinian ne furent aucunement receues en nos Gaules, parce que lors les Empereurs n'y reuoyent plus aucune chose: Et en Italie ils ne tenoyent que fort peu, le surplus estant oecupé par les Gots, comme il fut depuis par les Lombards, & mesmes ce qui restoit aux Empereurs. Et en Orient lesdits liures & loix de Iustinian furent abrogées par les Basiliques & Nouvelles de Leon. Tellement que les Pandectes & Code dudit Iustinian demeurerent non tant comme esteintes, que comme incognues durant pres de six cens ans, non seulement en France & Allemagne, mais aussi en Italie, & jusques à l'an 1128. que l'Empereur Lothaire 2. à l'instigation & sollicitation d'Irnerius ordonna, que ledit Code & les Pandectes, qui furent lors trouuées, fussent leués aux Escholes, & que les Iuges eussent à juger selon



selon le droit Romain. Ce qui fut fait au grand contentement des gens doctes, qui avec ardeur commencerent à honorer & embrasser la jurisprudence.

III. Les Papes, qui desja auoyent beaucoup empieté sur la jurisdiction & autorité des Empereurs & Rois, recognoissans que par le reestablishement de ces belles loix leur dessein seroit grandement empesché, qui estoit de se rendre souuerains, aussi bien au temporel comme au spirituel : & de former vn Estat & Souueraineté, dans l'Estat & Empire des Rois, Princes & Monarques, estimerent qu'il falloit à l'envi & imitation dudit Iustinian, dresser vn Corps & Code de leurs loix & Constitutions, le faire lire & interpreter és Escholes & Vniuersitez, & donner ordre que tous les affaires se jugeassent par icelles, si faire se pouuoit. A ces fins fut compilé par Gratian le grand Decret, qui fut publié & authorisé par le Pape Eugene 3. l'an 1151. & ainsi vingt ans apres que le Corps du droit de Iustiniā fut reestablishé en Italie & Allemagne par Lothaire. Et pour le faire tant plus facilement receuoir, ledit liure & volume de Gratian ne fut pas seulement composé des ordonnances des Papes, comme le Code de Iustinian, des Constitutions des Empereurs, mais aussi de quelques passages de l'Ecriture sainte : de plusieurs bons canons des anciens conciles : de plusieurs sentences des anciens Peres : de quelques loix prises desdites Digestes & Code de Iustinian, & autres vrais & bons auteurs. Vray est que les vns sont tronquez, les autres alleguez à contre sens, les autres falsifiez ouuertement : Et sur tout, ledit liure est rempli d'un tresgrand & quasi infini nombre de passages tirez des escrits faux & supposez, dōt a esté parlé cy deuant : comme sont les canons dits des Apostres : les Epistres attribuées aux premiers Euesques de Rome, qui y sont quasi entierement transcrites, (tant auoit-il peur d'y faillir,) du concile tenu à Rome sous Syluestre : de l'acte ou instrument de la pretendue donation de Constantin : des Capitulaires attribuez à Charlemagne, & autres.

IV. Pour interpreter ces loix & canons, Gratian mesme compilateur d'iceux fut incontinent enuoyé à Paris, & par ce moyen le droit canon fut plustost receu en France, que le droit ciuil de Iustinian, ainsi qu'a tresbien remarqué Monsieur de l'Estant, President en la Cour de Parlement de Toulouse *en son Arrest* 8. Et au liure 6. chap. 9. de son *histoire des Gaules*. Et pour le mieux autho-



rifer, Celestin 3. (qui siegea l'an 1191.) osa ordonner, qu'à Paris les causes pecuniaires des clercs serōt decidees par le droit Canon *C. quod clericis extra de foro comp.* Et Honorius 3. enuiron l'an 1210. fut si hardi de defendre, sous peine d'excommunication, de lire & ouïr le Droit ciuil à Paris, afin que tant mieux on s'addonne à son Droit Canon (qu'il appelle les saints cayers,) (*sacram paginam*) *c. super specula, extra, de priuileg. & excess. priuileg.* comme si cela estoit quelque beau priuilege, de se mettre en la place du Roy & d'entreprendre de faire des loix en son royaume, & de defendre la lecture du Droit ciuil.

v. Et Alexandre 3. sous pretexte de corriger les abus, s'ingere de bailler des loix à l'Vniuersité de Paris, & defend au Chancelier, ou Recteur d'icelle, d'exiger aucune chose pour la licence & permission d'y enseigner les sciences. *c. quanto de Magistris.* Et Innocent 3. fit aussi certaine ordonnance, Que sous peine d'excommunication, aucun ne prinst à louage le logis loué par vn autre: ce qui n'appartient qu'au Roy.

vi. Par la reception de ce Corps Canon, és Vniuersités de France, fut faite vne si grande bresche à nos Eglises Françoises, que les Papes & leurs armées y sont entrées à cheual. Et de là en auant, ils ont à leur plaisir erigé des Escholes & Vniuersitez en France, ce qu'ils n'auoyent osé entreprendre au parauant: Ont donné des priuileges à celles qui auoyent esté establies par nos Roys, & aux membres d'icelles: Ont establi leurs Doctorats, & prescrit la forme & les ceremonies de leur establissement: Ont institué, & establi esdites Vniuersités des Juges conseruateurs de leurs priuileges, se sont fait prestler serment: Ont donné ordre que tous les supposts & mēbres desdites Vniuersités & Colleges, du moins les principaux, fussent clercs non mariés: Que les principales charges, & benefices Ecclesiastiques fussent affectés aux Docteurs, ou licentiés en Droit canon, ou en la Theologie de Pierre Lombard, & non à autres: Que les escholiers estudians ausdites Vniuersités, fussent exempts de la iurisdiction ciuile: Que sans la licence, & expresse permission du siege Romain, aucun de l'Vniuersité de Paris ne pust estre excommunié, ou interdit pour quelque cause & sujet que ce fust: Que les escholiers de l'Vniuersité de Paris, soyent exempts de toutes sortes de peages: Que les Docteurs de Paris puissent lire & enseigner par tout le monde.

VII. Incontinent vn nôbre infini de personnes s'addonna à la profession du Droit & science Canonique, puisque le profit & l'honneur estoit euident & certain. Plusieurs tascherent à l'enui de commenter, gloser, & apostiler ledit Decret, & d'extoller la dignité & puissance du Pape. Par ce moyen le Pape s'acquit vne grande armee de creatures & sujets, au milieu de la France: & sans frais & despens forma vn puissant Estat, dans les Estats du Roy. Et le tout sous le beau manteau de conscience, religion, & spiritualité, au veu & secu de nos Roys, & de leurs principaux Officiers, & de tous les Prelats de France, qui demurerent muets en cest endroit.

VIII. Bien est vray, que les Decretales des Papes depuis ledit Eugene 3. ayans esté publiées separement, & sans meslange d'aucune bonne piece, premierement par Gregoire 9. enuiron l'an 1230. & consequemment par Boniface 8. Clement 5. & Iean 22. la laideur d'icelles en fit considerer l'importâce, & au Roy & à sa Cour de Parlement de Paris, aux Prelats de France & à l'Vniuersité: & fut cause de l'opposition & empeschement donné à la reception desdites Decretales. Mais ce fut bien tard, & apres la bataille gaignee. Et ceux-la se trompent, qui estiment que seulement dès lors les Decrets prindrent des ailes. Car les Decretales des quatre vingts quatorze Papes precedents, vrayes ou supposées qui ont esté inferées audit Decret de Gratian, contiennent en substance les mesmes choses, que les dernieres, qui ne font que mieux exprimer & mettre en pratique les doctrines & maximes des premieres, qui se reduisent à ceci: Que le Pape est Lieutenant de Iesus Christ, & a tout pouuoir tant au temporel qu'au spirituel: Est iuge de tout le monde, & ne peut estre iugé par aucune creature. Et aussi nos Roys ont permis par mesgarde & tolerance, que lesdites Decretales ayent esté leuës & interpretees és Vniuersités, & que la ieunesse Françoisse fust imbibée de ceste doctrine. Et neantmoins ces oppositions, quoy que tardiuës, seruirent à empescher, que la liberté des Eglises de Gaule ne fust entièrement esteinte, comme sera dit.

cy. apres.

## CHAP. XVIII.

*Des attentats faits par les Papes, contre l'autorité de nos Roys, & liberté de nos Eglises, au treizieme siecle, sous pretexte de l'extirpation des Albigeois.*

I.



E v d'années apres la Compilation & publication dudit Decret de Gratian, ceux qui furent appellés Vaudois, Albigeois, Patariens, Pours de Lyon, Arnoldistes, Chagnards, ou qualifiés d'autres sobriquets, furent déclarés heretiques, & comme tels excommuniés & leurs adherans & fauteurs, par les Papes Alexandre II l'au 3. Concile de Latran *cap. sicut Luce 3. cap. ad Abolendum.* & Innocent 3. *cap. vergenti, extra de hæreticis.*

II. Et neantmoins, d'autant qu'ils multiplioient grandement, publians & maintenans hardiment, & par tout, leur doctrine, de sorte qu'il n'y auoit presque contrée en la Chrestienté, où ils n'eussent prins pied, & notamment quasi tous les peuples depuis les Alpes iusques aux Pirenées leur adheroyent : ledit Pape Innocent 3. print de là suje& d'entreprendre sur l'autorité de nos Roys, & de se monstrier souuerain au temporel, aussi bien qu'au spirituel, suiuant les doctrines & maximes inferées audit Decret.

III. A ces fins en l'année 1208. par ses Bulles il ordonna vne croisade contre lesdits Albigeois, ottroye à ceux qui se croiseroient, & seruiroient en ceste guerre, qu'il qualifie sainte, ou guerre du crucifix, semblables indulgences & pardons qu'auoyent esté accordées aux croisés contre les Turcs & Sarasins : destourne les deniers leués, & destinés pour le recouurement de la terre sainte, pour les employer à cest vsage: excommunie particulieremēt Raymond Comte de Toulouse, expose son pays en proye, & absout tous ses sujets du serment de fidelité qu'ils luy auoyent presté. Mande à tous les Princes Chrestiens de se disposer à gagner lesdits pardons: & establit son Legat conducteur & general de toute l'armée, qu'il appelle l'armée de l'Eglise, avec tres ample pouuoir de disposer des personnes & biens desdits Albigeois, presupposant, que tous ceux qui se croiseroyent, fussent-ils Roys, ou Prin-

ces, esto-

ees, estoient par là rendus gendarmes, soldats & sujets de l'Eglise; & deuoient obeïr à son chef, & au lieutenant par luy establi.

iv. Les Vaudois & Albigeois, auoyent veritablement vne creance contraire en plusieurs points à la doctrine des Papes: voire la mesme que depuis fut enseignée & publiée par VViclef, Iean Hus, Hierosme de Prague, Luther & autres, principalement en ce qui est du pouuoir, que le Pape s'attribue, ainsi que leurs liures & procès qui sont riere moy, en font foy: & a esté verifié par plusieurs, mesmes en dernier lieu par le sieur Perrin en son histoire des Vaudois & Albigeois, où sont transcrits leurs Catechismes & articles de foy en leur propre langue.

v. Mais pour les rendre odieux, & detestables à tout le monde, les Papes leur imposerēt & firent imposer, Qu'ils estoient Ariens, & nioient la Diuinité de nostre Seigneur Iesus Christ, sous pretexte qu'ils nioient, que l'hostie consacrée fust Dieu: Qu'ils estoient Manicheens, & constituoient deux principes, l'un bon & l'autre mauvais, sous pretexte qu'ils soustenoyent, que l'autorité des Empereurs & Roys ne depend point de l'autorité des Papes. Et les chargerent de plusieurs autres erreurs & heresies, à quoy ils ne penserent iamais. Et quant aux mœurs, d'autant qu'ils estoient contraincts de s'assembler de nuict, & à l'escart, on leur imposoit, Qu'ils commettoient des sorceries, & des incestes abominables, les chandeles esteintes, (qui est la mesme calomnie, dont les anciens Chrestiens ont esté chargez par les Payens, & qu'on a renouuelé sous les regnes des Roys François I. Henri II. & François II. contre ceux qu'on appelloit Lutheriens.)

vi. Pour conuaincre telles impostures & calomnies, quelques modernes escriuains osent encor soustenir, il ne faut que le tesmoignage des propres ennemis desdits Vaudois. Frere Reyneri, qui escriuoit contr'eux enuiron l'an 1250. (& ainsi peu de temps apres que ceste guerre fut finie) dit, Entre toutes les sectes qui sont ou furent onc, il n'y en a point de plus pernicieuse à l'Eglise de Dieu que celle-cy, pour trois raisons: la premiere, parce qu'elle est de plus long temps, aucuns disent depuis le temps de Syluestre, autres dés le temps des Apostres. La seconde, parce qu'elle est generale: car il n'y a presque aucune terre où elle n'ait prins pied. La troisieme, parce que toutes les autres font horreur par leur blaspheme contre Dieu: celle cy au contraire a

grande apparence de pieté, parce qu'ils vivent iustement deuant les hommes, & croient bien de Dieu en toutes choses, & tiennent tous les articles qui sont au symbole, blasphement contre l'Eglise Romaine & l'ont en haine, & en cela sont facilement creus du peuple. Iacobus de Ribiria en ses recueils de la ville de Toulouse en parle ainsi : les Vaudois ou Lyonnois, ont tenu long temps le premier lieu en la Gaule Narbonnoise, & es Dioceses d'Albi, de Rodés, de Cahors & d'Agen. Et en ce temps là estoient en peu d'estime, ceux qui vouloyent estre appellés Prestres, Euesques & Ministres de l'Eglise. Car estans iceux presque tous indignes ou ignorans, il leur fut fort facile par l'excellence de leur doctrine de prendre le dessus entre le peuple. Car les Vaudois discourroyent par dessus tous autres plus subtilement de la religion : & pour ce fouuent les Prestres les receuoient à enseigner publiquement. Non qu'ils approuuassent leurs opinions, mais parce qu'ils ne leur estoient pas esgaux en entendement. Ceste secte estoit en tel honneur, qu'on luy donnoit immunité de toutes charges. Vn homme n'offensoit pas son ennemi, s'il le rencontroit en son chemin accompagné d'un de ces heretiques : le salut des hommes sembloit consister en leur protection. Aueas Syluius, depuis Pape Pie 2. en son histoire de Boëme ch. 35. fait le denombrement des articles de leur creance, assauoir, Que le Pape est egal aux autres Euesques, &c. mais ne les taxe point d'auoir esté Arriës ou Manicheens, moins d'estre Sorciers, Sodomites, ou incestueux. Raynerius moine Iacopin & Inquisiteur en son liure *de formaharet*. leur rend ce tesmoignage, qu'ils viuoient fort religieusement en toutes choses, qu'ils auoyent leurs mœurs assaisonnées, & des paroles bien limées & prudentes. De mesmes Claude de Seissiel Archeuesque de Turin en son traité contre les Vaudois dit, que quant à leurs vies & mœurs ils ont esté entiers & irreprehensibles, sans reproche parmi les hommes, s'addonnans de leur pouuoir à l'observation des commandemens de Dieu. Et mesmes le Pape Innocent 8. en sa bulle du 5. des Calend. de May de l'année 1487. portant commission à vn Albert de Capitandis pour l'extirpation des Vaudois, & Pourres de Lyon, es provinces de Piemont & Dauphiné dit, que ceste secte sous pretexte de certaine simulée sainteté tasche d'attirer à soy les vrais Catholiques.

VII. Mais leurs liures, & les actes des procès faits contr'eux, dont

dont l'en ay quelques vns en main , & d'autres sont rāpportés par ledit sieur Perrin , descouurent pleinement ladite calomnie , & qu'au contraire , ils ont creu & enseigné , que nostre Seigneur Iesus Christ estoit vray Dieu & vray homme : Que Dieu seul estoit le principe & le createur de toutes choses : & que toute sorte de paillardise estoit defendue de Dieu , & principalement l'adultere , l'inceste & la sodomie. Aussi est-il hors de toute vray-semblance & apparence de raison , si telles eussent esté leur creance & mœurs , que si grand nombre de peuples de toutes qualités , & tant de seigneurs & dames se fussent joints à eux , comme estoient entre autres ledit Reymond Comte de Toulouse, Reymond Comte de Foix, le Vicomte de Beziers, Gaston seigneur de Bearn, le Comte de Carmain, le Côte de Bigorre, la Dame de la Vaux, & plusieurs autres, moins qu'ils eussent voulu endurer la mort, plustost que de renoncer à leur creance.

VIII. Qui plus est , l'ay riéré moy vn procès fait à Pierre de Iacob Barbe en l'an 1492. qui entre autres tomba entre mes mains, lors que la ville d'Ambrun fut prinse par le Seigneur d'Ediguieres en l'année 1586. aux responses duquel vn Nicolas Paris , & qui escriuoit sous les Commissaires , a adjousté plusieurs choses & les a estendues à son plaisir , faisant dire audit de Iacob des choses contraires & absurdes , mesmes concernant ladite paillardise nocturne. Ce qui est verifié par le plumetis, ou premier somprum escrit de sa main, auquel n'y a rien du tout de cela, comme l'ay fait voir à plusieurs Catholiques Romains , & l'ay ioint & attaché ausdites responses estendues. Il est vray que ledit Paris par la requeste , qui fut présentée au Roy Louys douziésme en l'année 1493. par les habitans de la Freissiniere & Val Loyse , est qualifié leur ennemi mortel , conuaincu de fausseté & vsurpateur de leurs biens , lesquels il fut condamné vuider par Arrest du grand Conseil de sa Majesté du 27. de May 1502. & il luy estoit fort aisé de faire telles additiōs & faussetés , parce qu'en ce temps la ni les parties , ni les Iuges , ni les tesmoins ne signoyent point, mais le greffier seul. Aussi és autres procès esquels ledit Paris n'a point serui de greffier , il n'y a rien de tel , quoy que aucuns des preuenus ayent abjuré leur religion , & déclaré tout au long ce qu'ils auoyent creu, dit & fait.

IX. Philippe Auguste, qui regnoist lors , ne se croisa point

pour aller seruir à ceste guerre & gagner ces grands pardons: mais il permit à ses subjects de ce faire. Tellement que plusieurs grands Seigneurs, & Seculiers & Ecclesiastiques y accoururent, leur estant plus aisé & commode d'expier leurs forfaits en France aux despens de ce peuple, que d'en aller chercher pardon outre mer contre les infidelles. Et se trouua l'armée du Legat tresgrande, avec laquelle il print Beziers & Carcassonne. Depuis ayãt recognu estre necessaire qu'il y eust sous luy vn chef de guerre seculier: Simon Comte de Montfort en Beauce fut esleu, auquel le Legat *fit donation des terres* conquises, & qui le seroyent par apres. Et pour marque de Souueraineté le Pape se reserua sur chascune maison ostée aux Albigeois vn denier, appellé le denier de S. Pierre, comme il auoit esté fait en Angleterre, Polongne, Danemarck & ailleurs, & de ce denier ou tribut le Pape Innocent troisieme commit exacteur le mesme Simon Comte de Montfort, comme appert par ses lettres depuis peu mises en lumiere par Monsieur du May tresdigne Conseiller du Roy au Parlement de Dijon. Et en vertu de ce seul tiltre, Simon de Montfort entra en possession, & par trois diuers Conciles Prouinciaux fut depuis proclame Monarque de ses conquestes, chef des années de l'Eglise, & defenseur de la foy. Et se qualifioit en ses lettres, *Simon par la grace & providence de Dieu* Duc de Narbonnois, Comte de Toulouse, Vicomte de Licestre, Beziers & Carcassonne. Mesmes Louys fils du Roy Philippes Auguste ( qui depuis succeda à son pere ) s'estant croisé avec vne bonne troupe de Noblesse, arriué qu'il fut deuant Toulouse, que les Pelerins tenoyent assiegée, le Legat fut si hardi de luy dire, qu'entant qu'il estoit croisé, il deuoit dependre de ses commandemens, parce qu'il representoit la personne du Pape, les pardons duquel il estoit venu gagner en obeissant à l'Eglise, non en commandant comme fils de Roy. Et luy reprocha, que le Roy son pere ne s'estoit point employé comme il deuoit à l'extirpation des Albigeois. Le Prince souffrit patiemment & dissimula prudemment ceste audace.

x. Ceste conniuançe & tolerance du Roy, ayant permis ou souffert, que le Pape entreprinst de leuer & dresser de son autorité, & en son nom vne armée en France, la faire conduire par son Legat, & par icelle faire assieger, prendre & raser les villes & places du Royaume: & de disposer à sa volonté des biens & person-  
nes des



nes des habitans d'icelles , enhardit ledit Innocent 3. de faire vne regle generale en l'an 1215. & d'ordonner au concile de Latran 4. au canon 3. Que les biens des heretiques seroyent confisquez: Et que les Seigneurs temporels , qui requis & admonnestez par l'Eglise ne feroient leur deuoir de repurger leur terre d'heresie, seroyent excommuniez par le Metropolitain : & au cas que dans l'an apres ils n'y satisfissent, le souuerain Pontife en seroit aduerti, qui dès lors declareroit leurs subjects & vassaux absous de la fidelité à eux jurée , & exposeroit leur terre aux Catholiques , qui apres auoir exterminé les heretiques, les possederoyent sans contradiction.

x 1. Tellemēt que bien qu'Amalric , fils & heritier de Simon Comte de Montfort, eust dès l'année 1224. remis & quitté au Roy Louys huitiesme tout le droit qu'il auoit, en vertu desdites pretendues donations faites à son pere & à luy par le Pape & ses Legats: Toutesfois en l'an 1228. le traitté du Comte Remond le jeune (qui auoit reprins les armes incontinent apres le decez du Roy Louys huitiesme) fut fait avec le Legat du Pape nommé Romain : ou plustost la sentence dudit Legat prononcée contre ledit Remond qui s'estoit rendu prisonnier, par laquelle entre autres choses est dit, Que pour reparation des dommages faits aux Eglises & personnes Ecclesiastiques , ledit Remond payeroit dix mille marcs d'argēt, qui seroyent distribuez par ceux que ledit Legat ou l'Eglise Rom. nomeroit: Qu'il promettra de faire la guerre au Comte de Foix & à ses alliez, sans jamais faire paix sinon du congé du Legat: De faire abbattre & demolir les murailles, Tours & forteresses de Toulouse , ainsi que le Legat ordonneroit: De faire aussi ruiner & destruire, & combler les fossez de trente cinq villes ou chasteaux qui luy seroyent nommez par le Legat, lesquelles il ne pourroit reédifier à l'aduenir sans le congé de l'Eglise: Promettrait encor , que pour l'entretienement de quatre Maistres en Theologie , deux Docteurs Decretistes, six Maistres és arts , & deux Maistres Grammairiens , qui liroyent tous les jours aux escholiers qui viendroyent à Toulouse , il bailleroit quatre mille marcs d'argent, desquels chaque maistre en Theologie en auroit vingteinq par an durant dix ans: le Docteur en Droit canon ou en Decret quinze: le Maistre és Arts & Grammairien dix.

xii. Voila l'erection & fondation de l'Vniuersité de Toulou-  
se, laquelle le Pape Gregoire 9. en l'année 1233. approuua & con-  
firma particulièrement par ses lettres & Bulles adressées à l'Vni-  
uersité des maistres & escholiers dudit Toulouse, qui sont au re-  
gistre des priuileges de ladite Vniuersité, disant que cela auoit es-  
té prudemment ordonné par ledit Legat au nom de l'Eglise pour  
le reestablisement de la foy Catholique qui sembloit du tout ab-  
batue en ces quartiers-là. Et en outre par les mesmes lettres or-  
troya plusieurs priuileges à ladite Vniuersité, & entre autres, Qu'  
elle jouyra des mesmes libertez & priuileges que celle de Paris:  
Que tout maistre, qui aura esté examiné par elle, puisse librement  
& sans autre examen regenter par tout: Que les maistres, escho-  
liers ou clerics, & leurs seruiteurs trouuez en quelque malefice  
que ce soit, ne pourront estre jugez par aucun laic, si ce n'est qu'e-  
stans jugez par le jugement de l'Eglise, ils soyent laissez à la Cour  
seculiere: Qu'en toutes causes les laics soyent tenus de respondre  
aux estudians par deuant le Iuge Ecclesiastique: Que les citoyens  
de Toulouse seront tenus de bailler à loüage aux escholiers leurs  
maisons au prix qui sera estimé par deux laics Catholiques qui  
seront communément esleus: Defend à tout homme, quel qu'il  
soit, d'y contreuener, à peine d'encourir l'indignation de Dieu  
Toutpuissant & des saints Apostres Pierre & Paul. Et par autre  
Bulle comme les Euesques de Narbonne, Toulouse & Carcas-  
sonne, & leur donne pouuoir de faire obseruer lesdits priuileges  
nonobstant quelconques appellations. Ces priuileges ont esté  
confermez & augmentez par plusieurs Papes subsequents. Mes-  
mes Innocent 4. en l'an 1246. ordonne qu'aucun escholier ne pour-  
ra estre prins au corps pour dette. Et par les mesmes bulles dispose  
des biens des escholiers qui decederont sans auoir testé, ou qui  
n'auront commis à quelqu'un la disposition de leurs biens.

xiii. Tout cela sont actes de Souuerain au temporel, & purs  
attentats faits contre l'autorité de nos Rois, qui les ont tole-  
rez & soufferts pour n'estre eux mesmes accusez d'heresie, ou  
pour autres considerations.

xiv. Il est vray que ce traitté entre le Legat du Pape & Re-  
mond dernier Comte de Toulouse fut fait durant la minorité du  
Roy: qui enuiron l'an 1240. monstra plus de vigueur. Car selon  
le tesmoignage de Matthieu Paris, il fit arrester grande quantité  
d'argent

d'argent que le Pape auoit fait cueillir en France *mellis sermo- nibus & fellis comminationibus*, par propos de miel, & menaces de fiel, sous pretexte de la guerre sainte, & qu'il vouloit diuertir contre l'Empereur Frideric, & à ces fins rompre la trefve qu'il auoit faite avec luy : & par ce moyen (dit l'auteur) le Pape, qui est appellé vicaire de Christ en terre, fut trouué fidele contre sa volenté.

xv. Le mesme auteur tesmoigne, que le Pape Innocent 4. estant arriué à Lyon, où il auoit conuoqué vn concile, voulut au desceu du Chapitre, donner les prebendes vacantes, & que les Chanoines luy resisterent en face : & que depuis ayant enuoyé les Freres prescheurs & Mineurs aux Prelats de France pour les persuader de l'assister de quelque somme d'argent, le Roy S. Louys qui auoit pour suspecte l'auarice Romaine, l'empescha, & ces Legats Sophistiques du Pape se retirerent les mains vuides, sifflez & mocquez de tout le monde. Et que toutesfois depuis le Roy consentit, que le Pape leuast vne decime pour trois ans, apres qu'il *on auroit leué* vne pour semblable temps, pour employer au voyage qu'il alloit faire en la terre sainte.

xvi. Mais estant ledit Roy S. Louys de retour de son voyage, où il auoit esté fait prisonnier, il fit ceste belle pragmatique sanction en l'année 1268. de l'aduis des Prelats & Barons de son Royaume, par laquelle pour reprimer les exactions que les Papes faisoient de son Royaume, il ordonna entre autres choses, qu'on ne pourroit faire aucune leuée de deniers pour porter à Rome, sinon en cas d'vrgente & euidente necessité, & par son expres commandement & du consentement de l'Eglise Gallicane : Et que toutes prouisions de benefices se feroient selon les anciens canons Ecclesiastiques, avec defense de porter argent à Rome pour la confirmation.

xvii. Et neantmoins Gregoire 10. au concile qu'il tint à Lyon en l'an 1272. ordonna que durant six ans on leueroit la dixiesme partie du reuenu de tous les benefices de France : Et imposa à tous Chrestiens, hommes, femmes, & enfans vn certain denier tous les ans pour les frais de l'armée, laquelle il disoit vouloir luy mesme conduire en personne contre les infideles, puis qu'il *auoit l'un & l'autre glaive* en sa puissance : vray est que le Roy Philippes le Hardi assista audit concile, mais tousjours le Pape faisoit actes

de Souuerain, mesmes en presence du Roy, & par sa tolerance.

## CHAP. XIX.

*Du grand prejudice fait à la liberté des Eglises des Gaules par l'approbation des Moines Dominicains & Franciscains, & par les grands priuileges à eux ostroyez par les Papes.*

**L**E gouuernement de l'Eglise Catholique fut commis immediatemēt par Iesus Christ son chef, à ses seuls Apostres : & eux par le commandement du Seigneur establirent des Euesques ou Prestres & Anciē, & des Diacres en toutes les Eglises particulieres qui furent par eux fondées. Tellement que durant la vie des Apostres, & long temps apres, les conducteurs des Eglises estoient appelez Anciens ou Prestres, & leur compagnie Presbyterie : & par ce nom estoient distinguez du reste du peuple.

**II.** Depuis & apres la mort des Apostres, le nombre des Ministres de l'Eglise ayant esté augmenté, le nom de *Clerc* leur fut donné, & leur compagnie fut appellée Clergé : (comme qui diroit esleus au sort) & les autres de l'Eglise furent appelez Laics (du mot *laos*, qui signifie *peuple*) Car comme dit Tertullian en son exhortation à la chasteté n°. 7. *L'autorité de l'Eglise a mis difference entre l'ordre & le simple peuple.*

**III.** En ce temps-là il n'ey auoit point encor de Moines qui se fussent separez de la communion de l'Eglise, pour faire secte à part, & auoir d'autres regles & loix que tous les autres Chrestiens : moins encor qui prissent leur nom d'autre que de Christ.

**IV.** Il y a bien plus, car apres l'introduction & approbation des ordres des Moines, ils ont rousjours esté tenus & censez pour purs laics, & non pour clercs ou Ministres de l'Eglise : attendu que d'eux mesmes & pour leur interest particulier ils auoyēt choisi ceste sorte de viure, & non pour le bien & seruice de l'Eglise, moins encore qu'ils eussent vocation generale ou fussent esleus & consacrez comme les clercs.

**V.** Voila pourquoy par le 4. canon du concile de Chalcedoine, (qui est l'un des quatre vniuersels, & qui fut tenu l'an 451. & est

& est raporté par Gratian 16. q. 1. c. *Qui verè*, Il leur est enjoinr, à peine d'excommunication, de vaquer seulement à iusne & oraison: & leur est defendu de s'ingerer ou entremettre aucunement des affaires Ecclesiastiques ou seculiers: & est ordonné qu'ils seront subiects à l'Euesque du lieu.

v. i. Et S. Hierosme à Riparius c. *Monachus* 16. q. 1. dit, L'office du moine est de pleurer non d'enseigner. Et à Heliodore c. *alia causa, ibidem*, Autre est la cause des moines, autre celle des clers: Les clers paissent les brebis, & moy ie suis repeu. Et au can. *Ecclesia* 7. la mesme, L'Eglise a son Senat, assauoir l'assemblée des Prestres, sans le conseil desquels il n'est pas permis aux moines de faire aucune chose.

- vii. Voire mesmes Clerc & Moine estoient choses contraires & incompatibles. Tellemēt que si vn clerc se rendoit moine, il perdoit sa cléricature: & l'Euesque sa dignité. can. 2. *Synodi celebrata Constant. in templo Sapientia*. Et si vn moine ou Abbé estoit promu à la cléricature, il n'estoit plus moine ou Abbé, & n'auoit plus aucune puissance en son monastere c. *ne pro* 16. q. 1. & c. seq. Je dis, promu, parce que rous les moines voire les Abbés estoient inferieurs, & deuoyent honneur au moindre des clercs c. à *Subdiacono* 5. dist. 91. où la glose sur le mot *Abbas* dit: Il parle selon ces temps. là, que les moines n'estoyent point clercs.

viii. Qui plus est, quand on commença à tirer quelques moines de leurs monasteres pour les faire Prestres, & long temps apres, on mertoit en doute, s'ils deuoyent iouyr des droicts & priuileges des autres Prestres qui n'auoyent iamais † renoncé au monde, & s'ils auoyent mesme puissance, ainsi qu'appert par le c. *se Monachus* 22. & les deux suiuaus. 16. q. 1.

† On ne scauoit pas encor les dispenser.

ix. Mais depuis les Empereurs ayans par leurs Constitutions ottroyé aux moines en plusieurs choses, semblables priuileges qu'aux clercs, les Papes s'en voulurent aussi mesler, & s'en sont grandement seruis pour l'agrandissement de leur autorité. Car Gelase au c. *Monachus, dist.* 77. ordonna que le moine nouice püst dans vn an estre fait Prestre, & passer par tous les ordres inferieurs: mais le pur laic seulement dans vn an & demi. Et le Pape Pelagius au c. *in Parrochia* 31. causa 16. q. 1. mande à l'Euesque de faire Diacre vn certain moine, & qu'il le fera Prestre Incontinent

apres: & ainsi n'observe pas les distances des temps requises en vray laic *c.in singulis 2. dist. 77. & c. Monachos 16. q. 1.* Et Gregoire I. accorda pour privilege à certain Conuent ou Abbaye de France, que son Abbé ne peust iamais estre fait Euesque. Et par le *c. 1. de la distinction 69.* il est donné pouuoir à l'Abbé Prestre, & qui a eu l'imposition des mains de l'Euesque, de faire & ordonner les lectures en son propre monastere seulement, & leur imposer les mains, ce qui n'est point permis aux simples Prestres, ou aux Choreuesques *d. c. 1.* Et Gregoire premier permit aux Moines du monastere S. George de celebrer les Messes, & d'enterrer les morts dans ledit Monastere *c. Agapitus 16. q. 1.*

x. Soubs pretexte de ces privileges & autres, les Abbés & Moines entreprendrēt d'usurper les droicts des Euesques & Prestres, comme de consacrer les Eglises, & les autels, le cresse & l'huile, chanter Messes publiques, prescher, visiter les malades, ouyr les confessions, & ordonner des penitences publiques: recevoir decimes, & autres. Ce qui leur fut tres-expressément defendu par les Papes Leon *c. adiicimus*, Pascal 2. & Calixte. *2. c. peruenit & c. interdicimus 16. q. 1.* mais avec ceste exception (qui d'estruit la reigle & attribue tout pouuoir au Pape) *Sinon par la permission du siege Apostolique*, qui n'estoit point au Canon 4. de Chalcedoine, sur lequel ils se fondent: & les autres Canons de ce Concile sont entierement contraires au pouuoir que le Pape s'attribue, ainsi qu'a esté dit au chap. 8. cy dessus, & l'est encor au liure 6. chap. 17.

x i. Ceste mesme defense fut faite aux Abbés, de n'usurper point le droict des Euesques, par Innocent 3. au Concile de Latran *cap. accedentibus extra, de excess. pralat.*

x ii. Mais tant luy, que les autres Papes ses successeurs s'estans fort vtilement seruis de Dominique Espagnol, & de François d'Assise Italien, & de leurs moines appellés Predicateurs, & freres Mineurs, non seulement contre les Albigeois, mais principalement pour publier leurs croisades, indulgences, pardons, excommunications & interdicts, & pour extorquer argent de tous les Royaumes & prouinces, non seulement ils approuuerent leurs ordres, regles & statuts, declarerent saints, Dominique & François: mais aussi leur otroyerent de tresgrands privileges, au preiudice des Eglises de France en general, & particulièrement contre



contre le droit des Euesques, Prestres & clercs François: mesmes les exempterent de toute iurisdiction, soit de celle du Roy, ou des Euesques.

xiii. Honorius 3. leur permit de celebrer la Messe par tout avec vn autel portatif (*cum altari viatico*) mesmes contre la volonte des Prelats *cap. in his 30. de priuil. & excess. priuil.*

xiv. Gregoire 9. son successeur *in c. nimis iniqua & c. nimis praua, de excess. pralat.* declare, que contre leur gré ils ne seroyent point tenus de se confesser aux Prelats, ni de receuoir d'eux l'Eucharistie, d'enseuelir les morts aux cimetieres desdits Prelats: Ne seroyent tenus de dire leurs premieres Messes és Eglises desdits Prelats: Qu'ils pourroyent celebrer en tout temps; auoir vne cloche & vn cimetiere benit: Les exempte des Constitutions des Prelats: Ne veut pas qu'ils leur prestent serment de fidelité, ne qu'ils soyent contrains d'assister en leurs Synodes, ni qu'ils puissent estre excommuniés, ou leurs bien. faicteurs, ni qu'ils payent aucunes decimes.

xv. Alexandre IV. *au c. Abbates de priuileg.* dit, que les Abbés peuuent conferer la premiere tonsure à tous leurs nouices, & ainsi les rendre clercs, & qu'avec l'expresse permission du Pape, ils la peuuent conferer aux autres: peuuent aussi donner la benediction solennelle à tout le peuple, leur permettant de porter la mitre, &c. Ce qui aussi n'appartient qu'aux Euesques *c. vt Apostolica de priuil. in 6.*

xvi. Et qui plus est, bien que la reigle desdits freres Prescheurs portast expressement, *De ne prescher point* au lieu qui leur seroit defendu par l'Euesque: Toutesfois Nicolas 3. ou 4. *c. exiit 5. verum quia, de verbor. sig. in 6.* dit, que pour ne desroger à la plenitude de puissance Apostolique, cela doit estre entendu, *si non que le Pape en ordonne autrement.* Et ainsi au preiudice des Euesques il donne plus de puissance aux Moines, qu'ils n'en vouloyent auoir.

xvii. De mesme contre leur vœu de poureté & mandicité, les Papes les auroient dispensez, à acceper des successions & heritages, mais en telle sorte que la propriété d'icelles setoit & appartiendroit à l'Eglise Romaine, & lesquelles seroyent regies & administrees à leur profit par vn commissaire, qui seroit deputé par le Pape, & prins de personnes autres, que de leur ordre. Les



Bulles desdits Papes sont rapportées par Bartole en son second liure *minoritarum*, *distinēt. 8.*

xviii. Les auroient aussi dispensés à tenir les benefices & dignités séculières. A cause dequoy le Roy Charles 6. en son ordonnance de l'an 1413. rapportée par Guill. Benedicti sur le chapitre *Raynutius, verbo & uxorem n. 219.* dit, que le Pape ne peut donner telles licences, appelle cela Nouvelle meschanceté, & superstition : le prohibe expressement, & ordonne, que si aucuns desdits mandians en vertu des Bulles & prouisions du Pape, ont esté pourueus d'aucuns benefices, ayans charge d'ames ou non, ils en soyent ostez & reiertez.

xix. Boniface VIII. pour contenter aucunement les Prelars, Prestres & clercs, qui ne pouuoient supporter le tort & preiudice à eux fait par tels priuileges, ordonna que les freres Prescheurs & Mineurs rendroyent & deliureroient aux Prestres, Recteurs, & Curez des Eglises Parrochiales *la 4. partie* [Trebellianique] de tout ce qui leur seroit donné pour les enterremens, confessions, predications, ou autremēt pour quelque cause & occasiō que ce fust : laquelle ordonnance fut reuocquée par Benoit onzieme, & restablie par Clement 5. *cap. dudum, de sepulturis in Clementinis.* mais sans effect, aussi ce moyen d'accord estoit iniuste & sordide.

xx. Les freres Prescheurs & Mineurs ne se contenterent pas d'vsurper le droit des Euesques & Prestres : mais entreprirent aussi contre les droicts & priuileges des Vniuersités, & principalement de celle de Paris : entreprirent d'y enseigner & faire leçons publiques, mesmes en Theologie, sans toutesfois se vouloir soubmettre aux loix de l'Vniuersité, se fondans sur les pretendus pouuoirs & priuileges à eux accordés par les Papes.

A cause dequoy les Docteurs de l'Vniuersité de Paris soustenoyent, que l'institution de ces ordres des Mendians, estoit contraire à la parole de Dieu : Qu'ils estoient des faux Docteurs & hypocrites, enseignans doctrines peruerfes : Qu'ils taschoient de changer l'Euangile de Christ en vn autre Euangile, qu'ils appelloient Euangile Eternel : Que le Pape ne pouuoit leur octroyer ces priuileges (*hec non pertinebat ad Cathedram :*) & qu'ils estoient les messagers de l'Antechrist, ainsi qu'on peut voir par le traité de Thomas d'Aquin fait pour leur defense, intitulé Contre ceux qui combattent le seruice de Dieu & la Religion, qui est le 19. au

tome de ses Opuscles. Où, pour principale & quasi vniue rsale raison il dit, que douter de la puissance du Pape, c'est estre heretique : & allegue le testmoinage du Pape Nicolas 2. c. *omnes Dist. 22.*

xxii. Ces procès & differens entre les Ecclesiastiques & Vniuersités de France, & lesdits Dominicains & Franciscains, n'ont iamais esté definitiuement terminés par les Papes, quoy que toutes les parties ayent eu recours à eux & les ayent recognus pour luges, en suite de la reception dudit Decret de Gratian.

xxiii. Car d'un costé ils estoient grandement affectionnés enuers les Moines leurs creatures, & vouloyent monstrer par effect leur souverain pouuoir en esleuant les petits, & abaissant les grands : & d'autre part ils n'osoient pas ouuertement condamner le Clergé & les Vniuersitez, contre tout droit Diuin & humain, & la possession de plus de douze cents ans. Voila pourquoy ils recherchoient quelques petits moyens d'accord, comme celuy de la Trebellianique, dôt a esté parlé cy dessus : & celuy de la Tresve ou suspension d'armes, appellé par eux Treuga, practiqué par Sixte 4. en l'an 1478. in *Extrauaganti vices illius, de Treuga & pace in communib.* par laquelle il defend respectiuement aux parties de s'injurier & d'enjamber l'une sur l'autre, le tout neantmoins sans preiudice des priuileges otroyés ausdits Moines. Et moyennant ce leur enioint de viure en bonne paix & concorde. Et ainsi tousiours lesdits Papes firent progrès au preiudice de la liberté Francoise.

xxiv. Au Concile de Trente les Euesques, & principalement les Espagnols, firent vne grande plainte du tort & preiudice qui leur estoit fait par lesdits priuileges & exemptions, & en requierent instamment la reuocation. Sur quoy le Pape, consulté par ses Legats, recognoisant que ceste requeste butoit contre son pouuoir & autorité, leur escriuit, qu'en toutes sortes ils maintins sent les Religieux en leur estat, & tasehassent de contester les Euesques. L'expediēt fut trouué par Sebastien Pighin, *auditeur de Rote*, & suyui par le Concile, auauoir, Que tous les exempts seroyent subiects aux Euesques, *mais en qualité de delegués du S. Siege.* Et fut suyue ceste gentile soupplaisse, & distinction en plusieurs autres determinations dudit Concile, comme se voit *Session 6. chap. 3. de la reformation. & chap. 9. 10. & 11. de la Session 24. & chap. 5. 8. & 9. de la Session 25. & ailleurs.* Mais on n'y parle point du

tort & preiudice fait aux Prestres & Curés, & aux Vniuersitez, par le moyen desdits priuileges.


x x v. Pighin auoit peu apprendre ceste finesse, par la corruption & alteration commise en la version Latine de la 131. Nouuelle Constitution de Iustinian *chap. 3.* où on fait dire à Iustinian, Que l'Euesque de Acria, ville de sa naissance, qu'il voulut estre appellée Iustinianée premiere, par luy rendue Metropole & Patriarchale, auroit sous sa iurisdiction tous les Euesques du sepriesme Diocese d'Orient, mais comme tenant le lieu & place du siege Apostolic de Rome: là où le texte Grec & l'abregé de Iulianus anciē auteur & Professeur en Droit à Constantinople *Constit. 119. chap. 308.* porte expressément, que ledit Patriarche aura la premiere dignité, le souuerain Sacerdoce, & le supreme honneur es prouinces de son Diocese, & tel & semblable droit, que l'Euesque de Rome a sur les Euesques à luy sujets. Et ainsi est entièrement egalé au Patriarche Romain pour ce regard. Ce qui se voit clairement par les lettres d'erection, assauoir par l'onzieme Nouuelle Constitution de Iustinian. Aussi par l'onzieme article de l'ordonnance d'Orleāns est dict, Que tous Abbez & Prieurs & tous Chanoines & Chapitres, seront subiects à l'Archeuesque, ou Euesque Diocesains, sans qu'ils puissent s'aider d'aucun priuilege d'exception. Qui est les conseruer en leur droit ancien & Canonique.

x x v i. Et voila comme par ledit Concile, & au moyen de la dite subtilité, la souueraine puissance du Pape est recogneuë, établie & confirmée. Car de là on peut conelurre, que les Euesques n'ont autre iurisdiction, que celle qu'il plaist au Pape leur attribuer, puis qu'il peut creer des nouueaux offices, ordres & dignitez, qui ne leur soyēt point sujets, voire les establir par dessus eux, comme les Cardinaux: peut exempter de leur iurisdiction ceux que bon luy semble, & les reseruer à soy. Et cela contre tout droit & raison, ainsi qu'a esté tresbien représenté par S. Bernard *lib. 2. de Considerat. ad Eugenium 3.* par Guill. Durandi *de celebr. Concil. gener. parte 1. tit. 5.* par Petrus de Alliaco Cardinal *de reform. Eccles. c. 2.* par Marsil de Padouë *en son defensor pacis*, & autres. Et c'est vne des raisons, pour lesquelles ledit Concile n'a point esté receu en France, attendu mesmes que c'est vn point expres, que nos Eglises Gauloises se sont conseruées de leur liberté anciēne, Que nul

Monastere, Eglise, College, ou autre corps Ecclesiastique ne peut estre exempté de son ordinaire pour se dire dependre immediatement du siege de Rome, sans licence & permission du Roy, comme se voit au recueil desdites libertés fait par M.P. Pithou, imprimé par autorité de la Cour de Parlement.

## CHAP. XX.

*Des oppositions, & resistances faites aux entreprinſes, & attentats des Papes és derniers ſiecles par nos Rois, par les Eglises, Uniuerſités, & Parlements de France.*

I.  NVIRON l'an 1182. & ainſi ſeulement trente ans après la Compilatiō & reception du Decret de Gratian, Luce III. Pape ſ'eſtant oſé ingerer de faire Archeueſque l'Eueſque de Dol en Bretagne, ſuffragant du Metropolitain de Tours, le Roy Philippe premier ne le voulut aucunement ſouffrir, diſant, que par ce moyen l'Eglise Romaine taſchoit de diminuer & mutiler vilainement ſon Royaume, luy oſter la Coutonne de la teſte, la rompre & fouler aux pieds, ainſi que porte la lettre qu'il luy en eſcriuit, qui eſt la 126. és Epîtres de Eſtienne Eueſque de Tournay. Tant eſt loing qu'il recogneuſt que le Pape euſt ce pouuoir. Autant en fit Philippes le Bel, lors que Boniface 8. voulut eriger Pamies en Eueſché, d'où il print ſuject de mettre le Roy & ſon Royaume en interdit. Auſſi veritablement c'eſt vn droit Royal d'eriger vne ville en Metropole, ou Archeueſché, comme ſe voit par l'onzième Nouuelle Conſtitution de Juſtinian, par le 17. Canon du Concile de Chalcedoine, & par le 38. Canon du Concile *in Trullo* 6. & par Baſamon.

II. Et toutesfois Jean 22. par l'Extrauagante *Saluator*, de *prehendis in communibus* en l'an 1316. erigea en Archeueſché & metropole l'Eueſché de Toulouſe, qui auparauant eſtoit dependant & ſuffragant de celui de Narbonne: le diuiſa en deux: & outre ce lui attribua quatre autres villes qu'il erigea en Citez & Eueſchez, & y pourueut d'Eueſques, & entre autres Montauban, qu'il

retrancha du Diocèse de Cahors, & leur attribua certaine portion de rentes & reuenu de celui de Toulouse, qu'il disoit estre trop gras & trop ample. Defendit à toutes personnes de quelque qualité ou dignité qu'elles fussent, mesmes Royale, d'y contreuenir, à peine d'excommunication.

III. Ces erections & autres par lui faites en bon nombre sortirent à effect, vray-semblablement à cause que le Roy y presta son consentement : ou du moins ne si opposa point, veu mesmes qu'en l'année 1592. le Pape ayant par sa bulle voulu vnir les Eueschez de Grace & de Vances ( en quoy il y auoit moins d'attentat) par arrest du vingt vniemesme Nouembre 1601. donné par le conseil priué du Roy, ceste vnion fut declarée nulle & cassée comme faite contre les libertez du Royaume, ainsi que rapporte le sieur Chenu en son histoire chronologique des Archeueschez & Eueschez de la Gaule.

IV. La cour de Parlement de Paris, en l'aduis qu'elle donna au Roy Louys onziemesme en l'année 1461. touchant le reestablisement ou l'abolition entiere de la pragmatique sanction de Bourges, dit veritablement, *Que* jusques au temps du Roy S. Louys, les Papes de Rome ne s'estoyent aucunement meslez des Benefices electifs, & que lors seulement ils commencerent à vouloir empeschier les elections. Et de fait, Philippes Auguste ayeul de S. Louys, en l'an 1190. estant sur son partement pour le voyage de Ierusalem, ordonna, que si en son absence quelque Euesché ou Abbaye venoit à vacquer, les Chanoines ou Moines s'adresseroient à la Roine & à l'Archeuesque, pour auoir permission de proceder à election, laquelle leur seroit ottroyée sans contredit. Et cela sans parler aucunement du Pape. A ce nouuel attentat concernant les elections & autres vsurpations des Papes, le Roy S. Louys de l'aduis des Eglises de s<sup>on</sup> Royaume s'opposa, & y pourueut aucunement. Car par sa pragmatique sanction du mois de Mars 1268. il ordonna, *Que* les Eglises, Prelats, Patrons & Collateurs ordinaires des Benefices jouïroient entierement de leurs droicts & iurisdiccions : Qu'aux Eglises cathedrales & autres seroyent laissées les libres elections sans aucun empeschement : *Que* les promotions, collations, & prouisions des dignitez, Benefices & offices Ecclesiastiques quelconques seroyent faites selon la disposition du droit commun, des sacrez conciles de l'Eglise de Dieu,

de Dieu, & des statuts des anciens saints Peres : & confirmer les libertez, immunitéz & priuileges accordez & ottroyez par les Rois ses predecesseurs, & par luy aux Eglises, Monasteres & personnes Ecclesiastiques. Et tout cela sans reseruer le bon plaisir du Pape, ou se rapporter à ses Constitutiōs, ou approuuer les priuileges qu'il s'estoit ingeré d'ottroyer aux Moines, Colleges & personnes Ecclesiastiques : mais plustost l'en exclud assez expressement par ces mots, Droit commun, Cōciles de l'Eglise de Dieu, & de statuts des anciens Peres. Aussi ceste ordonnance ne fut faite que contre le Pape & la cour de Rome.

v. Les Papes ne furent pas pourtant arrestez, ains firent progrez par diuers moyens jusques là, que Boniface huitiesme par son Extrauagante *vnā sanctam*, *extra de maiorit. & obed.* se declara ouuertement Monarque de tout le monde, tant au temporel qu'au spirituel : & definit, Que toute creature humaine estoit subiecte au Pape de Rome, autrement ne pouuoit estre sauuee. Et en consequence fut si hardi de dire, Que le Royaume de France appartenoit à l'Eglise Romaine, & de defendre au Roy l'administation d'iceluy, & d'absoudre tous ses subiects du sermēt de fidelité : & finalement d'escrire au Roy Philippes le Bel ceste lettre : *Crains Dieu & observe ses commandemens* : Nous voulons que tu sçaches, qu'ès choses spirituelles & temporelles, tu nous es subiect : Aucune collation de Benefices & Prebendes ne t'appartient : Et si tu as la garde de quelques biens vacquans, reserues en les fruiets aux successeurs : Et si tu en as conferé aucuns, Nous cassons telles collations : Nous *tenons pour heretiques* ceux qui croient autrement. Ce fut en l'année 1301. Le Roy fit ainsi response à ceste lettre, *Philippes par la grace de Dieu*, Roy des François, à Boniface soy disant souuerain Euesque, peu ou du tout point de salut. Sçache ta grande sottise, Qu'ès choses temporelles nous ne sommes subiects à personne : Que la collation vacquante de quelques Eglises & Prebendes nous appartient de droit Royal, & que pendant la vacation nous faisons les fruiets nostres : Que les collations faites jusques icy, & que nous ferons à l'aduenir, seront valides : & qu'en vigueur d'icelles nous defendrons vertueusement les possesseurs contre tous : ceux qui croient autrement, nous les tenons pour fols & insenséz.

v i. Et neantmoins, le Roy pour auoir auis sur ces insolentes



procedures du Pape assembla tous les Estats à Paris, où assisterent les Archeuesques, Euesques & Prelats de France, mesmes les Theologiens, Docteurs & Maistres de l'Vniuersité, de l'aduis desquels fut interjettée appellation au futur Concile des ordonnances & procedures dudit Boniface. Et faste dict portant defences sur grosses peines, de tirer ou transporter or ou argent hors du Royaume, pour les affaires de la Cour de Rome.

VII. A Boniface 8. qui mourut l'an 1304. succeda Benoist II. qui ne siegea qu'environ neuf mois, & qui neantmoins de son propre mouuement leua les censures fulminées par son predecesseur contre le Roy Philippes. Dix mois apres & en l'an 1305. les Cardinaux esleurent Raymond Goth Archeuesque de Bordeaux absent, qui fut appellé *Clement 5.* lequel de l'aduis des Cardinaux qu'il assigna à Lyon, resolut de transporter le siege de l'Euesque de Rome en Auignon, où il a demeuré 74 ans, quoy que S. Pierre n'y fut jamais. Et de là a prins sa source la chicane de France. Par ce moyen aussi la liberté des Eglises Françoises fut presque suffoquée, & l'autorité du Roy fort rauallée sous des beaux & plausibles pretextes & cauteleux artifices.

VIII. Car sous couleur de gratifier à la nation Françoisse, ce Pape Clement crea grand nombre de Cardinaux tous François, comme firent aussi ses six successeurs, & ainsi s'acquirent autant de creatures & seruiteurs puissans dans le Royaume, pour estre aidez d'iceux à l'execution de leurs volonte. Aussi sans auoir esgard aux anciens canons & pragmatique de S. Louys concernans les elections & resignations, ils disposoyent à leur plaisir des Prelatures & Benefices, soit en faueur de leurs Cardinaux ou de ceux qui leur estoient recommandez par le Roy & autres.

IX. Et pour acquerir d'auantage les bonnes graces du Roy, & luy esblouyr les yeux, outre qu'il le deschargea d'abondant de l'excommunication de Boniface, & declara que les Rois & Royaume de France ne peuuent estre excommuniez ni mis en interdit, il luy permit de leuer durant cinq ans les decimes sur tous les benefices de son Royaume, le potta aussi à approuuer la condamnation des Templiers & la confiscation de leurs biens, luy en faisant part. Se portant en tout cela en souuerain, & de l'Eglise & des biens temporels, Il fit approuuer ses Clementines par le concile de Vienne.



x. D'auantage faisant semblant de reuſouer en faueur du Roy & du Royaume la Conſtitution de Boniface 8. qui eſt en l'Extrauagante *vnam Sanctam, de maior. & obed.* il ne fait que la confirmer tacitemēt & ambiguement par ſon Extrauagante *meruit de priuileg.* En quoy pluſieurs ont eſté trompez.

x i. Car le Pape Boniface en ladite Extrauagante *vnam* auoit dit, Qu'en ſa puiſſance eſtoient les deux glauiues, le ſpirituel & le temporel: prononcé & déterminé eſtre entierement de neceſſité de ſalut à toute creature humaine, d'eſtre ſubiect au Pontife Romain. C'eſt à dire, que ceux ſont damnez qui ne ſont point ſujets au Pape de Rome, & qui ne croyēt pas que tous hommes luy ſoyent ſujets. Et verbalement & par ſa lettre au Roy (aucuns meſmes diſent par Bulle enuoyée en France) auoit dit particulièrement, que le Roy luy eſtoit ſujet au temporel & ſpirituel.

x i i. Or Clement V. voulant faire croire qu'il reuouoit ladite Conſtitution, en ce qu'elle portoit preiudice au Roy & à ſon Royaume, il n'en dit rien du tout, & en eſſect la confirme pluſtoſt. Car il qualifie Boniface ſon predeceſſeur *de bonne memoire*. Il appelle ſa Conſtitution *definition & declaration*: ne dit pas que Boniface aye mal parlé, & que le Roy ne ſoit point ſuject du Pape au temporel: moins encor, que celui n'eſt point heretique & damné qui ne croit point, que toute humaine creature ſoit ſujecte au Pape: mais ſeulement, qu'il ne veut pas que par ceſte *definition & declaration* ſoit fait aucun preiudice au Roy & au Royaume: & qu'il n'entend non plus que le Roy, ſon Royaume & ſes ſujets ſoyent d'auantage ſujets au Pape qu'ils n'eſtoient au parauant: mais que toutes choſes ſoyent entendues eſtre au meſme eſtat qu'elles eſtoient auant ladite definition: au lieu de dire, que pour le temporel le Roy n'eſtoit aucunement ſuject du Pape, & ne l'auoit iamais eſté.

x i i i. Auſſi ceſte Conſtitution *meruit*, eſt miſe ſous le titre de *priuilegiu*, pour de tant mieux confirmer la reigle & article de foy contenu en ladite Conſtitution *vnam*. Et pour vne grande faueur & gratification, & en recompenſe des merites du Roy, & de ſes ſujets, Clement leur ottroye ce priuilege, de n'eſtre point d'auantage ſujets du Pape qu'ils eſtoient au parauant. Ce qui eſt veritablement vne pure illuſion & mocquerie.

x i v. Car ſi Boniface n'a rien ordonné de nouueau, mais ſeu-

lement a declaré le Droit ancien & diuin touchant la sujection & obeissance que tous hommes doiuent au Pape, (comme soustient Bellarmin contre Barclay, au commencement du 3. chap.) Clement n'a pas peu dispenser le Roy & ses sujets, dudit article de foy: ains par ce moyen les met au chemin de damnation, leur permettant de croire vne doctrine fausse & heretique, ainsi qu'autre fois fut remarqué par Marsilius Parauinus *en son defensor pacis partie 2. chap. 20.* Que s'il ne les en dispense pas, il ne leur ottroye donc rien du tout, bien qu'il vueille faire accroire, que c'est vn grand benefice & priuilege.

xv. Que si au contraire la doctrine dudit Boniface est fausse & nouuelle & contraire à la doctrine Euangelique & aux anciens Canons de l'Eglise, comme elle est à la verité, pourquoy Clement ne le declare-il? Pourquoy en dispense-il le Roy & les François? Pourquoy ne la reuoque-il ouuertement, pour oster d'erreur & damnation tout le reste du monde? Mais ni luy ni ses successeurs, n'ont eu garde de ce faire, veu que ceste doctrine estoit desia canonisée audit Decret de Gratian, & es Decretales des predecesseurs de Boniface.

xvi. Au contraire, c'est ledit Clement, duquel Hyerome le Maire dit, que ne desirant pas de seruir aux autres suivant le precepte de Iesus Christ, ains plustost d'estre serui des Empereurs, il declara, que les Empereurs esleus en Allemagne, ne peuuent auoir les droicts, ni le titre d'Empereur, que des Papes. C'est luy qui par sa Bulle ottroyée aux croisés pour la guerre sainte, donne pouuoir à chacun d'eux, de tirer quatre ames du purgatoire à son choix: Et commande aussi tost aux Anges de porter leurs ames au ciel.

xvii. C'est luy, lequel en la Clementine *Pastoralis de sent. & re iudic.* dit, que sa charge s'estend sur toutes les nations du peuple Chrestien: Et que sans aucune doute il a superiorité sur l'Empire, & qu'il succede à l'Empire vacant, & que plenitude de puissance luy a esté commise par Christ, Roy des Roys, & Seigneur des Seigneurs. Et au chap. 1. in Clem. *ut lite pend nihil inn.* Que par la plenitude de sa puissance, il a l'entiere & libre disposition de toutes les Eglises, dignitez & benefices, c'est luy qui declare, in Cl. 1. *de iureiur.* que l'Empereur luy preste serment de fidelité.

xviii. Ce siege & demeure des Papes en France causa dans  
peu de

peu de temps vne grande corruption en tous les ordres, & notamment les Ecclesiastiques fauorisez & appuyez des Papes, en deuindrent si hardis, que d'entreprendre bien auant sur la iurisdiction temporelle, voire mesmes sur les droicts de la Couronne. Dequoy plainte ayant esté formée par les gens du Roy, & la cause plaidée par Maistre Pierre de Cugneres, Aduocat ou Procureur general de sa Majesté, qui cotta soixante six articles d'vsurpation, lesdits Ecclesiastiques oserent soustenir par deuant le Roy Philippes de Valois seant en son Parlement, portant la parole *Pierre Bertrand* lors Euesque d'Autun & depuis Cardinal, Que les Ecclesiastiques n'estoyent point sujets du Roy, sinon à cause des iurisdctions, ou biens temporels qu'ils tiennent en France: & que la cognoissance de toutes actions temporelles leur appartenoir, d'autant qu'elles ne pouuoient estre faites sans peché d'vne part ou d'autre, & que l'accessoire doit suiure le principal, & en suite de ce par leur requeste présentée à sa Majesté, requierent d'estre maintenus & gardés en possession de cognoistre des actions personnelles, reelles & mixtes, principalement entre laics. Et qui plus est, oserent expressement protester & au comencement & à la fin de leurs remonstrances & en leur dite requeste, Que ce qu'ils disoyent, n'estoit pour subir aucun iugement, mais seulement pour informer sa Majesté & les assistans, & par là declarans assez ouuertement qu'ils n'estoyent point sujets du Roy. Or soit que le Roy craignist d'offenser le Pape & les Ecclesiastiques, & qu'il ne iugeast pas la saison propre, à cause des menées de l'Anglois, ou pour autres consideratiōs, il n'y pourueut point lors, & laissa les choses en l'estat: Seulement il leur fit entendre verbalement, que son intention estoit de les conseruer en la possession de leur iurisdiction en laquelle ils estoyent tant de droict, que par bonne & raisonnable coustume. Ceste poursuite dudit sieur de Cugneres, fut si mal receuë desdits Ecclesiastiques, que pour flectir sa memoire & en derision d'iceluy, on le nomma Maistre Pierre du Cugnet, donnant mesme nom à vn petit marmouset, qui est en vn pilier de l'Eglise Nostre Dame de Paris, & au nés duquel on esteint les cierges. Cela arriua l'an 1329. Et ces actions & requeste, mesmes lesdits soixante six chefs d'vsurpation, sont inserées tout au long au 4. tome de la Bibliotheque des Peres.

xix. On n'auoit encor trouué ceste distinction d'entre de-

licet commun & cas priuilegié, les Ecclesiastiques pretendoyent le tout. Et est vray-semblable, que quelques cauteleux practiciens & Canonistes inuenterent ceste distinction de crimes, à laquelle acquiescerent facilement & innocemment pour le bien de paix, les Iuges & Officiers Royaux, n'en preuoyans pas la pernicieuse suite & consequence. Car par ceste maniere de parler & par cest equivoque, c'est de l'exception faire la reigle, & au contraire: c'est entierement donner gain de cause au Pape, & auouer que les Ecclesiastiques, Cleres & Moines, ne sont point sujets du Roy, mais du Pape: Et que les Officiers de sa Majesté n'ont aucune iurisdiction sur les personnes Ecclesiastiques, sinon en certains cas particuliers & priuilegiez, permis & accordés par le Pape. Là où au contraire il falloit dire: Que tous les Ecclesiastiques sont sujets du Roy & de sa iurisdiction, & peuuent estre punis par les Magistrats Royaux pour tous delicts & crimes par eux commis, horsmis en certains cas & delicts Ecclesiastiques, qu'ils en sont exemptés par declarations & priuileges de sa Majesté, comme auoit fait Iustinian, par ses Nouuelles Constitutions 79. 83. & 123. ainsi qu'a tresbien esclairci Monsieur Milletot, en son traité du delict commun & cas priuilegé.

xx. Quoy qu'en soit, les choses en allerent tousiours de pis en pis, non seulement pendant que les Papes siegerent en Auignon, mais aussi apres & iusques à la pragmatique sanction de Bourges, d'autant que nos Roys, soit pour se seruir de l'autorité des Papes contre leurs ennemis estrangers, ou allechés par la permission qu'ils leur ottroyoyét de tirer des decimes sur le reuenue des Ecclesiastiques, ou pour autres considerations, ils ne s'opposerent pas, comme il eust esté necessaires, aux attentats & usurpations des Papes. Seulement y apporterent quelques remedes indirects & foibles: comme fit aussi la Cour de Parlement de Paris par les Arrests donnés sur faits particuliers & selon les occurrences. Tellement que le desordre estoit si grand, qu'il n'estoit plus question d'elections, & que selon le tesmoignage de ladite Cour de Parlement, contenu en l'aduis qu'elle donna au Roy Louys onzième, 'au seul Diocese d'Angers furent trouuées en vn an, six cents graces expectatiues, & aux autres Dioceses à proportion.

xxi. Ce fut donc en l'année 1438. que le Roy Charles 7. con-  
uoqua

uoqua à Bourges vne grande & solennelle assemblée des Princes de son sang, officiers de sa couronne, de Prelats & personnes Ecclesiastiques de tous ordres des gens de son grand Conseil, des Docteurs tant de droict diuin que humain : Professeurs des Vniuersitez generales, & autres personnes en tresgrãd nombre, choisies de tous les ordres, où se trouuerent aussi les Orateurs & Legats du Pape Eugene 4. Et apres que de la part desdits Prelats & personnes Ecclesiastiques & Vniuersitez au nom de l'Eglise Gallicane, eut esté representé l'ancien estat & liberté de ladite Eglise Gallicane, & la miserable & difforme condition où elle estoit reduite par les griefues vsurpations & intolerables entreprinſes des Prelatures & autres dignitez, & autres benefices Ecclesiastiques, par les graces expectatiues, entieremēt cōtraires au droict, & souuent occasions d'attenter sur la vie d'autrui : Et par multiplications & innombrables concessions & autres tresgriefues & insupportables charges, Et supplié sa Majesté : pour remedier à tels desordres, qu'il luy pleust d'autoriser certains decrets, ordonnances & statuts des Conciles generaux de Basse & de Constance, qu'ils auoyent jugé deuoir estre receus & acceptez, & d'en faire vne pragmatique sanction : le Roy auroit confirmé & approuué lesdits Decrets, & ordonné à tous de les obseruer inuiolablement. Ces Decrets portoyent entre autres choses, Que les Conciles generaux legitiment congregez & representans l'Eglise militante, ont leur pouuoir de *Christ immediatement*, & *sont par dessus le Pape* : Que les elections, collations & confirmations seront faites selon les anciens canons, & gratuitement : ce que les Papes à leur reception jureront d'observer inuiolablement, & s'ils y contreuient, seront deferrez au prochain concile : Que toutes reseruations ottroyées par les souuerains Pontifes, & tant generales que particulieres, soit des benefices electifs ou collatifs, sont cassez, & à l'aduenir il ne s'en ottroyera point : Que le Pontife Romain, qui sera à l'aduenir, ne concedera aucunes *graces expectatiues*. Et si de fait quelques vnes sont ottroyées, elles sont declarées nulles & cassez : Que le Pape ne prendra aucune chose pour la concession du *Pallium* ou manteau, ni aussi pour le preſendu droict d'annate, sauf ce qui est gratuitement accordé au Pape moderne sa vie durant tant seulement, & sans prejudice des libertez de l'Eglise Gallicane. Reglerent aussi en quelque façon le fait des appellations.

xxii. Ceste ordonnance & pragmatique sanction, quoy que manque & defectueuse, & ne remettant pas les Eglises de Gaule en leur originelle liberté contre les attentats & usurpations desdits Papes, ainsi que la lecture d'icelle en fait foy, fut neantmoins la plus vigoureuse & genereuse que aucune autre qui eust esté faite au parauant. Aussi fut-elle fondée, & prit son autorité des Decrets de deux Conciles tenus pour généraux, comme tresbien representa ladite Cour de Parlement de Paris en son aduisenuoyé au Roy Louys onzième.

xxiii. A cause dequoy tât le Pape Eugene 4. quoy que depose par le concile de Basse, que tous ses successeurs n'ot cessé d'employer tous moyens violents & artifices cauteleux pour la reuocation d'icelle. Mesmes le Roy Louys onzième trente deux ans apres fut porté par les flatteurs de Pie 2. (au parauant appelé *Æneas Syluius*) & par *manifeste suggestion* (ainsi que porte le Cayer des trois Estats de l'an 1483.) à la reuoker sans aucune precedente deliberation d'Estats, ou de l'Eglise Gallicane. Mais & le Procureur general du Roy, & le Recteur de l'Vniuersité de Paris s'opposerent formellement à l'enregistrement & execution des lettres sur ce octroyées : Et ce fut lors que le Roy voulut auoir par escrit l'aduis de ladite Cour de Parlement de Paris, qui fut en somme : Que de la reuocation de la pragmatique sanction s'en ensuiuroient, entre autres inconueniens, 1. La confusion de tout l'ordre Ecclesiastique. 2. Le depeuplement des subjects du Royaume. 3. L'espuisement des deniers par le transport hors d'icelui. 4. La ruine & desolation totale des Eglises de France.

xxiv. Aussi tant s'en faut, que le Roy apres en auoir reconnu l'importance, fist instance pour la verification de sesdites lettres, & qu'il acceptast l'accommodement de Sixte 4. qu'il qualifie *Treue*, ( qui est le premier chapitre de *treuga & pace* 4. in *extrauag. communib.* ) qu'au contraire, en suite & conformément à ladite pragmatique sanction il fit plusieurs declarations & edicts, mesmes celui du 16. d'Aoust 1478. par lequel estoit inhibé à toutes personnes d'aller ou enuoyer à Rome pour y pourchasser aucuns benefices, & d'y faire tenir argent, à peine de confiscation de corps & de biens.

xxv. Et les trois Estats de ce Royaume assemblez à Tours, par le premier article de leur requeste ou cayer présenté au Roy  
Charles



Charles 8. en l'année 1487. requirent instamment sa Majesté de faire garder & entretenir inviolablement la pragmatique sanction de Bourges, fondée sur les Decrets des Conciles de Constance & Basle, attribuant la principale cause de la desolation du Royaume à l'infraction d'icelle, faite par diuers moyens & cauteleux artifices par les Papes depuis le decez de Charles 7. Ledit cayer est imprimé à la fin du Statut Delphinal.

xxvi. De mesme au Cōcile national, que fit assembler Louys 12. en ladite ville de Tours en l'année 1510. fut resoluë l'observation entiere de ladite pragmatique sanction. Et de là les excommunications & interdicts tant contre Louys douziesme, François premier, que contre le Royaume, qui fut exposé au premier conquerant, & plenieres indulgences ottroyées à celui qui tueroit vn François.

xxvii. Tellement qu'en fin le Roy François premier consentit à l'abolition de ladite pragmatique sanction, & accepta au lieu d'icelle, certains articles contenus au Concordat fait entre luy & Leon 10. La preface de son Edict du 13. de May 1517. tesmoigne qu'il fut contraint à cela faire. Car en icelle est dit, que avant la dite pragmatique sanction, les choses estoient en vn tresmisérable estat, le Royaume estant entierement espuisé d'argent, les Prelats prieuz de pourvoir aux charges Sacerdotales, les estrangers pourueus par le Pape des principales charges & benefices Ecclesiastiques, les viuans en danger de mort par le moyen du grand nombre des graces expectatiues: Neantmoins voyant les affaires en peril, il auoit esté porté de *s'accommoder* au temps & de deux maux choisir le moindre, puisque la raison, la difficulté du temps & la presente necessité le requeroient ainsi.

xxviii. En la Bulle & lettres dudit Leon, il se dit estre constitué sur les gents & sur les Royaumes, s'appelle l'Espoux de l'Eglise, dit que l'Eglise Romaine, comme source de toutes les Eglises du monde, *a institué les parroisses*, distingué les Dioceses, créé les Euesques, & à eux donné des Metropolitains. Que la pragmatique Sanction auoit esté cassée & declarée nulle *par son predecesseur*, au Concile de Latran, & neantmoins, qu'il auoit fait les loix & constitutions suivantes conuenues avec le Roy François, au lieu de ladite Sanction pragmatique, de sa certaine science, & *plenitude de puissance*. Et là dessus il prohibe toutes elections & po-



stulations ; & ordonne, que les nominations luy soyent faites & présentées par le Roy, sauf si les Chapitres & Monasteres *obtiennent de luy*, pouuoir & priuilege d'eslire : oste les graces expectatiues, mais non les annates, &c. Par ce moyen sont en effect callez les Conciles de Constance & Basse, & la seruitude des Eglises de France grandement agrauée. Et, comme dit Genebrard en sa Chronologie en l'an 1513. veritablement par ce mystere d'iniquité nous voyons que l'Eglise Gallicane est ruinée.

xxix. Aussi & les Prelats & les Vniuersitez, & la Cour de Parlement, rapporterent toutes les resistances possibles pour cuider empescher l'effect dudit concordat, jusques là, que l'Vniuersité de Paris, apres grande & meure deliberation, en interjetta appel au futur Concile legitime, & qui seroit assemblé en lieu seur & commode : Disans que par ce concordat fait sans appeller & ouïr ceux qui y auoyent interest, s'en ensuiuoit *la ruine* entiere de l'Eglise Gallicane, la diminution de tout le Royaume & l'oppression de l'Vniuersité. Et en expedia lettres patentes scellées du seel de ladite Vniuersité, contenans bien au long les griefs & motifs dudit appel, qui sont imprimées tout au long au liure intitulé *fasciculus rerum expensandarum & fugiendarum* imprimé à Basse en l'an 1535.

xxx. Durant plusieurs siecles, les elections des Euesques & Prestres, se faisoient par le Clergé, & par le peuple de l'Eglise, qui auoit besoin de Pasteur. Depuis les Papes en exclurent entierement les laics, mesmes les Roys. Apres ils en reietterent vne bonne partie des clers ayans attribué ce pouuoir aux seuls colleges & Chapitres. Et en dernier lieu en nostre Frâce, ils ont entieremēt aboli les elections, & attribué au Roy seul le pouuoir de leur faire la nomination.

xxxi. Il est vray que Charles 9. cedāt en cela du droict que le concordat luy a acquis, sur la plainte & requisitiō des trois Estats, assemblez à Orleans en l'an 1560. ordōna, que à l'auenir tous Archeuesques & Euesques seroyent esleus & nommés, assauoir les Archeuesques par les Euesques de la province, par le Chapitre de l'Eglise Archiepiscopale : les Euesques par l'Archeuesque, Euesques de la province, Chanoines de l'Eglise Episcopale, & par douze gentils-hommes, qui seront esleus par la noblesse du Diocese, & douze notables bourgeois, qui seront esleus en l'hostel de  
la ville

la ville Archiepiscopale, ou Episcopale, tous lesquels conuoquez à certain iour, par le Chapitre du siege vaquant, & assemblez, comme dit est, s'accorderont de trois personages des suffisances & qualitez requises par les saints Decrets & Conciles, aagés du moins de trente ans, qu'ils presenteront à sa Majesté, pour par elle faire election de celuy des trois qu'elle voudra nommer à l'Archeuesché, ou Euesché vaquant: sans que pour la prouision soit payée aucune annate: & à ces fins inhibé tout transport d'or ou d'argent hors du Royaume, à peine du quadruple. Et ainsi la forme des anciennes elections Episcopales, est aucunement restablie, mais non l'election des Prestres, ni le droit de confirmation & consecration, qui a esté osté aux Metropolitains & Archeuesques.

xxxii. Ce concordat fait entre le Roy François I. & le Pape Leon X. abolit voirement la pragmatique Sanction de Bourges, si odieuse aux Papes, & fut vne tresgrande infraction aux libertez des Eglises de Gaule, comme a esté dit, mais non l'entiet aneantissement d'icelles. Au contraire ce seul concordat suffiroit pour monstrier, qu'il y a grande difference entre les Eglises de France, & celles des pays d'obedience, & que ce Royaume ne releue aucunement de la pretendue souueraineté du Pape, puis que par iceluy le Pape a traité, & conuenu des points, dont on estoit en different, & que ce concordat est expressément subrogé au lieu & place de la pragmatique Sanction. Et c'est pourquoy les Papes & leurs successeurs n'ont pas laissé de continuer en toutes occasions, à diminuer lesdites libertez de tout leur possible, attendant de les supprimer & abolir entierement: Et de faire valoir la belle determination de Boniface huitiesme, lors que les choses seroyent bien disposées.

xxxiii. A cela ont rendu tant d'approbations de nouveaux ordres reguliers, tant de privileges à eux octroyez au prejudice des Prelats, Eglises & Vniuersitez de France, & mesmes aux Iesuites à cause de leur quatriesme vœu; tant d'escrits & liures faits & publiés à Rome, & ailleurs, de l'autorité du Pape sur les choses temporelles, & de son pouuoir à degrader les Roys & Empeleurs, & absoudre leurs sujets du serment de fidelité. A cela mesme a rendu l'approbation de la Ligue faite contre le Roy, & contre tous les Princes du sang, sous pretexte qu'ils estoient ou he-

retiques ou fauteurs d'heretiques, & des descendants de Hue Capet, qui auoit accepté, & usurpé la Couronne de France sans le consentement, approbation & benediction du sain& Siege, & introduit l'erreur damnable appellé *liberté de l'Eglise Gallicane*. Les escrits qui ont esté faits sur ce sujet, les memoires qui furent trouuez dans les coffres de l'Aduocat Dauid, les Bulles o&royées par les Papes en faueur des chefs de la Ligue, & contre nos Roys & les Princes du sang, & les attentats ensuiuis, par lesquels l'estat de la France a esté reduit au bord de son precipice, & entier renuersement, ne le tesmoignent que trop.

xxxiv. Dieu par sa grace y a pourueu, ayant tellement benin le feu Roy Henri le grand, de tres-heureuse memoire, qu'avec la bonne assistance de ses sujets de la Religion, qui l'auoyent tousiours suyui, & des vrais François Catholiques tant Ecclesiastiques, de la Noblesse, des Cours de Parlement, que autres qui se ioignirent à luy, il s'opposa à ceste grande conjuration, & par ses armes victorieuses, & salutaires Edicts la dissipa & esteignit entierement. Et par ce moyen conserua l'Estat & Couronne, & ce qui reste de liberté aux Eglises de France.

xxxv. Par ce que dessus, il appert euidentement, que les Roys, les Eglises, les Estats, les Parlements & Vniuersités de France n'ont iamais esté de l'opinion du Pape, touchant la puissance qu'il s'attribue, soit au temporel ou spirituel, & qu'en cela consiste ce peu de liberté, qui met difference entre la France & le pays d'obedience. Nous le recapitulerons brievement & enterons l'anithese & l'opposition au chapitre suuant.

## CHAP. XXI.

*Sommaire des maximes de l'Eglises Gallicane, du tout contraires  
à la doctrine du Pape, touchant le pouuoir & auctorité  
qu'il s'attribue.*

I.



VE de droict Diuin ou Canonique, le Pape n'a aucun pouuoir ou iurisdiction sur les choses temporelles de France.

II. Que le Roy a immediatement de Dieu, son pouuoir & auctorité sur tous les pays terres & Seigneuries : & iurisdiction sur tous les sujets & habitans du Royaume.

III. Que sans demander permission au Pape, sa Majesté a droict & pouuoir de conuoquer en son Royaume les Synodes & Conciles prouinciaux & nationaux, pour traiter les affaires concernant l'ordre & discipline Ecclesiastique, & les libertez de l'Eglise Gallicane, & de faire loix, ordonnances & pragmatiques Sanctions des resolutions y prinſes.

IV. Que tous les Prelats sont tenus de preſter au Roy ſerment de fidelité, & de prendre de luy inueſtiture pour leurs ſieſs & Seigneuries.

V. Que les Legats du Pape ne peuuent vſer de leurs facultez dans les terres de l'obeiſſance du Roy, ſinon apres auoir juré & baillé promeſſe par eſcrit, de n'exercer leur legation que tant & ſi longuement qu'il plaira au Roy : Et qu'ils ne feront choſe contraire aux ſaincts Decrets, Conciles generaux, libertez & priuileges de l'Eglise Gallicane & des Vniuerſitez : & que leurs facultez n'ayent eſté veuës & veriſiées par la Cour de Parlement. Et ſont tenus de laiſſer en France les regiſtres de leurs expediti-  
ons.

VI. Que les Prelats de France mandez par le Pape ne peuuent ſortir du Royaume ſans permission du Roy.

VII. Que le Pape ne peut leuer aucune choſe ſur le reuenu du temporel des benefices de ce Royaume, ſous quelque pretexte que ce ſoit ſans l'auctorité du Roy & conſentement du clergé.

viii. Que ni le Roy, ni son Royaume, ni ses officiers ne peuvent estre excommuniez ou mis en interdict par le Pape, ni les subjects de sa Majesté absous du serment de fidelité qu'ils lui doivent.

ix. Le Roy ne plaide jamais de ses droicts & pretensions qu'en la Cour de Parlement, & non par deuant le Pape ou ses deleguez.

x. Les Notaires creez de l'autorité du Pape ne peuuent receuoir contractz de choses temporelles, & les contractz par eux receus ne portent hypotheque.

xi. Le Pape ne peut legitimer les bastards, ni restituer les laics contre l'infamie pour les rendre capables de succession, ou obtenir offices & estats seculiers.

xii. Ne peut aussi le Pape aliener ou permettre l'alienation des biens Ecclesiastiques immeubles, sans traité precedent & consentement des Ecclesiastiques.

xiii. Ne peut aussi par soi ou par ses Legats exercer aucune juridictiõ sur les subjects du Roy, mesmes de leur consentement, es cas dont la cognoissance appartient au Roy & aux Iuges seculiers : Et pour crimes purs Ecclesiastiques, ne peut condamner les laics en amendes pecuniaires.

xiv. Que les Cours de Parlement au moyen des appellations comme d'abus, ont droit & pouuoir de declarer nulles, casser & reuoker les Bulles du Pape, fulmination & execution d'icelles, lors qu'elles sont ottroyées contre les saints Decrets, libertez & priuileges de l'Eglise Gallicane, autoritez & preeminences du Royaume.

xv. Que les Conciles generaux legitiment assemblez, sont par dessus le Pape, & le peuuent corriger & deposer : & enuoyer & mettre vn autre en sa place, & cognoistre des appellations qui sont interjettées du Pape : & par consequent, que les Papes peuuent errer.

xvi. Que l'Eglise représentée par les Conciles, a son pouuoir & autorité immediatement de Dieu.

xvii. Que mesmes les Euesques ont leur pouuoir de Iesus Christ immediatement & non du Pape : & sont tous egaleme[n]t successeurs de S. Pierre & des autres Apostres & vicaires de Christ.

xviii. Que le Pape ne peut dispenser pour quelque cause que ce soit, de ce qui est de droit divin & temporel.

xix. Que les Decretales des Papes, faites ou à faire, ne doivent point estre receuës entant qu'elles sont contraires aux anciens Canons de l'Eglise Catholique, & aux libertez de l'Eglise Gallicane.

xx. Que les causes Ecclesiastiques des subjects du Roy, desquelles le Pape a vsurpé la cognoissance, soit in premiere instance ou par appel, ne peuuent estre euoquez à Rome, mais faut les traiter & terminer sur les lieux, & par Iuges du Royaume à ce deleguez.

xxi. Que les mandats de *prouidendo*, graces expectatiues, reseruations, regres, translations, ne sont receus & n'ont aucun lieu en France.

xxii. Le Pape ne peut dispenser les graduez des temps & cours de leurs estudes.

xxiii. Ne peut conferer ni vnir les hospitaux ou leproseries de ce Royaume: ni creer Chanoines d'Eglise Cathedrale ou Collegiale, mesmes du consentement des Chapitres, ni conferer les premieres dignitez des Eglises Cathedrales ou Collegiales.

xxiv. Nulle Eglise, Monastere ou autre corps Ecclesiastique, ne peut estre exempté de son ordinaire, pour dependre immediatement du Pape, sans la licence & permission du Roy.

xxv. Ne peut aussi le Pape eriger des Eueschez ou Archeueschez, les vnir ou diuiser, sans la permission du Roy.

xxvi. L'Eglise Gallicane n'a jamais fait difference entre election & postulation, ou plustost n'a jamais vsé du droit de postulation comme contraire à sa liberté.

xxvii. Les Euesques exempte de la jurisdiction de leurs Archeuesques par la tradition du *pallium*, ne siegent pas pourtant es Conciles generaux de France, auant ceux qui sont premiers en promotion, comme dit Chassanée *in catal. glor. mundi, parte 4. consid. 24.*

xxviii. Au Parlement & Concile tenu à Tionville en l'an 835. sous l'Empereur Louys le Debonnaire, il fut resolu que l'Euesque de Rome deuoit estre appellé Papè & frere, mais nō Pere ou Pontife. Et que l'Empereur a plus de pouuoir au gouuernement de l'Eglise que l'Euesque de Rome, comme dit Agobard Euesque de

Lyon en son traité de la comparaison de deux gouvernemens rapporté par Bossellus és Decrets p. 728.

xxix. Que les Conciles Nationaux des Gaules peuvent condamner & depoler les Euesques.

xxx. Que le Pape ou l'Euesque de Rome n'a jamais esté seul Euesque de la Chrestienté, & que les autres Euesques ne tiennent point leur pouuoir & autorité de luy, ainsi qu'il dit, *c. quia diuersitatem, extra de concess. prebend.*

xxxi. Que l'infailibilité reside en l'Eglise & au Concile, non en la personne du Pape.

xxxii. Que ces paroles de Iesus Christ, *Et sur ceste Pierre j'edifieray mon Eglise*, doiuent estre entendues de Christ mesme ou de la confession de Pierre.

xxxiii. Que tous ceux ne sont point heretiques, anathemes, excommuniez & damnez, qui en quelque chose sont discordans de la doctrine du Pape : qui appellent de ses Decrets, & empeschent l'execution de ses ordonnances, ou de ses Legats,

*Fin du troisesme liure.*

LIVRE





# LIVRE QUATRIEME.

## ARGUMENT.

*Que l'opinion du Pape touchant la puissance qu'il attribue à S. Pierre, est contraire à la parole de Dieu.*

Chap. 1. Que Iesus Christ n'a pas donné à S. Pierre plus de pouvoir & autorité qu'à ses autres Apostres.

Chap. 2. Que les autres Apostres n'ont point creu que Iesus Christ soit devant ou apres sa resurrection eust establi ou promis d'establi S. Pierre chef de l'Eglise & leur souverain & ne l'ont point recognu pour tel.

Chap. 3. Que S. Pierre n'a pas creu que nostre Seigneur le eust constitué ou promis de le constituer chef des autres Apostres & de toute l'Eglise & qu'il n'a exercé aucun tel pouvoir ou iurisdiction soit en qualité d'Apostre ou de pretendu Euesque de Rome, ou autrement.

Chap. 4. Que les Passages de la sainte Escriture employés par le Pape pour l'establissement de sa puissance souveraine sont allegués mal à propos, & ne luy peuvent servir.

Des passages Luc 22. v. 32. *J'ay prié pour toy que ta foy ne defaillle, &c.* & Iean 21. v. 15. *Iesus dit à Simon Pierre, Simon fils de Iona m'aimes tu, &c.*


## ADVERTISSEMENT.

**L** pourroit sembler inutile & superflu de parler du pouuoir de saint Pierre, veu qu'il ne s'en suit aucunement que le Pape aye le pouuoir qu'il s'attribue, bien qu'on seroit d'accord, que Iesus Christ eust establi

saint Pierre son lieutenant general, chef des Apostres,  
 Monarque & fondement de l'Eglise. Car pour tirer  
 telle consequence il faudroit verifier que ce pouuoir &  
 priuilege eust esté donné non seulement à saint Pierre,  
 mais à ses successeurs en l'Euesché de Rome, ou du  
 moins à ceux qu'il nommeroit & choisiroit pour succe-  
 ssors: Et à faute de faire ladite nomination, aux Eues-  
 ques du lieu où il establirait son principal siege, & où il  
 decederoit & seroit enterré: dequoy Iesus Christ ne  
 parla iamais: Et aussi telle nomination & Election n'a  
 point esté faite, mesme n'appert point que S. Pierre aye  
 esté Euesque particulier de la ville de Rome, non plus  
 que S. Paul. Toutesfois parce que le Pape ne pretend  
 d'auoir autre pouuoir que celui qui a esté donné à saint  
 Pierre par nostre Seigneur, & partant si S. Pierre n'a  
 eu aucun pouuoir & Authorité par dessus les autres  
 Apostres, Il s'ensuit que les Euesques de Rome apres  
 S. Pierre n'en ont eu ni peu pretendre aucun sur les au-  
 tres Euesques, moins encor sur les Apostres lors surui-  
 uans, comme estoit S. Jean: Il m'a semblé à propos de  
 verifier Premièrement par le Nouueau Testament,  
 en suivant d'un bout à l'autre, Si Iesus Christ a don-  
 né un tel pouuoir à S. Pierre: Si les autres Apostres ont  
 eu ceste creance: Et si saint Pierre mesme l'a creu &  
 exercé ceste souveraine puissance & au spirituel &  
 au temporel: Et en apres quel a esté sur cela, le senti-  
 ment de l'ancienne Eglise.

## CHAP. I.

*Que Iesus Christ n'a pas donné à saint Pierre plus de pouuoir & Anthorité qu'à ses autres Apostres.*

1.  E s v s Christ Matth.4.v.18. Marc 1.v.16. & 17. ne dit pas à Pierre seulement, le te feray pefcheur d'hommes, Mais à Simon Pierre & à André son frere, le vous feray pefcheurs d'hommes.
2. Il dit à ses Apostres en general Matth.9.v.13.14. qu'ils sont le sel de la terre, qu'ils sont la lumiere du monde.
3. Il donne aux douze disciples pouuoir sur les esprits immondes, pour les iecter hors : de guerir toutes sortes de maladies, & toutes sortes de langueur Matth.10.v.1. Luc 9.v.1.
4. Audit chap.10 de S. Matth. v.2. les Apostres sont accouplés deux à deux assauoir Pierre & André, Iacques & Iean, & sans aucune distinction Luc 6.v.14. Marc 6.v.7.
5. Il les enuoye tous douze, & leur donne mesme mandement de prescher, guerir les malades, nettoyer les lepreux, ressusciter les morts, iecter hors les diables : Et le tout pour neant Matth.10.v.8. Marc 6.v.7.8.
6. Leur dit à tous douze, qu'il les enuoye comme brebis au milieu des loups ; Les aduertit tous qu'ils seront liurés aux Confistoires, Fouëttez és Synagogues, menés deuant les Gouverneurs, mesmes deuant les Roys, à cause de luy, Matth.10.v.16.17.18.
7. Leur dit à tous sans les distinguer de S. Pierre, que qu'ils recoit, recoit Iesus mesme, Matth.10.v.40.
8. Iesus estendant sa main sur ses disciples, ( & non seulement sur Pierre, ) dit, Voici ma mere & mes freres, Matth.12.v.49.
9. Iesus dit à tous ses disciples, qu'il leur est donné de cognoistre les secrets du Royaume des Cieux : & que leurs yeux sont bien heureux, car ils apperçoient, & leurs oreilles, car elles oyent, ce que plusieurs prophetes & Iustes ont désiré de voir & ouïr, Matthieu 12. v.16. 17.
10. Il baille à tous ses disciples les cinq pains & les deux poissons pour les distribuer aux troupes, Matt. 14.v.19 Et les sept pains & poissons, Matth.15.v.36.

11. Iesus les aduertit tous (mesmes saint Pierre) de se donner garde du leuain des Pharisiens & Sadduciens, c'est à dire de leur doctrine, Matth. 16. v. 6. & 12.

12. Montant en la montagne pour là estre transfiguré, il ne mena pas seulement Pierre, mais aussi Iaques & Iean, Matth 17. v. 1. Marc 9. v. 2. Luc 9. v. 28.

13. Si nostre Seigneur eust donné à saint Pierre le pouuoir absolu sur l'Eglise & sur les autres Apostres, par ces paroles, *tu es Pierre &c. Et ie te donneray &c.* qui sont au chap. 16. de S. Matth. v. 18. & 19. Il n'auroit pas ordonné apres au mesme S. Matth. 18. v. 15. à ses disciples entre lesquels estoit S. Pierre, que celuy d'entr'eux qui seroit offensé par son frere, en demandast à part reparation à son dit frere: & s'il n'en vouloit rien faire, qu'il luy en fist encor sommation en presence d'un ou de deux freres: & en fin qu'il s'adressast à l'Eglise, renuoyant par ce moyen S. Pierre mesme, à l'Eglise de l'accusé & offensant, comme au dernier & souuerain Iuge. Or le superieur n'est point renuoyé à l'inférieur; car au lieu de ce circuit, nostre Seigneur eust dit, que l'offensé se deuoit adresser en premiere Instance aux Iuges establis par S. Pierre, & en dernier effort à saint Pierre mesmes auquel il auoit donné, ou promis de donner, plain & absolu pouuoir. Et quant à S. Pierre & à ses successeurs qu'ils ne pouuoient estre iugez par les hommes, ni par toute l'Eglise, mais qu'il s'en reseruoit le iugement. Ou bien que S. Pierre & les Papes ses successeurs en l'Eglise de Rome, se pourroient faire iustice à eux mesmes: Et que pour leur regard ces mots Dis-le à l'Eglise. veulent dire, dis-le à toy mesme, ainsi que l'interprete le Cardinal Bellarmin au 2. liure des Conciles ch. 19.

14. Iesus Christ dit aussi non seulement à Pierre seul, mais à tous ses Apostres en general Matth. 18. v. 18. Quoy que vous aurez lié sur la terre, il sera lié au Ciel: & quoy que vous aurez deslié, il sera deslié au Ciel: Et di-le à l'Eglise &c. Et là où deux ou trois seront assemblez &c.

15. Iesus Christ ayant dit à ses disciples Matt. 19. v. 23. 24. & 25. Qu'un riche entrera difficilement au royaume des Cieux, & qu'il est plus aisé qu'un chameau passe par le pertuis d'une eguille, que un riche entre au royaume des Cieux, les disciples s'estonnerent fort, disant qui est ce donc qui peut estre sauué. Et Iesus leur ayant dit, que quant aux hommes, cela leur estoit impossible: mais que quant à Dieu toutes choses sont possibles. Pierre prenant la parole

parole luy dit, voici nous auons tout delaissé & t'auons suyui, que nous en reuiendra-il donc? Et Iesus leur dit, en verité ie vous di, que vous qui m'auéz suyui en la regeneratiõ, quand le Fils de l'hõme sera assis au throne de sa gloire, Vous aussi serez assis sur douze thrones iugeans les douze lignées d'Israël. En quoy d'erechef il fait les douze Apostres entierement esgaulx: secondement il eust respondu à S. Pierre, l'aduantage de ce que tu m'as suyui sera grand pour toy, car ie t'ay desia constitué chef de toutes les Eglises du monde, voire monarque tant au spirituel qu'au temporel, ce qu'il n'a fait.

16. Iaq̃ues & Iean fils de Zebedee & leur mere qui n'auoient point aprins que Iesus Christ eust donné ceste preeminence & authorité à S. Pierre, supplient nostre Seigneur de leur accorder, que quand il seroit paruenue en son royaume (qu'ils se figuroient terrien) L'un fust assis à sa dextre, & l'autre à sa gauche (c'est à dire eussent les plus honorables places, mesmes auant S. Pierre) Matt. 20. v. 20. Marc 10. vers. 35. De laquelle demande les dix autres Apostres estans indignés (& non seulement S. Pierre) contre les deux freres, Iesus leur ayant fait ceste remonstrance, Vous sçauéz que les Princes des nations les maistrisent, & les grands vsent d'authorité sur icelles, il prononce l'arrest; mais il ne sera pas ainsi de vous, ains quiconque voudra estre grand entre vous, soit vostre ministre, Et quicõque voudra estre le premier entre vous, soit vostre seruiteur. Tout ainsi que le Fils de l'homme n'est point venu pour estre serui, mais pour seruir, & donner sa vie en rançon pour plusieurs, Matth. 20. v. 24. & suiua. Au lieu que nostre Seigneur eust dit, l'en ay autrement ordonné cy deuant ayant donné la primauté, preëance, & authorité sur vous & sur vos compagnons à Pierre, de l'aduis duquel vous vous conduirés & suiurés ses ordonnances & celles de ses successeurs Euesques de Rome. Mais rien de cela.

17. Et en S. Matth. 23. v. 1. & suiua. nostre Seigneur dit à ses disciples, qu'ils ne doiuent pas faire comme les Scribes & Pharisiens qui ayment d'estre appellés nostre maistre, & adiousté v. 10. mais celuy qui est le plus grand entre vous, soit vostre seruiteur.

18. Au 2. & derrier eh de S. Matth. v. 19 Iesus apres estre ressusité, dit aux onze disciples, allés & endoctrinés toutes nations, les baptizans au Nom du Pere, du Fils & du S. Esprit, & les enseignez de garder tout ce que ie vous ay commandé, & voici ie suis

avec vous tousiours iusques à la consommation du monde, *Idem* Marc 16.v.15.

12. Luc 22.v.19. Il dit à tous ses Apostres, faites ceci en commemoration de moy, & ne dit pas à Pierre seul, Fais ceci, & donne pouuoir aux autres Apostres de faire ainsi.

20. Il leur dit à tous & non à Pierre seul Luc 22.v.36. que celuy qui n'auoit point d'espee, vendist sa robbe & achettast vne espee. Et non Pierre seul, mais aussi les autres Apostres dirēt, Voici deux espees : & n'est point dit que Pierre seul eust porté lesdites deux espees. Aussi lors que nostre Seigneur fut prins, il est dit, que ceux de ses disciples qui estoient autour de luy, & non Pierre seul, dirent, Seigneur frapperons-nous de l'espee? Luc 22.v.49. & apres nostre Seigneur dit à celuy d'entr'eux qui auoit frapé le seruiteur du souverain Sacrificateur (qui estoit Pierre, Iean 18.v.10.) Remets ton espee au fourreau, & non tes espees &c. Matth. 26.v.51. Marc 14.v.47. Luc 22.v.50. Iean 18.v.11. & S. Matt.v.53. adiousté la raison auancee par nostre Seigneur, pense-tu (Pierre) que ie ne puisse maintenant prier mon Pere, qui me bailleroit presentement plus de douze Legions d'Ange? Par laquelle il montre non seulement qu'il n'auoit pas commandé à Pierre seul de prendre & acceper des espees, mais aussi que la fin pour laquelle il auoit fait ce commandement en general à ses Apostres n'estoit pas pour s'en seruir à resister au Magistrat, ou autrement pour defendre leur maistre, qui d'une seule parole ou d'un seul clin d'œil pouuoit renuerser tous ses ennemis: Mais seulement afin que fust accompli ce qui auoit esté escrit de luy, Esaie 53.v.12. Et il a esté mis au rang des iniques: ainsi que montre clairement S. Luc audit ch. 22.v.37. où il dit que Iesus Christ ayant commandé à ses disciples d'acheter des espees, adiousté, que luy mesme declara à quelle fin, Car il faut que ceci aussi qui est escrit soit accompli en moy, & il a esté mis au rang des Iniques. Et c'est pourquoy aussi lors que les disciples dirent à nostre Seigneur, Voici deux espees, il leur respondit c'est assés Luc 22.v.38. assauoir pource que nous en auons à faire: qui est que ie soye reputé entre les Iniques, qui font des assemblees avec port d'armes: & qui resistent au Magistrat, & blessent les officiers de Iustice. Car il n'a pas seulement esté mis au rang des iniques lors qu'il fut crucifié entre deux brigands, mais aussi lors qu'il fut accusé, saisi, garrotté, conduit deuant les iuges, examiné & condamné. Et ne semble à propos ce qu'on



qu'on dit que les Apostres n'entendirent pas bien, le commandement du Seigneur lequel ne parloit pas d'espée ou glaiue materiel. Car outre que nostre interpretation est literalle & n'attire aucune mauuaise cōsequence apres elle, il faut cōsiderer, premieremēt que nostre Seigneur Iesus Christ enuoyant auparauāt prescher ses disciples, leur auoit defendū de porter ni bource, ni mallette, ni baston, Matth. 10. v. 9. 10. & ici il leur cōmande de se pouruoir d'espees soit au moyē de leur argēt qu'ils ont en leurs bources & mallettes, ou s'ils n'en ont point, que plustost ils vēdēt leurs robbes pour acheter des espees. Et que tout ainsi que là, il auoit entēdu d'ēdredre le port des bources, mallettes, & robbes materielles, qu'aussi ici il a entēdu qu'au moyē de leurs bources, mallettes, & robbes materielles, ils achetrassēt des glaiues ou espees materielles. Secōdement si nostre Seigneur ne l'eust ainsi entendu il n'eust pas dit, c'est assez, lors que les disciples luy monstrent deux espees, mais les eust instruits de son intētion, comme il fit, lors que leur ayant cōmandē de se dōner garde du leuain des Pharisiēs & qu'ils l'entēdoiēt du leuain de pain, il les redressa & leur fit entēdre que c'estoit de la doctrine des Pharisiēs dont ils se deuoient dōner garde, Matt. 16. v. 5. & 12. Et alors qu'en S. Iean 4. v. 32. ayant dit à ses disciples qu'il auoit à manger d'une viande qu'ils ne sçauoiēt pas, & eux euidās que quelqu'un luy eust apportē à manger, Iesus leur dit, mais la viande est que ie face la volōté de mon pere qui m'a enuoyē & parface son ōeure. Et lors qu'il dit à ses disciples que Lazare dormoit, & ils pēsoiēt que ce fust du dormir du sommeil, Iesus leur dit ouuertement qu'il estoit mort, Iean 11. v. 11. 12. & 13. Et ne sert de dire qu'il n'appert pas qu'on ait accusē nostre Seigneur d'auoir fait amas de gens portans armes, moins que l'un des siēs eust coupē l'oreille au seruiteur du souuerain Sacrificateur: car les Interrogatoires à luy faites ne sōt pas toutes exprimees ni couchees au lōg par les Euāgelistēs. D'autāt que nostre Seigneur ne voulut respōdre vn seul mot à pas vne des accusatiōs intētees cōtre luy, ni contredire la deposition des faux tesmoins, ou proposer reproches cōtr'eux: & cela afin qu'il fust tenu & reputē pour inique & coupable, & que cōme tel il fust cōdāné au supplice de la Croix destinē seulement, pour les brigands & mal-fauteurs execrables de basse & vile cōdition. Car autremēt il pouuoit iustemēt non decliner la Iurisdiction, veu que luy mēme confessā à Pilate qu'il auoit puissance sur luy, qui luy estoit dōnée d'en haut, Iean 19. v. 11. mais se de fēdre



& iustificier cōme fit S. Paul, Actes 25. v. 8. disant n'auoir en rien fail-  
 li ne cōtre la Loy des Iuifs ne contre le Temple, ne contre Cesar.  
 Mesme S. Matth. 27. v. 12. & 13. dit que Pilate dit à nostre Seigneur,  
 N'ois-tu pas cōbien de tesmoignages ils amenēt contre toy? mais  
 qu'il ne respondit rien, dequoy Pilate s'esmerueilloit grandemēt.  
 Car ce n'est l'ordinaire des accusez & criminels de se taire, & ain-  
 si d'aduouër par leur silence le crime qu'ō leur impose. Et S. Marc  
 de mesme ch. 15. v. 3. & 4. dit que les principaux Sacrificateurs l'ac-  
 cousoiēt de plusieurs choses, & que Pilate dit, Voila cōbiē de cho-  
 ses ils tesmoignēt contre toy, mais qu'il ne respondit riē, tellemēt  
 que Pilate s'en esmerueilloit. Et S. Luc 23. v. 2. exprime trois accu-  
 satiōs generales qui comprenoiēt plusieurs crimes, Assauoir, qu'il  
 subuertissoit la natiō, c'est à dire qu'il l'ineitoit à rebellion: 2. Qu'il  
 défendoit de bailler le tribut à Cesar. 3. Qu'il se disoit estre Christ  
 le Roy. Et encor v. 5. qu'il esmouuoit le peuple & v. 9. & 10. qu'He-  
 rode auquel Pilate l'auoit renuoyé, l'interroga par diuers propos,  
 les principaux Sacrificateurs l'accusans avec grande vehemence;  
 mais qu'il ne luy respōdit riē. Et S. Iean 18. v. 28. & suiuaus adiouste  
 quelques particularitez & reprints de Pilate obmises par les au-  
 tres Euangelistes. Et ch. 19. v. 7. Les Iuifs dirēt à Pilate que selō leur  
 loy il deuoit mourir, car il s'estoit fait Fils de Dieu: mais cela n'e-  
 stant suffisant pour emouuoir Pilate, les Iuifs adioustēt v. 12. qu'il se  
 disoit estre Roy, & que quiconque se fait Roy, cōtredit à Cesar. Et  
 v. 15. qu'ils n'auoiēt point d'autre Roy que Cesar. Et en outre en S.  
 Iean ch. 18. v. 19. Il est dit que le souuerain Sacrificateur interroga  
 Iesus Christ touchant ses disciples & touchant sa doctrine: Mais  
 que touchant ses disciples il ne respondit rien: Et touchant sa do-  
 ctrine, il le réuoya à ceux qui l'auoyent ouy. Il est aussi vray-sēbla-  
 ble qu'ō ne le voulut pas interroguer sur ledit coupemēt d'oreille;  
 pour ne verifiër pas le miracle de guerison ensuiui, & que cela ne  
 seruist pour exēpter de mort nostre Seigneur. De ce que dessus s'est  
 fait que ce passage ne peut aucunement seruir pour l'establissemēt  
 de l'autorité du Pape quād mesmes on luy accorderoit qu'il fust  
 seul successeur de S. Pierre, puisque S. Pierre n'auoit qu'une espèce,  
 que nostre Seigneur parloit des espèces materielles, & commanda  
 à ses disciples d'achepter afin que fust accompli ce qui auoit esté  
 predit de luy; qu'il seroit mis au rang des iniques.

21. Au 24. & dernier clide S. Luc v. 45. nostre Seigneur ouurit  
 également l'entendement aux onze Apostres pour entendre les  
 escriptures.

escritures. Et vers. 48. leur promet à tous onze de leur enuoyer le sain& Esprit. Et v. 49. leur commande à tous onze, de demeurer en Hierusalem iusques à ce qu'ils fussent reueſtus de la vertu d'en haut.

22. André estoit l'un des disciples de Iean Baptiste qui ayant ouy dire à Iean parlant de Iesus, Voila l'Agneau de Dieu, suivit Iesus: & apres dit à Simon son frere, nous auons trouué le Messias: & le mena vers Iesus, Iean i. v. 36. 40. & 41.

23. Iean 13. v. 5. & 14. Iesus laue les pieds à tous ses disciples & non seulement à Pierre: & leur dit qu'à son exemple ils doivent lauer les pieds les vns des autres & non seulement ceux de Pierre. Or les Papes Modernes ont bien fait semblant de vouloir exccuter le commandement du Seigneur, d'autant que tous les ans à certain iour ils lauent les pieds à quelque nombre de pauvres: mais en effait c'est tout le contraire: car Iesus Christ en cest endroit n'a pas commandé de lauer les pieds aux pauvres & mendians: mais pour monſtrer l'egalité de ses disciples, il leur a commandé de lauer les pieds les vns des autres, & leur recommande par ce moyen l'humilité. Il faudroit donc que le Pape pour obeïr à Iesus Christ & l'imiter, assemblast ses confreres les autres Euesques, & que là ils se lauassent les pieds les vns aux autres, mais pour ne se monſtrer eſgal à ses compagnons Euesques, il prend par mocquerie des pauvres mendians, & cependant se fait baiser la pantoufle aux plus grands & releuez du monde.

24. Iean 14. v. 16. & 17. Je prieray le Pere & il vous donnera un autre consolateur l'Esprit de verité: non à Pierre seul mais à tous.

25. Iean 20. v. 21. 22. & 23. Iesus enuoye tous ses disciples, leur dit à tous, comme mon Pere m'a enuoyé aussi ie vous enuoye. Or il n'auoit pas esté enuoyé pour constituer des Royaumes & polices terriennes, & exercer le glauiue materiel, veu qu'il dit luy meſme que son regne n'est point de ce monde: & qu'il n'a point esté establi Iuge ou partageur d'heritages temporels, & commande à Pierre de remettre son glauiue en ſa gaine: souffle sur eux egale-ment: leur disant à tous & ainſi à Pierre entre les autres, receuez le sain& Esprit, à quiconques vous pardonnerés les pechez ils seront pardonnés, & à quiconques vous les retiendrés, ils seront retenus. Et cela auant meſme qu'il eust dit à Pierre par trois fois, pais mes brebis, Iean 21. v. 15. & ſuiuans.

26. Act. ch. i. v. 2. Iesus donna mandement à ses Apostres v. 3. ſe

presenta à eux viuant v.4. les assembla tous & leur commanda de attendre en Ierusalem la promesse du Pere v.5. leur dit à tous que dans peu de iours ils seroient baptizés du saint Esprit, ver.8. que tous luy seroient tesmoins tant en Ierusalem que par toute la terre.

27. Act.2.ver.1.2.3.& 4. Le saint Esprit descend sur les douze Apostres, & se posa sur *Vn chacun* d'eux & furent *tous* remplis du S.Esprit,tous commencerent à parler langages estranges.

28. Act.4.ver.31. Tous les Apostres & non Pierre seul furent remplis du saint Esprit,& v.34. le prix des biens qui estoient vendus, estoit mis aux pieds des Apostres, non de Pierre seul.

29. Apocal. chap.21. v.10. & suiuaus la grande Cité Ierusalem la sainte descendante du Ciel de deuers Dieu, auoit douze portes, & es portes douze Anges, & les noms des douze tribus d'Israël : & la muraille de la Cité ayant douze fondemens & en iceux les noms des douze Apostres de l'Agneau.

## CHAP. II.

*Que les autres Apostres & disciples n'ont point creu que Iesus Christ fust deuant ou apres sa resurrection eust establi ou promis d'establi saint Pierre chef de l'Eglise & leur Souuerain, & ne l'ont point reconnu pour tel.*

1. **B** IEN que nostre Seigneur au 16. de saint Matth.v. 18. eust dit à saint Pierre, tu es Pierre & sur ceste pierre i'edifieray mon Eglise,&c.Et ie te donneray les clefs du Royaume des Cieux,toutefois les disciples disputerēt depuis en chemin quel d'entr'eux estoit ou seroit le plus grand Matth.18.v.1. Marc i.v.34. & Luc 9. v.46. ce qu'ils n'auoient iamais fait, s'ils eussent creu que nostre Seigneur eust establi ou promis d'establi par les susdites paroles *sur ceste pierre* &c. Et *ie te donneray* &c. S.Pierre, son lieutenant general, chef & Monarche de toute l'Eglise. Et aussi nostre Seigneur resolut leur doute & vuida leur question & leur fit entendre que si aucun d'eux auoit ainsi entendu lesdites paroles, il s'estoit trompé. Car au lieu de leur dire qu'il en auoit desia ordonné, & que saint Pierre estoit non seulement le premier, mais qu'il seroit *son*

son lieutenant general & leur chef: il prononça cest Arrest, Si quelqu'un veut estre le premier qu'il soit le dernier de tous & serviteur de tous, Marc 9.v.35. Et celuy qui est le plus petit d'entre vous tous, cestuy-la sera grand, Luc 9.v.48.

2. Les Apostres Jaques & Jean & leur mere ne tenoient point que saint Pierre fust le premier, moins qu'il fust ou d'eust estre Monarche de l'Eglise, quand ils supplierent nostre Seigneur de leur accorder que lors qu'il seroit en son royaume, l'un fust assis à sa dextre & l'autre à sa gauche, c'est à dire qu'ils eussent les premiers rangs & les plus honorables charges, Matth. 20.v.20. Marc 10.v.35. Et toutefois ils auoient esté présents lors que nostre Seigneur auoit dit à saint Pierre, *tu es Pierre, &c. je te donneray, &c. Et tout ce que tu lieras, &c.* Et qui plus est ils firent ceste requeste en presence de saint Pierre & des autres neuf Apostres, qui tous auoient subiect de dire que la chose estoit iugée du moins quant à saint Pierre.

3. Estant question de l'election & establissement des Diacres, les douze Apostres dirent à la multitude de choisir sept hommes d'entr'eux, ausquels ils commettroient le seruice des tables, & eux poursuiuroient à vaquer à la priere & à l'administration de la parole: & en ayant esleu sept ils les presenterent aux Apostres lesquels apres auoir prié leur imposèrent les mains, Act. 2.v.24. & 6. Les autres Apostres ne s'adresserent pas à Pierre pour faire l'election, & imposition des mains, mais Pierre avec les autres requirerent la multitude des disciples d'en faire le choix, & les Diacres ne furent pas présentés à Pierre, mais à tous les Apostres: & Pierre seul ne leur imposa pas les mains, mais les douze Apostres.

4. Act. 8. vers. 5. & 14. Les Apostres qui estoient demeurez en Ierusalem ayant entendu que Samarie auoit receu la parole de Dieu par la predication de Philippes, ils leur enuoyerent Pierre & Jean. Ils n'ont pas donc creu que Pierre fust leur chef & qu'il eust tout pouuoir sur eux.

5. Act. 9. vers. 27. Barnabas print Saul & le mena aux Apostres, non à Pierre seul.

6. Act. 9. v. 38. les disciples enuoyerent vers Pierre en Lidde le priant qu'il ne tardast point de venir iusqu'à eux, ce qu'ils n'auroient osé entreprendre s'ils eussent tenu Pierre pour chef de l'Eglise.

7. Act. 11. v. 2. les disciples de la circoncision reprindrent Pierre de ce qu'il estoit entré chez les hommes incirconcis & auoit mangé avec eux : ce qu'ils n'auroient fait , mais auroient simplement prins loy de luy, s'ils l'eussent creu Monarque de l'Eglise &c. & luy ne leur auroit rendu raison de son fait , mais les auroit repris de leur hardiesse.

8. Ni Saint Estienne Act. 6. & 7. ni Philippes. Act. 8. ni Paul, ni Barnabas chap. 13. & suiuaus, ni aucuns autres des Apostres ou E-uangelistes par leurs predications , & Epistres remonstrans soit aux Iuifs ou Gentils leur deuoir, ne leur ont aucunement parlé de ceste puissance ou lieutenante generale de Saint Pierre, moins de l'Eglise ou Euesché de Rome: ce qu'ils n'auroient obmis.

9. Sur le debat arriué entre Barnabas & Paul en Antioche contre ceux qui disoient que pour estre sauués il falloit estre circoncis selon l'usage de Moysé , l'Eglise enuoya en Ierusalem Paul & Barnabas & quelques autres d'entr'eux, non à Pierre seul, mais aux Apostres & anciens pour ceste question. Et les Apostres & anciens estant assemblés Pierre se leua & opina le premier : & apres laques ayant dit son opinion tout au long sans se rapporter à celle de Pierre comme il eust deub , disant Hommes freres escoutez moy &c. Parquoy ie suis d'aduis &c. & ayant adiousté à celle de Pierre; lors les Apostres & anciens avec toute l'Eglise ( & non Pierre seul ) conclurent entierement selon l'opinion de laques : & la lettre fut escrite & l'enuoy de Iudas & Silas fait, au nom des Apostres, des anciens & des freres , & non au nom particulier de Pierre Act. 15. D'où appert que ni Paul ni Barnabas ni les anciens. & Prestres d'Antioche, ni mesmes ceux qui estoient de contraire opinion touchant la circoncision , ne croyoyent pas que Pierre fust Monarque de l'Eglise. Car autrement ils eussent incontinent terminé ceste contention, disant que Pierre estoit de tel aduis, ou s'en seroyent remis à son iugement. Et aussi laques & les autres Apostres & anciens de l'Eglise de Ierusalem auoyent simplement aquiescé à l'opinion de Pierre & fait la sentence ou decret en son nom; là où en l'assemblée il y eust grande contention , & chaqu'un dit son opinion.

10. Aussi Paul ayant fait diuers voyages qui sont décrits depuis le 15. chap. des Actes iusques au 21. Et ostant arriué en Ierusalem, il alla chez laques où tous les anciens furent assemblez (sans faire mention de Pierre) lesquels audit chap. 21. v. 25, dirent, tou-  
chant

chant ceux qui ont creu d'entre les Gentils nous en auons escrit apres auoir ordonné &c. Et ainsi ils s'attribuent l'ordonnance, l'enuoy, & les lettres, dont est parlé audit chapitre 15. bien que Pierre ne fust point lors avec eux, du moins il n'en conste point.

11. Paul, Silas & Timothee, Act. 16. v. 4 commandoient de garder les Ordonnances decretees par les Apostres & par les Anciens de Ierusalem & non par S. Pierre seul.

12. Saint Paul n'appella point à saint Pierre, mais à Cesar, Actes 25. vers. 11. recognoissant qu'il estoit iuridiciable de la iustice ciuile.

13. L'Epistre aux Romains ou à l'Eglise de Rome, fut escrite de Corinthe par saint Paul l'an 56. apres la naissance de nostre Seigneur Iesus Christ, & 15. ans apres son Ascension estant S. Paul en chemin pour aller en Ierusalem, où il fut prins & amené à Rome : & ainsi enuiron quatre ans auant qu'il vint à Rome (Act. ch. 24. v. dernier.) Ce qu'il n'auroit iamais entrepris si saint Pierre eust esté le Chef de toute l'Eglise, Lieutenant de Iesus Christ, Euesque de Rome, & que lors il eust esté à Rome. Et au dernier chapitre où il saluë tous ses amis & cognoissans, il n'auroit oublié saint Pierre. Arriuant à Rome il fut receu des freres, Act. 28. v. 16. sans parler de saint Pierre.

14. Et les Epistres de saint Paul & des autres apostres n'auroient pas esté esgalees par l'Eglise, à celles de saint Pierre, voire colloquees premieres en ordre que les siennes deux, veu mesme qu'on ne les a pas reueues selon l'ordre des temps : & que le pape qui veut que ses epistres ayent autant d'autorité que les Canons des Conciles vniuersels, & les fait mettre parmi les Conciles en leur ordre, ne souffriroit pas que les epistres des successeurs des autres apostres quoy que saints & grands seruiteurs de Dieu, fussent esgalees & mises au rang des siennes.

15. Au 15. ch. de ladite epistre aux Romains vers. 14. & 15. saint Paul s'excuse de ce qu'il leur a escrit en quelque sorte vn peu plus librement à cause qu'il est apostre des Gentils, au lieu que si S. Pierre eust esté à Rome & en eust esté Euesque particulier. ou reconnu Vicaire general de Christ, il eust fait mention de luy, & se fust excusé enuers luy, & eust escrit aux Romains qu'ils deuoient s'adresser à luy comme estant le chef de tous les apostres.

16. Les Corinthiës dont les vns se disoient estre de Paul, les autres d'Apolos, & les autres de Cephas (qui est Pierre 1. Cor. ch. 1.



v.12.) ne tenoient pas que Pierre fust le chef des Apostres & des Eglises. Et saint Paul les reprend tous également, au lieu qu'il les deuoit instruire du pouuoir qu'auoit saint Pierre sur les autres, & que tous le deuoient suiure & luy obeir comme estant successeur & lieutenant general de Iesus Christ.

17. Saint Paul i. Corinthiens chap.1. v.28. descriuant les principaux membres de l'Eglise dit : Dieu en a mis les vns en l'Eglise premierement Apostres , secondement Prophetes , tiercement Docteurs , & ne fait aucune mention de ce chef de l'Eglise & lieutenant general de Iesus Christ : & ne fait aucune distinction entre les Apostres en disant v.29. Tous sont ils Apostres? tous sont ils prophetes?

18. Saint Paul en la 2. aux Corinth. chap.11. v.5. l'estime que ie n'ay esté en rien moindres que les plus excellens Apostres, ce qu'il repete au 12. chap. Et ainsi s'esgale à S. Pierre.

19. L'epistre aux Galates est escrete de Rome par saint Paul, tant à son nom que de tous les freres qui estoient avec luy : celle aux Philippiens par Paul & Timothee : celle aux Colossiens aussi par luy & Timothee. Or n'eust-il entrepris cela s'il eust tenu Pierre pour chef de l'Eglise. Aussi n'eust-il oublié de faire expresse mention de saint Pierre s'il eust esté lors à Rome , chap.1. v.2. Là mesme verset premier & 12. Il se dit Apostre non point de par les hommes ni par homme , mais par Iesus Christ & par Dieu le pere, & qu'il n'a receu ni appris d'aucun l'Euangile qu'il a annoncé, mais par la reuelation de Iesus Christ.

20. Et là mesme ch.1. v.16.17. & 18. que Dieu luy ayant reuelé son Fils, il ne retourna pas en Ierusalem vers ceux qui auoient esté Apostres deuant luy, ains alla en Arabie & derechef en Damás, & trois ans apres retourna en Ierusalém visiter Pierre , & demeura chez luy quinze iours : & ne vit nul autre des Apostres , sinon Iacques frere du Seigneur. Il n'alla pas donc prendre sa mission de Pierre, & ne le consulta pas sur ce qu'il deuoit faire & enseigner, comme il eust deu faire s'il l'eust reconnu pour son chef.

21. Et ch.2. v.1. & 2. que quatorze ans apres ( & ainsi 18. ans apres sa vocation ) il monta derechef en Ierusalem avec Barnabas & Tite, & y monta par reuelation (notés) & conféra avec eux, non avec Pierre seul, touchant l'Euangile qu'il preschoit entre les Gentils : mesme en particulier avec ceux qui sont en estime. Non donc derechef avec Pierre seul, & pour conferer, & non pour leur



leur rendre compte de la gestion.

22. Et là mesme v. 6. & n'ay aucune chose differente de ceux qui semblent estre quelque chose, quels qu'ils ayent esté autrefois. S'il eust esté subiect à Pierre il y eust eu grande difference entre leurs charges: Nul inferieur ne parle ainsi de son superieur. Il adiouste; Car ceux qui sont en estime ne m'ont rien appris d'avantage v. 7. Mais au contraire quand ils ont veu que la predication de l'Evangile du prepuce m'estoit commise, comme celle de la circoncision à Pierre v. 8. (Car celuy qui a besongné avec efficace par Pierre en la charge d'Apostolat enuers la circoncision) a aussi besongné avec efficace par moy, enuers les Gentils (notez qu'il s'egale à Pierre) v. 9. Et laques, Cephas & lean, qui sont estimez estre les colonnes (non donc Pierre seul) ayant cogneu la grace qui m'estoit donnée, me baillerent à moy & à Barnabas la main d'association, afin que nous allissions vers les Gentils, & eux (notez) vers ceux de la circoncision, c'estoit icy où il devoit declarer pourquoy Cephas auoit changé d'avis & estoit venu à Rome, vers les Gentils (où S Paul estoit lors prisonnier &c.) Mais au contraire il dit verset 11. que quand Pierre fut venu en Antioche, il luy résista en face, par ce qu'il estoit à reprendre. Et le subiect de la reprehension est là couché tout au long, asçauoir, par ce qu'il contraignoit les Gentils à iudaïser, & neantmoins viuoit comme les Gentils, & non comme les Iuifs. Or le Concile tenu par les Apostres sur le fait de la circoncision & ceremonie de la loy, estoit arriué auparauant ladite censure ou reprehension: Act. v. 15. Et puis que estant à Rome il adapte cela aux Galates qui estimoient d'estre iustifiez par les œuvres de la loy, & vouloient garder la circoncision chap. 3. v. 1. & suiuaus: il y auoit bien lieu de parler de S. Pierre s'il eust esté à Rome, & de dire que Pierre estoit de son opinion & enseignoit la mesme doctrine.

23. Ephes. 4. v. 11. 12. Sainct Paul dit, luy mesme (Iesus Christ) a donné les vns pour estre Apostres, & les autres pour estre Prophetes, & les autres pour estre Euangelistes, & les autres pour estre Pasteurs & Docteurs; pour l'assemblage des Saints, pour l'œuvre du Ministère, pour l'édification du corps de Christ (l'Eglise) Eph. 1. (v. 13.) Il est là question de l'vnité, & du gouvernement de l'Eglise, si Sainct Paul eust recogneu quelque primauté d'un siege, ne devoit il pas mettre en auant vn chef ministeriel ordonné & établi sur tous les membres, sous la conduite duquel nous fussions

vnis ensemble? Au contraire il destruit & renuerse apertement ceste primauté controuuée par les hommes, quand attribuant la preeminence à Christ, il luy assubiecit tellement les Apostres & tous Pasteurs, qu'il les fait compagnons ensemble, parlant tousiours en plurier, Apostres, Prophetes, Euangelistes, Pasteurs, Docteurs.

24. Sainct Iean en aucune de ses Epistres ne fait mention de ladite primauté, ce qu'il n'auroit oublié, mais au contraire en son epistre 3. v. 9. il redargüé Diotrephe, qui affectoit primauté en l'Eglise,

25. Et bien que Sainct Iean aye escrit son Apocalypse long temps apres la mort de Sainct Pierre, toutefois il n'aduertit aucunement les sept eglises d'Asie auxquelles il escrit, du priuilege de l'Eglise de Rome ou de son euesque, & qu'on deust s'adresser à luy: bien que article necessaire à salut.


26. Sainct Paul aux Romains chap. 12. v. 4. & 5. Comme nous auons plusieurs membres en vn corps, & tous les membres n'ont vne mesme operation: ainsi nous qui sommes plusieurs sommes vn corps en Christ, & chacun sommes membres l'un de l'autre. Ainsi Sainct Paul ne recognoit en terre autre chef que Christ: & entre les membres comprend aussi bien Sainct Pierre que soy mesme & les autres Apostres.

27. Sainct Paul ayant escrit de si longues lettres à l'Eglise Romaine ne s'est pas aduisé de les exhorter à leur deuoir par la consideration de la dignité de leur Eglise, ni par la superiorité de l'Eglise Romaine.

28. Eusebe en sa Chronique selon la version de Hierosme, dit que Pierre ayant fondé le premier l'Eglise d'Antioche, a esté enuoyé à Rome pour prescher l'Euangile, & ainsi il monstre qu'il a esté subiecit au College des Apostres, puis que d'eux il reçoit cest enuoy.

### CHAP. III.

*Que Sainct Pierre n'a pas creu que nostre Seigneur l'eust constitué ou promis de le constituer Chef des autres Apostres & de toute l'Eglise, & qu'il n'a exercé aucun tel pouuoir ou iurisdiction soit en qualité d'Apostre ou de presendu Euesque de Rome, ou autrement.*

1.  I S. Pierre eust creu que nostre Seigneur l'auoit constitué chef de l'Eglise par ces paroles, *Tu es Pierre & sur ceste pierre &c. & ie te donneray &c.* qui sont au 16. de S. Matth. v. 18. & 19. Il n'eust pas contesté avec ses compagnons quel d'entr'eux estoit le plus grand, comme il fit Matth. 18. v. 1. Marc 9. v. 34. & 35. Luc 9. v. 46. & si les autres en eussent douté & disputé, il leur eust allegué l'arrest & l'ordonnance de nostre Seigneur, & eust soustenu son droict : mais il n'y pensa iamais.

2. Apres l'ascension de nostre Seigneur au Ciel, Pierre ne s'ingera pas en qualité de Lieutenant & Vicair general de Iesus Christ en terre, de subroger luy seul vn Apostre en la place de Iudas, comme eust fait nostre Seigneur, qui seul auoit choisi & appellé ses douze Apostres, Luc 6. v. 13. mais seulement en fit la proposition en l'assemblée d'environ six vingts personnes, suivant laquelle ils en presenterent deux non à Pierre seul, mais aux onze Apostres : & après auoir prié Dieu Pierre n'en choisit pas l'un des deux, mais le sort fut ietté par les Apostres, ou par toute l'assemblée, & le sort estant cheu sur Matthias, il fut d'un commun accord de toute l'assemblée, & non du seul mouuement de Pierre, mis au nombre des onze Apostres, Act. 1. v. 15. 23. & suiuaus, & en sadite proposition vers. 17. il dit que Iudas estoit du nombre avec nous & auoit receu sa part de ceste administration : & ainsi se recognoit vn des douze, esgal aux autres, & n'ayant que sa part de l'administration.

3. Au mesme ch. 1. des Act. v. 22. Il faut que quelqu'un d'entr'eux soit tesmoing, avec nous. En quoy il ne se prefere aucunement aux autres Apostres.

4. Act. 3. v. 6. Pierre & Iean ayant dit au boiteux regarde nous, & luy les regardant attentiuement, bien que Pierre v. 6. eust parlé en singulier, le n'ay ni argent ni or, mais ce que j'ay ie le te donne, au nom de Iesus Christ le Nazarien, leue toy & chemine : toutes fois v. 11. le boiteux tenant Pierre & Iean, Pierre dit au peuple qui estoit estonné de la soudaine guerison arriuée audit boiteux, Pourquoy vous esmerueillez-vous de ceci, ou pourquoy auez-vous l'œil fiché sur nous, comme si par nostre sainteté, nous auions fait cheminer cestuy-ci ? En quoy il ne s'attribue rien plus qu'à Iean.

5. Sainct Pierre permet d'estre enuoyé en Samarie avec Iean, par les autres Apostres, Act. 8. v. 14. ce qu'il n'eust fait, s'il eust esté Monarque de toute l'Eglise : mais y eust enuoyé les autres : Il est

aussi tousiours accouplé avec saint Iean.

6. Là mesme v.17. Non Pierre seul, mais luy & Iean imposèrent les mains à ceux qui auoient creu, & ils receurent le saint Esprit.

7. Tant s'en faut que saint Pierre ait songé que Iesus Christ lors qu'il luy dit, *Tu es Pierre & sur ceste pierre j'edifieray mon Eglise*, le voulut creer Pape de Rome, au milieu des Gentils, qu'encor long temps apres il estimoit que l'Euangile ne se deuoit pas prescher aux Gentils & Infideles, à cause qu'il les tenoit pour profanes, pollus, & estrangers de l'alliance de Dieu: tellement qu'il fut besoin pour luy arracher ceste opinion que le Seigneur luy fist voir vne vision Celeste. Act. 10. v. 5. par laquelle il fust enseigné de n'appeller point pollu, ce que Dieu auoit sanctifié par son election.

8. Et long temps apres bien qu'il n'ignorast pas que Dieu vouloit que les gentils ouïssent par la bouche la parole de l'Euangile, leur ayant donné son Esprit comme aux Iuifs, Act. 15. v. 7. toutefois il y alloit fort retenu, & craignant d'offencer les Iuifs, ne voulut paroistre de conuerser avec les Gentils, si bien qu'en mangeant vn iour avec eux ainsi qu'aucuns de la Circoncision suruindrent de la part de laques, il se retira & se separa d'eux pour crainte de offencer ceux de la Circoncision, se feignant comme celuy qui ne vouloit auoir accointance avec les Gentils: Galates 2. ver. 12. 13. 14. Ce qui estoit bien loing de se porter pour leur rape, ou d'auoir desia exercé son Apostolat à Rome, comme on veut dire. Si bien que saint Paul l'en reprint aigrement, comme celuy qui ne cheminoit point droitement & d'un droit pied selon la verité de l'Euangile, sans toutefois alleguer que luy qui estoit Euesque de Rome, ville capitale des Gentils, ne deuoit abhorrer leur conuersion: ce qui neantmoins auroit esté vn argument fort à propos, & que saint Paul n'auroit oublié, s'il y eust eu de l'apparence. Et à ceste reprehension saint Pierre aquiesça, monstrant par là qu'il n'estoit pas superieur de saint Paul.

9. Saint Pierre en ses deux Epistres Catholiques ne se qualifie sinon Apôstre, Ancien & seruiteur de Iesus Christ, & non lieutenant de Iesus Christ, Chef des Apôtres & Monarque de l'Eglise: n'aduertit point les Eglises de Pont, Galatie, Cappadoce, Asie, & Bitinie auxquelles il escrit, qu'il estoit Euesque de Rome, & que l'Eglise de Rome estoit la premiere de toutes, qu'il auoit tout pouuoir tant au spirituel qu'au temporel, & qu'ils n'eussent à s'adres-

s'adresser sinon à luy & à ses successeurs : moins leur dit-il qu'il fust le fondement de l'Eglise, & qu'il eust pouuoir d'establiſſir & de degrader les Rois & Empereurs : au contraire en ſa premiere Epiſtre chap. i. v. 4. 6. & 25. dit que Ieſus Chriſt eſt la pierre viuë, la maiſtreſſe pierre du coing, le Paſteur & Eueſque de nos ames. Et au verſ. 13. les exhorte de ſe rendre ſubieſts à tout ordre humain, pour l'amour de Dieu, ſoit au Roy comme à celuy qui eſt par deſſus les autres : ſoit aux Gouverneurs comme à ceux qui ſont enuoyés par luy. Et au ch. 5. v. 1. il dit, le prie les anciens moy qui ſuis ancien avec eux ( & non par deſſus eux ) de paſtre le troupeau : non point ayant domination ſur les heritages du Seigneur, mais tellement que vous ſoyez pour Patron du troupeau. Et au chap. 2. de ſa 2. Epiſtre v. 9. & ſuiuans, il dit, qu'au iour du Iugement Dieu punira ceux qui meſpriſent les Seigneurs & n'ont point horreur de blaſmer les dignitez.

10. Et au ch 3. v. 15. Il appelle ſainct Paul, ſon frere bien aimé : & dit qu'il leur a eſcrit de ces choſes ſelon la ſapience qui luy a eſté donnée : & bien qu'il die qu'és Epiſtres de ſainct Paul il y a des poinſts difficiles à entendre, que les ignorans & mal aſſeurés torquent, comme auſſi les autres eſcritures, à leur propre perdition : toutefois il ne ſe preſere aucunement à ſainct Paul, n'entreprend point de le cenſurer ou corriger : mais au contraire appelle leſdites epiſtres, *Eſcritures ſainctes* qui ne peuuent eſtre autres que celles que ſainct Paul auoit eſcrites aux Romains, aux Corinthiens, à Timothée & à Tite : & non celle qu'il eſcriuit de Rome pendant le temps qu'il y fut priſonnier.

11. Sainct Pierre ſeul eust ordonné & conſacré ſainct Iaques Eueſque de Ieruſalem, & n'eust pas ſouffert que ſainct Iaques & ſainct Iean l'euffent entrepris avec luy comme ils firent, ſi ce qui eſt rapporté au Canon *Porro, diſtinction 66.* eſt veritable.

12. Comme le Pape permet d'eſtre adoré par ce qu'il ſe dit eſtre Lieutenant de Ieſus Chriſt, auſſi ſainct Pierre l'eust ſouffert s'il eust eu ceſte croyance : mais au contraire il reietta l'adoration de Corneille Centenier, Act. 10. v. 25.

13. Auſſi iamais ſainct Pierre n'entreprit de faire ou impoſer des loix aux Eglises, de conuoquer les conciles, de commander aux autres Apoſtres, de receuoir les appellations interietées des autres Apoſtres, ou des Eueſques. Iamais il ne ſe reſerua aucuns cas deſquels les autres Apoſtres ne peuſſent cognoiſtre. Iamais

aussi il ne se prefera aux Rois & Empereurs, & n'a onques dit ne pretendu qu'il eust pouuoir de deposer les Empereurs, & de transférer les Royaumes, ou d'absoudre les suieets du serment de fidelité iurée à leurs Rois.

14. Il n'eust iamais demandé à nostre Seigneur, Matth. 14. v. 17. qu'est-ce qui luy aduiendroit pour auoir tout delaisié & auoir suiui nostre Seigneur. Car au contraire, il se fust senti grandement recompensé de ceste Lieutenance generale, & souueraine Puissance, & au spirituel & au temporel.

15. Il n'eust pas permis que le decret du Concile tenu en Ierusalem sur la contention de l'observation de la circoncision, & la deputation de Iudas & Silas, & la lettre escrete à l'Eglise d'Antioche sur ce subiect, fussent faits en autre nom que du sien, puis qu'il y auoit assisté: là où le tout fust fait au nom des Apostres, des Anciens & des freres, sans mesmes nommer particulièrement saint Pierre, Act. ch. 15.

#### CHAP. I V.

*Que les passages de la sainte Escripture employés par le Pape pour l'establisement de sa puissance souueraine, sont allegués mal à propos & ne luy peuuent seruir.*

**V**IS qu'il a esté clairement verifié par les passages du Nouveau Testament produits és trois precedents chapitres, que nostre Seigneur Iesus Christ ne donna pas plus de puissance & autorité à S. Pierre qu'à ses autres Apostres. Que les autres Apostres n'ont point reconnu saint Pierre pour souuerain: & que saint Pierre mesme ne l'a point creu, & ne s'est point attribué de Souueraineté sur ses compagnons ou sur l'Eglise: Il s'ensuit infailliblement que les passages de la sainte Escripture dont le Pape se sert pour cuider verifier la souueraineté de S. Pierre, & en consequence la sienne, sont allegués à contre sens, outre la nullité de ladite consequence.

2. Car autrement il faudroit dire que la sainte Escripture est contraire à elle mesme. Ce qui seroit vn horrible blasphemie.

3. Aussi a-il esté monstré au second liure que plusieurs Euesques

ques de Rome, & grand nombre d'autres euesques & Docteurs, bien que adherans à la Communion de l'Eglise Romaine; contra-  
rient à l'opinion du Pape & à l'interpretation qu'il donne aux pas-  
sages dont il se sert pour establiſſir le pouuoir ſouuerain de S. Pierre  
& le ſien: & ferons voir Dieu aidant au cinquiesme liure, Que les  
Peres Grecs & Latins luy ſont encore plus contraires.

4. Et neantmoins d'abondant nous monſtrérons ſommaire-  
ment que les paſſages ſur leſquels il fait ſon principal fondement,  
ne luy peuuent en rien ſeruir. •

Du paſſage Matth. 16. *Tu es Pierre & ſur ceſte pierre, &c. Et,  
ſe ie donneray les clefs, &c.*

5. Le pape inferre de ces paſſages, Que Jeſus Chriſt a fondé ou  
promis de fonder ſon Eglise ſur la perſonne de S. Pierre: Et qu'à S.  
Pierre ſeul Jeſus Chriſt a donné ou promis de donner les clefs du  
Royaume des Cieux, & le ſouuerain pouuoir de lier & deſlier. Au  
contraire les euesques & Docteurs de l'Eglise Romaine produits  
au 2. & 3. chapitres du ſecond liure, & les peres Grecs & Latins al-  
leguez au 2. chapitre du 5. liure, en concluent, Que Jeſus Chriſt a  
promis de fonder ſon Eglise ſur ſoy meſme, comme il a fait : &  
qu'il a promis de dōner les clefs du Royaume des Cieux & le pou-  
uoir de lier & deſlier non ſeulement à S. Pierre, mais auſſi à tous ſes  
autres Apoſtres, & aux euesques & preſtres de ſon Eglise, ainſi  
qu'il a depuis fait. Ceſte derniere interpretation eſt conforme en-  
tierement aux autres paſſages de la ſainte Eſcriture, que nous  
auons produits és trois precedents chapitres. Et au contraire celle  
du pape eſt manifeſtement erronée & fauſſe.

6. Car premierement c'eſt vne opinion du tout eſtrange &  
abſurde, Que l'Eglise de Dieu ( & militante & triomphante ) aye  
pour fondement vne creature humaine & fragile. Elle ſeroit tref-  
mal aſſeurée: car ainſi que dit Ferus ſur ce meſme lieu, *Aucun hom-  
me n'eſt ſi ferme qu'il ne puiſſe eſtre eſbranlé, ce qu'auſſi nous auons veu en  
Pierre: Et c'eſt pourquoy Coſterus au 3. chapitre Enchir. Controu-  
dit tresbien. Il ne faut pas eſtimer que l'Eglise aye eſté conſtituée ſur vn  
homme fragile, pecheur, ſubieſt aux changemens, neceſſités, aux Conſeils &  
opinions.*

7. Secondement puis que noſtre Seigneur Jeſus Chriſt eſt la  
pierre fondamentale de l'Eglise au teſmoignage meſmes de Sainct  
Pierre, Actes 4. ch. v. 11. Et 1. Pierre ch. 2. v. 4. Sainct Pierre n'en peut



pas estre le fondement. Car comme dit Sainct Paul 1. Corinth. ch. 3. v. 11. Nul ne peut poser autre fondement que celuy qui est posé, aſçavoir Iesus Christ : à cause dequoy Gregoire premier Euesque de Rome dit fort bien sur le 38. chap. de Job. *que quand en la Sainte Eſcriture est parlé de fondement en singulier, autre ne peut estre entendu que Iesus Christ, d'autant que la Pierre estoit Christ*, 1. Corinth. 10. chap. v. 14. Et de mesme Beda sur ce chap. 16. dit, *fondement en singulier, signifie le Docteur des Docteurs Iesus Christ*.

8. Aussi nostre Seigneur à expressement fait distinction entre Pierre & la pierre, disant, Tu es Pierre, (où ton nom est Pierre) & sur ceste pierre (que tu viens de confesser & mettre pour fondement) j'edifieray mon eglise : & n'a pas dit, tu es Pierre & sur toy Pierre &c. ayant changé & de mot & de genre.

9. Et c'est pourquoy l'audace d'aucuns des sectateurs du Pape en est venuë iusques là, que d'oser accuser le texte Grec & Latin d'auoir mal exprimé l'intention de Christ : n'osans s'en prendre ouuertement à Iesus Christ. Et entre iceux est Pierre de Bollo Theologien Parisien, lequel en son traité du sacrifice de la Messe, dit, Nous ſçauons que l'interprete Grec (il presuppſe que S. Matthieu à escrit en Syriaque & qu'il n'est point autheur du texte Grec) & Latin de Matthieu Syrien, n'a rien fait pour nous en cest endroiſt. Car la chose eust esté beaucoup plus claire s'il eust dit; Tu es la pierre & sur ceste pierre : mais ayant mis en premier lieu Pierre & en apres la pierre, il semble à cause du changement de mot, que les choses ſoyent aussi changées, veu que Christ qui ſans doute parloit Syriaque, auoit dit, Tu es la pierre, Et sur ceste pierre. Et ainsi pour n'aduouër la verité & la vraye interpretation de ce lieu, aiment mieux s'en prendre au Sainct Eſprit qui a inspiré l'autheur du texte Grec : à S. Iean qui ayant escrit son euangile en Grec, a luy mesme interpreté le nom de Cephass, disant qu'il vaut autant à dire que Pierre, Iean 1. chap. v. 42. A toute l'Eglise ancienne qui ſans aucune difficulté a tousiours tenu le texte Grec de S. Matthieu pour ſainct & authentique : Et finalement au Concile mesmes de Trente qui a déclaré la version Latine estre Canonique.

10. Mais pour cognoiſtre clairement que ce passage est entierement contraire à l'opinion du Pape, & que nostre Seigneur, & S. Matthieu, où l'autheur Grec pour oſter toute ambiguité, ont tresbien distingué entre Pierre & la pierre, il faut conſiderer,

11. Que nostre Seigneur Iesus Christ voulût cōmencer à declarer à ses disciples qu'il luy falloit aller en Ierusalem & là souffrir beaucoup & estre mis à mort, & qu'ils se deuoyēt disposer à renōcer à eux-mesmes & charger aussi leur croix sur eux & le suivre, au lieu des cōmodités terriennes qu'ils se promettoyent, voulut aussi les premunir contre toutes tentations & leur enseigner quelle est la vraye foy, d'où elle procede & quels sont ses effects: quel est aussi le vray & vnique fondement de l'Eglise & de tous les fideles: quel est le deuoir des vrais Pasteurs: Et en somme en quoy consiste la vraye felicité de l'homme.

12. A ces fins au commencement de ce ch. 16. il leur dit, Que la doctrine des Pharisiens & Saduciens quoy que docteurs de la Loy & qui se faisoient appeller nos Maistres, estoit fausse, & leur commande de s'en donner garde.

13. En apres encor qu'il sceust aussi tres-bien quelle estoit la creance du reste du peuple, & quelle opinion il auoit de luy: Eust aussi parfaite cognoissance de ce que les Apostres croyoyent de luy: & quelle responce ils luy feroient, & par la bouche de qui: Toutesfois pour, de leur responce, prendre occasion de leur faire entendre son intention mesmes à S. Pierre, il interroga ses disciples disant, Qui disent les hommes qui ie suis, moy le Fils de l'homme? Et ils luy respondirent, les vns Iean Baptiste, les autres Elie, & les autres Ieremie ou l'un des Prophetes. Et il leur dit, mais vous qui dites-vous qui ie suis? Simon Pierre respondant, dit, Tu es le Christ le Fils du Dieu viuant. Et Iesus respondant luy dit, Tu es bien-heureux Fils de Iona: Car la chair & le sang, ne t'a pas reuelé cela, mais mon Pere qui est és Cieux. Et ie te di aussi que tu es Pierre, & sur ceste pierre i'edifieray mon Eglise, & les portes d'enfer n'auront point de force à l'encontre de elle. Et ie te donneray les clefs du Royaume des Cieux, & quoy que tu auras lié en terre, il sera lié és Cieux, & quoy que tu auras deslié en terre il sera deslié és Cieux.

14. Surquoy il faut remarquer que les deux interrogatoires furent adressées à tous ses disciples, d'autant qu'il les vouloit tous instruire: & qu'au premier il est dit qu'ils respondirent sans exprimer par la bouche de qui, ou si tous parlerent, ou vn seul pour tous: estant vray-semblable que plusieurs parlerēt d'aurant qu'il estoit question de scauoir que disoit le peuple qui estoit Iesus Christ: & ainsi quelle estoit l'opinion du grand nombre de personnes, ce

qu'un seul ne pouuoit pas sçauoir au vray.

15. Mais quant au second concernant ce que les Apostres croyoyent de luy, un seul respond pour tous, d'autant qu'il sçauoit quelle estoit la creance de ses compagnons, parce que sans doute ils auoyent souuent parlé & conseré ensemble de cela, depuis le iour que Iean Baptiste auoit appellé nostre Seigneur, Fils de Dieu, & l'Agneau de Dieu qui oste le peché du monde: En presence de plusieurs mesmes d'André l'un de ses disciples, qui le premier dit à Simon son frere, qu'ils auoyent trouué le Messias, qui vaut autant à dire que Christ, & qu'il le mena à Iesus, Iean ch. 1. v. 29. 36. & 40. Et depuis que Philippe dit à Nathanaël, Nous auons trouué Iesus duquel Moyse a escrit en la Loy & les prophetes, & que Nathanaël dit au Seigneur, Maistre tu es le Fils de Dieu, tu es le Roy d'Israël, Iean ch. 1. v. 49. Et que Iesus eust déclaré à la Samaritaine, qu'il estoit le Messias, Iean ch. 4. v. 26. Et que les Samaritains mesmes auoyent dit, Nous sçauons que cestuy cy est veritablement le Christ, le Sauueur du monde, Iean ch. 4. v. 42. Que nostre Seigneur auoit aussi dit aux Iuifs, qui croit en moy a la vie eternelle. Je suis le pain de vie, Iean c. 6. v. 47. & 48. Et sur l'occasion de tant de miracles qu'ils auoyent veu faire à nostre Seigneur qui mesmes leur auoit donné pouuoir de guerir toute sorte de maladies. de resusciter les morts, & ietter hors les diables, Matth. chap. 10. vers. 1. & 8. Et qui plus est qu'eux tous l'auoyent adoré, disans, Vrayement tu es le Fils de Dieu, Matth. ch. 14. v. 33.

16. Ce fust donc Simon Pierre, qui comme le plus zelé, & le plus prompt & seruent respondit au nom de tous, Tu es le Christ le Fils du Dieu viuant: comme s'il eust dit, Nous sçauons & croyons que tu es le Christ le Fils du Dieu viuant. De mesme qu'il auoit fait auparauant. Car comme plusieurs de ses disciples s'en fussent allés en arriere & ne cheminaissent plus avec Iesus, & qu'il eust dit aux douze, Et vous ne vous en voulés-vous point aussi aller? Simon Pierre respondit pour tous, Seigneur à qui nous en irons nous? tu as les paroles de vie eternelle: Et nous auons creu & auons cognu que tu es le Christ le Fils de Dieu viuant, Iean ch. 6. v. 67. Et en l'un & en l'autre lieu, tous les Apostres approuuerent par leur silence la response de Pierre.

17. Puis donc que les autres Apostres croyoyent cela, & que Dieu le leur auoit reuelé, & non la chair & le sang, il s'ensuit que ce que nostre Seigneur dit à S. Pierre, Tu es bien heureux, est dit

aux au-

aux autres en la personne de Pierre, qu'il n'appelle que Simon fils de Iona en cest endroit, pour luy ramenteuoir sa premiere & basse condition & luy faire tant mieux recognoistre la grace que Dieu luy auoit faite.

18. Faut aussi remarquer qu' auparauant nostre Seigneur auoit imposé à Simō le nō de Pierre, Iean c.1. v.42. & que depuis ce iour là il fut appelé Simon Pierre, cōme se voit Matth. e.10. v.2. où nōmant les Apostres, est dit, Le premier Simon nommé Pierre. Et en ce ch.16. v.16. l'Euangeliste dit, Simon Pierre respondant, &c. Et Luc ch.5. v.8. Aussi nostre Seigneur ne luy dit pas, maintenant ie te nomme Pierre, mais tu es Pierre.

19. Que si nostre Seigneur eust dit, non tu es Pierre ( assauoir vn homme ainsi nommé par moy, ) mais tu es la pierre & sur ceste pierre, ou, & sur toy qui es la pierre, j'edifieray mon Eglise, iamais saint Pierre n'eust depuis vacillé, & n'eust point renié son Maistre par trois fois, & n'eust point esté appelé par luy Satan: Mais fust demeuré ferme & immobile comme vn rocher, puis que Dieu ne peut estre menteur.

20. Et ne peut obster de dire, comme fait Bellarmin au premier liure du Pontife Romain chap.10. que lors saint Pierre n'auoit pas esté encor constitué fondement de l'Eglise, & que seulement la promesse luy en fut faite lors: Car premierement ceste opinion est contraire à celle de Baronius & de plusieurs autres sectateurs du Pape. Secondement il n'est pas question si lors l'Eglise estoit fondée sur luy: mais s'il estoit lors la Pierre sur laquelle l'Eglise deust estre fondée à l'aduenir, & si nostre Seigneur a dit & déclaré qu'il estoit lors ceste Pierre inestbranlable. Or nostre Seigneur ne dit pas tu seras Pierre, ou la Pierre ferme, mais tu es Pierre. Il s'ensuit donc, puis que Pierre a esté estbranlé & a peché, qu'il n'estoit point la pierre sur laquelle l'Eglise a esté fondée: Aussi iamais en la sainte Escriture Simon Pierre n'est appelé la pierre. Cela n'appartient qu'à Iesus Christ.

21. Et de fait ceux qui entendent la langue Syriaque, disent que ce mot Kipha ou Cephass, lors qu'il signifie vne Pierre, est tousiours feminin, & qu'en ce passage aussi luy est ioinct vn pronom feminin & qui n'est iamais masculin, assauoir (Hada) *hec vel ista*: ainsi, veel hada Kipha, & sur ceste pierre. Qui monstre euidentement que le Seigneur par ces mots sur ceste pierre, n'entendoit pas la personne de Pierre: Car autrement il eust ioinct à co

mot Kipha, Cephas, vn pronom masculin assauoir ( haden ou ( den ) qui signifie, *hic, iste* : là où il a mis le pronom ( hada ) *ista, hac*, qui n'est iamais que feminin. Et ainsi soit au Latin, soit au Grec, soit au Syriaque, est tousiours faite la mesme distinction entre Pierre & la pierre.

22. Il est donc euident que comme nostre Seigneur auoit accoustumé, pour instruire les siens, de prendre subiect des choses qui se presentoyent ou des paroles qui estoyent proferées, & de rapporter les choses corporelles aux spirituelles, comme Marc chap. i. v. 16. & 17. ou appellant à soy Simon & André qui estoyent Pescheurs, il leur dit, Venés apres moy & ie vous feray pescheurs d'hommes. Et Iean ch. 4. v. 7. Ayant demandé à la Samaritaine à boire, sur la responce qu'elle luy fit, il l'instruisit quelle est la vraye eau spirituelle & l'eau viue : & en fin v. 25. luy declara, qu'il estoit le Messias qui est appellé Christ. Et vers. 33. Ses disciples luy ayans présenté de la viande à manger, il leur dit, ma viande est que ie face la volonté de celuy qui m'a enuoyé. De mesme Iean 6. sur ce que les troupes le suiuyent à cause du miracle des pains, il leur dit vers. 27. traouillés apres la viande qui est permanente à vie eternelle. Et v. 33. Sur le subiect de la Manne que Dieu fit pleuvoir du Ciel, il leur declara qu'il estoit le vray pain du Ciel & le pain de vie. Et Iean ch. 2. vers. 19. Iesus ayant chassé les Marchands hors du Temple & les Iuifs luy demandans signe, il leur dit abbatés ce temple ici & en trois iours ie le releueray, appellant son corps temple. Et en ce mesme chap de S. Matth an commencement : Sur ce que les disciples disoyent auoir oublié de prendre des pains, nostre Seigneur leur commanda de se donner garde du Leuain des Pharisiens.

23. Aussi en cest endroit nostre Seigneur, faisant allusion au nom de Pierre qui auoit respondu pour tous, & auoit déclaré que Iesus estoit la vraye Pierre viue, assauoir le Christ le Fils du Dieu viuant, a voulu instruire ses disciples que sur ceste Pierre de laquelle Pierre tiroit son nom, l'Eglise & tous les membres d'icelle & eux par consequent, seroyent fondés en telle sorte qu'aucun orage, tempeste, persecution, tourment ou autre tentation, ne les pourront abbatre & renuerser entierement : Et que leur bonheur & felicité consistoit non és richesses terriennes & nonneurs mondains : mais à le suivre, croire en luy, porter leur Croix, & se tenir fermes sur ce fondement solide & sur ceste Roche, ferme, & immobile,

mobile, sur laquelle luy mesme edificeroit son Eglise Catholique, & qui seroit composee non seulement du peuple des Iuifs, mais aussi de toutes les nations de la terre. Et qu'à cest effect & pour appeller à sa cognoissance les peuples & prescher son Euangile par tout le monde, il employeroit Pierre & ses compagnons, leur donneroit les clefs du Royaume des Cieux, & la puissance de lier & deslier, remettre ou retenir les pechés.

24. Que telle aye esté l'intention de Iesus Christ, il appert encore, d'autant qu'au 18. ch. de ce mesme Euangile de saint Matth. v. 18. il dit à tous ses Apostres en general & entre lesquels estoit S. Pierre, Quoy que vous aures lié sur la terre, il sera lié au Ciel: & quoy que vous aures deslié sur la terre, il sera deslié au Ciel: Et que apres sa resurrection il donna mesme pouuoir & mesme mandement à tous ses Apostres, disant, Allés & endoctrinés toutes Nations: Comme mon Pere m'a enuoyé, ainsi ie vous enuoye: Et souffla sur eux tous, & leur dit, Receués le saint Esprit, à quiconque vous pardonnerés les pechés, ils seront pardonnés, Et à quiconque vous les retiendrés, ils seront retenus, Matt. c. 28. v. 19. Iean ch. 20. v. 21. D'où resulte que la promesse que nostre Seigneur fit à S. Pierre, de luy donner les Clefs & le pouuoir de lier & deslier, estoit faite à tous, comme elle a esté effectuee & executee egale-ment enuers tous. Et quand bien S. Pierre n'auroit respondu au nom de tous, mais seulement en son nom & pour soy seul, comme il fist lors que nostre Seigneur leur dit, vous tous serés ceste nuit scandalizés, Matth. ch. 26. v. 31. & 34. Et que la promesse des Clefs & puissance de lier eust lors esté faite à Pierre seul, si ne s'en ensuiuiroit-il aucunement, que par apres tel pouuoir n'eust peu estre donné aux autres Apostres, ainsi qu'il a esté fait.

25. L'euénement a aussi confirmé & manifesté ceste verité, & sur quoy & par qui l'Eglise a esté fondée, assauoir que nostre Seigneur par le ministère de ses Apostres & de leurs Successeurs, s'est acquis vne Eglise vniuerselle de tous les peuples & Nations de la terre, qu'il a edifiée & fondée non sur aucun homme ou autre creature, mais sur soy-mesme qui est la Roche & la Pierre angulaire. Car incontinent apres l'ascension de nostre Seigneur au Ciel les onze Apostres s'estans assemblés en la Chambre où demouroit S. Pierre, attendant l'enuoy du S. Esprit, suyuant le commandement du Seigneur: la premiere chose qu'ils firent fust de subroger Matthias en la place de Iudas, pour parfaire le nombre de douze.



Tellement que sur la proposition de saint Pierre, qui commença par là d'exécuter sa Charge, l'assemblée qui estoit enuiron de six vingts personnes en ayant esleu deux assauior Ioseph appellé Barsabas & Matthias, apres la priere ils ietterét le sort, qui cheut sur Matthias, lequel d'un commun accord fust mis au nombre des onze, Actes ch. i. v. 15. & suiua. Et s'estans encor tous les douze Apostres assemblés le iour de la Pentecoste, le S. Esprit descendit sur vn chascun d'eux, & en furent tous remplis, & commencerent à parler langages estranges, dequoy le bruit esrant fait, vne grande multitude de peuple s'assembla, estans tous estonnés & ne sçauoyent que penser; Et les autres se mocquans, disoyent, qu'ils estoient pleins de vin doux. De cela saint Pierre print subiect de leur annoncer Christ, sa mort & passion, sa resurreccion & ascension au Ciel: les exhorta de s'amender & d'estre baptizés au nom de Iesus Christ en remission des pechés: Tellement qu'enuiron trois mille ames creurent & receurent d'un franc courage la parole de Pierre, furent baptizés & ioints à l'Eglise. Voila comme le Seigneur se seruit de saint Pierre pour edifier vn tel nombre d'ames sur le vray fondement, Actes chapitre 2. verset 13. & suiua. Semblablement saint Pierre ayant au nom de Iesus Christ gueri le boiteux, le peuple s'en esmerueillant, leur dit, Pourquoy vous esmerueillés-vous de ceci? ou pourquoy auez-vous l'œil fiché sur nous, comme si par nostre puissance ou sainteté, nous auons fait cheminer cestui-cy? Et leur annonça Iesus Christ le Prince de vie, qu'ils auoyent renié & crucifié; Et leur declara que par la foy au nom d'iceluy, son nom auoit affermi ce boiteux: voire que la foy qui est par iceluy luy auoit donné entiere disposition de tous ses membres: Et les exhorta de s'amender & conuertir afin que leurs pechés fussent effacés: Tellement que plusieurs creurent & fust le nombre des personnes enuiron cinq mille, Act. ch. 3. v. 6. 12. 15. & 16. Et chap. 4. v. 4. Voila encor vn notable aduancement en la maison du Seigneur, & tousiours sur le mesme fondement de la foy en Iesus Christ. Et au mesme chap. 4. v. 10. & suiua. S. Pierre dit aux Gouverneurs, Anciens, Scribes & à toute la lignee Sacerdotale des Iuifs, que la guérison de ce boiteux auoit esté faite au nom de Iesus Christ le Nazarien qu'ils auoyent crucifié, lequel Dieu auoit resuscité des morts: Et qu'il estoit ceste Pierre qui auoit esté reiettee par eux, les edifiâns qui auoit esté faite le principal du coin; Et n'y auoit point



point de salut en aucun autre : car aussi il n'y a point d'autre nom sous le Ciel qui soit donné aux hommes par lequel nous faille estre saueuz : et ainsi leur monstre que Christ est l'vnique Pierre fondamentale de l'Eglise: comme il fait encore très-expressément en sa premiere Epistre Catholique, chap. 2. v. 4. 5. & 6. où il dit, que Iesus Christ est la pierre viue, qui a esté reietée des hommes, mais qui est esleüe & pretieuse enuers Dieu, & que tous les fideles sont comme pierres viues de la maison spirituelle edifiées sur la maistresse pierre, à laquelle qui croira ne sera point confus. De mesme tous les autres Apostres avec Pierre dirent aux Iuifs, Que Dieu auoit résuscité Iesus Christ qu'ils auoyent mis à mort le pendant au bois, & que c'estoit celuy que Dieu auoit esleué par sa dextre pour Prince & Sauueur, pour donner repentance à Israël & remission des pechez. Act. ch. 5. v. 30. & 31. Autant en fist Sainct Estienne. Act. ch. 7. v. 52. disant, que leurs Peres auoyent tué ceux qui auoyent predit l'aduenement du Iuste, duquel eux auoyent esté traistres & meurtriers, & qui en leur presence inuoca le Seigneur Iesus, le suppliant de receuoir son Esprit, & de ne point imputer leurs pechez à ceux qui le lapidoient. Et ainsi pose Iesus pour vnique fondement de salut; & sa priere fust exaucée pour le regard de Saul.

26. De mesme Philippe qui prescha Christ aux Samaritains, & baptiza tous ceux qui creurent tant hommes que femmes au nom de Iesus Christ : Il instruisit aussi particulierement l'Eunuque Ethiopien, & le baptiza apres qu'il eust creu & confessé, que Iesus estoit le Christ le Fils de Dieu. Act. c. 8. v. 12. & 37. Tout cela ne fut fait qu'entre les Iuifs. Mais Dieu se voulut encore seruir de Sainct Pierre pour commencer d'appeller aussi les Gentils à sa cognoissance, & edifier son eglise de personnes de toutes nations. Et c'est pourquoy luy estant en Ioppe. Dieu par vne vision luy fit entendre que telle estoit sa volonté & qu'il ne fist point de difficulté d'aller en Cesarée trouuer Corneille Centenier qui l'enuoyoit querir & qui l'attendoit avec tous ses parens & familiers amis; comme il fit & de premier abord reietta l'adoration de Corneille, luy disant qu'il n'estoit aussi qu'homme comme luy, & apres l'instruisit & toute l'assemblée, que Iesus estoit le Christ, le Seigneur de tous, le Sauueur du monde, ordonné de Dieu pour estre Iuge des viuans & des morts : lequel les Iuifs auoyent fait mourir le pendant au bois, & qui estoit resuscité au troisieme iour: et que quiconque croira en luy receura remission de ses pechez par son nom. Et le

Sainct Esprit estant descendu sur tous ceux qui l'escoutoyent, ils furent baptizés au nom du Seigneur. Act. ch. 10. v. 11. Autant en firent depuis ceux qui auoyent esté espars par l'oppression aduenüe à cause d'Estienne, tellement que par leur Ministère & predication en Antioche, vn grand nombre ayant creu fut conuerti au Seigneur. Act. c. 11. v. 20. & 21. Et depuis encor Barnabas y ayant esté enuoyé à leur aide, grande multitude fut adiointe au Seigneur, v. 24.

27. Apres l'Ascension de nostre Seigneur au ciel, il n'y eut que Sainct Paul qui sans le Ministère d'aucun homme, mais immédiatement par Iesus Christ mesme fut appelé à sa cognoissance & receut le don de la foy, & la charge d'Apostre, pour porter son nom deuant les Gentils & les Roys & les enfans d'Israël : seulement les mains luy furent imposées par Ananias, & ce par le commandement expres du Seigneur. Incontinent il se mit à exercer sa commission en Damas preschant és Synagogues & confirmant que Iesus estoit le Christ le Fils de Dieu, Act. c. 9. v. 20. & 23. Et depuis continua en ceste œuvre de l'edifice de l'Eglise & maison de Dieu iusques à sa mort, ayant planté & dressé grand nombre d'Eglises particulieres, & traouillé plus que tous les autres, ou plustost Dieu par luy, comme luy mesmes atteste 1. Cor. c. 15. v. 10. & en apert par le liure des Actes, depuis le 13. chap. iusques à la fin. Et par ses Epistres. Et a posé tousiours Iesus Christ pour seul & vniue que fondement, & enseigné que nul n'en peut poser autre, 1. Cor. c. 3. v. 10. & 11.

28. En somme tous les Apostres, Euangelistes, & les Prestres & euesques par eux commis au regime & gouvernement des Eglises particulieres, & tous les euangelistes & Docteurs fideles que nostre Seigneur a employez pour l'œuvre de son Ministère, ont tous tasché d'amener les peuples à la cognoissance de Iesus Christ, ont tous edifié & basti sur ce fondement, sur ceste roche & pierre viue: ont annoncé la remission des pechez, ouuert le Royaume des Cieux à tous ceux qui ont creu à leur parole, & se sont conuertis de leurs mauuais voyes, & les ont desliés des liens de peché dont ils estoient entortillez : & au contraire ont denoncé damnation eternelle, fermé la porte du Royaume des Cieux & lié de plus fort les infideles, incredules & impenitens qui n'ont point voulu croire en Iesus Christ, se repentir, ni estre fondez sur ceste pierre viue, mais l'ont reietée : tellement que comme ceste  
pierre

Pierre est à honneur & salut à ceux qui croient : aussi est elle pierre d'achoppement & pierre de trebuchement aux rebelles, comme dit tresbien S. Pierre en sa premiere chap. 2. v. 7.

29. De fonder l'Eglise sur la personne de S. Pierre, iamais ni luy ni les autres Apostres ou saints Docteurs n'y ont pensé & n'en ont aucunement parlé : mais ont dit tout le contraire, comme a esté dit cy dessus : Car comme l'Eglise est vn temple & vn edifice perpetuel : Aussi faut-il que son fondement soit perpetuel & immortel, ce que n'estoit pas Sainct Pierre.

30. D'aduantage outre que ce fondement est trop foible & ruineux, il s'ensuiuroit que les autres Apostres & les fideles n'auroient pas mesme fondement que S. Pierre, qui ne peut estre fondé sur soy mesme. Ce qui est absurde.

31. S'en ensuiuroit aussi que les vrais fideles qui ne sont que membres particuliers de l'Eglise, serdyent beaucoup mieux & plus fermement fondez, que l'Eglise mesme. Car les particuliers qui croient en Iesus Christ, sont fondez en iceluy, & edifiez sur le fondement des Prophetes & Apostres : (asçauoir sur leur doctrine) Iesus Christ luy mesme estant la maistresse pierre du coin : en qui tout l'edifice rapporté & adiuaté ensemble, se leue pour estre vn temple saint au Seigneur, Ephes. ch. 2. v. 20. & 21. Ce n'est pas donc sur S. Pierre que l'Eglise est edifiée : mais au contraire S. Pierre & tous les membres & pierres de l'edifice sont fondez sur ceste maistresse pierre.

32. Et comme S. Paul au susdict chap. 2. des Ephesiens n'entend pas que les fideles soyent edifiez sur la personne des Prophetes & Apostres, mais sur leur doctrine, & sur le fondement qu'ils ont posé, asçauoir Iesus Christ. Aussi lors que les Peres disent que l'Eglise est fondée sur S. Pierre, ils entendent non sur la personne de Sainct Pierre, mais sur sa foy & confession, qui n'est en effect que Iesus Christ mesme confessé par S. Pierre, estre le Christ, le Fils du Dieu vivant. Et en cela ne font point de difference entre S. Pierre & les autres Apostres : mais les appellent tous fondemets, tous ouuriers, bastisseurs, planteurs.

33. Il y a bien plus, c'est que encor que nostre Seigneur auroit dit expressément, *l'edifie ou l'edifieray mon Eglise sur Pierre*, Si ne s'ensuiuroit-il pas que Pierre seul en deust estre le fondement, & que nostre Seigneur ne peust luy adjoindre des compagnons.

34. Et d'aduantage, bien qu'il auroit dit, *l'edifieray mon Eglise, sur*

*toy seul, Et à toy seul ie donneray les Clefs du Royaume des Cieux : Et ce que toy seul lieras sera lié.*

32. Toutesfois il ne s'en ensuiuroit aucunement que le Successeur de saint Pierre eust ce mesme Priuilege qui seroit personnel, & qui n'auroit pas esté ottroyé à saint Pierre & à ses Successeurs: Attendu mesmes que les Apostres n'ont point eu de Successeurs en l'Apostolat.

35. Voire mesmes quand bien nostre Seigneur auroit dit, *Je te donne ce priuilege à toy seul & à ton Successeur*, Si est-ce qu'on n'en pourroit conclurre aucunement que l'Euesque de Rome fust son successeur, non plus que celuy de Ierusalem, ou d'Antioche, puis que nostre Seigneur ne l'auroit point déclaré. Et c'est pourquoy Bellarmin au liure *du Pontife Romain* ch. 12. §. 13. dit, Que ce que l'Euesque de Rome est successeur de S. Pierre, ne procede pas de la premiere institution de Iesus Christ, mais du fait de saint Pierre, entant qu'il a esté Euesque de Rome, a esleu ceste ville particuliere pour son siege, & y est mort: Et que s'il n'eust point fait de Election, celuy eust esté son Successeur que l'Eglise auroit esleu. Mais outre l'impertinence, il n'appert ni de ladite pretendue Election & declaration, ni qu'en effect il aye esté Euesque particulier de la ville de Rome, comme il seroit necessaire en fait de telle importance: Aussi auons-nous monstré *lin. 5. ch. 6.* que la primauté a esté accordée à l'Eglise & à l'Euesque de Rome de droit humain & non par droit diuin.

36. Finalement, posé le cas que nostre Seigneur eust dir à S. Pierre qu'il edifieroit son Eglise sur luy seul & sur son Successeur qui seroit l'Euesque de Rome, & qu'à luy seul & à son Successeur il donneroit les clefs & le pouuoir de lier & deslier, Si ne s'en ensuiuroit-il pas de là, que l'Euesque de Rome fust, ou eust esté apres la mort de S. Pierre Euesque vniuersel, Souuerain en l'Eglise, mesmes par dessus saint Iean & les autres Apostres qui suruescurent S. Pierre; Qu'il eust pouuoir de iuger & des autres Apostres & de tous les membres de l'Eglise, sans qu'il peust estre iugé d'homme viuant: Pouuoir aussi de deposer les Empereurs, Rois & Princes Souuerains, & d'absoudre leurs suiets du serment de fidelité qu'ils leur auoyent presté.

Des passages Luc 22. v. 32. J'ay prié pour toy (Simon) que ta foy ne defaille point: Toy donc quand quelque fois tu seras conuerti, Confirme tes freres: Et Iean 21. v. 15. Iesus dit & Simon Pierre, *Simon fils de Iona m'aimes tu ch. Pai mes breuia.*

37. Du premier de ces passages le Pape en infere, qu'il ne peut errer, & que c'est à luy de prescrire loix à toute l'Eglise: et du second; qu'il est le Souuerain Monarque & Euesque vniuersel de l'Eglise. Et cela d'autant qu'il est seul successeur de Saint Pierre. Et au contraire les Euesques & Docteurs cités au 4. & 8. chapitres du second liure: et les Saints Peres produicts au 3. & 4. chapitres du cinquiesme liure, tirent ceste conclusion du premier desdicts passages, Que Saint Pierre pouuoit faillir & pecheroit plus grieuement que ses compagnons & confreres. Et du second, Que S. Pierre ayant renié par trois fois nostre Seigneur & par ce moyen s'estant rendu indigne de l'Apostolat, a eu besoing d'estre confirmé par trois fois en ceste charge: et de confesser par trois fois par amour, ce que par trois fois, il auoit nié par crainte.

38. Que l'interpretation de ces Saints Peres & Docteurs soit veritable, il en appert euidentement par ce qui est recité par les E-uangelistes Matth. 26. v. 31. Et Marc. 14. v. 27. qui declarent le subiect pour lequel nostre Seigneur pria pour tous ses Apostres & particulierement pour Saint Pierre.

39. Car ils recitent que nostre Seigneur, la mesme nuit qu'il fust trahi apres auoir soupé & fait la Sainte Cene avec ses disciples, il leur dit: Vous tous ceste nuit serez scandalisez en moy. Car il est escript ie frayeray le berger & les brebis seront esparses. Mais apres que ie seray resuscité i'iray deuant vous en Galilee. Et lors Pierre luy respondit, encore que tous soyent scandalisez en toy, si ne le seray-ie point. Et Iesus luy dit Que ceste nuit là, il le renieroit trois fois. Et Pierre replica enuor, Quand mesmes il me faudroit mourir avec toy; si ne te renieray-ie point. Ce fut donc lors que nostre Seigneur dit à Pierre, Que Satan demandoit à les cribler comme le bled, mais qu'il auoit prié pour luy, que sa foy ne defaillist point, & luy commanda de confermer ses freres apres qu'il seroit conuerti.

40. Tant s'en faut donc, que nostre Seigneur ait dit à S. Pierre qu'il seroit infaillible & ne pourroit errer, ni son pretendu successeur: qu'au contraire, luy ayant predit que ceste nuit mesme il pecheroit grandement & le renieroit, pour le consoler, il l'assure, que toutefois sa foy ne defaudroit point entierement, mais qu'il se repentiroit & feroit penitence: & luy commande apres qu'il sera conuerti de confirmer ses freres & en leur proposant son exemple, les assurer que l'assistance & misericorde de Dieu ne leur defaudra point.

41. Et bien que par ce moyen Saint Pierre eust esté assuré de son pardon & de la continuation de sa charge & dignité d'Apostre: & qu'en suite de ce nostre Seigneur, l'eust regardé amiablement incontinent apres la faute cominise & qu'il eust pleuré amerelement, Luc. 22. v. 61. Et mesmes que nostre Seigneur le propre soir de sa resurreccion, eust dict à tous les Apostres qui estoient assemblez ( excepté seulement Thomas ) comme mon Pere m'a enuoyé aussi ie vous enuoye, eust soufflé sur eux le Saint Esprit, & dit, A tous ceux ausquels vous remettrez les pechez ils serōt remis, & à quiconque vous les retiendrez, ils seront retenus: Iean 20. v. 19. Toutefois il voulut encor plus expressement & particulierement confermer S. pierre en son Apostolat: & c'est pourquoy il luy demande par trois fois s'il l'aimoit plus que ne faisoient les autres Apostres, & par trois fois luy commande de paistre ses brebis, Iean 21. v. 15. Nostre Seigneur requiert plus d'amour en S. pierre, parce qu'il l'auoit plus grieuement offensé, suiuant ce qu'il dit Luc. 7. v. 43. Que celuy à qui le creancier quitte le plus, le doit aimer d'auantage que les autres. et par là il monstre que nul ne peut estre vray Apostre & Pasteur qui n'aime le Seigneur.

42. En apres nostre Seigneur luy monstre qu'il ne pourra mieux faire veoir les effects de son amour enuers luy, qu'en exerçant fidelement la charge d'Apostre qu'il luy auoit donnée, ce qu'il fera en paissant ses brebis, & confermant ses enfans. Et c'est pourquoy il ne luy commande pas de tuer, de prendre la laine & le laiſſe & d'en faire à son plaisir, mais de paistre, nourrir & entretenir ses brebis. Ne luy dit pas de commander à ses freres, mais de les conforter, les delier de leurs pechez lors qu'ils seront repentants.

43. Estant absurde & contraire au sentiment de tous les Saints Peres ce que, pour cuider eluder la force de ces raisons, a osé dire Bellarmin au liure 4. *du Pontife Romain* chap. 3. §. 15. Que cela, quand tu seras conuerti, ne se raporte point à la penitence de pierre, mais à la tentation des autres: tellement que le sens de ce passage n'est pas, toy estant conuerti du peché à la penitence conferme tes freres: mais bien, toy de qui la foy ne peut defaillir, quand tu verras les autres branler & vaciller, t'estant conuerti à eux ( tourné vers eux ) conferme les. Et non plus n'a aucune apparence de raison ce qu'il dit au liure premier *du Pontife Romain* chap. 15. Que le mot de paistre, signifie vne souveraine puissance, & comprend en foy non seulement de donner à manger: mais aussi de conduire, ramener, desen-



defendre, regir & chastier les brebis : & par consequent que S. Pierre a eu le pouuoir de chastier les autres Apostres, puisque le mot mes brebis, est indefini & les comprend toutes.

44. Car le texte des trois Euangelistes ioint ensemble monstre que nostre Seigneur parloit expressément du peché & reniement que deuoit faire S. Pierre: et le mot de Cōuertir ne peut se rapporter qu'à cela, & à l'effect de la priere que Christ auoit faite pour luy à ce que sa foy ne defaillist du tout.

45. Et quant au mot de *paistre*, sa vraye signification & en Grec & en Latin, emporte la charge de ceux qui gardent, & menent paistre le bestail, & qui en effect sont bergers. Et principalement lors que les brebis ne sont pas à eux & qu'ils n'ont le pouuoir de les tondre ou tuer, vendre ou alier sans la permission du maistre & propriétaire; Comme en faict dont est question que nostre Seigneur à qui sont les brebis, les baille à paistre à S. Pierre simplement, sans attribution d'autre pouuoir que de celuy qui appartient à vn simple berger estranger. Et lors qu'il se prend autrement, c'est selon l'analogie du subiect. Comme s'il est commandé par nostre Seigneur à vn Roy ou Prince de paistre son peuple, lors ce mot de Paistre, signifie & comprend tout le deuoir d'un pasteur, entant seulement qu'il peut conuenir à vn Roy ou Prince: car il ne peut comprendre le principal deuoir d'un Apostre ou Euesque, qui est de prescher la parole de Dieu & administrer les Saints Sacrements & faire les autres fonctions concernans l'ame & la conscience, & ainsi repaistre le peuple de la pasture celeste. Et quand ce mot de Paistre, est adressé à vn Apostre ou Euesque, il comprend & signifie tout le deuoir pastoral entant seulement qu'il peut conuenir à vn Apostre ou Euesque: & ainsi selon la qualité, office & charge de la personne, ce mot doit estre diuersement interpreté.

46. Or par ce que le droit du Roy est ia establi sur ses subiects, Dieu luy recommandant d'abondant de paistre son peuple, ne fait que luy recommander son deuoir, qui est de le traicter en vray pasteur, auoir soin de leur conseruation, & entretenement & de les garentir contre leurs ennemis par les voyes & moyens humains & civils: Et de mesme par ce que le Royaume de Christ est spirituel, & qu'il a ordonné des Apostres, Pasteurs & Euesques, & leur a attribué le droit & puissance de prescher la parole, administrer ses sacrements, ouurir la porte du Royaume des cieux,



& de pardonner ou retenir les pechez de son peuple, il est certain que depuis en leur commandant de paistre son troupeau, il ne fait autre chose que leur enioindre de se bien acquitter de leur deuoir: & faire tout ce qu'un bon & fidele Berger peut & doit faire enuers les brebis que son maistre luy a commises. Mais ne leur attribue pas aucun pouuoir nouveau spirituel & moins encor le temporel qui n'appartient qu'aux Roys & Princes terriens.

47. De dire que le pouuoir de paistre l'Eglise, ou le troupeau de Christ a esté donné à Saint Pierre seul, non aux Apostres, ni aux Prestres & euesques qui leur ont succédé, c'est parler contre la propre doctrine de S. Pierre mesme qui au cinquiesme chapitre de sa premiere au commencement dit, le prie les prestres qui sont entre vous, moy qui suis prestre avec eux & tesmoin des souffrances de Christ, & qui suis aussi participant de la gloire laquelle doibt estre reuelée: paissés le troupeau de Christ qui vous est cōmis, en prenât garde sur iceluy non point par contrainte, mais volontairement, non point pour gain deshonneste mais d'un prompt couraige: & non point comme ayans domination sur les heritages du Seigneur. Et quand le Souuerain Pasteur apparoitra, vous receurez la couronne incorruptible de gloire. Et c'est ainsi qu'en cest endroiēt S. Pierre execute le commandement du Seigneur, & qu'il paist les brebis en enseignant les autres ses confreres comme ils doiuent paistre & notamment que ce ne soit point comme maistres du troupeau & ayans seigneurie sur iceluy, mais comme seruiteurs du Seigneur & Maistre.

48. Ainsi ont fait & practiqué les autres Apostres en tous les endroiēs du monde où ils se sont trouuez suivant le deub de leur charge & de viue voix & par escript, lors qu'ils l'ont iugé necessaire. Et notamment Saint Paul qui a planté infinies Eglises, a escript & trauaillé plus que tous les autres, 1. Cor. 15. v. 10. Et a eu soin de toutes les Eglises du monde, 2. Cor. 11. v. 28. De mesmes ont fait tous les saints prestres & euesques enuers leurs eglises & troupeaux qu'ils ont repeus de la parole de Dieu, les ont exhortez & consolez, tansez & reprins de leurs fautes, defendus contre les ennemis de leurs ames. Et en fin mis pour eux leur propre vie à l'exēple du Souuerain Pasteur leur maistre, & suivant la doctrine qu'il en auoit baillée, Jean 10. v. 11.

49. Et tant s'en faut que S. Pierre aye exercé aucun pouuoir ou domination sur les autres Apostres ses compagnons, que mesme  
il'a

il a souffert d'estre aduerti de sa faute, reprins & corrigé par Sainct Paul, Galat. 2. v. 11. & 14. Ce qu'il n'eust souffert ni S. Paul entreprins, s'ils ne se fussent recogneus esgaulx, comme remarquent fort à propos S. Ambroise sur le deuxiesme chapitre, de l'epistre aux Galates, & S. Ierosme c. *Paulus* 2. q. 7.

50. Et en fin ces deux passages seroyent insuffisans & impertinens pour preuuer le pouuoir que le Pape s'attribue, bien que nostre Seigneur auroit donné à S. Pierre seul la charge de confermer ses freres & de paistre ses brebis. Et que iamais il n'auroit donné pareille charge à aucun autre. Car il ne s'en ensuiuroit aucunement de là, que son pretendu successeur eust ceste commission; ni que Sainct Pierre fust le Monarque de l'Eglise, & eust tout pouuoir tant au spirituel qu'au temporel: mesmes d'instituer ou deposer les Empereurs & Roys: et moins encor que l'euesque de Rome eust ce mesme pouuoir.

EE iij





## LIVRE CINQUIEME. ARGUMENT.

*Que les Peres sont contraires à l'opinion du Pape touchant la puissance qu'il attribue à S. Pierre & à soy mesme.*

Chap. 1. Que S. Pierre n'a pas eu plus de pouuoir & authorité que les autres Apostres, & que l'Apostolat est la supreme dignité de l'Eglise & comprend toutes les autres.

Chap. 2. Du passage de S. Matthieu 16. v. 18. & 19. Tu es Pierre, & sur ceste pierre &c. & ie te donneray les clefs du Royaume des Cieux.

Chap. 3. Du passage de Iean dernier v. 15. & de la triple repetition, m'aimes tu, pais mes brebis, & Matth. 16.

Chap. 4. Du Passage de Luc. 22. v. 31. & 32. J'ay prié pour toy que ta foy ne defaille point: toy donc quand quelquefois tu seras conuerti, confirme tes freres.

Chap. 5. Que les Peres en particulier n'ont point reconnu la souueraineté de l'Euesque de Rome, mesmes es choses Ecclesiastiques ou spirituelles.

Chap. 6. Si la primauté a esté ottroyée ou accordée à l'Euesque ou Eglise de Rome par Iesus Christ, ou par les Conciles, c'est à dire si elle est de droit diuin, ou positif & humain, & si ç'a esté à cause de la primauté de saint Pierre ou à cause de la primauté de la ville de Rome.

CHAP.

## CHAP. I.

*Que S. Pierre n'a pas eu plus de pouuoir & Authorité que les autres Apostres, & que l'Apostolat est la supreme dignité de l'Eglise & comprend toutes les autres.*

1. **E** GNACE Euesque d'Antioche en l'Epistre 3. *Ad Magnesianos*, met Paul deuant Pierre, disant, En Antioche de Syrie où les disciples acquirent le nom de Chretien, Paul & Pierre fondas l'Eglise. Et de mesme en l'Epistre 9. *Aux Antiochiens*, Vous estes les disciples de Paul & de Pierre. Et en l'Epistre *ad Trallianos* 2. Je ne puis estre disciple tel que Paul & Pierre. Et en l'Epistre 12. à l'Eglise de Rome. Je ne vous commande point comme Pierre & Paul, car ils sont Apostres de Iesus Christ, mais moy iusques à present, seruiteur.

2. Irenee liure 3. *contre les Heres. chap. 23.* Pierre estoit Apostre du mesme Dieu que Paul.

3. Clement au liure 6. des Hypotyposes rapporté par Eusebe au liure 2. *de son histoire chap. 1.* Pierre, Iaques & Iean ayans obtenu de nostre Seigneur le supreme degré de dignité n'eurent point de contention sur l'honneur, mais choisirent Iaques le iuste pour Euesque de Ierusalem &c. Et au 7. liure de ses Hypotyposes. Le Seigneur apres sa resurreccion a donné à Iaques, Iean & Pierre certaine singuliere cognoissance laquelle depuis ils baillerent aux autres Apostres. Ainsi il les egale entierement tous trois.

4. Les Apostres au liure 7. *chap. 1. des Constitutions Apostoliques*, Ananias & Sapphira ont esté mis à mort par la sentence de Pierre nostre compaignon en l'Apostolat.

5. Origene en l'homilie 3. *sur le 3. des Nombres*. Paul est le plus grand des Apostres, qui scauoit &c.

6. Origene au 3. tome de ses commentaires rapporté par Eusebe liure 3. *de son histoire chap. 1.* A Thomas comme nous auons receu par tradition, escheut la Parthe; à André la Scythie, à Iean l'Asie où aussi & en Ephese il est mort. Pierre (comme il semble) prescha la parole de Dieu aux Iuifs de Ponte, Galatie, Bithynie, Cappadoce, & Asie: lequel en dernier lieu fut crucifié à Rome la teste en bas: car il auoit desiré de souffrir ainsi. Qu'est-il besoing de par-

ler de Paul qui à entierement exercé la charge de prescher l'E-  
uangile de Christ depuis Ierusalem iusques à l'Illyrie, & depuis  
souffrit le martyre à Rome sous Neron. Et au 1. liure *contre*  
*Celsus*, il appelle Paul le principal fondateur des eglises, apres  
Christ.

7. Cyprian de Vnit. eccl. rapporté *au can. loquitur 24. q. 1.* enco-  
res que le Seigneur apres sa resurrection ait donné à tous les Apo-  
stres pareille puissance leur disant, Tout ainsi que mon pere m'a  
enuoyé, aussi ie vous enuoye, receuez le S. Esprit: toutefois vou-  
lant monstrier que l'Eglise consistoit en l'vnité, par son autori-  
té il à disposé l'origine de l'vnité commençant par vn, & de verité  
les autres Apostres estoient autant que pierre, doüez de sembla-  
ble honneur, & autorité &c. Il n'y a qu'un episcopat indiuisible,  
duquel chascun euesque possede solidaiement sa part & portion.

8. Eusebe euesque de Cesaree en la palestine, au liure 3. de son  
histoire *chap. 10.* La commune opinion est que apres que Iaques  
eust esté couronné du martyre, les *Apostres* & disciples du Sei-  
gneur qui estoient encor en vie, s'assemblerent de toutes parts en  
vn: & tous d'un consentement baillerent la charge de l'Eglise  
de Ierusalem à Simeon fils de Cleophe. Il n'eust pas esté necessai-  
re de prendre tant de peine & ils ne l'eussent voulu entreprendre  
au preiudice de l'autorité de saint Pierre ou de son successeur  
& il ne l'eust pas souffert. Ce qu'Eusebe auroit remarqué luy mes-  
me *au ch. 2. du 3. liure* mettât Paul deuant saint Pierre, disant, Apres  
le Martyre de paul & de pierre. Et *au 3. chap. dudit liure 3.* Il dir,  
quelles epistres lesdits deux Apostres ont laissées sans attribuer  
à Pierre aucune preference. Et *au ch. 4. suiuant* il décrit les lieux où  
lesdits deux Apostres ont presché l'Euangile, & planté des eglises,  
& parle aussi honorablement de l'un que de l'autre. Et *chap. 16. du*  
*mesme liure 3.* met encor paul deuant pierre.

9. Cyrille Hierosolymit. *En sa 6. Catachese*, Pierre & paul pro-  
phetes des eglises, reprimerent cest erreur, A sçauoir de Simon  
Magus.

10. Gregoire de Nazianze en l'oraison 26. Paul ou Cephas, ou  
Apollon, ou tel planteur, ou tel arroseur &c. Et peu apres les  
Pauls, les Cephas, les Apollon. Et en son Apologetique sur le mi-  
lieu il dit, Pierre & Paul ont obtenu de Christ la grace de la pa-  
role, de la Sapience & du gouuernement.

11. Epiphane en l'heresie des Nazariens qui est la 29. Iaques a  
succédé

succédé à Iesus Christ au Pontificat & principauté de l'Eglise &c. Et en l'heresie 38. Jaques le premier a receu la chaire Episcopale, & à luy le premier Christ a commis le thronne qu'il auoit sur la terre. Et en l'heresie 34. des Marcosins, Personne dit-il ne pouuant estre egalé à eux en grandeur de cognoissance, ni Paul ni Pierre ni aucun autre Apostre.

12. Hierosme *C. Paulus 2. q. 7.* saint Paul a reprins saint Pierre, ce qu'il n'eust osé faire s'il n'eust recogneu luy estre egal.

13. Hierosme a encor au premier liure *contre Iovinian.* Tous les Apostres reçoient les clefs du Royaume des Cieux, & la fermeté de l'Eglise est également fondée sur eux. Et encore au mesme liure, Iean & Jaques parce qu'ils demanderent d'estre plus que les autres, ne l'obtinrent pas, & toutefois leur dignité n'en fut point diminuée, d'autant qu'ils furent egaux aux autres Apostres.

14. Hierosme *sur le second chap. aux Galates.* Je ne suis en rien inferieur à Pierre (il fait parler saint Paul) car nous auons esté établis au Ministère par vn mesme Dieu. Et au premier liure *contre Iovinian chap. 14.* Combien que l'Eglise soit fondée sur tous les Apostres, & que tous reçoient les clefs du Royaume des Cieux, & la fermeté de l'Eglise soit également fondée sur eux tous: toutefois vn est choisi entre les douze, afin que par l'establisement d'un Chef, l'occasion d'un schisme soit ostée. Et sur le cinquante quatre d'Esaië il appelle Pierre & Paul les deux Princes des Apostres.

15. Ambroise sur l'Epistre aux Galates chap. 2. saint Paul asseuré en sa vocation sçachant qu'il ne luy estoit inegal, improuuoit constamment ce que saint Pierre auoit fait, sans conseil &c. Et au liure 2. *de Spiritu Sancto*, qui ne se fait pas moindre, se fait egal.

16. Ambroise encor au 66. Sermon *de la Natiuité de Pierre & de Paul:* Pierre & Paul sont eiminents entre tous; & excellens par vne prerogatiue particuliere. Mais c'est chose incertaine lequel des deux doit estre preferé. Et au liure de l'Incarnat. ch. 4. Pierre non oublieux de son lieu, s'est serui de la primauté, de la primauté voirement en la confession: mais non pas en honneur de la primauté en la foy, mais non pas en ordre. Et sur le 2. aux Galates, Paul nomme Pierre seul & le compare avec soy, pource qu'il auoit receu la primauté pour fonder l'Eglise. Il dit qu'il a esté choisi en mesme façon pour fonder les Eglises des Gentils. Et au

2. liure du S. esprit, chap. 12. Paul n'estoit point inferieur à Pierre &c. Paul peut estre comparé avec le premier des Apostres quel qu'il soit, & ne doit estre mis au deuxiesme rang apres aucun. Et sur le premier ch. de l'Epistre aux Romains, les Apostres donc receurent de Dieu le Pere par Christ nostre Seigneur ceste puissance, qu'au lieu & place du Seigneur ils confirmassent par signes, la doctrine du Seigneur, & la volonté de Dieu estre celle cy que tous ceux qui croiroient en Christ, par la predication de ses Vicaires, fussent sauuez. Et sur la premiere aux Corinthiens chap. 3. cela appartient à la personne des Apostres desquels Dieu se sert, par ce qu'ils sont Vicaires de Christ.

17. Ambroise encor sur le Pseaume 38. O homme dit-il, monte au Ciel & tu verras les choses desquelles l'ombre & l'image estoit icy : tu verras le vray eternal & perpetuel Prestre (*Sacerdotem*) duquel tu voyois icy les images Pierre, Paul, Iean, Jaques, Matthieu, Thomas.

18. Chrysostome en l'homilie 18. sur l'Epistre aux Romains ; Dieu a commis à Paul toute la predication & toutes les affaires de la terre habitable, & tous les Mysteres & toute l'administration. Et en l'homilie 3. sur le 1. de S. Matth. Paul dit, Je ne suis pas digne d'estre appelé Apostre, pourtant aussi a il esté fait le premier de tous. Et en l'homilie 66. Il est manifeste à tous, que nul ne sera mis devant Paul. Et sur le chap. 1. des Galates v. 18. Paul apres tant de si grandes & bonnes actions, n'ayant besoing de Pierre, ni de sa parole, mais estant egal en honneur (car ie ne diray rien d'auantage) toutefois monte vers luy, comme vers vn plus grand & plus ancien. Et sur le 2. chap. aux Galates, Paul monstre qu'au reste il leur estoit egal, & se compare soy mesme non aux autres, mais au premier des Apostres monstrant que chacun iouit d'une mesme dignité.

19. Augustin au liure 2. de Bant. contre les Donatistes chap. 4. appelle le saint Paul Colleague de saint Pierre. Et au liure 2. chap. 13. du meisme de remission des pechès, parlant de Paul, il dit, Mais aussi en l'Euangile mesme où aussi il a merité la principauté d'un tel Apostolat. Et sur le Pseaume 103 &c. il dit, Paul Apostre, bien que de persecuteur il aye esté fait predicateur, a receu plus abondante grace en tout le labour Apostolique, que les autres Apostres.


20. Cyrille en son Synode d'Alexandrie, en l'Epistre escrire à Nestorius, qui est au chap. 15. du Cansile d'Ephese ; Pierre & Iean sont entr'eux



entr'eux egaux en honneur, tous deux Apostres & saints Disciples.

## CHAP. II.

*Du Passage de Saint Matthieu 16. v. 18. & 19. Tu es Pierre & sur cette pierre &c. Et le te donneray les clefs du Royaume des Cieux &c.*

I.  RIGENE *Traicté 1. sur s. Matth. parlant à l'euesque de Rome.* Les euesques iouissent de ceste mesme promesse aussi bien que pierre, & ont receu les clefs du Sauueur. Que si tu penses que l'Eglise soit baltie sur ce pierre seul, que diras-tu de Jean fils du tonnerre, & de chacun des Apostres? Quoy oserons-nous dire que les portes d'enfer perdent leur force contre pierre seul, & se preualent contre les autres Apostres & entierement parfaits fideles? N'est-ce pas de tous & de chacun d'eux que cela est dit? Aucun des bien heureux ne les a-il receus? Que si ceci, *le te donneray les clefs du Royaume des Cieux*, est commun à tous: pourquoy non aussi tout ce qui est deuant & apres comme dit à Pierre, ne sera-il commun à tous, à sçauoir, *tout ce que tu lieras &c.*

2. Cyprian *en l'Epistre 27. ad Lapsos n. 1.* Nostre Seigneur, les preceptes duquel nous deuons craindre & obseruer, disposant l'honneur de l'Euesque à la raison de son Eglise parle en l'Euangile, & dit à Pierre, *le te dis que tu es Pierre, & sur ceste Pierre j'edifieray mon Eglise &c.* de là par *succession de temps* est decoulée l'ordination des Euesques, & la raison de l'Eglise en sorte que l'Eglise soit constituée sur les Euesques, & que tous les actes de l'Eglise soient gouuernez par les mesmes Prelats.

3. Le mesme Cyprian *en l'Epistre 42.* escrit à Corneille qu'il appellé son frere, nous deuons principalement trauailler à ce que l'vnité baillée par Christ à ses Apostres & par les Apostres à *nous leurs successeurs*, soit obseruée.

4. Hilaire *de Trinit. lin. 2. & 6.* C'est là l'vnique fondement immobile, ceste est l'vnique heureuse Pierre de la foy confessée par la bouche de Pierre, *Tu es le fils de Dieu l'iuant &c.* Item ceste foy est le fondement de l'Eglise &c. Et parlant à tous les Apostres, à

cause du merite de vostre foy, Vous auez receu les clefs du Royaume des Cieux, & le pouuoir de lier & deslier au Ciel & en terre. Et au liure *contre les Arriens*, Les apostres n'ont-il pas eu les clefs du Royaume des Cieux?

5. Gaudentius Brixienſe au *traicté de ſon ordination*. Tous les Apostres avec Pierre reçoient du Seigneur les clefs du Royaume Celeſte, quand il leur dit *Receuez le ſainct Eſprit &c.* Et *allés & endoctrinés.*

6. Hieroſme *contre Iouinian liu. 1. ch. 14.* Si tu diſ l'Egliſe eſt fondée ſur Pierre, encor que le meſme en autre lieu ſoit fait ſur tous les Apostres, & que chacun d'eux receut les clefs du Royaume des Cieux, & egalement ſur eux la fortitude de l'Egliſe eſt fondée &c. Et au premier liure *ſur ſainct Matth. ch. 7.* Dieu a fondé l'Egliſe ſur ceſte Pierre, de ceſte Pierre l'Apoſtre Pierre a eſté denommé. Voyez cy deuant liure 2. chapitre 2. nombre 1. & 5.

7. Ambroïſe *ſur le 2. ch. aux Ephéſiens*, Sur ceſte Pierre i'edifieray l'Egliſe, c'eſt à dire ſur la cōfeſſiō de la foy Catholique i'eſtablirai les fideles à vie. Et au 5. chap. *du liure de l'Incarnation*. La foy donc eſt le fondement de l'Egliſe. Car ce n'eſt point de la chair de Pierre, mais de ſa foy qu'il eſt dit que les portes de la mort ne preuaudront point, c'eſt la confeſſion qui a vaincu l'enfer. Et *ſur le Pſeume 38.* Je te donneray les clefs &c. ce qui eſt dit à Pierre eſt dit aux autres apostres.

8. Baſile de Seleucie en l'homelie *ſur le 16. chap. de ſa ſaint Matth.* Chriſt ayant appellé ceſte confeſſion, la Pierre, donne ce nom à Pierre qui premier auoit fait ceſte confeſſion.

9. Auguſtin au Canon *quodamque 24. q. 1.* tout ce que vous lierés ſur la terre ſera lié au Ciel: Que ci cela a eſté dict ſeulement à Pierre, l'Egliſe n'a pas le pouuoir de lier & deslier. Or ſi en l'Egliſe on lie & delie de ſorte que ce qui eſt lié en terre eſt pareillement lié au Ciel, d'autant que l'Egliſe excommuniant quelqu'un, celuy qui eſt excommunié, eſt lié au Ciel: Et venant à eſtre reconcilié à l'Egliſe, il eſt delié au Ciel: Si donc cela ſe fait en l'Egliſe, il s'enſuit que Pierre repreſentoit l'Egliſe, quand il receut les clefs.

10. Le meſme Auguſtin au *Serm. 118. de diuerſ. in feſto SS. Pet. & Pauli.* Sainct Pierre preſque en toutes les occaſions & rencontres, a merité de repreſenter l'Egliſe. Et pour ceſte conſideration entant qu'il repreſentoit l'Egliſe, il a auſſi merité d'entendre beſte  
p. role

parole de nostre Seigneur, *Je te donneray les clefs du Royaume des Cieux.* Or ces clefs ont esté receuës non par vn seul, mais par l'vnité de l'Eglise. Et de là l'excellence de Pierre est recognue, parce qu'il representoit le total de l'vnité de l'Eglise lors qu'il luy fut dit, *Je te donne ce qu'il donnoit à tous.* Car afin que vous cognoissiez que c'est l'Eglise qui a receu les clefs du Royaume des Cieux, entendez ce que nostre Seigneur en vn autre lieu a dit à tous ses Apostres, *Receuez le Sainct Esprit: & continuant son propos: Si vous remettés les pechés à quelqu'un, ils seront remis: & si vous les retenés, ils seront retenus.* Et tout cela appartient aux clefs desquelles est dit, *Ce que vous lierés en terre &c.* Mais il parle ainsi à Pierre, parce que lors il representoit toute l'Eglise. Et sçachez que tout ce qui luy a esté dit, a esté dit à tous les Chrestiens, *Si ton frere t'a offensé &c.* Et au Sermon 30. de Divers. Il appert par plusieurs passages des escritures que Pierre represente la personne de l'Eglise principalement en ce lieu où il est dit, *Je te donneray les clefs du Royaume des Cieux.* Pierre a-il receu les clefs, & Paul ne les a-il pas receuës? Pierre les a receuës & Jean & laques & les autres Apostres ne les ont pas receuës pour remettre avec equité les pechés &c. *Je te donneray les clefs &c.* c'est l'Eglise qui a receu ceste parole &c. ce qui a esté dit à Pierre, il a esté dit pareillement aux autres Apostres.

11. Augustin sur le Pseaume 86. Iesus Christ est le grand & principal fondement, on ne peut poser (dit l'Apostre) autre fondement que celuy qui a esté posé, à sçauoir Iesus Christ. Comment est-ce donc que les Apostres & Prophetes sont appellés fondements, & Iesus Christ fondement apres lequel il n'y en peut auoir d'autre? ne pensons-nous pas que tout ainsi que Iesus Christ est dit apertement le Sainct des Saincts, aussi figuratiuement le fondement des fondements? tellement que si vous parlés des Sacrements, Iesus Christ est le Sainct des Saincts: Si vous parlés du Troupeau, il est le Pasteur des pasteurs: Si vous parlés de l'edifice, il est le fondement des fondements.

12. Augustin derechef sur la premiere de saint Iean. Que veut dire cela l'edifieray mon Eglise sur ceste Pierre? sur ceste foy: sur ce qui est dit tu es le Christ &c. Et au 124. traité sur saint Iean, sur ceste Pierre que tu as confessée i'edifieray mon Eglise. Car Christ estoit la Pierre. Et au 13. Sermon des Paroles du Seigneur: en saint Matthieu, Tu es Pierre & sur ceste Pierre que tu as confessée, sur

ceste Pierre que tu as cogneue , disant, Tu es le Christ le fils de Dieu viuant , i'edifieray mon Eglise. I'edifieray mon Eglise sur moy mesme , qui suis le fils du Dieu viuant : Je t'edifieray sur moy, & non moy sur toy. Et de mesme *au cinquantesme traicté sur saint Iean, & au premier liure des Retraict. ch. 21.* l'ay dit en quelque endroit, que sur Pierre, comme sur la Pierre l'Eglise est fondée; Mais aussi ie sçay que depuis ie l'ay exposé ainsi en sorte que par ceste Pierre, on entend la pierre que Pierre a confessée, car il ne luy a pas dit Tu es la Pierre, mais Tu es Pierre : ou la Pierre estoit Christ.

13. Cyrille *au 4. de la Trinité.* Je pense que par la pierre, il n'entend autre chose que la foy non branlante & tresferme du disciple.


14. Primase sur l'Apocalyp. *liu. 3.* en la personne d'un seul Pierre, par vne generale representation tous ont ouy, *Tout ce que tu desliera en terre sera deslié es Cieux.*

15. Enthymius *sur saint Matth. chap. 23.* Je te donneray les clefs &c. Mais ce don a esté fait aussi aux autres Apostres.

16. Theophylacte *sur saint Matth. chap. 16.* Encor qu'à Pierre seulement soit dit, *Je te donneray*, toutefois cela mesme a esté donné cy deuant à tous les Apostres, quand il dit *A ceux à qui vous remestres &c.* Car quand il dit *Je donneray*, il designe le temps à venir, c'est à dire apres sa resurrection.

### CHAP. III.

*Du passage de Iean dernier v. 15. Et de la triple repetition, M'aimes-tu, Pais mes brebis, & Matth. 16.*

1. YPRIAN en l'Epistre 67. écrite à Eslienne qu'il appelle simplement son frere N°. 6. Car bien que nous soyons plusieurs Pasteurs, toutefois nous ne passons qu'un mesme troupeau, & deuous assembler & entretenir toutes les brebis que Christ par son sauoir & par sa passion, a acquises.

2. Le mesme Cyprian *Traicté 3. de l'uni. Eccles.* Nostre Seigneur dit à Pierre *Je te donneray les clefs &c.* et apres sa resurrection *Pais mes brebis.* et combien qu'apres sa resurrection il donne pareille puissance

sance à tous ses disciples, & die, *Comme mon Pere m'a enuoyé aussi ie vous enuoye, receuez le Saint Esprit, à quiconques vous remettrez les pechez il luy seront remis* : toutefois &c. les autres Apostres estoient voirement ce qu'estoit Pierre compagnons de mesme honneur & puissance.

3. Cyrille Hierosolym. *en sa Catachese* 2. c'est pourquoy non seulement il reçoit pardon de son renoncement, mais aussi *retint la dignité de son Apostolat* qui ne luy auoit point esté osté.

4. Basile de *Vita solita*. chap. 23. Cela nous a esté enseigné par Iesus Christ, qui a establi Pierre pasteur apres luy: Pierre (dit-il) *m'aimes-tu plus que ceux cy, pay mes brebis*. Et par consequent a donné à tous les Pasteurs ceste mesme puissance. Ce qui nous est demonstté en ce que tous egalemment lient & deslient.

5. Basile *és Constitutions Monastiques* chap. 42. Pierre (dit le Seigneur) *m'aimes-tu plus que ceux cy, pay mes brebis* : Et dauantage il baille depuis à tous pasteurs & maistres la mesme puissance de laquelle chose vn signe euident est, que tous semblablement que luy lient & deslient.

6. Gregoire de Nazianze *en l'Oraison en la feste Epif.* L'occasion donc pour laquelle nostre Seigneur apres sa resurrection s'adressa particulièrement à Pierre & luy parla d'amour & de pasture, fut sa cheute : parquoy Pierre effaça sa faute par sa triple confession de son amour enuers Christ, & toutefois on attendoit quelque compensation d'un tel erreur comme necessaire, nostre Seigneur la luy imposa, disant, *pay mes brebis*, j'attens cela de toy: le demande cela que tu *rachetes ton crime*, & que tu employes tes actions, ton industrie, & tes labeurs, voire ton sang & ta vie pour mes brebis.

7. Ambroise in Pastor. Apres que Iesus Christ eut demandé à Pierre par trois fois *m'aimes-tu*, il luy bailla ses brebis à paistre, comme pareillement à tous les Apostres.


8. Augustin de *Agone Christ.* ch. 30. Ce n'est pas sans cause qu'entre tous les Apostres Pierre soustient la personne de l'Eglise Catholique, car à ceste Eglise ont esté données les clefs du Royaume des cieux; Et quand il luy est dit *m'aimes-tu, pay mes brebis*, il est dit à tous. Et au liure *des quest. du Vieil & Nouu. Test.* q. 47. priant pour Pierre il est euident qu'il prioit pour tous: Et au traicté 47. *sur S. Iean.* Iesus Christ est Pasteur entrant par soy mesme: & ce qu'il est Pasteur il l'a aussi cédé à ses membres. Car & Pierre est Pasteur, & Paul Pasteur, & les autres Apostres Pasteurs. Et au traicté de la

*penitence chap. 1.* Par trois fois il confesse par amour, parce que trois fois il l'auoit renié par crainte. Et au *serm. 49. des paroles du Seigneur*, afin que par la triple confession d'amour, il effaçast le triple reniement.

9. Cyrille d'Alexandrie *sur S. Iean lin. 12. ch. 64.* Donc par la triple confession de Pierre, le delict du triple reniement a esté osté, &c. Or il dit *Pais mes Agneaux*, luy *renouellant* la dignité de l'Apostolat, afin qu'elle ne semblast point auoir esté perdue par le triple reniement arriué par infirmité humaine.

#### CHAP. IV.


*Du passage de Luc. 22. v. 31. & 32.* J'ay prié pour toy que ta foy ne defaille point; toy donc quand quelque fois tu seras conuerti, conferme tes freres.

1.  HRYSTOSTOME en l'*Homilie 83. sur S. Mattheu*. Comment est-ce que Pierre a renié? C'est que Iesus Christ ne luy a pas dit, *J'ay prié que tu ne me renies point*: Mais j'ay prié que ta foy ne defaille point: tellement qu'elle ne se perde point entierement.

2. Theophylacte en son *Commentaire sur ce 22. chap. de S. Luc*, j'ay prié pour toy, dit-il, que ta foy ne defaille point, encore que tu doies estre esbranlé pour vn peu de temps, si est-ce que au dedans tu as cachées les semences de la foy.

#### CHAP. V.

*Que les Peres en particulier n'ont point recogneu la souueraineté de l'Euesque de Rome, mesmes es choses Ecclesiastiques ou Spirituelles.*

1.  GNACE Euesque d'Antioche & martyr, es Epistres qu'on luy attribue, outre qu'il egale en puissance tous les Apostres & met Sainct Paul deuant S. Pierre es Epistres 2. *ad Trallianos* 3. *ad Magnesianos* & 9. *ad Antiochenos*: il met l'Episcopat pour le supreme degré en l'Eglise, mesme en l'Epistre 7.

*ad Smyrnenſes* dit, qu'il n'y a rien en l'Eglise de plus grand que l'Eueſque : recommande expreſſément à toutes les Eglises l'vñion & l'obeiſſance à leur Eueſque, & que l'Eueſque doit obeïr à Chriſt, comme Chriſt au Pere, ſans parler d'Archeueſque, Patriarche ou d'Eueſque vniuerſel & general Vicair de Chriſt. et eſcriuant à l'Eglise Romaine l'Epître 12. ne luy donne point de titre ou qualité (ou à ſon Eueſque) par deſſus les autres; mais comme il l'appelle l'Eglise ſanctifiée & illuminée par la volonté de Dieu laquelle preſide au lieu de la region des Romains &c. (non donc par toute la terre:) auſſi à chacune des autres il donne ſa qualité, comme à la Sainte Eglise qui eſt en Trallis, digne que Dieu &c. A l'Eglise d'Antioche en Syrie eſleüe de Chriſt, & la premiere qui a porté le nom de Chreſtienne, &c. A l'Eglise à bon droit tres-heureuſe qui eſt en Ephèſe d'Asie &c.

2. Polycarpe Eueſque de Smyrne diſciple de Saint Jean & martyr, au rapport d'Irenée en Eusebe *liure 5. & chap. 24.* eſtant allé à Rome pour conferer avec Anicet du iour qu'il falloit celebrer la Paſque & de certaines autres choſes deſquelles il ne conuenoit pas, ne peut eſtre induit d'acquieſcer à l'opinion d'Anicet, d'oït appert que Polycarpe ne tenoit pas que Anicet fut le ſouuerain Iuge de l'Eglise, & qu'il ne peut errer: auſſi Anicet ne le diſoit pas, & ne ſe fondeoit que ſur la couſtume des preſtres ſes predeceſſeurs non ſur aucun paſſage de la Sainte Eſcriture ou ordonnance Eccleſiaſtique.

3. Irenée Eueſque de Lyon en l'Epître qu'il eſcriuit à Victor Eueſque de Rome rapportée par ledit Eusebe *es chap. 23. & 24. du cinquieme liure*, reprend aigrement ledit Victor, & parlant des predeceſſeurs d'iceluy, ne les qualifie que preſtres, non pontifes ſouuerains ou Eueſques vniuerſels: et parle de l'Eglise de Rome comme d'une particuliere Eglise, diſant les preſtres qui eſtoient commis au gouvernement de l'Eglise à laquelle tu preſides &c.

4. Polycrates Eueſque d'Ephèſe en l'Epître qu'il eſcriuit audit Victor & à l'Eglise de Rome rapportée auſſi par Eusebe *liure 5. ch. 23.* dit ainſi, Moy donc freres qui ay veſcu ſoixante cinq ans au Seigneur, qui ay conferé de la foy avec pluſieurs freres eſpars par toute la terre, qui ay ſucilletré toute la Sainte Eſcriture, ne ſuis point troublé de ce qu'on nous obiecte pour nous eſpouuanter, car mes anceſtres ont dit, qu'il faut pluſtoſt obeïr à Dieu qu'aux hommes. Il parle du iour de la Paſque: & de ce que Victor auoit



separé de sa communion les Eglises Orientales, d'autant qu'elles ne vouloient pas celebrer la Pâque en mesme iour que luy: & appelle l'ordonnance & procedure de Victor procedure d'homme, & l'oppose au commandement de Dieu, tant s'en faut qu'il reconnoisse Victor pour Vicaire general de Christ: laquelle procedure est louée par Hierosime en son liure de *Script. Eccles. In Polycrate*.

5. Tertullien, au liure de la *Pudicité*, chap. 21. Si pource que Iesus Christ a dit à pierre, l'edifieray mon eglise sur ceste pierre &c. tu penses (il parle à Zepherin Euesque de Rome) que par là soit<sup>a</sup> decoulée iusques à toy la puissance de lier ou deslier, c'est à dire toute l'Eglise proche de Pierre, qui es-tu toy<sup>b</sup> qui renuerstes & changes l'intention euidente du Seigneur lequel confere cela personnellement à Pierre?

a. Il ne croyoit pas que S. Pierre eust aucun successeur en ceste puissance qu'il estimoit personnelle..

b. Moins encor que l'Euesque de Rome ne peut errer:

6. Il appelle aussi par ruse & mocquerie l'edit Zepherin souverain Pontife & Euesque des Euesques au ch. 1. dudit liure.

7. Cyprian Euesque de Carthage, Qu'Eusqbe *liu. 3. ch. 3.* dit auoir esté le premier entre tous les hommes de son aage, lors qu'il parle de l'Euesque de Rome, ne l'appelle que frere, Colleague, & Coëuesque, comme *es Epistres* 4. 41. 42. 43. 45. 47. 49. 54. 55. 57. 38. 67. 72. Et ne le qualifie iamais autrement: mesmes parlant à tierces personnes: ce qu'un inferieur n'oseroit ou voudroit entreprendre contre son superieur: & seroit vn trait d'imprudence, ou d'arrogance. Il se rendit Arbitre du differend qui estoit entre Corneille & Nouatian, & sans en estre requis, enuoya ses Deputez & Legats à Rome, qui n'est pas acte d'inferieur, comme appert par *ses Epistres* 41. & 42. Et en l'*Epistre* 27. nu. 1. & en la 42. Il dit que l'Eglise est constituée sur les Euesques successeurs des Apostres, sans distinguer celuy de Rome & le reconnoistre Vicaire de Christ, ou plus fondement de l'Eglise & successeur des Apostres que les autres: en l'*Epistre* 49. nu. 3. Il dit, que Rome à cause de sa grandeur, doit preceder Carthage, Non donc par l'ordonnance de Christ, ou parce que Saint Pierre y a exercé sa charge, & y est mort: Et en l'*Epistre* 52. N. 3. que Corneille son colleague, ayant eu conseil de plusieurs coeuesques, consentit avec nous & fut de mesme opinion avec pareille grauité & moderation salubre: au lieu de dire qu'il ordonna & commanda..

*Et en la 54. escrie aumesme Corneille par Cyprian & son Synode.* Nous auons resolu (*Censuimus*) & il nous a pleu (*placuit nobis*) ce que nous croyons que aussi vous trouuerez bon. Ils ne luy requierent pas qu'il en ordonne & n'attendent pas son decret: Et toute fois il estoit question, si ceux qui auoient bronché en la foy & sacrifié aux Idoles, deuoient estre receus à la paix de l'Eglise. Et en l'*Epistre 54. à Corneille* (qu'il appelle par dixsept ou dixhui& fois tres-cher frere) parlant de deux Euesques deposez en Afrique & qui auoient couru à Rome, Il dit *nombre 16.* Car comme ainsi soit qu'il est ordonné à nous tous, & soit aussi equitable & iuste, que la cause d'un chacun soit ouïe, là où le crime a esté commis, & que à chaque Pasteur soit assignée vne partie du troupeau, pour la conduire & gouverner & rendre compte de sa gestion au Seigneur: Il ne faut point que ceux sur lesquels nous presidons, aillent courant çà & là, & facent entrechoquer la concorde bien vnïe des Euesques, par vne fraudeuleuse & trompeuse temerité: mais qu'ils traitēt leurs causes là où ils peuuent auoir des accusateurs, & des tesmoins de leur crime. Sinon qu'il semble à peu de personnes desesperées & perdues que l'autorité des Euesques establis en Afrique, qui ont desia iugé, soit moindre. desia on a cogneu de leur cause: desia leur sentence a esté prononcée. Ainsi il s'egale à Corneille, & dit qu'il ne peut cognoistre de leur iugement, parce qu'il n'a rien à cognoistre sur la portion du troupeau qui luy a esté commise, d'autant qu'il n'est point Euesque Vniuersel: Mais a seulement vne portion de l'Episcopat comme les autres. Et en l'*Epistre 67. à Estienne son frere l'ayant exhorté nombre 2.* D'escrire des bonnes lettres à nos coeuesques des Gaules de ne permettre pas que Martian Euesque d'Arles qui estoit opiniastre & superbe & ennemy de la diuine pieté, & du salut de ses freres, s'esleue contre *nostre* College, mais qu'il soit deposez, & que plusieurs requeroient le soulas de *nostre* assistance: Il adioust, *nombre 3.* Car pour cela tres-cher frere le corps des prestres ioinct de colle de mutuelle concorde & lien d'vnité, est copieux, & abondant, afin que si quelqu'un de *nostre* College (cōpagnon) s'essaye d'instruire quelque heresie & dechirer & gaster le troupeau du Seigneur, les autres y subuiennent: & comme Pasteurs vtils & misericordieux ils ramassent au troupeau les brebis du Seigneur. Il s'egale & les autres aussi à Estienne, & ne dit pas que ce soit à luy seul d'y pouruoir: mesme adioust *nombre 6.* Car bien que nous soyons plusieurs Pasteurs, toute fois nous passons

tous vn mesme troupeau , & deuons assembler toutes les brebis que le Seigneur a acquises par son sang & passion: & ne permettre pas que nos freres supplians & dolens soyent cruellement mespriez & foulez par la superbe presumption de quelques vns. Et ainsi ne recognoit pas Estienne euesque Vniuersel avec plenitude de puissance, & ne se dit pas euesque particulier & n'ayant qu'à paistre les brebis de Carthage. Et *nombre 7.* Nous tous par tout auons esté de mesme aduis que nos predecesseurs Corneille & Lucius: car nous ne pouuons pas auoir vn sentiment diuers , puis qu'en nous estoit vn mesme esprit. Il ne dit pas nous ne pouuons pas résoudre aucune chose cõtre le decret du Vicair general de Christ, comme il eust fait s'il l'eust estimé tel. L'epistre 68. est fort notable. Elle est non seulement escriite par Cyprian, mais aussi par tout le Synode d'Afrique. Les Eglises d'Espagne leur ayans escrit & enuoyé des Deputez & demandé leur aduis & adistance sur ce que Basilides & Martial euesques ayant idolatré & renié Iesus Christ, auoient esté deposez par le Synode de la Prouince, & Sabinus & Felix solennellement esleus & substituez en leurs places: Basilides court à Rome & fit en sorte qu'il obtint iniustement d'Estienne d'estre restablí en son euesché, duquel il auoit esté iustement depósé. Cyprian donc & son Synode respondent que ni Basilides, ni Martial ne doiuent point estre restablis: & que ceux qui communiquent avec eux sont dignes de mesme peine: & qu'il y auoit long temps qu'avec eux & avec tous les euesques de tout le monde, Corneille mesme leur Collegue, prestre pacifique & iuste & honoré du martyre, auoit decreté que telles personnes fussent voirement receues à faire penitence, mais non admises en aucun ordre de Clerc & Sacerdotal. Par là on voit que ces Eglises d'Espagne n'ont pas recogneu pour souuerain l'Euesque de Rome. Car au lieu d'obeir simplement, ou de recourir à luy pour faire retraicter sa sentence, & représenter la fraude & surprinse dont Basilides auoit usé, ils ont recours à Cyprian & aux euesques d'Afrique. Moins encor Cyprian & les Africains. Car au lieu de leur conseiller d'auoir recours audit Estienne, ils baillent leur auis diffinitif, sans consulter Estienne. Et ainsi iugent & cognoissent de la sentence d'Estienne: Ils appellent & Corneille & Estienne leur Collegue: ne disent pas que Corneille seul auoit decreté cela, & que Estienne ne le pouuoit reuocquer, mais avec nous, & avec les Euesques de tout le monde. Finalement ni les Africains ni les Espagnols, ne tenoient

pas que le Pape de Rome ne peust errer, ni qu'à luy seul appartinst de deposer les Euesques. Mais sans esplucher & parcourir tous les autres passages qui sont és œuures de Cyprian, desquels il resulte que ni luy ni les autres Euesques & eglises d'Afrique, n'ont point recogneu l'Euesque de Rome pour souuerain & Monarque de l'Eglise, la seule controuersie touchant le Baptisme des heretiques suffiroit. Car en cela ils estoient diametralement contraires, d'autant que Cyprian tenoit que les heretiques estant hors de l'Eglise, ne pouuoient valablement baptizer, & que leur Baptisme estoit entierement nul. Et qu'il falloit non rebaptizer, mais Baptizer les heretiques, qui vouloient se ranger à l'Eglise. Et au contraire l'Euesque de Rome tenoit qu'il ne falloit pas rebaptizer aucun heretique, veu que leur Baptisme n'estoit pas nul, & qu'il suffisoit de leur imposer les mains. Et tant s'en faut que Cyprian & ses compagnons deferaissent à l'Euesque de Rome, & acquiesçassent à son opinion, qu'au contraire ils disoient *Epistre 70. & 71.* Que leur opinion estoit fondée sur la parole de Dieu, estoit religieuse, legitime, salutaire, conforme à la foy & à l'Eglise Catholique : Que la Coustume seule alleguée au contraire, ne pouuoit prescrire contre la raison & verité. Et en l'*Epistre 72.* font sçauoir leur opinion à Estienne pour l'honneur commun & pour simple dilection; en quoy ils ne veulent forcer ou donner loy à personne, (moins donc la receuoir d'Estienne.) et s'estant eschaufez, au lieu de le recognoistre pour leur chef, en l'*Epistre 74.* Cyprian refute les lettres d'Estienne, dit qu'il erre, qu'il defend la cause des heretiques contre les Chrestiens & contre l'Eglise de Dieu : et qu'entre autres choses superbes ou qui ne sont à propos, ou contraires à elles mesmes que ignoramment & imprudemment il a dites, il adiousté encor: Si quelqu'un vient à nous *de quelque heresie* que ce soit, qu'il ne soit rien innoué, sinon ce qui a esté baillé par tradition, que les mains luy soyent imposées en penitence &c. D'où procede ceste tradition? descend-elle de l'autorité du Seigneur & euangelique? Vient-elle des mandemens & epistres des Apostres? &c. Quelle est ceste obstination & presumption de vouloir preferer vne tradition humaine à la disposition diuine? Quel est cest aueuglement & ceste mauuaitié? pourquoy la dure obstination de nostre frere Estienne en est-elle venue là par violence &c? La Coustume sans verité est vne vieillesse d'erreur. C'est ainsi qu'il traite & recognoit le Vicair pretendu de Christ & l'Euesque des Euesques, & dit qu'il ne peut errer.

8. Firmilian Euesque de Cesaree en Cappadoce, qui au tesmoignage de Baronius en l'an 258. n'a esté inferieur à personne en saincteté de vie, estoit de l'opinion de Cyprian touchant le Baptisme des heretiques, & en son Epistre ( qui est la 75. entre celles de Cyprian ) attribue à Estienne inhumanité, audace & insolence, dit qu'il diffame les bien-heureux Pierre & Paul, comme s'ils auoient donné cela, ( son opinion ) par tradition, ce que non: Que ceste tradition, est humaine: qu'à Rome on n'obserue pas entierement les choses baillees dès le commencement, & qu'on se targue en vain de l'autorité des Apostres: Qu'il y a l'og temps, qu'en Concile assemblé en Iconie de Phrygie des Euesques de Galatie, Cilicie & autres prochaines regions, son opinion auoit esté confirmee: Que la contraire est erreur & auuglement, & ne demeure point au fondement de l'vnique Eglise, qui a esté vne fois fondée *sur la pierre*: Que iustement il est courroucé contre vne si patente & manifeste folie d'Estienne qui se glorifie ainsi du lieu de son Episcopat, soustenant d'auoir la succession de Pierre, il n'a point de honte d'estre le patron des heretiques, contre l'Eglise: & d'appeller Cyprian faux christ, faux prophete, & ouurier frauduleux, lesquels noms luy conuiennent, & en deuroit à bon droit estre qualifié. Ainsi le recognoissent-ils pour infailible & Souuerain?

9. Denis aussi Euesque d'Alexandrie qu'Eusebe *liure 7. chap. 1.* appelle grand & Illustre, estoit de la mesme opinion que Cyprian, comme aussi tesmoigne Hierosme *in catal. Script. Eccles.* Et en escriuit plusieurs lettres tant à Estienne qu'à Denis & Sixte Euesques de Rome, qu'il appelle simplement freres, improuuant le faict d'Estienne qui à l'occasion de ce differend ne vouloit point communiquer avec les Eglises de Cilice, Cappadoce, Galatie & autres: comme dit Eusebe audit *liure 7. chap. 2. 4. 6. 7. & 8.* Et ainsi ne recognoissoit pas l'Euesque de Rome pour Iuge Souuerain és choses de la foy, ou Ecclesiastiques. Mesme audit *chap. 4.* dit à Estienne qu'il a fort adisté aux Eglises de Syrie & Arabie par sa doctrine & conseil ( non donc par son autorité & commandement souuerain, ce qu'il n'auroit obmis ) & en son Epistre qui est rapportée audit *chapitre 8.* Il demande simplement conseil & aduis, au lieu de decret sur le faict qu'il luy propose.

10. Alexandre Euesque d'Alexandrie ni tous les autres Euesques Orthodoxes qui reprouuoient l'heresie d'Arius ne tenoient pas

pas l'Euesque de Rome pour Iuge Souuerain des controuerfes de la foy, autrement ils se fussent adressez à luy, & eussent incontinent fermé la bouche à Arius & à ses sectateurs, en disant, Que le Monarche & Iuge Souuerain de l'Eglise estoit de leur opinion, & en auoit fait Arrest diffinitif. Ou du moins auroient contraint Arius de nier ceste Souueraineté & infailibilité: Au lieu de tant de peine qu'ils ont prinse & en particulier, & en Conciles, pour conuaincre & estouffer ladite heresie: tesmoing Socrates liure 1. *chap. 3.* & suiuaus, où se voyent les lettres d'Alexandre, non à l'Euesque de Rome seul, mais generallyment à *tous les freres espars par tout le monde*, esquelles au commencement ils disent qu'il n'y a qu'un corps de l'Eglise Catholique à Nous commis, non donc au seul Pape de Rome.

11. Eusebe Euesque de Cefaree en Palestine en ses dix liures: de l'histoire Ecclesiastique, & és quatre de la vie de Constantin, ne parle de l'Euesque de Rome que comme d'un autre Euesque, sans luy attribuer aucune superiorité, ni mesmes aucunes actions considerables pour auoir adisté Constantin au reestablishement du Christianisme, qui fut neamoins grand & admirable: & fait le denôbrement des Euesques qui ont succédé à ceux qui auoient esté establis par les Apostres, és principales Eglises, comme de Rome, Antioche, Alexandrie, Ierusalem, sans donner aucun tiltre: plus eminent à l'Eglise de Rome, de laquelle il parle tousiours comme d'une Eglise particuliere, en l'accomparant ou opposant aux autres: & souuent n'appelle son Euesque que Euesque de la ville ou cité de Rome: Au liure 2. *chap. 23.* Il commence par Alexandria & dit qu'Anianus y fut estably au ministere de l'Eglise le premier apres Marc, qu'il nomme non Euesque, mais Euangeliste. Et au liure 3. *chap. 2.* qu'apres le Martyre de Paul & Pierre (mettant Paul deuant) l'Episcopat de l'Eglise de Rome escheut premierement par sort à Liuius. Il ne dit pas que Paul & Pierre fussent Euesques de Rome. Il y auroit eu deux Euesques ensemble: Et *chap. 16.* dudit liure 3. il décrit la succession des Euesques d'Alexandrie: & apres dit que Clement fut le troisieme Euesque de l'Eglise Romaine apres Paul & Pierre, mettant encore Paul premier, Liuius fut le premier & Anaclet le second. Puis passe aux Euesques d'Antioche & de Ierusalem: & ainsi par tout. Et *chap. 28.* Qu'à Clement succeda Euaristus. Et *chap. 29.* poursuit la succession Episcopale en Ierusalem. Et au 30. des Eglises Antio-



che & Smyrne liure 4. *chap. 5.* fait encor le denombrement des Euesques de Ierusalem, de Rome, & d'Alexandrie, & dit audit *chap. 5.* Telephore fut le septiesme Euesque de Rome depuis les Apostres, liure 5. *chap. 1.* Eleutherus (dit-il) douziesme puis les Apostres, de mesme entierement au *chap. 6.* du mesme liure par le tesmoignage d'Irenée duquel il rapporte les propres paroles de son troisieme liure *chap. 5.* Et au *chap. 22.* dudit liure cinquiesme, il dit, que y ayant tres grande controuerse touchant le iour que la Pasque deuoit estre celebrée, d'autant que toutes les Eglises d'Asie fondées sur certaine ancienne tradition, estoient d'avis de la celebrer le quatorziesme de la Lune de Mars; & toutes les autres Eglises du monde, la celebrent le iour de Dimanche *suiuant l'ancienne Consume* par tradition apostolique: furent conuqués les Conciles des Euesques, vn en Palestine, où Theophile Euesque de l'Eglise de Cefaree & Narcisse Euesque de Ierusalem presiderent: vn autre semblablement à Rome, où Victor estoit Euesque. Vn autre à Ponte où presida Palmas, comme tres ancien & grandement venerable: vn autre des Eglises de Gaule qui estoient gouuerneés par Irenée: vn autre à Oiroene: & en presque infinis autres lieux, qui tous furent d'avis de la celebrer le Dimanche, & en aduertirent toutes les Eglises. Il ne distingue pas le concile & l'Euesque de Rome. Et ne luy attribue point plus d'autorité qu'aux autres. Là où il eust deu dire, que tous resolutent de obtemperer à l'ordonnance de leur Souuerain: Mais au contraire au *chap. 23.* il transcrit la lettre que Polycrates Euesque d'Ephese en escriuit à Victor, pour monstrier qu'il n'y auoit point de lieu de se separer à ceste occasion de la communion des Eglises d'Asie. Et au *chap. 24.* il monstre que Victor ayant pour ce subiect voulu separer de sa communion toutes les Eglises d'Asie, cela depleut grandement non seulement à Irenée: mais à tous les autres Euesques de sa communion, qui l'en reprindrent & luy escriuirent des bonnes lettres sur ce subiect: laquelle procedure il approuue assés ouuertement.

12. Le mesme Eusebe en la vie de Constantin liure 3. *chap. 5.* & 6. parlant de Arius & de la dissention pour le iour de la feste de Pasques, il n'y auoit aucun (dit-il) qui peust trouuer remede à ce mal. Constantin seul sembloit rester entre tous les hommes: Il assemble le Concile de Nicée &c. Ignoroit-il donc qu'il y eust vn Pape à Rome qui seul pouuoit y pouruoir? Et au *chap. 7.* du mesme liure,



fiure, il dit, que tous les principaux Euesques de toute l'Europe, Afrique & Asie furent conuocqués par Constantin à Nicée: Et fait le sommaire denombrement de ceux qui s'y trouuerent: & apres adiouste l'Euesque de la ville Royale (ou en laquelle est le siege de l'Empire, Constantinople n'estant lors encores fondée & consacrée) empesché par sa vieillesse, n'y vint point: mais ses Prestres tindrent sa place. Et ainsi le met au mesme rang des autres qui auoient esté conuocqués comme luy, sans mettre aucune difference entre iceux. Moins luy attribuer le pouuoir de conuocquer les Conciles generaux & de casser leurs decretz.

13. Athanasie Euesque d'Alexandrie en son Apologie à Constantius Empereur, sur ce qu'on l'accusoit qu'il s'en estoit fuy en Italie à Constans Empereur d'Occident, pour l'irriter contre son frere: au lieu de dire qu'ayant esté deposé iniustement, il estoit appellant à l'Euesque de Rome, Iuge souuerain; & qui seul pouuoit deposer ou restablir les Euesques: il dit seulement, le ne suis point allé trouuer ton frere en son camp, mais suis allé droitement à Rome, pour recommander & moy & mes affaires à l'Eglise: & durant trois ans n'ay point escrit à ton frere, lequel apres estant à Milan me commanda de l'aller trouuer: & là l'apprius que quelques Euesques qui y estoient allés, l'auoient requis d'escire à ta Pieté, de tenir vn Synode. Il deuoit encor dire que c'estoit à l'Euesque Romain, de conuocquer les Conciles. Et en la premiere epistre ou Apologie contre les Arriens, il allegue le tesmoignage de Denis Euesque de l'Eglise d'Alexandrie, & apres de Denis Euesque de Rome, & ainsi prefere l'Euesque d'Alexandrie. Là où il se deuoit contenter de celui du chef & Monarque. Et en la seconde Apologie contre les Arriens au commencement, il dit: Il n'a pas esté iugé pour nous seulement vne fois, mais plusieurs: premierement en nostre prouince, où à ces fins ont esté assemblés pres de cent Euesques: Secondement à Rome, où ont esté assemblés plus de cinquante Euesques: en troisieme lieu derechef au grand Concile conuocqué à Sardique par l'Edit des tres-religieux Princes Constantius & Constans, où nostre innocence a esté approuuée par les suffrages de plus de trois cets Euesques. Il deuoit dire qu'en second lieu & en dernier ressort, il auoit esté absous par l'Euesque de Rome: Mais il ne fait pas seulement mention particuliere de luy, & le comprend entre les cinquante, dont ce Concile estoit composé. Et apres ledit Con-

cile, il en met vn plus grand par dessus conuoqué par les Empereurs, recognoissant par là que la seule sentence du Concile particulier de Rome, n'estoit suffisante. Mais apres ce grand Concile de Sardigue, il adioutte: Que personne donc n'entreprenne de faire encor iuger vne chose examinée si exactement, & par tant d'Euesques. Et verifiée par tresclairs enseignements: au lieu de dire iugée par l'Euesque & Pape vniuersel, Vicair de Christ. En la mesme seconde Apologie, il dit, que le Synode d'Alexandrie escriuit des lettres à tous les Euesques de l'Eglise Catholique, en quelque part qu'ils fussent, mesmes à Iule Euesque de l'Eglise Romaine, (non vniuersel) auquel les Eusebiens escriuirent aussi; & pour nous espouuancer (dit-il) commanderent qu'un Synode fust conuoqué, & defererent à Iule l'arbitrage de leur cause, s'il le vouloit accepter. Il n'estoit point besoin de consentir qu'il fust arbitre, s'il eust esté Iuge necessaire, & souuerain, & tel recogneu par les parties. Et finalement il dit, que Meletius Euesque en Egypte, ayant esté déposé au Synode d'Alexandrie, fit Schisme, & en fin s'adioignit à Arrius, au lieu d'auoir recours à vn autre Synode. Il eust deu dire, au lieu d'appeller & auoir recours au successeur de saint Pierre, qui est le supreme Iuge, & à qui la cognoissance de ces causes est reseruée.

14. Basile Euesque de Cefaree en l'Epistre 10. écrite à Eusebe Euesque de Samosate qui estoit d'auis qu'on enuoyast en Occident pour demander secours contre l'Arianisme: Quel secours (dit il) pouuons-nous receuoir de l'orgueil des Occidentaux qui ne scauent la verité & ne veulent pas l'apprendre? Et estans preoccupez de faulx opinions, font maintenant les choses qu'ils ont faites en l'affaire de Marcellus: contestans contre ceux qui leur annoncent la verité, & fortifiens l'heresie par eux mesmes? Au lieu de dire qu'on ne pouuoit recourir qu'au Souuerain chef de l'Eglise, qui ne peut errer, à scauoir à l'Euesque de Rome, Premier non seulement des Occidentaux, mais aussi de tout le monde? Mais au contraire il dit encor parlant de l'Euesque de Rome, ie voulois escrire à leur chef, mais non des affaires Ecclesiastiques, si non pour leur donner tacitement à entendre qu'ils ne scauent la verité de nos affaires, & ne veulent receuoir le moyen de l'apprendre. Et en son Epistre 70. écrite aux Euesques de Gaule & Italie, mettant premiers ceux de Gaule, il les appelle tous en general les freres & compagnons de seruice; mettant celui de Rome en la foule, & ne le distinguant aucunement des autres. 15. Gre,

15. Gregoire de Nazianze en son oraison funebre de Basile parlant des maux & troubles à luy faicts dit, Quelques vns des Euesques Occidentaux y adistoyent aussi, qui attiroient à eux autant d'Eglises Orthodoxes, qu'il y auoit; Pourquoy improuueroit-il cest artifice comme mal & iniustement entrepris, s'il eust tenu l'Eglise Romaine pour la maistresse des autres? Pourquoy aussi Basile saint personnage, n'eust-il adheré à leur volonté?

16. Hierosime en l'Epistre à Euagrius rapportée *dist. 93. c. legimus*, s'il est question de l'authorité, le monde est plus grand que la ville. En quelque part que soit l'Euesque soit à Rome, soit à Eugubio, soit à Constantinople, soit à Reges, soit en Alexandrie, soit à Tauris, il a vn mesme merite, vne mesme Prestise: La Puissance de la richesse & la bassesse de la pauureté ne fait point qu'un Euesque soit plus grand ou plus bas que les autres. Au reste ils sont tous successeurs des Apostres. Pourquoy preferes-tu la coustume d'une seule ville? pourquoy contre les loix de l'Eglise veux-tu suivre ce petit nombre d'où est sortie l'arrogance, disant que tous les Euesques sont egaux en merite & Sacerdoce, & tous successeurs des Apostres? Il exclud toute Souueraineté, mesmes opposant expressement Rome aux autres villes: & son Euesque aux autres, & la coustume de Rome, à la coustume de tout le monde. Et en sa preface sur le liure de Didimus du saint Esprit, Quand j'estois en Babylone (il appelle ainsi Rome) & estois habitant de la paillarde vestue de Pourpre, & viuois selon les loix des bourgeois de Rome, ie voulus gazouïller quelque chose touchant le saint Esprit & dedier mon ourage encommencé à l'Euesque de la ville: mais voici ce pot qui en Jeremie se voit apres le baston du costé d'Aquilon, commence à bouillir, & le Senat des Pharisiens se mit à crier &c. Et en l'Epistre à Marcella. Li l'Apocalypse de saint Iean & regarde ce qui est predit de la Paillarde empourprée, & du blaspheme escrit en son front, & des sept Montagnes: & de plusieurs eaux: & de la destruction de Babylone: Fuyez d'icelle mon peuple & ne participez à ses pechés, & ne receuez de ses playes. Elle est cheute, elle est cheute Babylone &c. Interpretant entièrement de Rome, tout ce qui est dit de Babylone par saint Iean. Et derechef en son Epistre 54. en nos Eglises les Euesques tiennent le lieu des Apostres.

17. Ambroise Euesque de Milan au 3. liure des Sacremens, chap. 1. Nous n'ignorons pas que l'Eglise Romaine, n'a point ceste cou;

stume de laquelle Nous (*Ils ne se recognoissent pas estre de l'Eglise Romaine*) suiuous l'exemple & la forme en toutes choses, toutefois elle n'a point ceste coustume de lauer les pieds. Prenés donc garde que la grande multitude qui y est, ne l'aye fait decliner &c. Je desire (*il ne dit pas ie suis tenu & obligé*) suiure l'Eglise Romaine en toutes choses, toutefois nous sommes aussi hommes, qui auons aussi bien du sens & de la raison. Pourtant nous faisons bien de garder ce qui est mieux pratiqué és autres lieux. Aussi durant les huit cents premiers ans, l'Eglise de Milan n'estoit point subiecte à l'Eglise de Rome, & l'office Ambrosien ne fut aboli en France que par l'autorité de Charlemagne, qui aux menaces adiousta les coups, dit Durand en son rational, *liure 5. chap. 2.* Aussi le Concile de Turin tenu peu apres la mort d'Ambroise, au Canon 5. egale les lettres d'Ambroise à celles de l'Euesque de Rome, voire le met premier, disant, suiuant les lettres d'Ambroise Euesque de venerable memoire, ou du Prestre (*Sacerdoté*) de l'Eglise Romaine.

18. Chrysostome Euesque de Constantinople *en sa 3. homilie au peuple d'Antioche*: Considerez (*dit-il*) la grandeur de la ville, que maintenant nostre soing n'est pas touchant vne ame ou deux ou trois ou dix: mais de milliers infinis: Et de la ville capitale de tout le monde; C'est la ville en laquelle les Chrestiens ont esté premierement ainsi appellés. Et *en l'homilie 7. sur saint Matth.* Quand il est question de parler de la preface, vous bandez toute vostre Ambition (*il parle à ceux d'Antioche*) iusques à vouloir presider sur tout le monde, vous flattans de ce privilege, que ceste ville a la premiere donné ce nom aux Chrestiens. Et au *Sermon sur saint Iean*. Nostre ville peut estre mise en balance contre tout le monde: Il ne croioit donc point que saint Pierre eust osté la Primauté du siege à Antioche pour le transferer à Rome: ou que l'Eglise d'Antioche eust cédé son droit de primauté à l'Eglise Romaine, comme dit le Pape Marcel au Canon Rogatus 24. q. 1. Aussi ledit Chrysostome estant cité à comparoir par deuant le Concile conuqué à l'instigation de l'Imperatrice Eudoxia, & auquel presidoit Theophile Euesque d'Alexandrie, tous deux à luy mal affectonnés, respondit Qu'il n'estoit pas si fol de recognoistre ses ennemis pour ses iuges, & qu'il comparoistroit volontiers par deuant vn plus grand Synode. Et derechef cité par quatre-fois, il'en appella au Synode Oecumenique, & non à l'Euesque de

de Rome. Et pour sa seule contumace fut deposé, dit Sozomene *au liure 8. ch. 17.* le peuple aussi de Constantinople s'en estant esmeu, requit que la cause de Chrysostome fust examinée non par l'Euesque de Rome, mais par vn plus grand Synode, dit aussi Sozomene *chap. 18.* Et Socrate *liure 6. chap. 14.* Et de fait ladite deposition fut declarée nulle par vn Synode de soixante Euesques *ch. 19.* dudit Sozomene. Le Pape donc ne s'estoit pas encores reserué la cognoissance de la condamnation ou reſtabliſſement des Euesques. Mais ayant derechef esté deposé & relegué à cause de quelques paroles piquantes par luy proferées contre l'Imperatrice : son clergé en escriuit à Innocent Euesque de Rome, implorant son adſiſtance, lequel escriuit des ſimples lettres de conſolation tant à Chryſoſtome, qu'à son clergé qui ſont rapportées par ledit Sozomene *au chap. 27.* où il dit notamment, qu'il n'y a point d'autre remede que de taſcher d'impetrer vn Concile Occumenique, & cependant d'auoir patience. Et en ſuite de ce il deputa cinq Euesques & deux Preſtres à Honorius & Arcadius Empereurs, les ſuppliant de conuoquer ledit Concile, & d'en assigner le lieu & le temps. Ce qu'il ne put obtenir, dit Sozomene *chap. 28.* Voila comme lors ni les vns ni les autres ne penſerent point à la Souueraineté d'Innocent, & luy meſme ne s'en attribuoit point : n'ayant pas caſſé ladite deposition, quoy qu'il la diſt iniuſte & ini-que : Et tous ni meſme aucun d'iceux ne recognoiſſoient pour Iuge ſupreme, que le Concile vniuerſel : & tenoient qu'autre que l'Empereur ne le pouoit conuoquer.

19. \*Augustin Euesque de Hippone in Afrique, outre qu'il n'a point recogneu en Sainct Pierre aucune ſuperiorité par deſſus les autres Apoltres dont les paſſages ont esté rapportés cy deſſus *és chapp. 23. 4.* de ce liure, & par conſequent moins en ſon pre-tendu ſucceſſeur ſur les autres Euesques ſes collegues : Il adſiſta & fut Secretaire au Concile Mileuitain auquel fut fait ce Canon deſendant d'appeller outre mer : En quoy Rome eſtoit principalement compriſe ; *Quiconque voudra appeller outre mer ne ſoit receu à la communion par aucun* en Afrique. Il adſiſta auſſi au ſixieſme Concile de Carthage, & ſelon ſon auis, il y fut expreſſément prohibé d'appeller à Rome, apres que les Legats de l'Euesque de Rome eurent esté ouïs, & que les Canons qu'ils produiſoient, comme faicts à Nicée, eurent esté veriſiés & declarés faulx & ſuppoſés : & les Euesques de ce Concile en nombre de 227. escriuirent

à Celestin ceste belle lettre que nous auons transcrite au 12. chap. du 3. liure, nombre 7. Par laquelle ils l'aduertissoient de ne receuoir point les appellations des euesques, des prestres & autres Clercs d'Afrique: & qu'il n'enuoyast plus de Legats & Commissaires en Afrique: & qu'il n'introduisist point en l'Eglise l'orgueil mondain. Et c'est pourquoy Boniface deuxiesme en l'*Epistre escrete à Eulalius qui est au 2. tome des Conciles* & rapportée par les repurgateurs du decret de Gratian dist. 89. c. *Ad hoc*, dit: Aurele iadis euesque de la susdite eglise de Carthage, & qui presida audit Concile sixiesme par l'instigation du diable du temps de nos predecesseurs Boniface & Celestin commença à s'enorgueillir contre l'Eglise Romaine. Mais maintenant eulalius se voyant separé de la communion de l'Eglise Romaine, s'humilient s'est recogneu. Et ainsi & Aurelius & Augustin & tous lesdits 227. euesques, par l'instigation du diable n'ont point suiui l'opinion du Pape, & sont morts excommuniez, & tous leurs successeurs iusques à Boniface 2. s'il en est creu. Luy mesme au premier liure contre Iulian chap. 2. dit que Iulian estant condamné par Innocent euesque de Rome, en appella aux Eglises Orientales, sans le taxer de cela & dire qu'il ne deuoit appeller du Iuge souuerain de l'Eglise Vniuerselle à des Iuges inferieurs ses subiects: Mais dit seulement que cestoit en vain, veu qu'elles estoient d'accord avec les Eglises Occidentales ( sans nommer expresément celle de Rome ) & tenoient vne mesme foy. Luy mesme au liure de *unico Bapt. contra Petil. c. 14.* C'estoient deux Euesques que Estienne & Cyprian, de tres-éminentes Eglises, ascauoir Rome & Carthage. Et aussi accouple & les Euesques & les Eglises, & les appelle éminentes au respect des autres establies és moindres citez. Et en l'*Epistre 162.* parlant de certain iugement fait par les Donatistes contre les Euesques Catholiques. Car il ne s'agissoit point ( dit-il ) des Prestres, Diacres ou autres Clercs inferieurs: Mais de nos Collegues qui peuuent demander renuoy ou reseruer leurs causes au Iugement des autres Collegues, principalement des Eglises Apostoliques. Où est à noter, qu'il ne dit pas qu'ils pouuoient appeler à l'euesque de Rome, ou à l'euesque de l'Eglise Apostolique, mais aux autres Collegues ( puis que ceux d'Afrique estoient suspects ) & principalement des eglises Apostoliques, qu'il dit estre aussi Collegues des autres. Et apres il dit, parquoy ou laissons tous ces debats à Dieu Iuge, ou que ceux qui sçauent des crimes en Antony & les peuuent prouuer, s'en aillent à nos freres & Collegues



les Euesques *des Eglises transmarines*. derechef il ne dit pas à nostre frere l'Euesque de Rome, & ne le distingue point des autres. Et encores peu apres, Il y auoit encor (dit-il) mille de nos Collegues transmarins, où ceux pouuoient estre iugez qui sembloient auoir pour suspects les Collegues d'Afrique, ou Numidie. et ainsi met l'Euesque de Rome au nombre & en la foule de mille autres Euesques. Mais sur tout est grandement à remarquer ce qu'il adiuste en la mesme Epistre 162. Car parlant du iugement rendu contre les Donatistes, par Melchiades Euesque de Rome; Meroclas Euesque de Milan & dixsept autres Deputez par Constantin, il fait ceste obiection: Mais peut estre Melchiades Euesque de l'Eglise Romaine avec ses Collegues transmarins, n'auoit pas deu entreprendre de iuger & cognoistre, de ce qui auoit esté decidé par soixante Africains, où presidoit le Primat de Tifitaine? A quoy il eust deu respondre que l'Euesque de Rome, estoit le souuerain iuge de toute la terre: & qu'il ne pouuoit errer: Mais rien de cela, & au contraire, il dit: que Melchiades n'a point entrepris cela de son mouuement, ni à raison de sa charge: mais comme Deputé par l'Empereur. Quoy (dit-il) il nel'a pas seulement vsuré, Car l'Empereur ayant esté requis (asçauoir par les Donatistes) enuoya des Euesques, pour iuges, qui siegeassent avec luy & ordonnassent de toute ceste cause, ce qui leur sembleroit iuste. Et plus bas, polons le cas, dit-il, que ces Euesques qui iugerent à Rome, n'eussent pas esté bons iuges, (il ne fait pas Melchiades seul iuge ni infallible) il restoit encor le plenier Concile de l'Eglise Vniuerselle, où aussi en la presence de ces mesmes iuges, la cause eust peu estre agitée, afin que s'ils estoient conuaincus d'auoir mal iugé, leur sentéce fust reuocquée. Il a donc creu que le Concile Vniuersel est le iuge souuerain, & qu'il peut iuger des appellations interiectées de l'Euesque de Rome: & annuller ses sentences. Aussi en l'Epistre 163. au lieu qu'il demande à l'Euesque Fortunius Donatiste s'il pourroit enuoyer des Epistres communicatoires (*formatas*) A toutes les Eglises Apostoliques, il eust seulement parlé de l'Eglise Romaine. Et sur ce que Fortunius disoit que les Eglises transmarines estoient demeurées innocentes iusques à ce qu'elles auoient consenti à la persecution des Donatistes: Il eust repliqué que l'Euesque de Rome auoit ce priuilege de ne pouuoir errer. Là où seulement il respond, mettons les liures Canoniques sur table &c.

20. Clarys Euesque de Mulcala en Saint Augustin. liure 7. du



*Baptême contre les Donatistes, chap. 43.* Il manifeste l'intention de nostre Seigneur Iesus Christ enuoyant les Apostres & à eux seuls octroyant la puissance à luy donnée par son Pere, ausquels nous auons succédé, gouuernans l'Eglise du Seigneur par la mesme puissance.

21. Denis Arcopagite au liure qu'on luy attribue de la Hierarchie Ecclesiastique, décrit les Offices & degrez Ecclesiastiques, & ne monte pas plus haut que de la charge d'Euesque: & fait l'Episcopat le supreme degré Ecclesiastique, sans parler aucunement du souverain Pontife: ce qu'il n'eust obmis s'il en eust cogneu aucun. Et luy mesme en sa pretendue Epistre à Demophile, ayant donné plusieurs successeurs aux Apostres, dit que si quelque Euesque Hierarchie vient à faillir, il doit estre corrigé par ses Collegues & qui sont de mesme ordre, au lieu de le renvoyer au Pape seul.

22. Vincentius Lirinensis n'estoit non plus de l'opinion du Pape. Car au liure qu'il a fait contre les heresies (peu apres le premier Concile d'Ephese, comme luy mesme dit sur la fin de son dit traité) il baille les moyens & expediens d'ot il se faut seruir pour esteindre & estouffer les heresies nouuelles ou anciennes. Asçauoir par l'Ecriture Saincte qu'il dit estre entierement suffisante de soy: Par les Canons des Conciles generaux, & par le consentement des Peres quand tous ou plusieurs d'un mesme sentiment, manifestement, frequemment & perseueramment, comme quelques Conciles de maistre accordans entr'eux, en receuant, tenant, & baillant, l'auront confirmé. Là où sans prendre tant de peine il eust donné auis de s'adresser au chef de l'Eglise, & Lieutenant general de Christ, qui ne peut errer. Et qui plus est baillant en suite & sur la fin vn exemple de cela, pratiqué audit Concile d'Ephese contre Nestorius, il dit, qu'on produisist dix maistres Conseillers tesmoins & Iuges selon le nombre sacré des commandemens de Dieu, tous lesquels il nomme, six du monde (*orbis*) d'Orient & quatre d'Occident. Ne met qu'au septiesme rang Felix & Iules, & ne les qualifie Qu'Euesques de la ville de Rome, laquelle il appelle le chef du monde Occidental & Latin: & met à ses costes du Midi Carthage, & du Septentrion Milan. Ce qu'il n'eust iamais fait s'il eust creu que l'Euesque de Rome fust Monarque de l'Eglise Vniuerselle, Iuge infaillible, & souverain.


23. Socrates Scholasticus au 24. chap. du 4. liure de son histoire dit, que Damase succeda à Liberius en l'administration de l'Euesché Romain.

Romain: & que de là l'estat de l'Eglise Romaine fut grandement troublé. Il deuoit dire qu'il succeda en l'administration de l'episcopat Vniuersel, d'où l'Eglise Vniuerselle fut fort troublée: Là où il n'en parle que comme d'un Euesque particulier, & d'une particuliere Eglise. Et au chap. 25. suiuant, il raporte comme Ambroise lors prefet de la Prouince & Catechumene seulement fut esleu Euesque de Milan par les suffrages de tout le peuple: & depuis baptizé & consacré du consentement de l'empereur Valentinien, sans faire aucune mention de l'Euesque de Rome, comme n'ayant lors, ni long temps depuis, aucun pouuoir ou autorité sur ladite ville & Eglise de Milan. Le mesme Socrates au 5. liure, chap. 3. dit Encor, en ce temps Damase presidoit à l'Eglise Romaine, auquel succeda Liberius: à celle de Ierusalem Cyrillus: à celle d'Antioche &c. A celle d'Alexandrie. Et de mesme au 1. chap. du liure 6. & au 9. & 11. chap. du 7. liure. Et ainsi, egale entierement & lesdites Eglises & leurs Euesques. Et au 8. chap. du mesme liure, il descrit la distribution faicte au premier Concile de Constantinople aux Patriarches de tout l'Empire d'Orient sans parler de l'Occident, où n'y auoit eu aucun trouble pour l'Arrianisme. Aussi en ladite distribution ne reseruent-ils point l'aduis de l'Euesque de Rome. Et le mesme Socrate au chap. 19. dudit liure 5. dit que l'Eglise trouua bon de supprimer les *Prestres penitentiels*, dont en chascune Eglise en auoit esté establi vn, depuis le temps que les Nou:tiens auoient refusé de communiquer, avec ceux qui auoient flechi à cause de la persecution sous l'Empire de Dece: & que ce fut Nestarius Euesque de Constantinople: & cela sans en communiquer à l'Euesque de Rome: & attribuant ce changement à l'Eglise en general. Mais encor plus au chap. 21. dudit liure 5. Il blasme ouuertement *Victor* d'auoir voulu excommunier les Eglises d'Asie & autres à cause qu'elles ne celebrent pas precisément la Pasque le iour de Dimanche, disant que c'est chose indifferente: n'y ayant là dessus aucune ordonnance ou de Iesus Christ ou des Apostres. Et que le Concile de Nicee, pour terminer ce different, auoit trouué bon que la coustume la plus generale & gardée par plus grand nombre d'Eglises, fust obseruée; mōstrant par là que le Concile ne s'arresta pas, & n'eust point d'egard à l'ordonnance de Victor. Et en suite de cela il dit, Que de son temps mesme on celebrait le Mystere de l'Eucharistie le iour de Samedi en toutes les Eglises du monde vniuersel, hormis en *Alexandrie* & à *Rome*: Et apres deduit autres dis-

ferentes obseruations touchant le Mariage des Clercs, le Ieufne du Samedi, les secondes nopces, & autres: & dit que les Euesques qui ont presidé aux Eglises en diuers temps, ont esté auteurs de ces differences, que leurs successeurs ont depuis receuës comme loy. Il ne croioit pas d'oc que tous fussent tenus d'obeir à l'Euesque de Rome, & de suiure ses pas. Et au *chap. 7.* liure 7. Ayant dit que Cyrillus Euesque d'Alexandrie outre la domination sur le sacré Clergé, auoit attiré à soy la seigneurie des choses seculieres. Il dit au *chap. 11.* du mesme liure, iusques au temps de Celestin (c'est à dire iusques en l'an 424.) Les Nouatiens auoient grandement fleuri à Rome, y auoient eu grande quantité d'Eglises, & y auoient assemblé grande multitude de peuples. Mais lors vne grand' flamme fut allumée contr'eux, comme ainsi fust que l'Episcopat Romain de mesme que l'Alexandrin, *sortant hors des limites du Sacerdoce eust desia auparauant vsuré la Principauté seculiere*, & osterent tous leurs biens aux Nouatiens. Ce que les Euesques de Constantinople ne firent point. Ainsi croioit-il que l'Euesque de Rome eust de droit diuin souueraine puissance és choses temporelles soit directement ou indirectement?

## C H A P. VI.

*Si la primauté a esté octroyée ou accordée à l'Euesque ou à l'Eglise de Rome par Iesus Christ ou par les Conciles, c'est à dire, si elle est de droit diuin, ou positif & humain: & si ce a esté à cause de la primauté de S. Pierre, ou à cause de la primauté de la Ville de Rome.*

1.  YPRIAN en son Epistre 49. nombre 3. D'autant que Rome à cause de sa grandeur doit preceder Carthage.

2. Le Concile premier de Constantinople *Canon 5.* Il faut que l'Euesque de Constantinople aye l'honneur de primauté apres celuy de Rome, parce que c'est la nouuelle Rome.

3. Le Concile de Chalcedoine *Canon 28.* Les Peres ont donné les priuileges à l'Euesque de Rome en consequence de la souueraineté de la Ville: & les cent cinquante Peres du Concile de Constantinople poussez de semblables raisons, ont donné pareils priuileges à l'Euesque de la nouuelle Rome, jugeans estre raisonnable que les priuileges de ceste Ville, qui est ornée de souueraineté & d'un Senat, soient egaux à ceux de l'ancienne Rome: Et qu'elle aye sem-

blable Maieſté aux affaires Eccleſiaſtiques.

4. Theodoſe & Valentinian Empereurs en la Nouvelle *Theod.*  
*tit. 14.* Le merite de Sainct Pierre qui eſt le premier de la troupe  
 des Eueſques, & la dignité de la Ville de Rome, & l'autorité du  
 Sainct Concile, ont eſtabli la primauté du ſiege Apoſtolique.

3. Si les anciens Concilès qui ont donné la primauté à l'Eueſ-  
 que de Rome, euſſent eu ſeulement eſgard à ce que Sainct Pierre a  
 eſté à Rome & y eſt mort, ſans doute l'Egliſe d'Antioche où on  
 tient que ſainct Pierre a eu ſon ſiege ſept ans, euſt du moins pre-  
 cédé l'Egliſe d'Alexandrie fondée ſeulement par ſainct Marc: &  
 l'Egliſe de Ieruſalem où Ieſus Chriſt a enſeigné & où il eſt mort,  
 & où tous les Apoſtres ont long temps reſidé, euſt eſté la premie-  
 re de toutes: & du moins euſt precedé celle de Ceſarée. Et de  
 fait Marcellus (*ſuppoſé*) *an Canon Rogatus* 24. q. 1. dit que l'Egliſe  
 d'Antioche a eſté la premiere, Mais veut faire croire qu'elle a ce-  
 dé ſon droit à la Romaine. Mais la verité eſt que Rome a eſté mi-  
 ſe la premiere, Alexandrie la ſeconde, & que depuis Conſtanti-  
 nople a eſté preferée à Alexandrie, & que Ceſarée a eſté preferée  
 à Ieruſalem, d'autant qu'on n'a eu eſgard qu'à l'ordre Ciuil, & au  
 rang que les empereurs auoient donné ausdites villes comme  
 metropoles des Dioceſes. Comme Baronius meſme confeſſe *en*  
*l'année 39. nombre 10.*

6. Durant les quatre, voire cinq premiers ſiècles, lors que les  
 Eueſques de Rome ſe ſont vouluſ attribuer quelque ſuperiorité,  
 ils n'ont iamais allegué ces paſſages *ſuper hanc petram, tibi dabo clauē,*  
*paſce oues meas.* ou autres de la Saincte Eſcriture: Mais ſeulement  
 quelques pretendus Canons Eccleſiaſtiques par eux falſifiez, com-  
 me és Concilès d'Afrique & de Chalcedoine: Et partant n'ont pas  
 creu que leur primauté fuſt de droit diuin.

7. Si Sainct Pierre non ſeulement entant qu'Eueſque, (preten-  
 du) mais auſſi entant qu'Apoſtre, à laiſſé pour ſucceſſeur le ſeul  
 Eueſque de Rome, il ſ'enſuit que les autres Apoſtres ont auſſi laiſſé  
 chacun vn ſeul ſucceſſeur en l'Apoſtolat, d'autant que Ieſus Chriſt  
 n'a donné aucun pouuoir particulier à l'Egliſe ou aux Eueſques de  
 Rome, ni meſme au ſucceſſeur de Sainct Pierre.

8. Le ſixieſme Concile tenu à Conſtantinople *in Trullo* au 36.  
 Canon rapporté par Gratian *C. Remouantes* 22. diſſ. Confirme & re-  
 pete en meſmes mots le Canon de Chalcedoine.

9. Zenon Empereur *l. Decernimus* 16. C. de *Sacro. Eccleſ.* ſur la fin,

dit, Que l'Euesque de Constantinople a le droit de presence par dessus tous autres Euesques, en *consideration de la Ville Royale.*

10. Saint Augustin ou autre Autheur du traité des questions sur le Vieil & Nouveau Testament q. 101. les prestres & les Diacres de Rome sont estimez plus honorables que ceux des autres Eglises, à cause de la magnificence d'icelle ville, laquelle semble estre le chef de toutes les autres.

11. Les Euesques d'Afrique au 26. *Canon du 3. Concile de Carthage rapporté en la dist. 99. C. prima sedis*, defendans d'appeller aucun Prince des prestres souverain prestre, ou telle chose : mais seulement Euesque du premier siege, attachent la primauté seulement à la Ville ou au siege. Comme aussi le *Canon 58. du Concile Eliverusain en Espagne*, dit, l'Euesque de la premiere Cheze.

\* \*

LIVRE





# LIVRE SIXIEME

## ARGUMENT.

*Que les Conciles ne sont point de l'opinion du Pape touchant la puissance qu'il s'attribue.*

Chap. 1. Du Concile tenu par les Apostres en Ierusalem  
*Act. 15.*

Chap. 2. Des Canons attribués aux Apostres.

Chap. 3. Des Conciles tenus au 2. siecle apres la natiuité de nostre Seigneur Iesus Christ touchant le different du iour de la Pasque.

Chap. 4. Des Conciles nationaux d'Afrique tenus au 3. siecle sur le different concernant ceux qui auoyent bronché durant la persecution, & touchant le baptesme des heretiques.

Chap. 5. Du grand Concile conuoqué par l'Empereur Constantin en la ville d'Arles.

Chap. 6. Du Concile de Nicée premier Occumenique.

Chap. 7. Des Conciles d'Antioche.

Chap. 8. Du Concile de Sardique.

Chap. 9. Du premier Concile de Constantinople qui est le second vniuersel.

Chap. 10. Du Concile de Turin, & du premier Concile de Tolède, & du troisieme Concile de Carthage.

Chap. 11. Du Concile Mileuitain en Numidie d'Afrique.

Chap. 12. Du troisieme Concile de Carthage commençant, *Casario & Attico.*

Chap. 13. Du quatrieme Concile de Carthage commençant *Augusto Honorio quarto & Eutychiano Consulibus*, & du cinquiesme qui commence *Post Consulatum.*

Chap. 14. Du septiesme Concile d'Afrique, auquel tous les precedents furent reueus.

Chap. 15. Du premier Concile d'Ephese, qui est le troisieme vniuersel.

Chap. 16. Du Concile d'Antioche.

Chap. 17. Du Concile de Chalcedoine quatriesme vniuersel.

Chap. 18. Du Concile de Constantinople, qui est le cinquiesme Oecumenique.

Chap. 19. Des Conciles de Constantinople sixiesme & septiesme Oecumeniques.

Chap. 20. Des Conciles tenus à Constantinople au commencement du huietieme siecle, sur le fait des Images, & du second Concile de Nicée, & du Concile de Francofort.


Chap. 21. Du Concile de Pise.

Chap. 22. Du Concile de Constance.

Chap. 23. Du Concile de Basse, & du Concile & assemblée de Bourges.

## CHAP. I.

*Du Concile tenu par les Apostres en Ierusalem. Act. 15.*

1.  ASSEMBLÉE tenue en Ierusalem sur la controuersé de la Circonsion; peut à bon droit estre appellée Concile Apostolique. Car en icelle adistèrent non seulement tous les Apostres qui se trouuerent en Ierusalem, & les Prestres ou Anciens, & le reste du corps de l'Eglise de Ierusalem, Mais aussi saint Paul & Barnabas & autres deputez de l'Eglise d'Antioche.

2. Ce Concile est entièrement contraire à l'opinion du Pape qui se dit seul successeur de saint Pierre, auquel il attribue souverain pouoir sur les autres Apostres ses compagnons, & sur toute l'Eglise. Car comme Paul & Barnabas pour refuter l'opinion de ceux qui estoient venus de Iudée, lesquels enseignoient qu'on ne pouuoit estre sauué sans estre circoncis selon l'usage de Moyses, ne disoient point que Pierre estoit de contraire aduis, & qu'ils en vouloient estre à son dire, en quoy faisant ils leur eussent fermé



méla bouche, si Pierre eust esté tenu pour Vicaire de Christ: Et comme aussi les Prestres & Anciens de l'Eglise d'Antioche ne penserent point à cela, mais ordonnerent que Paul & Barnabas & quelques autres d'entr'eux monteroient vers les Apostres, & Anciens de Ierusalem, & non seulement vers Pierre: Aussi audit Concile la question fut fort disputée, sans qu'aucun fit declaration de recognoistre Pierre pour seul Iuge de ceste controuersé: lequel aussi n'y presida pas, mais dit premier son opinion laquelle fut suiuié & fortifiée de passages de la Sainte Escriture par Iaqués, qui mesme y adiousta qu'il falloit escrire aux Gentils qui se conuertissoient à Dieu, de s'abstenir des souilleures des Idoles & de paillardise & des choses estouffées, & du sang, dont Pierre n'auoit pas parlé. Et laquelle opinion fut suiuié par tous & l'ordonnance faicte, & les lettres escrites conformément à icelle: & Iudas & Silas deputés non par Pierre seul ou au nom de Pierre de l'auis du Concile, comme fait le Pape: mais au nom des Apostres, des Anciens & des freres. Ce qu'ils n'auroient iamais entrepris ni Pierre souffert s'ils eussent esté de l'opinion du Pape touchant la puissance qu'il attribue à saint Pierre.

3. Et afin de fermer la bouche à ceux qui osent dire sans preuve, voire contre le texte dudit chap. 15. *Que saint Pierre conuoqua ledit Concile, y presida, & y fit l'ordonnance ou decret, il ne faut que voir ce que disent saint Iaqués & les Anciens de l'Eglise de Ierusalem au 21. chap. du mesme liure des Actes v. 25. touchant ceux qui ont creu d'entre les Gentils, nous en auons escrit apres auoir ordonné.* Et ainsi ils s'attribuent l'ordonnance, la deputation, & les lettres, bien que saint Pierre ne fust point pour lors avec eux, du moins il est vray-semblable, puis qu'il n'y est point nommé. Voyés cy dessus liure 2. chap. 13.

4. Et bien qu'on accorderoit qu'il y eust presidé, il ne s'ensuiuroit pas qu'il fust par dessus le Concile qui fait l'ordonnance, disant nous auons esté d'avis &c. Et il a semblé bon au saint Esprit & à nous &c. non plus qu'Ozius qui presida au Concile de Nicée, ne fut point supérieur à iceluy: & que le President d'une Cour de Parlement n'est point par dessus le corps de la Cour.

5. Les Euesques aussi qui adisisterent au cinquieme Concile Oecumenique tenu à Constantinople, confirment cela. Car en la premiere seance, ils disent, Bien que la grace du Saint Esprit abondast tellement enuers chacun des Apostres, que pour les cho-

les qu'on deuoit faire, ils n'auoyent pas besoin du conseil d'autrui: toutesfois ils ne voulurent pas decider la question, s'il falloit circoncir les Gentils, sans premierement s'estre assembles, & qu'un chacun eust confirmé son opinion par tesmoignages de la Sainte Escriture. Et tous ensemble en prononcerent la sentence, escriuans aux Gentils: Il a semblé bon au saint Esprit & à nous &c.

## CHAP. II.

### *Des Canons attribuez aux Apostres.*

1. **V** I s que le Pape & les siens mettent en teste du volume des Conciles l'œuvre intitulé Les Canons des Apostres, comme vray & canonique, quoy que supposé (comme nous auons monstre cy dessus liu. 3. chap. 9.) il est à propos de faire voir que lesdits Canons ne fauorisent aucunement la pretendue souueraineté du Pape.

2. Premièrement en iceluy ce n'est point saint Pierre seul qui parle & ordonne, mais tous les Apostres: & lors qu'il y est nommé, comme au Canon trentieme, & au dernier, ce n'est que comme l'un d'iceux sans aucune prerogative: mesme au dernier il est nommé apres saint Paul qu'on presuppõe auoir assisté en l'assemblée Apostolique où ces Canons furent dressez, puis qu'au 81. est dit nostre Onesime que saint Paul appelle son fils en l'Epiistre à Philemon. Or le Roy & tout autre Souuerain parle & fait l'ordonnance, quoy qu'elle aye esté resoluë de l'avis de son conseil.

3. Secondement en aucuns desdits Canons n'est fait difference, distinction ou exception entre les autres Euesques & celuy de Rome, soit en la forme de l'election & consecration, Canon 1. en l'exercice de leur charge, en leurs actions & deportemens, C. 3. 6. 7. 8. & 9. 14. 16. 25. 28. 39. 41. En la punition & deposition Can. 29. 30. 31. 36. & 73. & en toutes autres choses.

4. En troisieme lieu par lesdits Canons, & notamment par le 73. la condamnation & deposition des Euesques est expressement attribuée au Synode, sans mesme excepter celuy de Rome: & toutefois le Pape soutient que cela appartient à luy seul, & s'est  
reserue

reserué expressement ladite condamnation contre ledit decret.

5. En quatriesme lieu, bien que durant la vie des Apostres, & long temps apres, il ne se parlast point de Metropolitains Archeuesques, ou Patriarches, veu que toutes les Eglises estoient egales & tous les Euesques egaux en pouuoir, & n'y auoit aucune prerogatiue sinon de reception & d'ordre: toutefois par le Canon 35. Il est dit que les Euesques de chaque Prouince doiuent scauoir qui est le premier d'entr'eux, & ne faire rien d'important sans son sceu. C'estoit le lieu où ils deuoient dire que les Primats ou Metropolitains ne deuoient aussi faire aucune chose importante (comme est la deposition des Euesques) sans le communiquer à leur chef & souuerain, le successeur de saint Pierre ou l'Euesque de Rome. Mais rien de tout cela: ils n'y penserent iamais.

6. En cinquiesme lieu, lesdits Canons (posé que faicts par les Apostres) sont generaux, & aucun particulier soit Apostre ou Euesque n'a peu y contreuenir, non plus qu'à la decision & ordonnance faicte au quinzieme des Actes, Que pour estre sauue il n'est pas necessaire d'estre circoncis, puis qu'il n'y a aucune exception: & partant sont contraires à la doctrine du Pape qui s'attribue le pouuoir de dispenser & ordonner contre le commandement des Apostres, comme il a fait en cest endroit. Car il defend le Mariage des Prestres & Euesques contre le Canon sixiesme: Il ordonne des clers dans les limites des autres Euesques: & dispose des Eueschés à son plaisir contre le Canon 14. & 36. Il reçoit & admet le Baptesme des heretiques, contre le Canon 46. 47. & 67. Il commande de ieusner le Samedy, contre le Canon 65. Il defend, comme dit est, aux Synodes de condamner les Euesques, contre le Canon 73. deux ou trois tesmoins suffisent contre vn Euesque, par le Canon 74. Et le Pape veut qu'il y en ait septante deux, *C. presul. 2. q. 4.* Finalement le Pape met plusieurs liures entre les escritures canoniques, contre les 84. & 85. desdits Canons,


où aussi sont nombrés entre les Canoniques les Epistres & constitutions de Clement. Ce que d'autre costé le Pape n'approuue point.

\* \* \*

KK

## CHAP. III.

*Des Conciles tenus au second siecle apres la mort & resurrection de  
nostre Seigneur Iesus Christ, touchant le different du  
iour de la Pasque.*

I.  R la fin du second siecle furent tenus plusieurs Conciles nationaux en diuerſes parties du monde à cause du different qui estoit entre les Eglises touchant le iour auquel on deuoit celebrer la Pasque : & pour lequel assoupir, ce grand personnage Polycarpe Euesque de Smyrne enuiron trente ans auparauant auoit prins la peine de se transporter à Rome pour en conferer avec Anicet Euesque de Rome qui tenoit opinion contraire, & dont ils ne peurent conuenir. Toutes les Eglises d'Asie & les circouoissines la celebroident le quatorzieme iour de la Lune de Mars, & s'affermirent en ceste opinion au Concile par eux tenu, auquel presida Polycrates Euesque d'Ephese, nonobſtât les lettres à eux escrites par Victor Euesque de Rome, se fondans non seulement sur l'exemple de saint Iean Apostre de Philippes Diacre, & en l'obseruation perpetuelle de tous leurs successeurs Polycarpe Thraseas Melito, & autres saints & celebres Martyrs : mais aussi sur la parole de Dieu : disant Qu'il valloit mieux obeir à Dieu qu'aux hommes. Les Euesques donc & les Eglises d'Asie ne croyoient pas que l'Euesque de Rome fust Monarche souverain de l'Eglise & eust le pouuoir qu'ils s'attribue.

2. Les autres Conciles qui furent lors assembles pour ce subiect, quoy qu'ils fussent tous de l'auis de l'Euesque de Rome, que la Pasque deust estre celebrée le iour du saint Dimanche, si n'estoyét-ils pas de l'opinion du Pape touchant le pouuoir qu'il attribue à l'Euesque & à l'Eglise de Rome. Car autrement ils se fussent purement & simplement tenus à sa decission, & eussent escrit aux Eglises d'Asie d'en faire de mesme. Là où au contraire ils s'assemblerent partout avec tant de peine, frais & incommodités, traitent & decident la question & par la parole de Dieu, & par la coustume, sans parler ni faire aucun estat du preiugé fait par l'Eglise & Concile de Rome. Cela se voit es chapp. 22. 23. & 24. du cinquieme liure de l'histoire Ecclesiastique d'Eusebe, & par le pretendu

pretendu fragment du Concile de Palestine, tiré du Beda, qu'ils tiennent pour bon, & a esté inseré par Bituius au premier volume des Conciles, où il est dit, que les Euesques y assemblez ne voulurent point dire leur opinion sur ce faict, sans premierement auoir examiné ces questions : quel iour fut le premier crée au monde : en quelle saison de l'année : si au commencement ou au milieu : si au croissant ou décroissant de la Lune : & finalement, quel iour la Pasque se devoit celebrer : ce qu'ils font en suite.

3. Il y a bien plus, car Victor ayant pour ce seul subiect separé de la communion toutes lesdites Eglises d'Asie, tous lesdits Conciles improuerent grandement cest acte, & l'en reprirent bien aigrement par leurs lettres, disant que ses predecesseurs n'en auoient pas ainsi vsé. Voire luy enoignirent de garder la paix, l'union & charité avec ses prochains. Et notamment celuy des Gaules auquel présida Irenée, la lettre duquel est en partie rapportée audit chap. 24. d'Eusebe. Ils ne tenoient pas donc que l'Euesque de Rome fust par dessus les Conciles, moins encor qu'il ne pust estre.

#### CHAP. IV.

*Des Conciles Nationaux d'Afrique tenus au troiesme siecle sur le different concernant ceux qui auoyent bronché durant la persécution, & le Baptesme des heretiques.*

1. **E** Concile d'Afrique assemblé sur la moderation de la peine de ceux qui auoyent bronché durant la persécution. Premierement il fut assemblé, delibera & resolut l'affaire par la parole de Dieu, apres longue dispute de part & d'autre, sans la permission, & sans excepter ou requerir la confirmation de Corneille lors Euesque de Rome. Seulement ils luy escriuirent, à ce que le nombre des Euesques d'Afrique ne semblast à quelqu'un moins suffisant pour decider cest affaire: L'appellant nostre Collegue & compagnon. Et lequel Corneille ayant tenu conseil avec plusieurs autres Euesques consentit avec pareille grauité & moderation salubre à nostre mesme sentence. Ce sont les propres mots de saint Cyprian en son Epistre 52. nombre 3.

2. Secondement les Euesques en leur Epistre audit Corneille,

qu'est la cinquante quatriesme, ne luy doiuent autre qualité en l'inscription que celle de Corneille frere *au n.1.* & au corps de la lettre que de tres-cher frere, disant, Nous auons ordonné (*Statueramus*) ayant consulté entre nous : Mais la necessité nous contrainans, nous auons aduisé (*Censuimus*) & *n.3.* nous donnons la paix &c. & *num.5.* Il nous a pleu par la suggestion du Sainct Esprit &c. nous croions que cela vous plaira aussi en contemplation de la paternelle misericorde ; En tout cela ils traictent ledit Corneille comme leur Colleague & compagnon : & n'auroient iamais vŕé de ces termes s'ils l'eussent creu ou estimé estre leur superieur. Aussi Pamelius, quoy que grand asserteur de la Souueraineté Papale, a seulement dit sur les susdites dernieres paroles, qu'ils ont *aucunement* demandé confirmation. Ce qui neaumoins n'est pas vray : mais seulement qu'ils estiment qu'il sera de leur aduis : comme ils auoient accoustumé d'escrire à tous autres Euesques hors leur Prouince.


3. Quant aux Conciles tenus en Afrique & Numidie au commencement de ce siecle & durant plus de cinquante ans sur la controuersé du Baptisme des heretiques, dont la conclusion de l'un auquel presida Agripin Euesque de Carthage, est rapportée par Cyprian en son Epistre à Quintus 71. sur la fin : Et l'autre tenu du temps d'Estienne Euesque de Rome, est tout entier és œuures dudit Cyprian, qui aussi y presida, tant s'en fait qu'ils fauorisent en aucune sorte à la Monarchie du Pape, qu'ils luy sont diametralement contraires, entant qu'ils ont soustenu que l'opinion des Euesques de Rome, à sçauoir que le Baptisme de quelque heretique que ce fust, n'estoit point nul & ne deuoit estre reiteré, estoit fausse & repugnante à la parole de Dieu : Que c'estoit soustenir la cause des heretiques contre l'Eglise de Dieu. Et Cyprian mesme en son Epistre 74. appelle ledit Estienne ignorant, imprudent & superbe. Et Firmilian Euesque de Cesaire en l'Epistre 75. le traicte encor plus mal l'appellant inhumain manifeste, fol qui n'auoit point de honte d'appeller Cyprian faux Christ, faux Apostre & ouurier frauduleux. Et assure qu'au Synode par eux tenu en Iconie des Eglises de Phrygie, Galatie & Cilicie, & des regions voisines. l'opinion de Cyprian & des Africains auoit esté approuuée & confirmée, & qu'ils l'auoient tousiours tenue, à sçauoir que le Baptisme des heretiques estoit nul, & qu'il le falloit tenir pour non fait, Voila comme toutes lesdites Eglises tenoient que  
l'Euesque



l'Euesque de Rome fust leur Chef, qu'il ne pouuoit errer, & que pour estre sauué il falloit luy obeïr.

## CHAP. V.

*Du grand Concile conuqué par l'Empereur Constantin en la ville d'Arles.*

1.  E Concile fut tenu au commencement du quatrieme siecle à sçauoir en l'an mil trois cents quatorze de nostre Seigneur.

2. Il fut conuqué par Constantin pour iuger l'appellation interiectée par les Donatistes de la sentence de Milciades Euesque de Rome & de ses compagnons. Syluestre successeur dudit Milciades y fut appelé comme les autres Euesques de toutes les parties du monde, & y enuoya deux Prestres & deux Diacres qui siegerent au cinquieme rang, tant s'en faut qu'ils y ayent presidé.

3. Ledit Concile ne fit difficulté de vuidier ladite appellation & de prendre cognoissance du merite de l'affaire, ayant confirmé la sentence. D'auantage sans l'avis & permission de Syluestre, ils traicterent de plusieurs autres points & les deciderent, & entre autres du iour de la Pasque, du Baptisme des heretiques, & de l'ordination des Euesques.

4. Et en la lettre qu'ils escriuirent à Syluestre mise en teste des Canons dudit Concile, ils ne le qualifient que Monsieur & tres-sainct frere, disant, qu'ils luy font sçauoir charitablement (non donc qu'ils y fussent obligez) ce qu'ils ont decreté de commun avis. Et cela non pour estre approuué ou reiecté de luy : mais (disent-ils) afin que tous sçachent par son moyen ce qu'ils doiuent obseruer à l'aduenir. Et en la lettre adjoustée par Binius tirée des Annales de Baronius, il est qualifié tres-cher Pape Syluestre, & tres-cher frere. Et en icelle ils luy disent que leur assemblée eust bien desiré qu'il eust peu s'y trouuer & iuger ensemblement avec eux : qu'il leur a pleu present le Saint Esprit & ses Anges, d'ainsi iuger, & de luy enuoyer le resultat, afin que tous en fussent aduertis par luy principalement qui tenoit les plus grands Dioceses. Non donc derechef à ce qu'il luy pleust confirmer ou reprouuer leurs resolutions, comme estant par dessus tout Con-



cile: mais au cōtraire le rendant par là executeur de leurs decrets, d'autant qu'il en a plus de moyen & luy est plus facile, non pour estre Eueſque vniuerſel, mais par ce qu'il tenoit les plus grands Diocezes.

5. Et qui plus est en ce qui concerne le Baptême des heretiques, au lieu de se rapporter purement & simplement à ce qui en auoit esté ordonné par les Eueſques de Rome, meſme par Eſtienne, à ſçauoir qu'il ne faisoit point baptizer ou rebaptizer ceux qui auoient esté baptizez par quelque heretique que ce fuſt, (ce ſont les propres paroles dudit Eſtienne rapportez par Saint Cyprian en ſon epiſtre 74.) Ils ordonnent au contraire au Canon 8. Que ceux qui n'auoient pas esté baptizez au nom du Pere, du Fils & du Saint Eſprit, mais autrement, ſeroient non rebaptizez mais baptizez. Et ainſi diſtinguent & mettent difference entre les heretiques.


6. Et pour le regard de la Paſque, ils ordonnent voirement qu'elle ſera celebrée par tout en meſme iour, & en meſme tēps, & donnent pouuoir à Sylueſtre de l'assigner: Ce qui fut depuis changé par le Concile de Nicée, & ceſte charge donnée à l'Eueſque d'Alexandrie: Mais ils ne s'attacherent pas à vn certain iour, iugant cela indifferent pourueu qu'il n'y euſt point de deſunion entre les eueſques. Moins encor adiouſterent-ils à leur decret que ceux qui en vſeroient autrement à l'aduenir, ſeroient excommuniez ſuiuant la ſentence de Viſtor, laquelle ils paſſerent ſoubs ſilence, comme n'ayant eu aucun eſſet.

7. Et quant à l'ordination des Eueſques, ils font ceſte ordonnance au Canon 21. Qu'aucun n'entreprenne d'ordonner ou conſacrer ſeul, vn eueſque: Mais que ſept autres eueſques y adſiſtent, ou du moins trois. Et cela ſans excepter aucunement l'Eueſque de Rome, bien que ceſte regle fuſt generale pour tous les Eueſques de l'Empire.

8. De ce que deſſus reſulte euidentement que les Eueſques & peres dudit Concile, n'ont point creu qu'au ſeul Eueſque de Rome appartint de conuoquer les Conciles: Qu'il y deuſt preſider par ſoy ou par ſes Legats: Qu'il ne puſt errer, & qu'aucun ne puſt cognoiſtre de ſes iugemens: Qu'il euſt pouuoir d'approuuer ou reiecter les decrets des Conciles: Qu'il euſt ſoubs ſoy tous les Diocezes de l'Empire Romain: Et moins encor qu'il fuſt eueſque vniuerſel & Monarche de l'Egliſe. Nous auons parlé plus amplement de ce Concile au liure 3. chap. 3.

## CHAP. VI.

*Du Concile de Nicée premier œcumenique.*

1.  NVIRON dix ans apres la tenue du Concile d'Arles, à sçauoir en l'année 325. de nostre Seigneur, fut conuocé à Nicée en Bithynie, le Concile general de toutes les Eglises de l'Empire Romain, par Constantin le grand, & non par l'euesque de Rome : tesmoing Eusebe au liure 3. de la vie de Constantin, chap. 6. Socrates au premier liure de son histoire, chapitre 5. Theodoret liure 1. chap. 7. Sozomene liure 1. chap. 17. tesmoing aussy les lettres de Constantin, & des euesques dudit Concile escrites à l'euesque d'Alexandrie & autres, qui sont rapportez par Socrates liure 1. chap. 6. & Theodoret liure 1. chap. 9.
2. Le principal subiect de ladite conuocation, fut pour apporter remede à l'heresie d'Arrius & à la dissention qui estoit entre les eglises touchant le iour auquel il falloit celebrer la Pasque, dit Socrates audit cinquiesme chap. de son premier liure. Il n'eust pas esté necessaire de prendre tant de peine, & de constituer l'Empereur en des si grands frais qu'il fournissoit, si les Eglises eussent tenu l'euesque de Rome pour leur chef & souuerain, & creu qu'il estoit par dessus les Conciles: Et qu'à luy seul appartenoit de decider les questions de la foy: veu mesmes qu'il auoit desia dit son sentiment touchant l'opinion d'Arrius: & dès long temps separé de la communion les eglises d'Asie à cause du different de la Pasque. Mais on iugea que cela excedoit son pouuoir. Et le seul moyen auquel on eut recours pour rendre la paix aux eglises, fut la conuocation & tenue d'un Concile, où tous les euesques ou la plus grande partie fussent assemblez: Et que chacun d'iceux dist son opinion sur les choses appartenantes à la sainte religion, comme dit tres-bien l'empereur Constantin au commencement de son epistre à toutes les Eglises, rapportée par Theodoret liure 1. chap. 10. Et par Socrates liure 1. chap. 6. Et par Eusebe en la Vie de Constantin, liure 3. chap. 16..
3. L'euesque de Rome qui estoit Syluestre, fut appellé audit Concile comme les autres, & ne put s'y trouuer à cause de sa vieillesse, dit Eusebe liure 3. de la Vie de Constantin, chap. 7. Et Socrates liure 1. chap. 5. Et Nicephore liure 3. chap. 14. Mais il y enuoya Victor & Vincentius Prestres ses Deputez, qui n'y presiderent pas,

mais Osius Euesque de Cordoue , qui soubſcrit ainſi le premier, Osius Euesque de Cordoue en la Prouince d'Espagne, le croy comme il est eſcrit. Et leſdits deux prestres Deputez ſoubſcriuēt apres ſeparément ainſi, Victor & Vincentius Prestres de la Ville de Rome, auons ſoubſcrit pour & au lieu de S. Syluestre *noſtre Pape* venerable. Ils deuoient dire ſimplement Pape ou euesque vniuerſel, & non noſtre Pape: mais ils n'y penſerent pas & n'auoient pas ceſte inſtruction de Syluestre.

4. La deciſion des ſuſdites deux principales queſtions fut faiſte par le Concile ſans parler aucunement des preiugez & excommunications des euesques de Rome, & ſans aucune reſeruation de leur bon plaisir. Car l'heresie d'Arrius fut combatue & conuaincue par la ſeule parole de Dieu, ſuiuant la propoſition & exhortation de Conſtantin, comme dit Theodoret liure 1. chap. 7. Et le different touchant la Paſque fut voidé, & par l'obſeruance & couſtume plus generale, & par autres raiſons contenues és lettres que l'Empereur Conſtantin en eſcriuit à toutes les eglises tranſcrites au ſixieſme chap. du premier liure de Theodoret, où n'eſt faiſte aucune mention des ſentences & excommunications de Victor Euesque de Rome, non plus que ſ'il n'y en euſt point eu: ni meſme du decret du Concile d'Arles touchant la Paſque, parce qu'il ne pouuoit obliger les Euesques d'Asie tenant opinion contraire, veu qu'ils n'y auoient point adſiſté.

5. Qui plus eſt l'ordre eſtably audit Concile d'Arles que l'Eueſque de Rome aduertiroit par tout du iour propre auquel la feſte de Paſque eſcherroit, fut changé, & ceſte charge donnée à l'Eueſque d'Alexandrie. En ſuite de quoy Cyrille Eueſque d'Alexandrie enuoyant au Synode de Carthage l'extraict des Canons de ce Concile de Nicée, leur donne auiſ que la Paſque ſe celebreroit ceſte année là le 17. des Calendes de May. Son epiſtre eſt en Baſſamon à la fin des Canons du Concile d'Afrique. Et ainſi l'Eueſque de Rome eſt recogneu Monarche de l'Egliſe, auquel vn autre preſcrit ce qu'il a à faire.

6. Les Canons auſſi dudit Concile touchant la diſcipline eccleſiaſtique, ſont generaux, non relatifs en aucune ſorte à ce qui auoit eſté fait & ordonné par les Eueſques de Rome, & ſans leur attribuer aucū priuilege par deſſus les autres. Il n'y en a que vingt, comme dit Theodoret, à la fin du chap. 8. de ſon premier liure. Et le Canon *Prima autem*, §. 1. diſt. 16. Et Nicephore liure 8. chap. 19. Et auſſi

aussi Hincmarus Archeuesque de Reims en son opuscule contre Hincmar Euesque de Laon, chap. 21. Et en appert par le texte Grec au Code des Canons de l'Eglise vniuerselle, & en Balsamon: Et mesme au Code ancien des Canons de l'Eglise Romaine. Et fut verifié au Synode d'Afrique en l'an 417. où estoit S. Augustin, auquel les Euesques de Rome furent conuaincus de supposition par les extraicts enuoyez d'Alexandrie & Constantinople. Et ce que Gratian a inseré en son decret au Canon Septuaginta, dist. 16. comme tiré d'une Epistre d'Athanase Euesque d'Alexandrie à Marc Euesque de Rome & successeur de Sylvestre, est ridicule. Et comme tel est reprouué par Baronius en l'an 336. n. 8. 9. & 60. où par cinq diuerses raisons il soustient que ladite Epistre d'Athanase est supposée: comme aussi Bellarmin au liure 2. du Pontife Romain, chap. 25. §. *Quod illi canones*, n'ose soustenir le contraire, ni respondre aux arguments des Centuriateurs de Magdebourg. Et toutefois Gregoire tresieme & ses Commissaires expurgateurs du decret de Gratian, y ont laissé ceste piece comme bonne, dont Hincmar s'estoit moqué au chap. 20. de son dit liure.

7. Les quatriesme, cinquiesme, sixiesme & septiesme Canons, qui doiuent estre ioincts ensemble, concernent l'election, consecration, confirmation & pouuoir des Euesques. Et pour bien comprendre l'intention & but du Concile en iceux, & la cause pour laquelle ils furent ainsi couchés & formés, il faut se resouuenir de ce que nous auons touché & verifié cy dessus au liure 3. chap. 7. & chap. 9. n. 30. & suivans.

8. Que de droict Diuin & Apostolique Prestre & Euesque sont deux noms d'une mesme chose, charge & office: l'election & consecration & le pouuoir d'iceux non seulement egal, mais le mesme: l'un estant nom d'aage, & l'autre de dignité: Et par consequent que les Prestres sont aussi bien successeurs des Apostres & Ministres de l'Eglise Catholique, que les Euesques: & l'exercice de la charge de l'un n'est non plus limité, que celuy de l'autre: Et qu'en vne mesme Eglise y peut auoir plusieurs Euesques.

9. Que l'election du Prestre ou Euesque és Eglises ia dressées, se faisoit par les autres Prestres & Diacres, & par tout le peuple de la mesme Eglise: Et la consecration & imposition des mains par les seuls Prestres. Actes chap. 14. v. 23. Premiere à Timothee chap. 4. v. 14.

10. Que peu apres la mort des Apostres l'on commença à met-

tre quelque petite difference entre Euesque & Prestre: non quant au pouuoir, election & consecration: mais seulement concernant le rang & seâce. Car le premier d'entre les Prestres qui cueilloit les voix & presidoit au Presbytere, prononçoit la sentence de la compagnie & faisoit les consecrations, ordinations & prieres au nom de tous, fut appellé euesque. Et ainsi dès lors il n'y eut plus qu'un euesque à la fois en chaque eglise: & tout Euesque estoit bien Prestre comme au parauant, mais tout Prestre n'estoit pas Euesque actuellement & ensemblément: parce qu'il n'y en peut auoir qu'un à la fois qui soit premier.

11. Que ceste primauté, preface & presidence appellée Episcopat, estoit pratiquée diuersement par les Prestres, ou tour à tour & par certains interualles, & par ce moyen estoient tous faicts Euesques en leur rang pour quelque temps: ou elle estoit deferée par eux au plus ancien en reception, comme le plus ancien Chanoine est fait Doyen.

12. Que depuis cuidans couter quelques inconueniens ils y procederent par election & pour toute la vie de celuy qui estoit esleu: ce que Sainct Ambroise improuue *sur le chap. 5. de la premiere à Timothée*, & dit cela estre arriué de la paresse ou plustost superbeté des Docteurs, voulans seuls paroistre. Et Gregoire de Nazianze en son oraison apres son retour en sa ville, appelle cest establissement d'Episcopat, nouueauté: & adioust, A la mienne volonté qu'il n'y eust point de preface ni de prelation de lieu ni de violente preeminence, afin que nous ne fussions recogneus que par la seule vertu.

13. Ceste election en euesque se faisoit par le seul presbytere ou assemblée des Prestres & Anciens, & non par tout le corps de l'Eglise: sans nouuelle consecration ou imposition de mains, & avec fort peu de solennité: parce qu'estre fait Euesque, n'estoit autre chose qu'estre déclaré premier Prestre, comme quand les Diacres elisent un Archidiacre.

14. Ceste separation & distinction d'entre Prestre & Euesque, eust bien tost suire, les compagnies des Prestres imitans les uns les autres: d'autant que ceste introduction & nouueauté auoit tresbelle apparence, Car ils estimerét que par ce moyen les plus gens de bien, les plus propres, suffisans & capables seroient tousiours esleus pour presider aux autres, puis qu'eux mesmes en feroient l'election, et que l'Euesque hormis la seule preface, n'auoit au-

cun droit ou pouuoir par dessus eux : qu'il ne faisoit que porter la parole, prononcer la sentence & faire la consecration au nom de tous : & qu'ainsi aucun preiudice ne leur en pouuoit arriuer. Et de fait ils conseruerent assez long temps apres, vne bonne partie de leurs droits & libertez, tellement qu'en Alexandrie depuis saint Marc l'Euangeliste iusques à Heracles & Denis, c'est à dire durant six vingt ans, les Prestres conseruoient les ordres, dit S. Hierosme *C. legimus, dist. 93* Et par le 45. Canon du 4. Concile de Carthage, il est dit qu'en l'assemblée des Prestres l'Euesque doit estre assis en lieu plus eminent, mais que dans sa maison il doit se recognoistre Colleague des autres.

15. Mais toutefois cest establisement perpetuel de l'episcopat & changement de la forme & ordre Apostolique, a esté l'ouuerture par où sont entrez infinis abus en l'Eglise, & a en fin causé l'aneantissement entier de l'autorité des Eglises & de leur Senat ou Presbytere.

16. Car petit à petit les Euesques changerent entierement la forme de leur election: & là où au parauant elle estoit faicte par le seul Presbytere, donnerent ordre qu'elle se fist par tout le corps de l'Eglise: Et outre la consecration par eux receüe lors qu'ils auoient esté ordonnez Prestres, en firent adiouter vne autre plus solennelle & accompagnée d'une infinité de ceremonies, laquelle ils osterent entierement aux Prestres, & l'attribuerent & reseruerent aux seuls Euesques: changerent aussi la forme obseruée en l'election des Prestres. Ne se contenterent pas d'auoir attiré à eux seuls la consecration des Prestres, mais aussi osterent au Presbytere celle des Diares & autres Clercs inferieurs. Et qui plus est interdirent aux Prestres la benediction du peuple, la predication, l'administration du Baptême & de l'Eucharistie en leur presence, sans leur permission. Dequoy Sainct Ierosme se faschoit grandement & appelle cela erreur procedant de tentation diabolique au *cette, dist. 95*. Et au lieu qu'au parauant en vne Eglise il y pouuoit auoir plusieurs Prestres ou Euesques, & qu'un euesque ou Prestre ne pouuoit auoir plusieurs Eglises, mais vne seule: ils firent tout le rebours & s'attribuerent à eux plusieurs paroisses & Eglises sans definition de certain nombre. Et afin de mettre encor plus grande difference entr'eux & les Prestres, ils inuenterent vn nouuel ordre & office qu'ils appellerent Choreuesque qui estoit vn petit euesque sous eux destiné pour les Bourgs & Villages, qui toutefois



n'auoit pouueir d'ordonner les Prestres ou Diacres sinon par permission de l'Euesque, mais seulement les Clercs inferieurs: Et lequel office en fin ils ont aboli, & en sa place establir leurs Vicaires. Et en somme de Maistres qu'estoient auparauant les Prestres, ils les rendirent Valets & seruiteurs: Et en les consacrant se font prestre reuerence & obeïssance: ne leur restant que quelques petites traces & vestiges de leur ancien droit: comme est de mettre encor la main sur la teste du Prestre lors que l'Euesque le consacre, comme appert par le Pontificat & par le rational de Durand liure 2. de *Sacerdote*.

17. Dés lors aussi l'ambition & l'auarice allant tousiours en augmentant, les Euesques tascherent d'enjamber les vns sur les autres & d'accroistre leur pouuoir & autorité au preiudice de leurs voisins. D'où sortirent infinis differents & contentions. Les Prestres & Euesques de droit Diuin & Apostolique pouuoient prescher la parole de Dieu, administrer les Saints Sacremens & faire la fonction de leur charge par tout le monde, encor qu'ils fussent particulièrement affectez à vne Eglise: & ce lors que la necessité le requeroit, & principalement au commencement & auant que les Prouinces toutes entieres eussent embrassé le Christianisme. Voila poutquoy apres l'erection de l'episcopat les vns furent plus diligens que les autres à faire les ordinations, & à establir des prestres & Clercs en diuers endroicts & lieux, outre ceux qui dependoient de la ville où ils auoient esté establis. Et par ce moyen se mirent en possession de ces contrées. D'autre part l'Empire Romain & les pays de sa domination estant lors diuisez, & distinguez en Citez, Prouinces & Diocèzes, où estoient establis des Magistrats pour les affaires Ciuiles & Politiques, inferieurs, mediars, & supremes: les Euesques se laisserent porter insensiblement les vns à limitation des autres d'en faire de mesme pour les affaires Ecclesiastiques, quoy qu'il n'y eust point d'ordonnance & Canon là dessus. Mais cela fut fait petit à petit, & à mesure qu'il y auoit plusieurs Eglises dressées, & plusieurs Euesques establis en vne mesme Prouince. Car comme ils auoient trouué bon qu'entre plusieurs prestres de chascune Eglise il y en eust vn qui fust premier & superieur de perpetuel nomme Euesque: Aussi trouuerent-ils couenable qu'entre plusieurs euesques d'une mesme Prouince il y en eust vn qui fust tousiours premier & eust quelque droit & prerogatiue par dessus les autres. Et n'y procederent pas par election ou selon l'ordre.



dre de reception : mais tacitement & par coustume se laisserent porter & consentirent que ce fust celuy de la ville metropole ou capitale de la Prouince. Et apres que plusieurs Prouinces d'un Diocese eurent fait profession de la foy Chrestienne, entre les euesques des villes Metropoles, Celuy fust tenu & recogneu pour estre le premier qui estoit Euesque en la ville capitale du Diocese.

18. Tellement qu'environ quarante ans auant la tenue dudit Concile, lors que Diocletian commença à regner, les choses estoient en tres-mauuais estat, principalement à cause des delits, dissensions & querelles qui estoient entre les Euesques. Telsmoins Eusebe au commencement du liure 8. de son Histoire, où ayant fait vne description de la grãde corruption de mœurs qui s'estoit glissée par trop d'aise, entre tous les Chrestiens en general, adioulte; Et nos Pasteurs ayans mesprisé & reiecté la regle de pieté, sechaufferent l'un cõtre l'autre en debats & contentions: Et qui plus est ne s'estudierent mutuellement à autre chose, qu'à augmenter les querelles, les menaces, les enuies, les inimitiez & haines entr'eux mesmes: & leurs esprits enflammez de l'ardeur de la passion s'estudierent à la façon des tyrans, d'obtenir principauté & puissance.

19. Et lors que ce Concile fut conuoqué, entre les autres Euesques qui auoient grandement usurpé sur leurs Collegues & Compagnons, estoient ceux d'Alexandrie, de Rome, & d'Antioche: & quasi tous les autres establis és villes capitales des Dioceses & Prouinces: & notamment celuy d'Alexandrie qui estoit en possession d'ordonner ou confirmer les Euesques en toute l'Egypte, Lybie & Pentapole, au preiudice des Metropolitains.

20. Ceste multitude de differents des Euesques fut principalement le subiect pour lequel ils presenterent grand nombre de requestes les uns contre les autres à l'Empereur Constantin, qui ne les voulut pas decreter; mais les iecta toutes au feu apres les auoir fort exhortez à vnion & concorde, & à oublier tout le passé, comme dit Socrates liure 1. chap. 5. & Sozomene liure 1. chap. 10.

21. Le Concile donna l'exemple de Constantin, & suiuant son auis, recognoissant d'un costé que ce seroit chose trop difficile & comme impossible, quoy que iuste, de remettre les choses en leur premier estat; & de rendre tous les euesques egaux, quant à la jurisdiction: & que sans doute cela causeroit infinis nouveaux trou-

bles & dissensions, veu que le mal estoit quasi general, & auquel quasi toutes les Eglises auoient tacitement consenti : ioinct qu'il estoit composé principalement de ceux qui auoient ainsi estendu & augmenté leur pouuoir : le Concile, dis ie, ne voulut point ouuertement toucher à ce qui s'estoit passé, & ne trouua point de meilleur expedient que de laisser les choses en l'estat qu'elles estoient, & vider les differents par la possession, sans aucun titre, & sans qu'on fust admis suiuant l'edit du Preteur à verifier qu'elle eust esté commencée par force, clandestinement ou par permission. Et requiert seulement que ceste possession soit ancienne.

22. Il ordonne donc par le 4. Canon, Que à l'aduenir l'Euesque sera ordonné par tous les Euesques de la prouince, si faire se peut, ou du moins par trois, en cas de legitime empeschement des autres : pourueu que les absents par leurs lettres approuuent l'ordination. Et par le mesme Canon declare que la confirmation de tout ce qui se fait dans la prouince, appartient au Metropolitain d'icelle. Par là le Concile ne s'arresta point au premier Canon de ceux qui sont attribuez aux Apostres, qui porte que l'Euesque sera ordonné par deux ou trois Euesques, & declara assez qu'il ne le tenoit point pour Apostolique. Il adiouste aussi au Canon 21. du premier Concile d'Arles, qui ne parloit point du Metropolitain.

23. Et par le cinquiesme il ordonne que celuy qui sera excommunié par vn Euesque, ne pourra estre receu par les autres, iusques à ce qu'il en aye esté cogneu par le Synode de la Prouince. Et de ce Canon se seruirent depuis les Euesques d'Afrique, entre lesquels estoit saint Augustin, contre Celestin Euesque de Rome qui auoit receu à sa communion quelques vns par eux excommuniés, & luy escriuirent de ne le plus faire à l'aduenir, comme appert par leur Epistre Synodale mise à la fin des Canons du Concile d'Afrique, ioincts au Code ancien des Canons de l'Eglise Romaine, & en la collection Greque.

24. Et quant aux vsurpations, il ordonne par lesdits Canons sixiesme & septiesme, que la coustume ancienne sera obseruée. Et ainsi à ceste regle generale introduite par la coustume qui porte que la consecration ou confirmation des Euesques, la conuocation des Synodes Prouinciaux & presidence en iceux, appartient au Metropolitain : est faite & baillée ceste exception, qui

aussi

aussi est fort generale, sinon que la coustume ancienne soit au contraire.

25. Il est vray que ceste exception commence par Alexandrie, d'autant que là auoit esté faicte la plus grande vsurpation : & qu'aussi lors vn Euesque d'Egypte nommé Meletius Schismaticue & qui tenoit des opinions erronées, comme dit Theodoret liure 2. chap. 9. Et Sozomene liure 1. chap. 21. auoit fait plusieurs ordinations, & troublé l'Euesque d'Alexandrie en sa possession. Mais en suite elle est estendue & accordée aux Euesques de Rome, d'Antioche, de Ierusalem & autres qui d'ancienneté en auoient vsé autrement, & estoient en ceste possession.

26. Voila pourquoy ledit Canon sixiesme porte *Que la coustume ancienne qui est en Egypte, Lybie, & Pentapole, soit obseruée : à sçauoir que l'Euesque d'Alexandrie aye la puissance de toutes ces choses, d'autant que l'Euesque de Rome a pareille coustume : Semblablement aussi & en Antioche & es autres Prouinces, que les priuileges des Eglises leurs soient conserués. Or cela est manifeste que le grand Synode ordonne que celuy qui aura esté fait Euesque sans l'auis du Metropolitain, ne soit point Euesque. Et le septiesme, d'autant que la coustume & l'ancienne tradition a obtenu que l'Euesque d'Aelze (C'est Ierusalem) soit honoré, qu'il aye l'ordre d'honneur en conseruant sa dignité à la ville Metropole.*

27. Par lesquels deux Canons on voit premicrement que les Euesques & Peres dudit Concile ne croyoient pas que le pouuoir qu'exerçoient les Euesques d'Alexandrie, de Rome, d'Antioche, & autres; hors de l'estendue de leur Euesché ou Prouince, leur eust esté octroyé par Iesus Christ ou par ses Apostres, ou mesme par aucun Concile: Mais qu'ils se l'estoient attribuez par vsurpation, vsage & coustume : comme la seule coustume auoit rendu les Euesques superieurs aux Prestres, ainsi que dit saint Hierosme *C. Olim, dist. 95.*

28. Secondement qu'ils ne croyoient pas aussi que de droit diuin ou Ecclesiastique, ni mesme par coustume, l'Euesque de Rome eust plus de pouuoir sur ceux de son Eglise, Prouince, ou Diocese que les Euesques d'Alexandrie, d'Antioche, & autres auoient sur les leurs; puis qu'ilse galent les coustumes d'Alexandrie, d'Antioche & des autres Eglises, à celle de Rome & leur donnent pareil effect : & pour ce regard accomporent non seulement les coustumes, mais aussi les Euesques, les villes, prouinces, & dioceses de Rome. Tout ainsi que s'ils eussent dit, Comme d'vsage &

coustume ancienne l'Euesque de Rome exerce pouuoir sur quelques eglises d'autre prouince que de la sienne, ce que nous approuuons. Aussi l'Euesque d'Alexandrie d'ancienne coustume possede & exerce son pouuoir non seulement sur l'eglise d'Alexandrie, mais aussi sur toute l'egypte, Lybie, & Pentapole, en la possession desquelles prouinces nous le maintenons : comme pareillement nous maintenons l'Euesque d'Antioche & tous les autres en la possession en laquelle ils sont par ancienne coustume.

29. Il est vray que le Concile n'exprime pas sur quelles villes ou prouinces pour lors les euesques de Rome, d'Antioche ou autres, estendoient leur pouuoir selon la Coustume ancienne, comme il fait de celuy d'Alexandrie, d'autant que pour le regard d'Alexandrie, la chose leur estoit notoire & suffisamment verifiée, à cause du trouble recent de Meletius : & pour toutes les autres il en eust fallu faire enqueste, & rediger ceste Coustume par escrit, à quoy le Concile n'auoit moyen de vaquer : à cause dequoy plusieurs differents furent depuis suscitez là dessus, pour la decision desquels diuers Conciles suiuaus furent empeschez, & firent des canons. Le premier de Constantinople au Canon 2. 3. & notamment celuy d'ephese au Canon 8. qui interprete ses mots, Coustume ancienne, par ceux-ci, Dès le commencement & pour tous les Dioceses. Et le dixseptieme Canon & celuy de Chalcedoine qui semble restraindre ceste possession à trente ans. Et encor le 28. qui egale entierement les euesques de Rome & de Constantinople.

30. Mais du moins le Concile és dits deux Canons sixiesme & septiesme, declare manifestement que l'Euesque de Rome auoit son estendue limitée, de laquelle il estoit en possession d'ancienneté, & qu'il n'auoit aucun pouuoir sur celle des autres, ni eux sur la sienne.

31. Aussi Ruffin qui viuoit enuiron soixante ans apres la tenue de ce Concile, au premier liure de son histoire, chap. 6. les expose ainsi. *Qu'en Alexandria & en la ville de Rome la Coustume ancienne soit gardée, Que cestuy là ait soing des Eglises d'Egypte, & cestuy cy des Eglises suburbicaires.*

32. Et le Cardinal Cuzan au 2. liure de sa concorde Catholique chap. 12. *L'Euesque de Rome a pareille coustume, c'est à dire, (dit-il) tout ainsi que le Pontife Romain a puissance sur tous ses Euesques : que de mesme celuy d'Alexandrie aye puissance sur toute l'Egypte.* Et ainsi le Pontife

l'Évêque d'Alexandrie est comparé au Pontife de Rome, & les Evêques d'Égypte aux Evêques qui estoient subiects au Pontife Romain, qu'il appelle *ses Evêques*.

33. D'avantage par le huitiesme des quatre vingts pretendus Canons dudit Concile de Nicée que Turrian a fait imprimer, & que Binius a adioustez au premier volume des Conciles, ce sixiesme Canon est ainsi paraphrasé : *Il est ordonné que l'Evêque d'Égypte, c'est à dire le Patriarche d'Alexandrie, preside & ait la puissance de toute l'Égypte & de tous les lieux, cités & villages qui sont à l'entour d'elle, parce que cela est convenable, & a'autant que semblablement l'Evêque de Rome, c'est à dire le Successeur de Pierre l'Apostre, a la puissance sur toutes les cités & lieux qui sont à l'entour d'elle : Et semblablement l'Evêque d'Antioche, c'est à dire le Patriarche, aye puissance sur toute ceste province là. Et encor qu'en tous les autres lieux ce qui a esté ordonné (ou plustost fait & pratiqué, car il n'y avoit point d'ordonnance là dessus) par le passé, soit observé.*

34. Ainsi ont esté entendus lesdits deux Canons durant le tēps de plus de mille ans, à sçavoir que par iceux estoient posées des bornes & limites aux Evêques de Rome, Alexandrie, Antioche & autres : à ce que l'un n'enjambast plus sur l'autre, comme on avoit fait par le passé.

35. Mais parce que ces limites, hormis pour le regard d'Alexandrie, compris & contenus en ces mots, *Coustante ancienne, ou ancienne possession*, estoient fort generaux, & avoient besoin d'une preuve & designation particuliere, ils ne furent pas suffisans de les retenir d'entreprendre les uns sur les autres à l'advenir, comme firent principalement ceux de Rome & d'Antioche. Et le tout sous pretexte de l'ancienne coultume & tradition.

36. Voilà pourquoy quelques Auteurs & Escrivains, & notamment Balsamon sur ledit Canon sixiesme, Zôïare & Nilus ayant esgard à l'estat auquel les choses estoient, ou qu'il les croyoient estre, de leurs temps & non à celuy où elles estoient lors de la tenue du Concile de Nicée, n'attribuent pas d'avantage à l'Evêque d'Alexandrie que le pouvoir sur Égypte, Lybie & Pentapole, comme avoit fait ledit Concile, d'autant qu'il ne s'estoit point accru depuis, à cause de son limite certain & particulier : Mais à celuy d'Antioche, ils attribuent Syrie, Cœlesyne, Mesopotamie, & les deux Sicilies, dequoy le Concile n'avoit point parlé : & à Jerusalem à

laquelle le Concile n'auoit reserué & laissé que le seul honneur, ils luy attribuent les prouinces de Palestine, Arabie & Phenicie: & à l'Euesque de Rome ils attribuēt toutes les prouinces de l'Occident, comme si le Concile l'eust ainsi ordonné, & luy eust posé ce limite. Ce qui est absurde: Veu que iustement le Concile laissa chacun en sa possession ancienne, sans leur attribuer aucune chose au-delà. Or quelle apparence y a-il que les Euesques de Rome qui auoient esté soubz vne quasi continuelle persecution iusques alors, & presque tous auoient souffert martyre, eussent estendu leur pouuoir sur tout l'Occident? Et l'histoire nous apprend, & nous l'auons verifié és liures precedents, qu'il n'auoit aucun pouuoir en Afrique, en Gaule, en Espagne, Angleterre: mesme toute l'Italie n'estoit pas soubz sa domination.

37. Et quand mesme le concile eust baillé tout l'Occident à l'Euesque de Rome pour son departement, ce qu'il n'a pas, si est-ce que par là son pouuoir auroit esté limité: ce qui est contre son opinion & sentiment, qui est que Iesus Christ seul l'a estably Euesque vniuersel, & luy a donné pouuoir & sur tous Conciles, & sur tous les hommes du monde:

38. C'est pourquoy aussi Bellarmin au liure 2. du Pontife Romain, diap. 13. improuue & reiecte aussi bien l'opinion de Balsamon, Zoüare, & Nilus comme celle de Ruffin: Voire mesmes toutes les interpretations que durant mille ou douze cents ans on auoit donné ausdits deux Canons, disant qu'il n'y a point d'autre exposition probable que la sienne, qu'il attribue au Pape Nicolas premier, à sçauoir que ces mots, *D'autant que l'Euesque de Rome a vne pareille coustume*, doiuent estre ainsi interpretez, *D'autant que l'Euesque Romain denant toute diffinition des Conciles, a accoustumé de presenter à l'Euesque d'Alexandrie le gouvernement d'Egypte, Lybie, & Peninsule: ou bien a accoustumé de gouverner ces Prouinces là, par le moyen de l'Euesque d'Alexandrie.*

39. Mais ceste interpretation nouvelle est faulse & absurde, voire mesme est contraire à celle de Nicolas I.

40. La faulseté résulte de l'histoire Ecclesiastique, par laquelle appert que l'Euesque d'Alexandrie a tousiours exercé sa charge & gouverné ses Eglises en son nom propre, & comme leur vray & seul Euesque Metropolitain ou Patriarche; & non comme Vicaire, ou procureur de l'Euesque de Rome: de mesme que ceux d'Antioche, de Ierusalem & autres. Et tel a-il esté recogneu: mesmes



mesmes par les Euesques de Rome, tesmoin Gregoire I. Lequel en son *Epistre* 30. du 7. liure, *Indit.* I. escriuant à Eulogius Euesque d'Alexandrie, dit, que quant au lieu ils sont freres, & quant aux mœurs, egaux: qu'il ne veut point entreprendre de luy commander: qu'il ne veut point estre appellé de ce nom superbe, de Pape vniuersel: que si Eulogius le dit estre Pape vniuersel, il nie estre luy mesme Pape. Et ne se remarque autre difference entr'eux, si ce n'est que celuy de Rome estoit le premier, à cause de la dignité de la ville, & celuy d'Alexandrie pour mesme raison estoit le second iusques à ce que la ville de Constantinople fut rendue ville capitale de l'Empire, & faite nouuelle Rome. A cause dequoy le second lieu ou rang luy fut donné, & celuy d'Alexandrie reculé au troisiéme, comme dit expressément Baronius en l'an 39. n. 10.

41. D'ailleurs si ceste interpretation estoit vraie, il faudroit dire de mesme de l'Euesque d'Antioche, qu'il auoit esté Vicaire de celuy de Rome, puis qu'il est ioinct au mesme Canon, voire en mesme periode, par ces mots, *Séblablement, & par ceux-ci, & en Antioche.* Et que suiuant iceux la possession auoit acquis mesme droit à l'un qu'à l'autre. Or par les pretendues constitutions Apostoliques de Clement liure 8. chap. 10. il appert qu'autres estoient les paroisses de l'Euesque de Rome, & autres celles de l'Euesque d'Antioche. Car il est dit là, *Prions pour l'Eglise Catholique & Apostolique de tout le monde: Prions aussi pour ceste sainte Paroisse (de Rome) Prions pour tout Episcopat de toute mode, & pour nostre Euesque laques (de Ierusalem) & pour ses paroisses. Item pour nostre Euesque Clement (Romain) & pour ses paroisses. Item pour nostre Euesque Euodius (d'Antioche) & pour ses paroisses.* Et ainsi l'Eglise vniuerselle est distinguée de la Romaine, & l'Euesque de Rome & ses paroisses separez de l'Euesque d'Antioche & de ses paroisses: suiuant la glose C. *ecce, dist. 99.* sur le mot *Negat*, qui dit, *que l'Eglise Romaine n'est pas vniuerselle, bien qu'elle soit de l'uniuersité.*

42. L'absurdité aussi est manifeste. Car au lieu que le Concile dit que la Coustume & ancienne possession d'Alexandrie luy a acquis mesme droit sur ses Eglises & prouinces, que la coustume de Rome sur les siennes. Et ainsi parle de deux coustumes & possessions, & attribue à toutes deux mesme effect: Il n'eust parlé que de la seule coustume de Rome, & eust dit, D'autant que l'Euesque de Rome est en coustume ancienne de gouverner les prouinces d'Egypte &c. nous ordonnons que ceste coustume sera entrete-



nue. Et n'eust pas fait ce tort & preiudice à l'Euesque de Rome de le priuer de son droit, & l'attribuer à celuy d'Alexandrie, afin qu'à l'aduenir il ne possedast plus au nom & comme Vicair d'autrui, mais en son nom propre. Là où le prenant comme fait Bellarmin, il faudroit dire que l'intention du Concile a esté que à l'aduenir les Euesques & Patriarches non seulement d'Alexandrie, mais aussi d'Antioche, de Ierusalem & autres s'accoustumassent à exercer leurs charges au nom & cōme Vicaires de l'Euesque de Rome. Car ils sont tous ioincts & appariez par ces mots, *Semblablement, & en Antioche, & es autres Prouinces.* Ce qui est ridicule, & iamais aussi aucun ne l'a ainsi entendu, ni pratiqué depuis. Et au lieu que lesdits Euesques soubscriuirent les Canons dudit Concile simplement, & en leur nom ainsi : *Alexandre d'Alexandrie la grande : Macaire de Ierusalem : Euslache d'Antioche :* ils eussent adiousté pour *Venerable homme nostre Pape & Euesque saint Syluestre,* comme firent Victor & Vincentius ses deputez audit Concile.

43. Que ceste interpretation ou inuention de Bellarmin soit contraire à l'opinion mesme de Nicolas premier, il ne faut que lire son Epistre à Michel Empereur, qui est la huietiesme, où sur le milieu il dit voirement *Que les Synodes n'ont donné aucun privilege à l'Eglise Romaine. Et que celuy de Nicée ne luy a apporté aucun accroissement,* (ce qui neaumoins n'est pas veritable sinon en presuppasant que tout le monde luy appartenoit :) mais il ne dit pas que l'Euesque de Rome fust en possession de gouverner les Prouinces d'egypte, Lybie & Pentapole, par l'Euesque d'Alexandrie son Vicair. Il en eust falu dire autant de toutes les prouinces du monde. Et au contraire il dit & adiousté *Que le Concile print l'exemple de la façon & coustume de Rome, pour attribuer quelque chose de particulier à l'Eglise d'Alexandrie :* Et ainsi accorde que le Concile octroya quelque chose de nouveau à l'Eglise d'Alexandrie. Ce qui est vray, car il confirma ses vsurpations anciennes, comme aussi celles de Rome. Et ne voulant rien retrancher de ce que possedoit Rome par ancienne coustume, laissa aussi à l'Euesque d'Alexandrie tout ce que la coustume ancienne luy auoit acquis : comme de mesme à tous les autres Euesques. D'auantage le mesme Nicolas sur la consultation des Bulgares, chap. 92. dit, *Vous desirés sçavoir combien il y a veritablement de Patriarches: Ceux-là doiuent veritablement estre tenus pour Patriarches qui tiennent les sieges Apostoliques,*

ques, c'est à dire qui president aux Eglises que les Apostres ont instituées, à sçavoir la Romaine, l'Alexandrine, Et l'Antiochienne. La Romaine que Pierre & Paul Princes des Apostres ont instituée par leur predication, & consacré par leur sang &c. L'Alexandrine &c. L'Antiochienne &c. Mais les Prelats de Constantinople & de Ierusalem, bien qu'ils soyent appellez Patriarches, n'ont pas toutefois telle authorité comme les sus nommez: Car l'Eglise de Constantinople n'a point esté fondée par aucun Apostre. (Nicephore dit que ç'a esté par André l'Apostre, liure 8. chap. 6.) Et le Synode de Nicée ne fait aucune mention d'elle &c. & le Prelat de Ierusalem &c. Et au chap. 93. suivant, il dit: Vous demandez encor qui est le second Patriarche apres celuy de Rome. Mais selon que tient la Sainte Eglise Romaine & les Canons de Nicée demonstrent, & les Saints Prelats de Rome descendent, & la raison mesme enseigne, le Patriarche d'Alexandrie est le second, & suit celuy de Rome. Voila comme il egale & accouple ces trois Patriarches. Voire mesme prefere celuy d'Alexandrie à celuy de Constantinople, qui auoit de long temps obtenu le second rang par les decisions des Conciles de Constantinople & de Chalcedoine, tant est loing qu'il die que l'Euesque d'Alexandrie eust esté Vicaire de celuy de Rome, & eust possédé en son nom. Adioustez à cela que Nicolas ne seroit pas croyable ni iuge competent en sa propre cause.

44. Et toutefois les expurgateurs du decret de Gratian sur le C. Mos, dist. 65. approuuent ceste belle interpretation de Bellarmin, & se fondent sur le dire dudit Nicolas 1. Mais ils deuoient donc raclez les gloses sur ledit Canon, Mos, qui portent, que le Patriarche d'Alexandrie est semblable au Romain, & qu'il en est de mesme du Patriarche d'Antioche & des autres, & sur le mot Parilis, dit; parce que l'un & l'autre depose les Euesques: ou dit, Romain, c'est à dire, de Constantinople. Et en la Glose marginale est dit ceste derniere opinion est la meilleure & plus claire. Ces gloses sont approuuées par Gregoite 13. Et la derniere opinion de la glose qu'en ce Canon sixiesme, par le mot d'Euesque Romain, doit estre entendu l'Euesque de Constantinople, d'autant que la ville de Constantinople est Rome nouvelle, est voirement là meilleure, pour destourner le sens & intention du Concile qui compare l'Euesque d'Alexandrie à celuy de Rome: mais elle est faulse manifestement, d'autant que lors là ville de Constantinople n'estoit pas encor siege de l'Empire ni appellée nouvelle Rome, & que son Euesque n'a iamais esté appellé simplement Euesque Romain.

45. Aussi ceste nouvelle opinion de Bellarmin & des expurgateurs de Gratian est expressement refutée par Jean Morin Prestre de la congregation de l'Oratoire, en son premier liure des *exercitations Ecclesiastiques*, chap. 29. sur la fin, Imprimé à Paris par Anthoine Estienne, en l'année 1626. où il dit: *Qu'il est faux, & chose inouïe que les Patriarches d'Alexandrie & d'Antioche ayent possédé & exercé leur charge au nom du Pape seulement, & comme ses Vicaires; & que cela repugne directement à l'opinion de Leon premier, Gregoire premier, & autres Euesques de Rome. Et que tous les anciens Peres sont d'accord qu'en ce sixiesme Canon les Euesques d'Alexandrie & d'Antioche sont comparez à l'Euesque de Rome. Ce liure de Morin est approuué par les Docteurs de Theologie en la faculté de Paris, qui attestent que tout son contenu est conforme à la foy Catholique, Apostolique & Romaine. d'où s'ensuit necessairement que l'opinion de Bellarmin & des expurgateurs de Gratian & autres qui l'ont suiue, est contraire à la foy Catholique, Apostolique & Romaine.*

46. Suiuant la decision de ce Concile de Nicée, le Concile de Turin conuocé en l'an 397. à la requeste des Eglises de Gaule, vuida le different d'entre Proculus euesque de Marseille: & les Euesques de la seconde Prouince Narbonnoise: Et d'entre les Euesques d'Arles & de Vienne, comme sera dit cy après sur le dit Concile de Turin.

## CHAP. VII.

### *Des Conciles d'Antioche.*

**L**N Antioche fust tenu vn fort grand & celebre Concile enuiron l'an 272. de nostre Seigneur, auquel fust condannée l'heresie de Paul Samosatene Euesque d'Antioche, & luy depoté & en sa place esleu & subrogé Dominus fils de Demetrian, qui auoit esté euesque de la mesme ville auant Paul. Et tout cela sans attendre l'avis ou l'approbation de l'Euesque de Rome. Et qui plus est les Euesques de ce Concile n'escriuirent point particulièrement à Denis lors euesque de Rome, pour requerrir sa confirmation: mais par leur lettre Synodale l'accouplerent avec Maximus euesque d'Alexandrie, & avec tous les autres euesques du monde, qu'ils appellent leurs Collegues, & leur donnerent auis comme ils auoient retranché de la communion de  
l'Egli-

regne vniuersel qui est sous le Ciel, Paul, & esleu & subrogé Dominus en sa place, à ce qu'à l'auenir ils n'eussent plus à escrire à Paul, mais à Dominus. Leur procedure est rapportée par Eusebe au liure septiesme de son histoire, chapitre 22. & 23. & leur Epistre au chap. 24. Et par Nicephore chap. 30. de son sixiesme liure.

2. Ils ne croyoyent pas donc que l'euesque de Rome fust leur souuerain, qu'ils fussent tenus de luy prester serment de fidelité, & qu'à luy seul appartint de deposer les euesques & iuger des articles de la foy.

3. En l'an 341. de nostre Seigneur en fut tenu vn autre en la mesme ville composé des euesques de sept Prouinces: à sçauoir de Palestine, Phenicie, Syrie, Arabie, Mesopotamie, Cilicie, & Iaurie. Il fit vingt cinq Canons approuuez par l'Eglise Catholique, & rangez en ordre avec les autres au Code des Canons de l'Eglise vniuerselle. Ils furent aussi mis au Code ancien des Canons de l'Eglise Romaine.

4. Lesdits Canons sont generaux & sans faire aucune exception ou reseruacion de l'euesque de Rome: et lesquels ils enuoyerent à tous leurs compagnons de Prestrie establis en toutes les Prouinces, s'assemblant qu'ils les approuueront & confirmeront: Ce sont les propres mots de leurs lettres Synodales. Ils n'estimoient pas donc que l'euesque de Rome fust leur souuerain: car ils se seroient particulièrement adressez à luy pour auoir son approbation.

5. Par les quatriesme, douzieme, quatorzieme & quinzieme deldits Canons, est donné pouuoir au Synode de chasque Prouince de deposer & de restablir les euesques sans qu'ils puissent appeller de leur condamnation, au cas que tous les euesques de la Prouince ayent esté de cest auis: mais s'il y a eu diuerses opinions, & que les vns eussent esté d'auis de l'absolution: en ce cas, il faut s'adresser à vn plus grand Synode, & que le Metropolitain appelle des autres euesques de la Prouince voisine pour avec ceux de la sienne iuger l'affaire, & est inhibé de s'adresser à l'Empereur, autrement le déposé déclaré indigne de restitution, *c. discedere, c. quamuis, & c. dudum*, q. 6. C'estoit le lieu où le Concile deuoit reseruer l'appellation au Pape, voire de differer le iugement diffinitif, & le luy reseruer suivant les déclarations & ordonnances qu'il en a depuis faites. Mais ce pouuoir & droit diuin leur estoit incogneu, & n'estoient pas assez bons Theologiens pour entendre ces passages, *Tibi dabo claves &c. Et pasce oues meas*. Aussi Binjous sur ledit Canon

doziésime dit ne sçauoir de quelle autorité Gratian a dit ce Concile estre approuué *c.11. dist. 16.* Et a mis en son decret ce Canon *c. si quis, 21. q. 5.* Veu que comme illegitime & bastard il a esté reprouué par les Orthodoxes: Et toutefois, comme dit est, tout ce Concile a esté mis aux deux Codes de l'Eglise Vniuerselle & de l'Eglise Romaine. Et presque tous les Canons d'iceluy inserés au decret de Gratian: Et d'abondant est approuué par Gregoire treziésime; & ses Repurgateurs n'y ont point touché & l'ont laissé tout entier: Approuué aussi par Isidore *c. prima, S. quinta, dist. 16.* Et par Leon 4.<sup>e.</sup> *de libellis, dist. 20.*

6. Et par le vingtcinquiesme & dernier desdits Canons l'administration des biens de l'Eglise est octroyée à l'Euesque de *Lauis des prestres* & Diacres d'icelle, & ordonné qu'il en rendra compte au Synode. Ce qui est aussi contraire à l'intention du Pape, qui pretend auoir tout pouuoir sur les biens ecclesiastiques.

## CHAP. VIII.

### *Du Concile de Sardique.*

1. **N**Ous auons parlé assez amplement du subiect de ce Concile *au liure 3. chap. 10.* Et monstre qu'il est plustost contraire que fauorable à l'intention du Pape, à cause dequoy nous serons icy fort briefs.

2. Il fut conuocé en l'année 347. de nostre Seigneur par les Empereurs Constans & Constantius. Et bien que la conuocation fust generale, toutefois il ne fut tenu que par les Euesques d'Occident, à cause dequoy il n'est point mis entre les Conciles œcumeniques, ni par Gelase 1. *c. Sancta, dist. 15.* ni par Gregoire premier *C. Sicur, d. dist. 15.* ni par l'Empereur Iustinian, *Non. 132. C. 1.* ni par Isidore *c. sexta, & c. prima, dist. 16.* quoy que Binius l'aye mis au nombre des Vniuersels, & apres celuy de Nicée, contre la foy de toute l'antiquité.

3. Si les Euesques dudit Concile eussent creu que de droit Diuin le Pape estoit leur chef, & le Monarche de l'Eglise, Iuge souverain de tout le mode, & que les Conciles ne pouuoient luy attribuer aucun pouuoir, ni accroistre son autorité, comme il dit & ordonne qu'on le croye. Iamais ils n'eussent osé l'appeller Nostre frere & Coeuesque, comme ils font *au Canon 10.* Iamais aussi ils n'eussent entre-


entreprins de faire les reglemens contenus és troisièsmè, quatrièsmè & septièsmè Canons, par lesquels ils attribuent voirement à l'Euesque de Rome quelque pouuoir, mais contre l'intention du Pape qui ne leur en sçait point de gré, d'autant qu'ils le restreignent par trop, & ne recognoissent pas que Iesus Christ l'a establi leur maistre absolu & sans limitation de pouuoir.

4. Car Ozius fait ainsi la proposition, *s'il vous plait*: au lieu de dire, *il faut*: Il dit, *honorons charitablement*, non donc qu'ils fussent obligez à cela par le commandement du Seigneur. Il adioust, *honorons charitablement la memoire de Saint Pierre*. C'est donc pour faire honneur à Saint Pierre, & non que cela fust deub de droit diuin à l'Euesque, ou à l'Eglise de Rome. Ils ne reseruent pas au Pape la condamnation des Euesques, comme il veut *C. quamuis, & C. discutere 3. q. 6.* Ne luy permettent pas de iuger l'appellation à son plaisir: mais luy en prescriuent la forme: Et veulent que le iugement soit fait sur les lieux. Tout cela repugne & deroge à la souueraineté pretendue.

5. Mais il y a bien plus, c'est que l'ordonnance de ce Concile de Sardique touchant l'appel à l'Euesque de Rome, n'a iamais esté pratiquée & a esté tenue pour non faite, comme appert par le sixièsmè Canon du premier Concile de Constantinople, qui est le second Oecumenique tenu en l'an 383. par lequel est ordonné que l'Euesque sera iugé par les autres Euesques de la Prouince: & l'appel voidé par les Euesques du Diocèse, & en dernier ressort par le Concile Oecumenique, sans parler du Pape: Et par le 28. Canon du Concile de Chalcedoine, qui egale en tout & par tout l'Euesque de Constantinople à celuy de Rome, & ne luy laisse que la seule Preseance.

## CHAP. IX.

*Du premier Concile de Constantinople qui est le second Oecumenique:*

- I.  E Concile fut conuoqué en l'an 383. de nostre Seigneur, par l'Empereur Theodose contre la volonté de Damase Euesque de Rome, qui desiroit qu'il se tint à Rome, comme appert par l'Epistre dudit Concile escrite à Damase, Ambroise & autres Euesques assemblez lors à Rome, rapportée par



Theodoret en son *liure 5. chap. 9.* Et par Socrates *liure 5. chap. 8.* et par Sozomene *liure 7. chap. 7.* Par Nicephore *liure 12. chap. 10.* Damase ne s'y trouua point & n'y eut aucun Deputé de sa part: & toutefois il a eu plus d'effect que celuy de Rome, auquel Damase presida: & est le second vniuersel.

2. Par ce Concile de Constantinople, Nectarius fut créé & établi euesque & Patriarche de Constantinople contre la doctrine du Pape rapporté cy deuant *liure 1. chap. 10.* & sans requerir son consentement.

3. L'ordre des villes Patriarchales fut changé, & le second rang donné à Constantinople, & Alexandrie reculée au 3. par le Canon troisieme qui est tel, *Que l'Euesque de la Cité de Constantinople aye les priuileges d'honneur apres l'Euesque de Rome, d'autant qu'elle est la nouvelle Rome.* En quoy le Concile monstra non seulement qu'il n'estoit pas de l'opinion du Pape déclarée *audit chap. 10.* mais qu'il estoit par dessus luy, pouuoit luy donner des compagnons & restreindre ses limites, & amoindrir l'estendue de son Patriarchat, en creant d'autres Patriarches.

4. Par là aussi le Concile declare que la primauté n'auoit esté & n'estoit accordée à l'Euesque de Rome sinon en consideration de la ville de Rome, qui estoit capitale de l'Empire, puis qu'il donnoit le second rang à celle de Constantinople, à cause que la ville de Constantinople estoit la nouvelle Rome & la seconde ville de l'Empire. Il ne croioit pas donc que ceste primauté eust esté donnée par Iesus Christ à l'Euesque ou à l'Eglise de Rome: moins encor qu'il fust euesque vniuersel & Monarche de l'Eglise. Ce qui est encor plus clairement déclaré par le 28. Canon du Concile de Chalcedoine. C'est pourquoy aussi du commencement & long temps apres l'Euesque de Rome ne receut point ce Canon, comme disent les Expurgateurs de Gratian, sur le Canon *Constantinopolitane dist. 22.* et que Binius apporte plusieurs raisons tirées de Baronius: pour monstrier qu'il est supposé: et cela contre tous les exemplaires, & contre le tesmoignage de six cents trente Euesques, qui adisiterent au Concile de Chalcedoine.

5. Les Peres aussi dudit Concile ne croioient pas que le Pape fust le Iuge souuerain des Euesques: qu'ils peuuent & doiuent appeller: à luy seul, quand bon leur semble, ainsi que le Pape veut qu'on croye *sur liure 1. chap. 11.* Car sans parler du Pape, ils ordonnent par leur sixiesme Canon que l'Euesque pourra estre condamné par les  
euesques




euesques de la Prouince : Que du iugement il pourra recourir au Synode du Diocèse , & d'iceluy au Concile vniuersel qu'ils establissent pour supreme & souverain Iuge. et c'est pourquoy il fut retranché au Code Romain, ainsi qu'auons monsté *linre 3. chap. 6.*

6. Par la susdite epistre Synodale escrite à Damase, Ambroise & autres, ils ne les appellent que tres-honorez Freres & Collegues: egalent Constantinople à Rome : donnent à toutes deux vn mesme tiltre de grande ville , & disent que l'Eglise de Ierusalem est la mere de toutes les autres , les aduertissent de tout ce qui s'estoit passé en leur assemblée , de l'establissement par eux fait de Nestorius à Constantinople, de Flauianus en Antioche: les prient de s'en resiouir avec eux: comme le tout ayant esté fait legitimement & selon les Canons de l'Eglise: les exhortent à vnion, foy & charité , à ce qu'on ne die plus , *De moy ie suis de Paul , & moy d'Apollon , & moy de Ceph. us.* Ce qui a esté condamné par les Apostres: n'escruiuent point à Damase en particulier, & ne le supplient pas de confirmer leurs resolutions, & d'enuoyer le *Pallium* ausdits Patriarches : Mais par la lettre que ledit Concile escruiut à l'Empereur Theodose mise apres les notes que Binius en a fait sur lesdits Canons, ils le supplient que comme ils les auoit honorez de ses lettres, par lesquelles ils auoient esté conuoquez : qu'aussi il luy plaise de confirmer & approuuer par son ordonnance & seel tout ce qui auoit esté resolu.

## CHAP. X.

*Du Concile de Turin , & du premier Concile de Toledé , & du troiesieme Concile de Carthage.*

1.  E Concile de Turin fut assemblé à la requeste des Eglises de Gaule peu apres le decez de saint Ambroise Euesque de Milan enuiron l'an 397. de nostre Seigneur.
2. En iceluy fut traité & voidé le different d'entre Proculus Euesque de Marseille & Metropolitain de la premiere prouince Narbonnoise , & les Euesques de la seconde prouince Narbonnoise. Proculus disoit que la presidence & ordination des souverains Prestres ( c'est à dire des Euesques ) de la seconde prouince, luy appartenoit , d'autant que les Eglises de ces paroisses luy ap-

partenoient, ou du moins qu'il y auoit establi & consacré les Euesques: ce que les Euesques nioient, soustenans qu'un Prestre d'autre Prouince, ne leur deuoit pas presider. Sur quoy le Synode iugea pour le bien de paix & concorde, que non tant à cause de la ville de Marseille, située en autre Prouince, & de la grandeur de laquelle ils n'estoient entierement aduertis, qu'en consideration de Proculus, l'honneur de primauté luy estoit conserué sa vie durant tant seulement, *es Eglises de la seconde Prouince Narbonnoise*, qu'il veriferoit estre ses paroisses ou esquelles il auoit establi des disciples.

3. Ce mesme Concile voida le different d'entre les Euesques d'Arles & de Vienne, concernant l'honneur de la primauté & ordination: & ordonna que celuy des deux qui veriferoit que sa ville fust Metropole, auroit l'honneur de la primauté de toute la prouince & le pouuoir des ordinations, suiuant la decision des Canons.

4. Le Concile n'estimoit pas donc qu'il le iugement de ces matieres appartint à l'Euesque de Rome, & qu'il s'en fust reserué la cognoissance: du moins eust-il procedé sous le bon plaisir du Pape: ce qu'il n'a fait.

5. Et au contraire en son cinquiesme Canon il accouple & egale les Euesques de Milan & de Rome, & met saint Ambroise deuant que celuy de Rome, qu'il appelle Prestre de l'Eglise Romaine: disant suiuant les lettres de venerable memoire Ambroise Euesque ou Prestre (*sacerdotis*) de l'Eglise Romaine, qui ont esté leuës.

6. Autant en font les Euesques qui adiffèrent au premier Concile de Toledé, lesquels en leur sentence diffinitive contre les Priscillianistes, disent, Bien qu'il nous fust fort dur de les ouïr derechef, toutefois suiuant les lettres d'Ambroise de sainte memoire, adioustez ce que Siricius Pape de sainte memoire auoit conseillé: (*sussisset*) &c. Et apres, attendant ce que le Pape qui est à present: Et ce que Simplician Euesque de Milan & les autres Prestres des Eglises en escriroit &c. et encor apres, Nous auons ordonné que iusques à ce qu'ils soient remis à la communion par le Pape ou par S. Simplician successeur d'Ambroise &c. et ainsi au lieu de ne parler que de l'Euesque de Rome leur souuerain iuge, ils luy donnent des compagnons & les egalent à luy.

7. Les euesques du troisieme Concile de Carthage, au Canon

48. font encor de mesme, disant, Il a esté trouué bon que nous en consultations nos freres & compagnons de Prestre Siricius Euesque de Rome, & Simplician Euesque de Milan.

8. Baronius pour tascher de destourner ce coup, & esblouir les yeux, dit *en l'an 405. nombre 55. & suivant*: Quant aux deux premiers, que en ce fait Ambroise & Simplician estoient Legats & Vicaires du Pape. Ce qui est impertinent, & d'ailleurs non veritable. Car il est seulement question si les euesques des Conciles de Turin & de Toledé ont sceu cela & en ont parlé comme de Vicaires du Pape, & la seule lecture de leur parole monstre que non, car au Concile de Turin, au lieu de dire, Suiuant la volété du Pape à nous elctite par Ambroise, ils disent, Suiuant les lettres d'Ambroise & de l'Euesque de Rome. Et ainsi parlent de deux diuerses lettres à eux escrites sur ce subiect: l'une par l'un desdits euesques, & l'autre par l'autre: & deferent autant d'honneur & de pouuoir à l'un que à l'autre, mesme, comme dit est, nomment Ambroise le premier.

9. Et en celuy de Toledé ils parlent aussi séparément des lettres d'Ambroise & de ce que Siricius auoit tasché de leur persuader (*suaſisset*) & non persuader à Ambroise, qui n'auoit pas besoing de persuasion, mesme s'il eust esté son Vicaire. Et d'auantage ils disent d'attendre les lettres du Pape lors seant, de Simplician successeur d'Ambroise, & des autres euesques. Et ainsi selon l'intention de Baronius ils estimoient tous les euesques Vicaires du Pape. Ce qui est absurde, mais au contraire, il les egale entierement, comme feroit celuy qui diroit, j'attends les amis des Euesques de Paris, de Lyon, & de Bourges. Autrement ils auroient dit seulement qu'ils attendoient les commandemens de l'Euesque de Rome nostre chef & souuerain. Et en dernier lieu par l'alternatiue egalent encore les deux euesques de Rome & de Milan, & disent que si celuy de Milan receuoit à sa communion les Priscillianiſtes, dès lors ils pourroient consacrer des Euesques, des Prestres & Diacres. Aussi en ce temps là l'Eglise de Milan n'estoit point subiecte à celle de Rome, & ne l'a esté long temps apres.

10. Et quant au Concile de Carthage, Baronius *en l'année 397. nombre 55.* dit que les euesques Africains, entre lesquels estoit Sainct Augustin, consulterent Siricius, par ce qu'ils sçauoient qu'il estoit chef & Docteur de l'Eglise Catholique, & Simplician, à cause de son grand & excellent sçauoir. Mais ne suffisoit-il pas d'auoir

non l'aduis, mais la volonté du Pape, qui est infallible, & a tous les droicts en sa puissance? ou estimoient-ils qu'il fust moins sçauant que Simplician? Ils ne sçauoient pas donc ceste belle distinction, & n'y penserent iamais: autrement ils n'auroient pas fait ce tort à leur souuerain, que de l'egaler & apparier à vn inferieur, les consultant tous esgalement, & les appellans tous deux ensemblement leurs compaignons de Prestriſe.

11. Ioinct que au Canon precedent, qui est le 47. ils appellent aussi Boniface Euesque de Rome leur frere & compaignon de prestriſe, & l'accouplent aux autres Euesques des quartiers d'outremer, disant, nous le voulons faire sçauoir à nostre frere & compaignon de Prestriſe Boniface & aux autres Euesques de ces quartiers là, afin qu'il soit par eux approuué. Or tous les autres Euesques n'estoient pas d'eminent sçauoir, ni egaux à Simplician.

## C H A P. XI.

### *Du Concile Mileuitain en Numidie d'Afrique.*

1. **N**Ous auons suffisamment monstré au chap. 11. du 3. liure que les Conciles d'Afrique tenus au commencement du cinquiesme siecle, ne sont point conformes à l'opinion du Pape touchant la puissance qu'il s'attribue. C'est pourquoy nous serons icy tant plus brieſs.

2. Le Concile de Mileuis en Numidie, auquel adſiſta S. Auguſtin, ſit vingt ſept Canons, dont les huit premiers concernent la foy & doctrine de l'Eglise touchant la grace & le franc arbitre contre les Pelagiens: Et par iceux est arreſté & deſini qu'il n'y a aucun pour ſainct & iuſte qu'il ſoit, qui ne ſoit entaché de peché, & qui ne doie ſe confeſſer pecheur, non par humilité ſeulement, mais veritablement: & qui ne doie dire, Pardonne-moy mes fautes, non ſeulement par humilité, mais par ce que la verité eſt telle, qu'il en a commis.

3. Les Peres dudit Concile ont monstré qu'ils ne croioient point qu'au ſeu Euesque de Rome appartient de decider les queſtions de la foy, car autrement ils n'auroient iamais entrepris cela, ou du moins l'auroient fait ſoubs ſon bon plaisir, & au cas qu'il trouueroit bon leur aduis & opinion. ce qu'ils n'ont fait, ains ſeulement donnent aduis à Innocent de ce qu'ils auoient reſolu, afin que de  
son

son costé il face diligence & employe son autorité pour l'extirpation de ladite heresie. Et Saint Augustin & quatre autres Euesques luy escriuirent en particulier qu'aucuns disoient que les ennemis de la grace luy auoient persuadé leur opinion, & concluent ainsi leur grande Epistre. Nous desirons que tu approuues nostre resolution, & que soyons consolez par ta response de la commune participation d'une mesme grace. Ces deux Epistres sont mises au grand volume des Conciles, apres le Mileuitain.

4. Le douziésme Canon est tel: cela aussi a esté trouué bon, que les prieres, ou les oraisons, ou les messes qui auront esté approuuées en Concile, ou les prefaces, ou les impositions des mains, soient celebrées par tous, & qu'aucunes autres ne soient dites en l'Eglise sinon celles qui aurót esté composées par les plus prudens ou aprouuées en Synodes, de peur que quelque chose ne soit composée contre la foy ou par ignorance, ou par negligence. Ils ne scauoient pas encor qu'il se falloir adresser au Pape de Rome, prendre loy de luy, & suiure son ordre.


5. Le 22. Canon prohibe aux Prestres & Clercs inferieurs qui s'estimeront greuez par les iugemens de leurs Euesques, ou des Euesques voisins, d'appeller ailleurs que par deuant les Conciles d'Afrique, ou les primats de leurs Prouinces: & ordonne que qui appellera aux Euesques d'outre-mer, sera excommunié. Le Concile donc ne recognoissoit pas l'Euesque de Rome pour souuerain iuge. Et c'est pourquoy Gratian a falsifié ce Canon, *C. placuit, 2. q. 6.* en y adioustant ceste exception, *si non au siege Romain*: qui a demeuré sans correction plus de cinq cents ans pendant lesquels on ne s'estoit point souuenu de ceste distinction que depuis peu on a voulu faire, entre l'appel des prestres ou Clercs inferieurs, & celuy des Euesques: comme si seulement cestuy là estoit prohibé, non cestuy cy. Mais il ne faut que voir le Canon 28. du Concile de Carthage inferé au Code ancien des Canons de l'Eglise Romaine, où il est adiousté que les mesmes defenses & prohibitions auoient souuent esté faictes aux euesques. Et autant en y a-il au texte Grec de Balsamon. Ioinct qu'aucun ne peut mieux declarer l'intention des euesques d'Afrique qu'eux mesmes, qui en leur epistre à Celestin mise aussi audit Code Romain, faisant le 103. chapitre du Concile d'Afrique, disent que cela estant defendu aux Prestres & Clercs inferieurs, a plus forte raison est-il prohibé aux euesques.

6. Par le 24. de ldicts canons est dit qu'il n'est permis d'appeller:

de la sentence des Euesques esleus par le consentement des deux Euesques contendans, à peine d'excommunication. Ce qui est aussi ordonné par le 10. Canon du troisieme Concile de Carthage. Ce qui est contreuenant à la determination des Papes *C. omnis, C. ad Romanam, C. quoties 2. q. 6.*

## CHAP. XII

*Du troisieme Concile de Carthage, commençant Cæsario & Attico.*

1.  E Concile fit cinquante Canons pour la discipline ecclesiastique, sans requerir le consentement ou approbation de l'Euesque de Rome.
2. Le 10. Canon porte qu'il faut appeller dès Iuges ecclesiastiques aux autres Iuges ecclesiastiques qui ont plus d'autorité, sans parler du Pape : et qu'on n'est receuable d'appeller de la sentence des Iuges desquels on a conuenu. Ce qui est contre les determinations des Papes *2. q. 6. en Gratian.*
3. Le 21. Canon prohibe à tous, sans excepter le Pape, de prouoir le Clerc d'un autre Euesque sans son consentement.
4. Dés Canons 23. & 24. le Concile determine absolument, au lieu de s'en rapporter au Pape, qu'il faut tousiours adresser sa priere à Dieu le Pere : et qués Sacrements du corps & du sang du Seigneur, il ne faut offrir que ce que luy mesme bailla à ses disciples, *à sçauoir du Pain & du Vin meslé d'eau.* Et ainsi declarent que le pain & le vin sont Sacrements du corps & du sang : & que ce que nostre Seigneur donna & liura à ses disciples estoit du pain & du vin. Ce qui est aussi contre la doctrine du Pape.
5. Le 26. Canon est tel : Que l'Euesque du premier siege ne soit point appellé Prince des Prestres, ou souuerain Prestre, ou de semblable nom : mais seulement Euesque du premier siege : Pour monstrier que tous les Euesques sont egaux en office & dignité : Et que la seule dignité de la ville & du siege met difference entr'eux. Et Gratian a tref-bien adiousté *C. prius, dist. 99.* Suiuant la doctrine de Pelagius 2. & Gregoire 1. que mesme le Pontife de Rome ne doit pas estre appellé Vniuersel.
6. Par le 45. Est donné pouuoir à l'Euesque du siege de Carthage, d'ordonner des Euesques par tout où il sera de besoing : Et de  
tirer



tirer des Clercs de toutes les Eglises qu'il voudra. Ce qui est le rendre en effect plus que Patriarche , lequel pouuoir le Pape s'attribue à soy seul.


7. Par le 47. Canon, le Concile decide quels liures sont Canoniques : & ordonne qu'il n'en faut point lire d'autres en l'Eglise. Ce que detechef le Pape pretend n'appartenir à autre qu'à luy, comme appert par le chapitre septiesme du premier liure.

8. Au mesme Canon & au 48. suiuant, ils appellent l'Euesque de Rome *frere & compaignon de prestise* , & l'accouplent & egalent à Simplician Euesque de Milan & aux autres Euesques transmarins, disant , Il en faut donner aduis à nostre frere & compaignon de Prestise, Boniface, & aux autres Euesques de ces quartiers là, afin qu'ils confirment ce Canon &c. Et en l'autre, Il a semblé bon de consulter nos freres & compaignons de prestise Siricius Euesque de Rome & Simplician Euesque de Milan, touchant les Donatistes. Et partant ne tenoient point l'Euesque de Rome pour leur souuerain.

9. Ce Concile fut souscrit par quarante quatre euesques, entre lesquels estoit Sainct Augustin.

### CHAP. XIII.

*Du quatriesme Concile de Carthage commençant Augusto Honorio quarto, & Eutychiano Consulibus. Et du cinquiesme qui commence, Post Consulatum.*

1.  E quatriesme Concile en sa preface est qualifié Vniuersel, à sçauoir de toute l'Afrique. Aurele euesque de Carthage y presida. En iceluy assisterent deux cents quatorze euesques, & entre autres Sainct Augustin. Il ordonna cent & quatre Canons sans requerir le bon plaisir ou la confirmation de l'Euesque de Rome.

2. Le 1. Canon contient la forme qui doit estre gardée en l'election, examen & consecration des euesques , sans les obliger de prester aucun serment de fidelité ou d'obedience à l'euesque ou à l'Eglise de Rome.

3. Par les 25. 27. & 28. Canons, la translation des euesques d'une Eglise à l'autre, & la condamnation ou absolution d'iceux, est attribuée aux Synodes, & non point au Pape.


4. En la plus grande partie des autres est prescrit le deuoir des Euesques, Prestres, & autres Clercs en l'exercice de leurs charges, sans aussi reseruer aucunement le contraire aduis de l'Euesque de Rome.

5. Le cinquiesme Concile de Carthage fut tenu par septante quatre Euesques, Aurele aussi y presida.

6. Il ne fit que quinze Canons, par le quatriesme desquels est prescrite la forme qui doit estre obseruée en l'alienation des biens d'Eglise, à sçauoir qu'en cas d'urgente necessité cela doit estre fait par le decret du Primat de la Prouince, avec l'aduis du nombre des Euesques ordonné. Ils ne croioient point que la permission ou autorité de l'Euesque de Rome fust necessaire à cela.

#### CHAP. XIV.

*Du septiesme Concile d'Afrique auquel tous les precedents  
furent reueus.*

1.  Nce Concile assisterent 217. Euesques d'Afrique. Sa tenue fut longue, car pendant icelle, siegerent à Rome: Zosime, Boniface, & Celestin. Aurele Euesque de Carthage, qui est qualifié Pape és actes d'iceluy, y presida. Et apres luy, siegea Valentin euesque du premier siege de la Prouince de Numidie. Et au troisieme rang fut assis Faustin euesque, l'un des Legats de Zosime Euesque de Rome. Les deux autres qui n'estoient que Prestres, firent voirement assis, mais apres tous les Euesques, comme les autres Prestres d'Afrique. Les procedures de ce Concile & les Canons dressez en iceluy, furent adioustez par diuers. Le petit au cõpde ancien des Canons de l'Eglise Catholique: comme nous auons dit au chap. II. du troisieme liure, où aussi nous auons fait veoir manifestement que lesdits 217. Euesques, entre lesquels estoit Sainct Augustin, estoient diametralement contraires à l'opinion du Pape. Et qui plus est, qu'en ce temps là les Euesques de Rome, ne croioient point estre establis de droit diuin chefs & souverains de l'Eglise: du moins n'osoient-ils alleguer aucuns passages de la Sainte Esriture. Mais seulement pour attirer les appellations à eux, produisoient vn Canon du Concile de Nicée, qui fut verifié faux & supposé, par les extraicts du mement collationnez,

nez, que le Concile enuoya querir en Alexandrie & à Constantinople: à cause dequoy nous n'en dirons icy rien dauantage.

## CHAP. XV.

*Du premier Concile d'Ephese qui est le troisieme Vniuersel.*

1. **N**OUS auons assez amplement parlé de ce Concile au septiesme chapitre du troisieme liure, & monstre que les Canons dressez en iceluy, & notamment le dernier, sont contraires à la doctrine du Pape: à cause dequoy ils ont esté retranchez du Code des Canons de l'Eglise Vniuerselle, & n'ont point esté mis au Code Romain, ni au decret de Gratian. C'est pourquoy nous serons icy tant plus briefs, & dirons sommairement,

2. Que Nestorius Euesque & Patriarche de Constantinople ayant presché & publié par escrit son heresie, Cyrille Euesque & Patriarche d'Alexandrie s'y opposa vigoureusement, en escriuit deux diuerses lettres à Nestorius, l'exhortant à s'en desister. Escriuit mesmes des liures & traités sur ce subiect qu'il adressa à l'Empereur Theodose & à l'Imperatrice Eudocia. Nestorius au contraire taschant d'espandre sa nouvelle opinion au long & au large, escriuoit par tout & en persuadoit plusieurs. Mesme sous pretexte de vouloir estre au vray informé pour quel subiect quatre Euesques qu'il nommoit, auoient esté chassez des eglises d'Occident, & estant recourus à l'Empereur, disoient souffrir persecution pour vne doctrine orthodoxe. Il escriuit par deux diuerses fois des lettres à Celestin lors Euesque de Rome, esquelles cauteleusement il glissoit sa doctrine & nouvelle heresie, cuidant de le surprendre, & de receuoir de luy quelque lettre approbatoire.

3. Dequoy Cyrillus estant aduerti, fit aussi vne bien ample despesche à Celestin, & luy enuoya la copie de ses escrits & de ceux de Nestorius, & des lettres qu'ils auoient escrites l'un à l'autre. Luy dit que en affaire si important, il n'auoit peu, sans blasme, differer dauantage, suiuant mesme la coustume ancienne, de luy communiquer & donner aduis au vray de tout ce qui s'estoit passé, à ce qu'il luy pleust leur faire scauoir son sentiment, s'ils doiuent se separer entierement de la communion de Nestorius, l'erreur duquel

ils auoient desia Anathematizé. et neaumoins il donna charge expresse à Possidonius son Diacre porteur de ladite despesche, de ne la point rendre à Celestin, mais de la luy rapporter, au cas que les lettres & escrits de Nestorius ne fussent point paruenus entre ses mains, comme il est dit expressement es actes dudit Concile chap. 15. Mais il deliura à Celestin sa despesche ayant sceu qu'il auoit receu les lettres de Nestorius.

4. Celestin ayant conuoqué le Concile de ses euesques & faict examiner les escrits de Nestorius, luy rescriuit, Que tenât les deux Epistres à luy enuoyées par Cyrillus, pour deux suffisantes intimations, si dans dix iours apres l'intimation de ses lettres, il ne retractoit son opinion & faisoit declaration publique de croire touchât Christ nostre Seigneur, le mesme que tient & l'Eglise Romaine, & l'Eglise d'Alexandrie, & l'Eglise vniuerselle, & ce qu'a tenu iusques icy l'Eglise de Constantinople: qu'en ce cas il estoit iecté de la communion de l'Eglise vniuerselle. Il escriuit aussi de mesme à Cyrillus & l'exhorta à ce que iôignant son autorité à la sienne, & tenant sa place, il face executer ladite sentence. Et de cela aussi il aduertit les eglises d'Antioche, de Ierusalem & autres: & mesme l'Eglise de Constantinople.

5. Cyrille estant tres-aise de se veoir fortifié de l'opinion & autorité du premier Patriarche, & de son Concile contre le second Patriarche, conuoque derechef le Concile d'Alexandrie, lequel fit vne expresse deputation à Nestorius, luy escriuit que avec l'adus du Concile de la grande Rome, auquel Celestin leur frere & compagnon de prestrie auoit presidé, ils luy intimoient & declaroient pour la troisieme fois, que si dans dix iours apres il ne retractoit les fols & absurdes dogmes qu'il auoit enseigné & publié, & ne souscriuoit la confession de foy & les douze Anathemes qu'ils luy enuoient, qu'il estoit excommunié de la societé de tous les Euesques, & Prestres de Dieu.

6. Mais Nestorius se roidit tant plus, se maintenant en sa charge, fortifié de l'autorité de son siege: Escriuit par tout contre Cyrillus, taschant de le rendre suspect d'heresie, & attirer encor plusieurs euesques à son opinion. Tellement que les sentences des Conciles de Rome & d'Alexandrie n'estans suffisantes & demeurans sans effect, parce que Nestorius ne leur estoit point subiect: & bien qu'ils se fussent separez de sa communion, ils n'auoient pas pouuoir de la deposer: veu qu'il estoit le second Patriarche de l'Empi-

l'Empire. Il fallut recourir à vn autre remede, à sçauoir au Concile vniuersel.

7. Theodose donc en l'an 431. de nostre Seigneur conuoca ce Concile ainsi que les actes d'iceluy en infinis endroits, & tous les historiens en font foy. Cyrille y presida & Nestorius fut depose avant l'arriuee des Deputez de Celestin : et en l'absence aussi de Iean Euesque & Patriarche d'Antiöche : qui fut si fasché de ce qu'on ne l'auoit pas attendu, qu'il se retira du costé de Nestorius & excommunia Cyrille & Memnon euesque d'Ephese : pretendunt qu'un Patriarche n'auoit peu estre degradé, sans luy en communiquer.

8. Et apres que le Concile eust dressé huit Canons & subrogé Maximian en la place de Nestorius, les Euesques demanderent permission à l'Empereur de se retirer chacun en son Eglise, laquelle il leur accorda.

9. De ce que dessus resulte clairement qu'en ce temps là l'euesque de Rome n'estoit point tenu pour seul Vicaire de Christ, & pour souuerain Iuge des questions de la foy.

10. Non par Nestorius Patriarche de Constantinople. Car sur la controuersé suruenue entre luy & Cyrille, au lieu de requerir renuoy à Celestin Euesque de Rome, ou du moins recourir à luy pour estre par l'oracle de sa voix resolu de la verité de ceste controuersé: il luy escriuit finement & sur autre subiect, pour tascher de le surprendre, ne le qualifiant que frere, & commençant sa premiere lettre par ces mots: *Nous sommes obligez de nous entretenir reciproquement de discours fraternels &c.* Et la finissant ainsi, *Nous racontans ces choses comme frere à frere, ce que i'ay dit au commencement.* Non donc comme de subiect à son seigneur, ou de disciple à son maistre. Aussi ne tint-il compte du iugement ou de l'aduis de Celestin, & de son Synode, non plus que de celuy d'Alexandrie.

11. Non par Cyrille Patriarche d'Alexandrie qui sans l'auis de Celestin refusa & de viue voix & par lettres & traités expres l'heresie de Nestorius, & n'en eust pas escrit à Celestin si Nestorius ne luy en eust escrit le premier : n'ayant mesme voulu que ses lettres luy fussent rédues, sinon au cas qu'il eut receu celles de Nestorius. si peu le recognoissoit-il Iuge necessaire & supreme de ceste question de foy tres-importante. Aussi par lesdites lettres ne luy en defere-il pas le iugement, mais seulement le prie de luy en enuoyer son aduis & sentiment, apres luy auoir fait veoir par passages

de la Sainte Eſcriture, & Canons de Nicée, que l'opinion de Nestorius estoit damnable: tout de meſme qu'il en eſcriuit aux eueſques d'Antioche, de Ieruſalem & autres. Et ayant receu les lettres de Celeſtin, par leſquelles il le prioit d'agir pour luy en ſon abſence, ne ſe preualut iamais de ceſte Lieutenance, & ne ſe qualifia point de ce tiltre, comme auroit fait le Lieutenant d'un ſouuerain Monarche. Et Cyrille en eut tout ſubieſt lors qu'il fut excommunié & depoſé par Iean Eueſque d'Antioche. Mais il n'y péſa point, & n'en fit iamais mention.

12. Moins encor par le Concile, qui print cognoiſſance de ceſt affaire, comme en eſtant le vray & ſouuerain Iuge: voulut ouïr Nestorius, qui refuſa de comparoiſtre: & apres examina ſes lettres & eſcrits par la Parole de Dieu, Canons de Nicée, & eſcrits des Peres, en ayant prins des quatre parties du monde, comme a remarqué Vincentius Lirinensis en la ſeconde partie de ſon liure contre les hereſies, mettant meſmes Pierre & Athanaſe Eueſque d'Alexandrie auant Iule & Felix Eueſques de Rome: Et apres proceda à la depoſition de Nestorius auant que les Legats de Celeſtin fuſſent arriuez. Au lieu qu'ils ſe fuſſent purement & ſimplement tenus à la ſentence de Celeſtin: et l'euſſent executée en toute humilité, s'ils l'euſſent tenu pour leur ſouuerain, & creu qu'il fuſt par deſſus les Conciles, & infaillible. Auſſi par la lettre que le Concile luy eſcriuit, luy faiſant entendre toute leur procedure, ils ne le qualiſient que leur Collegue ou comminiſtre: comme de meſme par celle qu'ils eſcriuirent à l'Empereur: & ne luy en demandent pas la confirmation, mais ſeulement luy diſent que Arcadius, Proiectus, & Philippus ſes Legats y auoient adſiſté, & auoient tenu le lieu du ſiege Apoſtolique. Les Canons auſſi qui furent dreſſez par ce Concile, ſont entierement contraires à la pretention & doctrine du Pape, comme nous auons monſtré audit chap. 7. du troiſieſme liure.

13. Non finalement par Celeſtin meſme: du moins s'il le preten-  
doit, il ne le fit pas cognoiſtre en ceſte occaſion. Car au lieu de remedier à ce mal par vne deciſion & ordonnance generale, comme ont accouſtumé les ſouuerains, & eſt de leur deuoir: & de la faire executer vigoureuſement: il ioinit ſeulement ſon autorité à celle de Cyrille, comme euſt fait tout autre Patriarche & Primat. Ce que iamais ſouuerain ne fait à l'endroit de ſon inferieur. Et par la ſentence n'obligeoit pas ſimplement Nestorius de declarer qu'il  
croyoit



croioit de Christ, comme l'Eglise Romaine: mais aussi comme l'Eglise d'Alexandrie, l'Eglise de Constantinople, & l'Eglise Vniuerselle. Et ainsi egale ces Eglises là, & montre que l'Eglise de Rome n'est point vniuerselle ni son Euesque vniuersel. Et finalement par ses lettres escrites au Concile, il se recognoit leur compaignon en l'œuvre du Seigneur: Et dit qu'eux tous sont successeurs des Apostres, et prie le Concile de donner à ses Legats seance & voix deliberatiue en iceluy. ce qu'il n'auroit fait, mais auroit enioinct au Concile d'obeïr à ses Legats porteurs de sa volonté.

14. Et ne peut seruir au contraire de dire que Celestin par sa sentence excommunia Nestorius. Car autant en auoit fait auparavant Cyrille, & autant en entreprint depuis Iean Euesque d'Antioche contre Cyrille & Memnon. Car cela n'estoient que declarations de ne se recognoistre plus pour Euesque, & de n'auoir aucune communication ensemble. Mais l'excommunication & deposition avec effect fut faicte par le Concile, & executée par l'Empereur.

## CHAP. XVI.


*Du Concile d'Antioche.*

1. **E**AN Euesque & Patriarche d'Antioche, s'estant retiré d'Ephese avec ses adherans sans s'estre reconciliez avec Cyrille Euesque & Patriarche d'Alexandrie & Memnon Euesque d'Ephese, & sans auoir approuué le Concile, & voulu souscrire à la condamnation & deposition de Nestorius: Et par là ayant tesmoigné qu'il ne recognoissoit pas pour supérieur l'Euesque de Rome, qui par ses Deputez auoit adisté au Concile & approuué iceluy; Et auparavant auoit excommunié Nestorius: l'Empereur Theodose desirant d'assoupir entièrement ce différent, & de remettre la paix & l'union entre les Eglises, escriuit des bonnes lettres & à Cyrille & à Iean, leur enioignant tres-expressément de se rendre incontinent en Nicomedie, sans mener avec eux aucuns Euesques. mais seulement quelque peu de Clercs pour leur seruice, avec defense de bouger de là que premierement ils n'eussent mis fin à leur dissensions, par vne bonne union & conuerde. L'Empereur n'eust pas prins cest expedient s'il eust creu que l'Euesque de Rome estoit & leur supérieur & le sien.

2. Iean donc ayant conuoqué les euesques de Syrie , de leur auis resolut de souscrire à la deposition de Nestorius , & à l'establissement de Maximianus , par l'entremise du tribun Aristolaus que Theodose auoit deputé expressément. Et en suite de cela Iean escriuit des lettres d'amitié à Cyrille & l'aduertit comme il adheroit & consentoit à tout ce qui auoit esté fait & ordonné par le Concile. Et avec son Concile escriuit ensemblément à Xistus Euesque de Rome successeur de Celestin , à Cyrille euesque d'Alexandrie & à Maximian euesque de Constantinople , qu'ils appellent treschers freres & compagnons de prestrise , comme leurs eglises auoient tousiours eu la mesme croyance qu'eux , & Anathematizoient la detestable doctrine de Nestorius , à la deposition duquel ils consentoient. Et ainsi accouplent & appartiennent les Patriarches de Rome , d'Alexandrie & de Constantinople , & ne recognoissent aucunement celuy de Rome pour souuerain.

## CHAP. XVII.

### *Du Concile de Chalcedoine quatriesme vniuersel.*

1.  T R E ce que nous auons dit de ce grand Concile au chap. 8. du troisieme liure, il est à remarquer: que peu de temps apres la tenue du Concile d'Ephese auquel Nestorius Patriarche de Constantinople fust condamné & depose, Eutyches Abbé & Prestre commença de semer & publier son heresie. A cause dequoy Flavian Patriarche de Constantinople le condamna & deposa: Mais Eutyches estant fauorisé & supporté par Dioscorus Patriarche d'Alexandrie , & ayant encore suscité des plus grands troubles & dissensions qu'auparauant, l'Empereur Theodose, pour y remedier, conuoca vn second Concile vniuersel en Ephese, où par les brigues & artifices de Dioscorus, auquel l'Empereur par ses lettres à luy escrites auoit donné l'autorité & la primauté, Eutyches fust restabli, & Flavian depose & outragé en telle sorte qu'il en mourut.

2. Ce Concile infame à bon droit appellé par les Grecs lestrigue, c'est à dire de brigandage, fust en execration à tous les Orthodoxes qui eurent recours à l'Empereur Theodose , à ce qu'il luy pleust conuoyer vn autre Concile vniuersel , auquel la doctrine d'Eutyches fust examinée sans brigues & sans passion; et notamment

ment il en fust supplié par Leon euesque de Rome ; comme ses Epistres 23. 25. & 26. en font foy : Mais il mourut sur ses entrefaites. Et par ses lettres à Valentinian , à Placidia & Eudoxia qui sont au preambule des actes du Concile de Chalcedone, semble qu'il n'en auoit pas volonté.

3. Martian donc Empereur successeur de Theodose en l'année [451.] conuoca vn autre Concile Oecumenique, non en Italie comme requeroit Leon euesque de Rome , mais premierement à Nicée & depuis à Chalcedone. Ses lettres & tous les actes du Concile en font foy , & la *l. Nemo. C. de summa trinit. & fide Cath.* Et mesmes les Epistres de Leon 43. 44. 49. 50. & 51. escrites à Martian & à l'Imperatrice Pulcheria. Et est merueille que quelques vns osent nier cela, & dire que Leon conuoca ce Concile.

4. Par ce Concile composé de six cents trente euesques, les decrets du second Concile d'ephefe furent reuozquez, Eutyches & Dioscorus condamnez & deposez, & la memoire de Flavian restablie.

5. En ce Concile de la part de l'Empereur certains Patrices & Senateurs presiderent , auxquels les Legats de Leon mesme parloyent avec toute humilité, les supplians de commander, les appellans Vostre grandeur, & se qualifians petitesse en l'action sixiesme. Et en l'action premiere Pascalin l'vn d'iceux parlant des Eutychiens, ils ont mis ( dit-il ) Flavian au cinquiesme rang , à sçauoir au Concile dernier d'ephefe , & nous tenons Monsieur Anatolius son successeur pour le premier, à sçauoir en ce present Concile, où il est souuent nommé le premier , & fait les actions de President.

6. Ce Concile fit vingt neuf Canons pour la discipline Ecclesiastique, dont partie du neufuiesme est telle, *Si vn Clerc a quelque differencé contre son propre Euesque, ou contre quelqu'autre Euesque, qu'il soit iugé par le Synode de la Prouince. Mais si vn Euesque ou vn Clerc a différencé contre le Metropolitain mesme de la Prouince, qu'il s'adresse à l'Exarche du Diocese, ou au siege de la ville Royale de Constantinople.* Ce qui est repeté au Canon dixseptiesme.

7. La derniere partie du dixseptiesme Canon est telle, *Si par la puissance Imperiale une ville a receu ou reçoit à l'aduenir quelque changement, que l'ordre des Paroisses Ecclesiastiques suine la forme Civile & Publique.*

8. La teneur du vingthuitiesme est telle : *Suyuans en tout & par tout les definitions des saints Peres, & approuuans le Canon n'agueres*

leu des cent cinquante euesques tres-aimez de Dieu, qui ont esté assemblez en la Cité Royale de Constantinople nouuelle Rome sous l'empereur Theodose le grand de sainte memoire; Nous aussi ordonnons & definissons les mesmes choses concernans les priuileges de la mesme Sainte Eglise de Constantinople nouuelle Rome. Car à bon droit les Peres ont attribué des Priuileges au siege de l'ancienne Rome à cause que ceste ville la commandoit (ou estoit le siege de l'Empire.) et les cent cinquante Euesques tres-aimez de Dieu, meus de la mesme raison, ont attribué egaux priuileges au tressainct siege de la nouuelle Rome : Iugeans droitement que la ville qui est honorée de l'Empire & du Senat, deuoit iouir de semblables priuileges que l'ancienne Royale Rome, & que mesmes és choses Ecclesiastiques elle ne doit pas estre moins extollée & magnifiée, estant seconde apres elle.

9. Au Code des Canons de l'Eglise vniuerselle n'y a que vingt-neuf Canons de ce Concile, dont ces deux derniers ont esté retranchez au Code Romain, comme a esté monstré au chapitre huitiesme du troisieme liure: Mais en Balsamon & au grand volume des Conciles de Binius en l'action quinziesme des actes du Concile en est adiousté vn trentiesme qui est tel: *D'autant que les tres-religieux Euesques d'Egypte refusoient de souscrire à la lettre du tressainct euesque Leon, non pour n'adherer à la foy Catholique, mais disans que ceste coustume estoit au Diocese d'Egypte, que les euesques ne faisoient rien de tel sans la volonté & autorité de l'Archeuesque de la grande ville d'Alexandrie, & demandans delay iusques à ce qu'il en fust esté établi vn, cela a esté trouué iuste & raisonnable.*

10. De ce que dessus se voit que lors les Euesques de Rome n'en estoient pas encore venus là, que d'oser s'attribuer à eux seuls la decision des questions de la foy, la conuocation des Conciles vniuersels, la superiorité par dessus iceux, & moins encor par dessus l'Empereur: & de fonder icelle sur ces passages, *Tu es Petrus, tibi dabo*, &c. Puis que Leon euesque de Rome, quoy que grandement ialoux de son autorité, n'a osé entreprendre de remedier luy seul à l'heresie d'Eutyches, mais à requis instamment avec larmes l'Empereur Theodose second de conuoyer le second Concile d'Epheuse, & y enuoya ses Deputez, comme appert par ses Epistres 9. & 12. Et depuis ençor le mesme Theodose & Martian son successeur de conuoyer celuy de Chalcedone, & ne pust obtenir qu'il fust

fust conuoqué en Italie, comme auons dit cy dessus. Puis aussi que les Legats de Leon en ce Concile ne firent point de difficulté de sieger apres les Commissaires de l'Empereur Martian, de marcher apres eux, de leur parler comme grandement inferieurs, les qualifians vostre grandeur, & eux nostre petitesse : Et puis que és decisions de ce Concile, Leon n'és Legats ne sont point nommez : Et finalement puis que les Legats de Leon au lieu d'alleguer la Sainte Escriture, ne produisirent pour appuyer son autorité que le Canon sixiesme de Nicée falsifié.

11. Moins encor estimoit le Concile que l'Euesque de Rome fust Monarche de l'Eglise soit de droict diuin ou humain, & qu'il fust par dessus le Concile.

12. Car au lieu de se tenir purement & simplement à la sentence de Leon touchant la doctrine d'Eutyches, il en a prins cognoissance, chaque Euesque en a dit son aduis apres auoir ouy la lecture de la Confession de foy dressée és Conciles de Nicée & Ephese premier, & des Epistres de Cyrille Euesque d'Alexandrie, & de Celestin & Leon Euesques de Rome, comme se voit en l'action 2. dudit Concile.

13. Secondement la determination du Concile & la condamnation d'Eutyches & de Dioscorus a esté faite au nom du Concile mesme, & Leon n'y est point nommé.

14. En troisieme lieu les Legats de Leon pour autoriser d'auantage leur Maistre produisans le sixiesme Canon du Concile de Nicée & y ayans adiousté ces mots, Que l'Eglise Romaine a tousiours eu la primauté, ceste addition fust reietée par l'exhibition des originaux. Ce qui n'auroit esté fait si le Concile eust creu que nostre Seigneur auoit establi l'Euesque de Rome son successeur & chef de son Eglise.

15. En quatrieme lieu le Concile par son dit Canon 28. ottroye & attribue à l'Euesque de Constantinople pareils priuileges, mesmes és choses Ecclesiastiques, qu'à celuy de Rome : & ainsi les egale entierement. Et par là monstre que non seulement il est superieur à l'Euesque de Rome, mais aussi que la primauté de l'Euesque ou siege de Rome n'est pas de droit diuin, & qu'elle luy a esté ottroyée en consideration de la ville Capitale & Imperiale, & non pour estre Lieutenant ou successeur de Saint Pierre : Et que le Concile a peu & peut luy donner vn compagnon. Et c'est pourquoy Bellarmin au deuxiesme liure du Pontife Romain chap. 17. S.

*quid quod*, ose dire, que ce Canon contient deux manifestes faussetez: Et au chap. 18. du mesme liure §. Deinde, que par ceste communication de priuileges, est ostée la primauté à l'Eglise Romaine, d'autant que celuy n'est point eminent par dessus tous, auquel quelqu'un est egal & pareil. Et toutesfois ce Canon a esté mis & Canonisé au decret de Gratian *C. Renouantes* 22. dist. mais avec vne fausseté manifeste, corrigée en dernier lieu par les Expurgateurs Gregoriens, comme nous auons dit audict chap. 8. du troisieme liure.

16. En cinquiesme lieu le Concile par ses Canons 9. & 17. aduantage & donne plus de pouuoir à l'Euesque de Constantinople qu'à celuy de Rome, d'autant que par iceux il est dit qu'il est permis à l'Euesque ou Clerc qui a quelque different contre son Metropolitain de le poursuiure ou par deuant l'exarche du Diocese ou au siege de Constantinople: lequel pouuoir n'est point attribué à l'Euesque ou siege de Rome.

17. Et c'est pourquoy. Nicolas premier en sa grande epistre à Michel Empereur, qui est la huitiesme, au lieu de, à l'Exarche du Diocese, a mis en pluriel, à l'exarque des Dioceses, voulant inferer, que le Concile a entendu par le mot d'exarche, l'Euesque de Rome qui tient le premier siege de tous les Dioceses, & est le premier Patriarche.

18. Mais à cela repugne premierement le texte Grec esdits deux Canons neufuiesme & dixseptiesme, tant au Code des Canons de l'Eglise vniuerselle que en Balsamon: Secondement la version de Denis le petit au Code ancien des Canons de l'Eglise Romaine canonisé encore par Gratian, *C. si Clericus*. 11. q. 1. où il y a au Primat du Diocese & non des Dioceses.

19. D'ailleurs on voit que le Concile ayant ordonné que le different entre les Clercs seroit traité par deuant l'Euesque: et entre vn Clerc & vn Euesque, par deuant le Metropolitain (qui est l'Euesque du premier siege de la Prouince:) et entre vn Clerc ou vn Euesque contre le Metropolitain, par deuant l'exarche du Diocese (qui est l'Euesque du premier siege des Prouinces de ce Diocese) a entendu d'aller & monter ainsi de degré en degré, & non de faire vn fault tout à coup, & laissant la Prouince & le Diocese des parties, les renvoyer en premiere instance à l'exarche du second Diocese à leur choix; c'est à dire au premier ou au second Patriarche.

20. Et bien que telle auroit esté l'intention du Concile, & qu'il l'auroit



l'auroit exprimée ainsi, ce qu'il n'a pas, toujours l'Euesque de Constantinople auroit esté égalé à celuy de Rome, puis que ce seroit au choix des parties de s'adresser à l'un ou l'autre pour décider l'affaire en dernier ressort: Et de ces deux Canons, 9 & 17. n'y eust point de plainte par Leon ou par ses Legats, & aussi ils ont esté mis & au Code Romain & en Gratian.

21. Et vray-semblablement les deux Euesques de Rome, & de Constantinople, ayans esté rendus egaux en autorité & dignité, celuy de Constantinople fust preferé en cest endroit, à cause que lors l'Empire d'Occident estoit fort esbranlé, l'Afrique troublée, l'Italie menacée, & les Royaumes d'Espagne, de France, & d'Angleterre n'estoyent plus de l'Empire Romain.

22. En sixiesme lieu, ni les euesques d'Egypte en particulier, ni en general tous les autres euesques du Concile, ne recognoissoyent point Leon pour souverain & infaillible, & qui peust iuger de tout le monde sans estre iugé d'aucun, puis que Dioscorus Patriarche d'Alexandrie ayant esté depose par le Concile, les euesques d'Egypte ne voulurent soubcrire à la lettre que Leon auoit escripte auparavant à Flavian Patriarche de Constantinople, que premierement ils n'eussent establi vn Patriarche en Alexandrie, & eu sur cela son aduis. Ce que le Concile approuua. Car au contraire ce refus & delay requis, auroit esté trouué iniuste & improuvé par le Concile, veu que c'estoit en effect commettre à l'euesque d'Alexandrie, l'examen de la doctrine de celuy de Rome.

## CHAP. XVIII.

*Du Concile de Constantinople qui est le cinquiesme  
OEcumenique.*

**L**EMPEREUR Iustinian, conuoca ce Concile en l'année de nostre Seigneur, [553.] Ses lettres qui sont en la premiere Session ou Conferenco en monstrent le subiect: Elles sont adressées aux Euesques & Patriarches Eutychius de Constantinople, Apollinaire d'Alexandrie, & autres estans lors en la ville Royale de Constantinople, & non à Vigilius euesque & Patriarche de Rome, quoy qu'il y fust aussi.

2. Le Sommaire des lettres de Iustinian est, que le soin des Emperours Orthodoxes les predecesseurs a tousiours esté d'extirper les heresies, & de conseruer l'Eglise de Dieu en la pureté de la foy, par le moyen des Conciles & assemblées des euesques. Et qu'à ces fins Constantin conuoca le Concile de Nicée contre Arius. Theodose premier celuy de Constantinople contre Macedonius & Apollinaire: Theodose second celuy d'Ephese contre Nestorius: Et Martian celuy de Chalcedoine contre Eutyches & Dioscorus; Que à leur exemple il auoit appliqué tout son estude à vnir & ramener à bonne concorde les Pasteurs de toutes les eglises tant d'Orient que d'Occident: Et recognoissant que la cause de leur trouble procedoit principalement des escripts de Theodorus Mopsuestenus, de Theodoret & de l'epistre d'Ibas à Marin, il les auoit conuoz pour dire leur iugement sur lesdits trois Autheurs. Et qu'ayant appellé comme les autres, Vigilius Pape de l'ancienne Rome, Comme il fust arriué en ceste ville Royale de Constantinople, il voulust auoir son sentiment, & l'interroga sur lesdits trois chefs, lequel par plusieurs & diuerses fois, & de bouche & par escript improuua & anathematiza lesdits trois Autheurs & leur doctrine, Et en escriuit à Valentinian euesque de Scythie, & à Anrelian Euesque d'Arles qui est la premiere Eglise des Gaules. Et neantmoins luy ayant mandé de s'assembler avec tous pour d'un commun consentement resoudre ce qui doit estre creu, & ainsi declarer ouuertement son intention: Il luy auroit fait entendre, qu'en particulier il luy feroit declaration de son opinion, et partant qu'il les exhortoit d'examiner entr'eux les dits trois articles, & que quant à luy il se tenoit ferme à ce qui auoit esté décidé par les quatre Saincts Conciles de Nicée, de Constantinople, d'Ephese premier, & de Chalcedone, suiuant aussi la doctrine des Saincts Peres & Docteurs de l'Eglise de Dieu, assauoir Athanase, Hilaire, Basile, Gregoire Theologien, Gregoire de Nisse, Ambroise, Theophile, Iean Euesque de Constantinople, Cyrille, Augustin. Procule, Leon; Les exhorte d'examiner bien le tout ayans la crainte de Dieu & le iugement à venir deuant leurs yeux, sans preferer aucune chose à la pieté, vraye foy & verité, & à la gloire & honneur de Dieu: Et ayans tousiours en leur memoire le dire de l'Apostre, si nous ou vn Ange du Ciel vous euangelize outre ce que nous vous auons euangelizé, qu'il soit Anatheme.

3. En la mesme premiere Session sont les lettres que Eutychius

au nom du Synode escriuit à Vigile qu'il appelle compagnon de Prestre, par lesquelles ayans déclaré qu'ils tiennent & ont tousiours tenu la foy & doctrine des quatre Conciles vniuersels, & contenus en l'epistre de Leon; Ils le prient de venir presider en leur Assemblée pour traiter des trois chefs mis en controuersé, & les resoudre selon la Parole de Dieu, & lesdits Saints Conciles. et la response de Vigilus adressée à Euty chius & aux euesques sous luy constituez, par laquelle il dit trouuer bon qu'il soit conféré de ces trois chefs avec les freres vnis en vne assemblée *regulierement conuquée*.

4. Encor en la mesme Session est la deputation faite par le Concile d'Euty chius & de seize ou dixsept autres à Vigilus pour l'inuiter de venir assister au Concile, qui respondit n'y pouuoir aller ce iour là à cause de son infirmiré, & que le lendemain il declareroit ce qui luy semble de ceste assemblée.

5. En la seconde Session Vigile est derechef inuité & appelé de la part du Concile & de l'Empereur, & respond, ne pouuoir s'assembler avec eux, d'autant qu'il y auoit grand nombre d'euesques Orientaux & fort peu d'Occidentaux estoient avec luy, mais qu'il declarera à part son opinion, & la presentera à l'Empereur. Ce que le Concile trouue mauuais: Et aussi le refus fait par quelques Africains, & Occidentaux, de ne pouuoir sans le Pape, & sans leur Archeuesque adister en leur assemblée. En suite dequoy & en l'absence de Vigilus & des autres Euesques Occidentaux & Africains le Concile passa outre à la condamnation de Theodorus, Theodorér, & Ibas & de leur doctrine, & les Anathematiza.

6. Nicephore au liure dixseptiesme de son histoire, chap. 27. dit que Vigile refusa d'assister au Concile pour n'estre contraint de s'assembler apres Euty chius Patriarche de Constantinople qui y presidoit. Ce qui n'est pas trop vraysemblable, veu meismes que tout le Concile luy auoit deféré la presidence comme au premier Patriarche: Mais que la principale raison fust, parce qu'il estoit de contraire sentiment à celuy & de l'Empereur & du Concile, non obstant ses priuées declarations ou dissimulations: A cause dequoy il fut enuoyé en Exil, & toutesfois tous ses successeurs ont approuué la decision de ce Concile, & l'ont rendu pour legitime.

7. Il appert donc clerement que l'Empereur Iustinian n'estoit point de l'opinion du Pape: Primò en ce qu'il a luy mesme conuqué le Concile. Secundò qu'il a appelé Vigilus comme les autres:


Tertio, qu'il dit que les Empereurs ont conuocqué les Conciles precedents: Quarto, en ce aussi qu'il dit que le moyen pour extirper les heresies est la tenue des Conciles: Quinto, en ce que parlant des Docteurs de l'Eglise il met ceux de Rome en dernier lieu: Sexto, finalement en ce qu'il condamne Vigile & l'enuoye en exil.

8. Moins le Concile tenoit-il Vigile pour son superieur & qu'à luy seul appartinst de decider les questions de la foy, puis que au lieu de receuoir loy de luy, & d'effectuer ses commandemens en toute humilité, & l'aller trouuer en corps, ils l'ont cité, & en son absence & contre sa volonté ont passé outre & decidé les questions tres-importantes par la Parole de Dieu, decision des quatre Conciles, & doctrine des Peres, au nombre desquels, mais en dernier lieu, ils ont mis Leon Euesque de Rome.

9. Vigile mesme n'estoit pas de l'opinion des Papes modernes, car autrement il eust dit à l'Empereur & au Concile, qu'il estoit chef de l'Eglise, souuerain tant au spirituel, qu'au temporel, qu'à luy appartenoit de conuocquer, approuuer, ou reprouuer les Conciles, & decider les questions de la foy: pouuoit iuger de tout le monde sans estre iugé de personne; Mais il n'y pensa pas, ou du moins n'en osa ouurir la bouche: voire mesmes tient-on qu'il a approuué depuis ce Concile.

## CHAP. XIX.

*Des Conciles de Constantinople sixiesme & septiesme  
O Ecumeniques.*

1.  N l'an de nostre Seigneur [ 680. ] Constantin Pogonatus Empereur conuoca le sixiesme Concile vniuersel pour remedier à l'heresie des Monothelites.

2. Par ses lettres à Agathon Euesque de Rome, qui sont au commencement des actes de ce Concile, il l'exhorte d'enuoyer des personages viles, modestes, ayans la cognoissance de toute la doctrine inspirée de Dieu, & l'experience requise pour représenter sa personne & celle de son Concile, assauoir trois de son eglise, & douze Metropolitains de son Concile, & seize Moines qui apportent avec eux les liures necessaires.

3. Agathon

3. Agathon par sa lettre qui est en la Session quatriesme, respondant à l'Empereur, se recognoit son bien-humble seruiteur, luy dit que sa petitesse a mis de bon cœur à execution ses commandemens, & fait assembler son Concile en ceste ville de Rome tres-humble seruant de sa serenissime principauté. Et en effect il enuoya incontinent ses Deputez & ceux de son Concile à Constantinople.

4. Par ce sixiesme Concile, auquel presida Constantin mesme, l'heresie des Monothelites fust condannée, & Macarius Patriarche d'Antioche entaché d'icelle, déposé & autres Anathematisez; entre iceux Honorius Euesque de Rome.

5. Ce Concile ne fist aucuns Canons pour la discipline Ecclesiastique, c'est pourquoy quatre ou cinq ans apres l'Empereur Iustinian second fils de Constantin conuoca encor le mesme Concile aux fins de dresser des Canons, comme est expressément porté par l'epistre dudit Synode escrete à Iustinian mesme, & laquelle est rapportée par Gratian, *C. habeo, &c. quoniam, dist. 16.* A cause de quoy ces deux Conciles ne sont prins que pour vn par plusieurs.

6. Ce Concile septiesme ou suite du sixiesme fust tenu à Constantinople au Palais de *Trullus*. Il dressa cent & deux Canons, dont plusieurs sont contraires à l'opinion & doctrine du Pape.

7. Au premier Canon ils approuuent les decisions des six precedents Conciles vniuersels, & notamment la condannation des Monothelites, & entre iceux de *Honorius Euesque de Rome.*

8. Par le second ils confirment & autorisent les quatre vingts & cinq Canons attribuez aux Apostres, & ceux des Conciles de Nicée, Ancyre, &c. Et inhibent d'en receuoir aucuns autres.

9. Au 13. concernant le Mariage des Prestres ou Diacres; ils expriment nommément que c'est contre le Canon de l'Eglise Romaine.

10. Le 36. confirme les decisions des Conciles de Constantinople & de Chalcedone, & egale entierement mesmes es choses Ecclesiastiques les Euesques de Rome & de Constantinople, & a esté employé par Gratian, *C. Renouantes, dist. 22.* mais tronqué.

11. Le 38. confirme le 12. de Chalcedone, que l'ordre Ecclesiastique doit imiter le Civil.

12. Le 55. est tel, D'autant que nous auons esté aduertis qu'en la Cité de Rome on ieusne es iours de *Sabmedi* durant les Saints iours de Carême contre la coustume baillée par tradition à l'Eglise, Il

a esté trouué bon par le Sainct Synode, que le Canon soit inuiolemment obserué *en l'Eglise de Rome*, qui dit : Si quelque Clerc est trouué ieusner le Sainct iour de Dimanche ou Sabmedi, excepté vn seul, qu'il soit depolé: Et si c'est vn Laic, qu'il soit excommunié.

13. Ce sont donc les empereurs qui ont conuoqué ces deux Conciles: qui y ont appellé les Euesques de Rome comme les autres: leur ont prescript ce qu'ils deuoyent faire, & quel nombre d'Euesques ils deuoyent enuoyer au Concile, & de quelle qualité: Parlans de Rome l'ont appellée nostre Ville; Et Agathon reciproquement escriuant à l'Empereur l'appelle vostre Cité seruite, & se dit son petit & humble seruiteur.

14. Ce sont ces deux Conciles qui iugent & determinent absolument des questions de la foy; qui condamnent la memoire d'Honorius premier Patriarche de l'Empire pour heresie, & ainsi declarent que l'Euesque de Rome est leur subiect, & qu'il n'est point infallible: qui condamnent & deposent Macarius le quatriesme Patriarche.

15. C'est ce septiesme Concile qui contre l'intention des Euesques de Rome Canonize tous les Canons attribuez aux Apostres: qui confirme le rang & privilege donné par les Conciles à l'Euesque de Constantinople: qui corrige & reforme expressément, les abus & coustume de l'Eglise de Rome, touchant les Mariages & touchant le ieusne du Sabmedi.

16. Et ne fait rien au contraire de dire que les Actes du Concile sixiesme ont esté alterés par les heretiques qui ont adiousté à iceux le nom d'Honorius, & que les Euesques de Rome n'ont iamais approuué tous les Canons du septiesme.


17. Car concernant Honorius, il ne se trouue pas seulement entre mis entre les heretiques es Actes du Concile, mais aussi en l'edict de Constantin, en la lettre Synodale escriite à Agathon par ce Concile sixiesme: & qui plus est cela est repeté par la lettre escriite à Iustinian par le septiesme Concile qui est au commencement des Canons d'iceluy, qu'on ne dit pas auoir esté alterée.

18. Et quant à l'approbation ou improbation du Pape, cela est hors de propos & n'est point question de cela: Car soit que lesdits Conciles ayent bien ou mal procedé & ordonné, & qu'ils soyent approuuez ou non; tousiours est-il euident qu'ils ne sont point de l'opinion du Pape, & ne le tiennent pas pour souverain & infallible.



## CHAP. XX.

*Des Conciles tenus à Constantinople au commencement du huitième  
Siccle sur le fait des Images: Et du 2. Concile de Née: Et du Concile  
de Francfort.*

1.  NVIRON l'an [712.] de nostre Seigneur, fust tenu à Constantinople, de l'autorité de l'Empereur Philippius, vn grand Synode, par lequel l'opinion des Monothéistes fust confirmée & la decision du sixiesme Concile de Constantinople reprouuée: Et en suite de ce ordonné que les peintures des six Conciles Occumeniques seroyent ostées du temple où elles auoyent esté mises.

2. Dequoy estant aduerti Constantin euesque de Rome, il conuoca son Concile, & par iceluy fist ordonner que les Images des Peres desdits six Conciles seroyent mises au temple de S. Pierre pour tesmoigner qu'il approuuoit la determination d'iceux: fist excommunier l'Empereur Philippique, & ordonner que son effigie seroit ostée de l'Eglise & la monnoye battue sous son nom descriée, & defendüe.

3. Mais vn autre Concile conuocé à Constantinople enuiron l'an [730.] de nostre Seigneur, defendit entierement le culte & veneration des Images, & l'Empereur Leon les fist brusler publiquement par Edi&.

4. Au contraire l'an suiuant Gregoire 3. Pape de Rome assembla vn tresgrand Concile par lequel l'vsage des Images est approuué, & les abbateurs & briseurs d'icelles excommuniez, Et nommément Leon, qui en oultre est déclaré decheu de la dignité Impériale, & defendu à tous de luy payer de là en auant aucuns tributs ou imposts & de luy prester obeïssance.

5. Derechef l'Empereur Constantin successeur de Leon en l'an [753.] de nostre Seigneur conuoca à Constantinople vn autre Concile de 338, euesques, qui se qualifie vniuersel, par lequel l'vsage des Images est condamné & prohibé d'en faire à l'aduenir, & les défenseurs d'icelles Anathematisez.

6. Mais l'an [787.] de nostre Seigneur Constantin septiesme & Irene sa mere conuokerent vn autre Concile à Constantinople, où Adrian fust inuité, comme les autres, & y enuoya ses Depu-

tez: En iceluy presidant Tarasius Euesque de Constantinople, fust traitée par la Parole de Dieu la question des Images: Tellement que Irene qui en desiroit la reception, perdant esperance de pouuoir en ce lieu là paruenir à son intention, rompit l'assemblée & l'assigna en la ville de Nicée. Ce Concile fust appellé le septiesme vniuersel.

7. Les Deputez d'Adrian y sont nommez les premiers, & Tarasius Patriarche de Constantinople est nommé le 2: & est appellé en la premiere seance le tres-sainct & supreme Pasteur, & Recteur, President de la ville Imperiale de Constantinople, nouuelle Rome, & en tous les actes fait l'office de President.

8. Par ce Concile commencé à Constantinople, continué & fini à Nicée, le precedent Concile improuuant l'usage & veneration des images est condamné: et ordonné que les images de nostre Seigneur, de la Sainte Vierge, des Anges, & des autres Saints & Saintes, deuoyent estre faites, consacrées, & mises és temples, saluées, venerées & adorées; non toutesfois du culte de vraye latricie: d'autant disent-ils que qui adore l'image, adore en icelle ce qu'elle represente.

9. Mais derechef en l'an [ 794. ] Charlemagne lors seulement Roy de France conuoca vn fort grand Concile à Francfort des Euesques de Gaule, Allemagne & Italie, où Adrian Euesque de Rome enuoya ses Deputez pour cuidoier faire approuuer la determination du second Concile de Nicée, ce qu'il ne put: Car bien que ce Concile de Francfort n'approuast pas le brisement & abatement des images, toutesfois il en condamna expressement l'adoration, le culte & veneration, comme cōtraire à la Parole de Dieu: Tesmoin Hincmarus Archeuesque de Reims qui viuoit en l'an [ 858. ] au chap. 20. de son traité contre Hincmarus euesque de Laon, où mesmes il dit qu'estant fort ieune il leut au Palais vn assez gros volume fait contre ce Concile, par lequel l'adoration des images estoit approuuée, & lequel volume l'Empereur enuoya à Rome par certains euesques.

10. Ces Conciles de Constantinople, Nicée, & Francfort, quoy que contraires les vns aux autres, bōs ou mauuais, sont neaumoins tous contraires à l'opinion & doctrine du Pape. Car ils n'ont point esté conuocquez par le Pape, mais par les Empereurs, ou par le Roy de France: Ils traittent & decident des questions de la foy sans exception ou reservation aucune, au lieu de se tenir à ce qui en auoit  
— de fia.

desia esté ordonné par le Pape, voire ceux de Constantinople, & de Francfort sont expressement contre les determinations de l'Euesque de Rome concernant les Images.

11. Celuy de Nicée particulièrement, quoy qu'au fait de l'adoration & veneration des images il conuienne à l'opinion du Pape, si est-ce qu'il luy est contraire: Primò, en ce que le Pape ne l'a point conuoqué, mais Irene & l'Empereur son fils: Secundò, que Adrian y a esté appellé & y a enuoyé ses Deputez comme les autres: Tertio, en ce que Adrian escriuant à Constantin & à Irene, se dit & recognoit *leur seruiteur*, & parlant de Rome dit *vostre ville*: Quartò, en ce que les Legats d'Adrian n'y ont point presidé, mais Tarasius: Quintò, en ce que soit par les lettres des Empereurs ou par les actes du Concile, Adrian n'est point qualifié sinon Pape de l'ancienne Rome, & Tarasius Euesque de Constantinople est appellé, Patriarche vniuersel & General: Sextò, en ce que en l'Epistre Synodale escrite à Adrian, le Concile luy donnant aduis de ce qui s'estoit passé, luy dit, que pour *quelque prerogative* il auoit fait premierement lire ses lettres: Car par là ils declarent assez qu'ils n'y estoient pas tenus soit de droit diuin, ou humain: & moins encor qu'ils fussent obligez de suiure son opinion absolument, & sans autre disquisition, comme estant au dessus des Conciles & infail-  
lible.


12. Et qui plus est les Euesques de ce second Concile de Nicée en leur Epistre Synodale à Adrian qu'ils ne qualifient que frere, Communiſtre & Pape de l'ancienne Rome, interpretent ces paroles *sur ceste pierre i'e d'ifieray mon Eglise*, autrement que ne fait le Pape, assauoir que l'Eglise est fondée sur Iesus Christ & non sur S Pierre: Voici leurs propres paroles, Christ nostre Dieu, assauoir la pierre sur laquelle nous sommes fondez, n'a point voulu permettre que ceste robe sans couſture, assauoir son Eglise Catholique, qu'il a bastie luy mesme & sur luy mesme, fust plus long temps diuisée & deschirée.

13. Le Concile de Francfort fust conuoqué par Charlemagne, principalement pour arrester le cours de l'heresie d'Elipandus Archeuesque de Toledé, qui affermoit que nostre Seigneur Iesus Christ estoit Fils adoptif de Dieu: Et pour cuider persuader ion opinion, en auoit escrit des grandes lettres en general aux Eglises de France, & quatre en particulier au Roy Charles: Le Roy donc comme appert par sa lettre escrite à Elipandus, qui est au second

volume des Conciles, à la fin des actes de cestuy-cy, ne se contenta pas d'auoir sur cela l'aduis d'Adrian & de l'Eglise de Rome : mais en consulta avec les principaux Docteurs & Euesques d'Italie, comme de Milan, d'Aquilée & d'autres. Et qui plus est conuoca les Euesques quasi de tous les endroits de sa domination, y ayant mesmes appellé quelques grands personages de la grand' Bretagne, afin que ceste question estant exactement examinée par grand nombre des doctes & sçauans personages & Saints Peres, il fust resolu sur ce subiect ce qu'il en faut croire : Et enuoya à Elipandus, & à ses adherans, non seulement les escriits, & libelles d'Adrian, mais aussi des euesques de Milan, Aquilée & autres, & encor la decision du Concile; & en quatriesme lieu son aduis, puis qu'il l'auoit desiré : Charlemagne donc ne croyoit pas que l'euesque de Rome fust seul iuge souuerain des questions de la foy, qu'il ne pust errer & qu'il fust par dessus les Conciles.

## C H A P. XXI.

*Du Concile de Pise.*

1.  E Concile de Pise fust tenu en l'an de nostre Seigneur [ 1409. ] pour remedier au schisme qui auoit desia duré pres de 30. ans, descript amplement par Theodoric à Niem.

2. Il y auoit lors deux Antipapes, assauoir Pierre de la Lune dict Benedict treiziesme, & Angelus Corarius dict Gregoire douziesme: tellement que les Cardinaux de l'une & de l'autre obediencie s'estans assemblez & accordez conuoquerent ce Concile.

3. Par ce Concile ces deux Papes furent declarez heretiques & deposez, la sentence est rapportée par le dict Theodoric à Niem au 44. chapitre du liure troisieme de son œuvre en ces mots.

4. Apres auoir inuoké le nom de Christ, le Saint & vniuersel Synode representant l'Eglise vniuerselle, à laquelle appartient la cognoissance & decision de cest affaire, assemblé par la grace du Saint Esprit en ceste eglise maieure de Pise, & icy seants en tribunal ayant veu & diligemment examiné tout, les choses produites, prouuées & agitées en la presente cause de l'vnion de l'Eglise, de la foy, & du schisme contre Pierre de la Lune & Angelus Corarius appellé cy deuant Benedict treiziesme, & Gregoire douziesme,

me, les declare tous deux auoir esté & estre notoires Schismatiques, & nourrisiers, défenseurs, fauteurs, approbateurs & mainteneurs pertinax du schisme condamné, & aussi heretiques, errans en la foy, entachez des notoires & enormes crimes de periure, scâdalifateurs notoires de la Sainte & vniuerselle Eglise de Dieu, avec vne contumace incorrigible & pertinacité notoire, euidente & manifeste: Et que pour ces causes & autres ils se sont rendus indignes de tout honneur & dignité mesmes Papale: Et que à cause desdites iniquitez, crimes & excès selon Dieu & les saints Canons, ils sont de fait priués de toute domination & gouuernement, & retranchez de l'Eglise: Eneaumoins par ceste lieenne sentence definitive il reierte & retranche le dict Pierre de la Lune & Angelus & chascun d'eux, & leur inhibe de se dire ou porter pour souverain Pontife: Declare tous Chrestiens, bien que ornez de qualité Imperiale, Royale, ou autre quelconque, absous pour iamais de leur obediencce nonobstant tous sermens par lesquels ils leur pourroyent estre obligez, defend à tous fideles Chrestiens de leur obeïr en aucune sorte, & de leur donner aucun conseil, aide, ou faueur, les retirer ou receler sous peine d'excommunication, & sous les autres peines portées & infligées par les saints Canons: declare nulles, casse & reuoque toutes les sentences d'excommunication, censure, & autres peines faites par lesdits de la Lune & Lange contre Messieurs les Cardinaux.

5. Voila comme les Cardinaux, euesques, & autres qui assistent à ce Concile croyoyent que le Pape estoit par dessus les Conciles: qu'il pouuoit iuger tout le monde, & n'estre iugé de personne, & qu'il ne peut errer.

6. Et ne seruiroit de dire que ce Concile estoit illegitime, n'estant point conuocé par le Pape, & ayant trop entrepris: Car premierement cela est nié, & Theodoric à Niem au chap. 38. du mesme liure sôstient que c'est vn erreur, dequoy il est taxé mal à propos par Binius: Secondement ce Concile a esté approuué par les Papes souuans, Alexandre cinquiesme & Iean 24: Tiercement soit que ce Concile aye esté legitime ou non: & qu'il aye bien ou mal iugé: tousiours est-il prouué, que ce Concile & tous ceux qui

l'ont approuué, comme l'Empereur, & les Rois de France, d'Angleterre & toutes les eglises de leurs empires & Royaumes, estoient de contraire opinion à

celle du Pape.

## CHAP. XXII.

*Du Concile de Constance.*

1. **A** P R E S que les deux Antipapes Gregoire douziesme & Benediët treiziesme, eurent esté declarez heretiques & deposez par le Concile de Pise, les Cardinaux y assistans esleurent Pape Pierre de Candie Cardinal (ainsi appellé parce que luy mesme ne sçauoit pas le nom de son Pere) qui fust nommé Alexandre cinquiesme qui ne vescu qu'environ dix mois apres la consecration : Apres la mort duquel les mesmes Cardinaux esleurent Balthasar de Sainët Eustache lors Cardinal, qui fust appellé Iean vingttroisiesme ou vingtquatriesme. Et ainsi il y auoit lors trois Antipapes furuians se condamnans les vns les autres: Et par ce moyen le schisme en effect estoit plustost accru qu'esteint.

2. Iean donc vingttroisiesme ou vingtquatriesme par l'aduis de l'Empereur Sigismond en l'année [1414.] ordonna que la continuation du Concile de Pise se feroit en la ville de Constance & y conuoca tous ceux qui ont voix deliberatiue en iceluy, l'Empereur & tous les Princes Chrestiens.

3. L'ouuerture de ce Concile fust faite par le Pape mesme en la presence de l'Empereur. En la deuxiesme Session le Pape Iean offrit de renoncer au Papat pourueu que ses deux Competiteurs en fissent de mesme, sçachant bien qu'ils n'en feroient rien.

4. Mais ayant recognu que l'intention du Concile estoit qu'il renonçast purement & simplement: Et mesmes qu'en la quatriesme Session auoit esté fait le Canon suiuant, par lequel le Concile est déclaré estre Superieur & luge du Pape, il s'enfuit de nuict en habit dissimulé.

5. Le Canon est tel : Ce Synode legitimelement assemblé au & Esprit faisant le Concile General, representant l'Eglise Catholique militante, a immediatement la puissance de Christ, auquel chascun, de quelque estat & dignité qu'il soit, mesmes le Pape, est tenu d'obeir és choses qui concernent la foy, & l'extirpation des schismes & la generale reformation au chef & és membres.

6. Le Concile donc condamna & deposa le Pape Iean pour vne infinité d'excez & crimes enormes dont il fut accusé & conuaincu: condamna aussi & deposa ses Cöpetiteurs Gregoire douziesme & Be-




& Benedict 13. & declara qu'aucun de ces trois ne pourroit à l'advenir estre esleu Pape. Et finalement esleut pour Pape Odo Columna Cardinal qui fut appellé Martin 3. ou 5.

7. On ne peut donc douter, que ce Concile ne soit aussi entierement contraire à l'opinion du Pape, puis qu'il depose & crée les Papes: & a fait loy generale contraire à celle du Pape.

## CHAP. XXIII.

*Du Concile de Basle, & du Concile & assemblée  
de Bourges.*

1.  E Concile de Constance ne se contenta pas d'auoir declaré, que le Concile est par dessus le Pape, & d'auoir condamné & depose les trois Papes competeurs: mais pourueut aussi à ce que iamais vn Concile ne fust fini & separé, que premierement vn autre Concile ne fust assigné en certain lieu.

2. A ces fins en la Session 39. ce Canon fut ainsi résolu: Nous decretons, decernons & ordonnons par cest Edit perpetuel, qu'à l'aduenir les Conciles generaux soyent celebrés en ceste sorte: Que le premier Concile se tienne dans cinq ans immediatement suiuan la fin de cestuy-ci: Le second, dans sept ans immediatement suiuan la fin de cestuy-là: & delà en auant perpetuellement de dix en dix ans, és lieux que le Souuerain Pontife du consentement du Concile, ou en son defaut par le Concile mesme, sera tenu de nommer, & assigner vn mois auant la fin dudit Concile, afin qu'ainsi par certaine continuation, il y aye tousiours vn Concile sur pieds, ou qu'il soit attendu par l'assignation du iour & terme: lequel terme il sera permis au Souuerain Pontife de l'aduis de ses freres les Cardinaux de l'Eglise Romaine, d'accourir pour les accidents qui pourroyent arriuer: mais non de le prolonger aucunement.

3. En suite de ce Canon la prochaine tenue du Concile fut assignée à Paue dans cinq ans apres, & y fut commencée: & depuis continuée à Sienn, & finalement le Concile en l'année 1431. fut transferé à Basle.

4. Ce Concile de Basle confirme entierement la decision de celuy de Constance, touchant le pouuoir du Concile par dessus le Pape, & declare ces trois maximes suiuentes estre veritez Catholiques: 1. Que le Concile general est au dessus du Pape: 2. Que le Pape ne peut dissoudre, differer, ni transferer le Concile que de son consentement: Que qui nie ces veritez, est heretique. Et en suite de ce condamne, & depose Eugene quatriesme Pape, & eslit en sa place Amé Duc de Sauoye, qui fut appellé Felix quatriesme, qui promit & iura d'executer & d'observer les Decrets des Conciles de Constance & de Basle, & de procurer suiuant iceux la celebration des Conciles generaux.

5. Ce mesme Concile fit encor plusieurs autres Decrets & Canons, touchant les elections, reseruations, collations des benefices, dispenses, annates & autres abus du Pape & de la Cour de Rome, qui furent pour la plus grande partie approuués & receus en France, par ceste grande assemblée, & celebre Concile tenu à Bourges en l'année 1438. & authorisés par Edict perpetuel, & pragmatique Sanction du Roy Charles VII. dont a esté parlé au *chap. 20.* du 3. liure.

6. Ces Conciles donc de Basle & de Bourges n'estoyent pas de l'opinion des Papes modernes, touchant le pouuoir qu'ils s'attribuent.

F I N



*Fautes glissees en l'impression du liure de la Puissance du  
Pape. En la premiere partie.*

**P**age 16. ligne 23. au lieu d'Atera, lisez à recta. Pag. 18. ligne 30. ne pouuoit l.  
ne pouuoir. Pag. 32. lig. 17. desfense. l. d'offense. Pag. 33. lig. 14. à certain l.  
en certain. Pag. 39. lig. 20. confetuation. l. confection. Pag. 40. lig. antepaul-  
uisme ruement l. aduenement. Pag. 43. lig. 11. subuersion l. subiection. Pag.  
51. lig. 15. pour l. peut. Pag. 55. lig. 7. treuvent l. tiennent. Pag. 59. lig. 4. apres ces  
mots autres Euefques, ont esté obmis ceux cy, plusieurs docteurs tant &c. Pag. 65.  
l. g. 30. pour l. sur. Pag. 71. lig. 26. entendue, l. entendue. Pag. 77. lig. 10. in à ex-  
cogito l. en à excogité. Pag. 91. lig. 30. Sardigne, l. Sardique. Pag. 98. lig. 14. Pe-  
lagius l. Pelagius. Pag. 109. l. g. 15. propre, l. premier. Pag. 115. lig. penult. apres ces  
mots. (l'Empereur preche aux) a esté obmis & faut adjoûter, choses, & personnes  
seuheres, & le Pape preside aux spirituelles, &c. Pag. 131. lig. 22. liure 15. l. liure 10. Pag.  
132. lig. 13. au parauant, l. partant. Pag. 133. lig. 3. venerable, l. veritable. Pag. 136. lig. 26.  
Sardigne, l. Sardique. Pag. 138. lig. 1. aueu, l. a voulu. Pag. 142. lig. 14. hommes l.  
Euefques ibid. lig. 36. responce, l. reigle. Pag. 143. l. 11. Papes, l. pays. Pag. 148. lig.  
30. apres l'Euefque adioûtlés de Rome. Pag. 152. lig. 25. trouuée, l. terminée. Ibid.  
lig. 26. trouue, l. preuue. Pag. 162. lig. 14. veu, l. creu. Pag. 169. lig. 34. apres le mot  
clausé, faut mettre à cause de. Pag. 170. lig. 13. droit, l. decret. Ibid. lig. 26. droit,  
l. decret. Pag. 171. lig. 18. d'Afrique, l. Alexandrie. Pag. 179. lig. 29. a mesme, l. a mis.  
Pag. 195. lig. 20. absurde, l. obserué. Pag. 197. lig. 4. la dignité, l. la dignité. Ibid.  
lig. 8. apres le mot donnant, a esté obmis, aus aux. Pag. 214. lig. 7. lectures, l. docteurs.

*En la seconde partie.*

**P**age 1. faut tayer ce qui a esté adjoûté apres le 4. chapitre commençant Des passa-  
ges, &c. parce que cela fait partie dudit quatriesme chapitre. Pag. 19. lig. 25. au  
lieu de celle, l. celles. Pag. 35. lig. 24. en fait. l. au fait. Pag. 36. lig. 9. apres ces di-  
ctions, non aux, faut adjoûter, autres. Pag. 46. lig. 9. au lieu de ou la pierre. Lon  
la Pierre. Pag. 51. lig. 34. instruire l. introduire. Pag. 55. lig. 31. & 36. Liuius l. Li-  
nus. Pag. 62. lig. 26. aussi l. ainsi. & lig. penult. Ancon, l. autruy. Pag. 65. lig. 25. de De ce  
rayé de. Pag. 76. lig. 1. doiuent autre, l. donnent autre. Pag. 84. lig. 9. Pontifical  
l. Pontifical. Pag. 87. lig. 20. d'Aelze l. Helie. Pag. 89. lig. 30. Zouare. l. Zonate. &  
l. 38. ou penult. Colesyne, l. Colesyrie. Pag. 100. lig. 25. apres la diction ou a esté  
obmise celle du, ainsi ou du Prestre. Pag. 104. lig. 19. des Canons l. les Canons, &  
lig. 32. prius l. primz. Pag. 106. lig. 25. diuers, l. Denis le Petit. Pag. 112. lig. 33.  
l'ellrigue l. l'Étrique. Pag. 124. lig. 32. approuuée, l. preuouée.

V A I

1531806









165.  
E.  
19.



